

Олимжон Давлатов

МАЛЬНОЛАР  
ХАЗИНАСИ

Иккинчи китоб

Алишер Навоий ғазалларига шарҳлар





Олимжон Давлатов

# МАЙНОЛАР ХАЗИНASI

- 086 -

ниб.  
иib.

ниб.  
моп,  
иib.

б.  
б.

16.

Алишер Навоий  
ғазалларига шарҳлар

Иккинчи китоб

"TAMADDUN"  
Тошкент  
2021

OLIV VA O'RTA FRAXYUS TAYLIB KASI  
TOSHKENT VILOYATI CHIRCHIQ  
DAVLAT PEDAGOGIKA INSTITUTI  
AXBOROT RESURS MARKAZI

821  
8-14

уўқ 821.512.133.06(091)  
КБК 83. 3(5у)

Д 14

Давлатов, Олимжон.

Алишер Навоий «Маънолар хазинаси» [Матн] Ж. 2: асар /  
О. Давлатов. – Тошкент: «Тамаддун», 2021. - 360 б.

уўқ 821.512.133.06(091)



**“ЁР ИЛА ХҮЙ АЙЛАГАН КҮНГЛУМ ЭРУР  
УЛ НАВЬ КУШ...”**

**«Ғаройиб ус сигар», 56-ғазал**

**Масъул мухаррир:**

Мусталихиддин МУХИДДИНОВ,  
филология фанлари доктори, профессор,  
Ўзбекистонда хизмат кўрсатган ёшлар мураббийси

**Такризчилар:**

Боқижон Тўхлиев,  
филология фанлари доктори, профессор  
Дилнавоз ЮСУПОВА,  
филология фанлари доктори, доцент

Сўзи ҳажринг ичра ҳар дам завълиғ жисмим ёниб,  
ўтка тушган қил масаллик ўртандурмен тўлғаниб.

Очқил ўтлуғ оразинг, эй шамъким, парвонадек  
ўртаний бошинг уза бир неча қатла айланниб.

Солғасен оламфа ўт, гар гул совуғи тобидин  
Гунчадек гулшанаға чиксанг хуллаларға чирманиб.

Бийм эрурким, оғарининишдин чиқарғайсен димор,  
Базмдин усрук чиқиб, майдонға чопсанг отланиб.

Ушибу китобдан булоқ шоир ва мутафаккир, ўзбек мумтоз  
адабиётининг асосчиси Ҳазрат Алишер Навоийнинг “Ғаройиб  
ус-сигар” девонидаги ғазалларига ёзилган шарҳлар ўрин олган.  
Ҳар бир ғазал lugat, настрий баён ҳамда шарҳ ва изоҳлар билан  
келитилган. Умид қиласмизи, Ҳазрат Навоийнинг сирру си-  
ноатга тўла бадиият оламига ошно этувчи ушибу шарҳлар ёш  
авлоднинг китобхонлик маъданиятини юксалтириб, ватаннапар-  
варлик ва миллатсеварлик руҳида камол топшига ижобий  
татъсир кўрсатади.

**ISBN 978-9943-5120-7-8**

Эй Навоий, тушта гар кўрмак ани мумкин эса,  
Барча гар худ сўнгги уйкудур, негарсен уйғаниб.

## ЛУФАТ

Сүз – оташ, ҳарорат  
Масаллик – кабы, сингари  
Ораз – чөхра, юз  
Катла – маротаба  
Тоб – шиддат  
Хулла – кийш  
Бийм – күркүв.  
Офариниш – олам  
Диморини чикариши – жонини олиш, қийнаб ҳалок  
қилиши  
Усрук – масть  
Хүй айламоқ – одатланмоқ  
Осоиши – хотиржамлик  
Суд – фойда  
Ганж – хазина  
Загф – беморлик  
Худ – ўзи

вона каби бошиңг узра бир неча марта айланиб, ўртана-ўргтана жонимни фидо этайин.

• Агар баҳордаги совук ҳаво шиддатидан нағис кийимларга гүнчадек чирманиб, гулшан сайрига чиқсанг, аминманки, оламга ўт күясан.

• Базмдан мастона чиқиб, майдонга отланаб чолсанг, бутун борликни қийнаб жонини оласан, деб күркәман.

• Ёрга ўрганиб қолган күнглим полапонлигидан эгасига ўрганиб қолган күшдек ундан ажрала олмайди.

• Модомики, бойлигинг ҳәйтиңгта осудалик беролmas экан. Корун хазинасидай бойлик билан Нұх-дек минг йил умр күрганингдан не наф?!

• Мабодо ўлиб қолсам, беморлик давримда паризодим күйида босым тағига күйиб ётганим тошни қабрим узра ўрнатынг.

• Эй Навоий, агар ёрни тушда күрмөкнинг имкони бўлса, бу ажал уйкуси бўлса ҳамки, уйғониб нетарсен?

## ШАРХ ВА ИЗОХЛАР

### ҒАЗАЛ ВАЗНИ

Рамали мусаммани маҳзүф  
-V-- -V-- -V-- -V--  
-V-- -V-- -V-- -V--  
Фоилогтун фоилогтун фоилун

### НАСРИЙ БАЁН

• Ҳажринг оташидан бемор жисмим ўтта тушган киңл каби тўлғониб ҳар дам ёнмокда.  
• Эй ёр, шамдек ўти чехрангни очгили, токим пар-

Алишер Навоий форсий девонидаги ғазалларини уч асосий гурӯҳга – татаббүр (салоф шоирларининг муайян ғазалига издошлиқ килиш), тавр (бирор шоирнинг услубида янги ғазал яратиш) ҳамда муҳтараъ (янги, оритинал) ғазалларга бўлиб таснифлаган. Шунингдек, муҳтараъ ғазалларига татаббүт тарикасида ҳам бир туркум ғазаллар яратган. Таҳдил қилаётганимиз мазкур ғазални ҳам бундан олдинги ғазалнинг мантакий давоми – назира ўла-роқ яратилган деб баҳолаш мумкин. Негаки, ғазал – кофия, образлар тизими, мазмун ва моҳият; услуг

нүктай назаридан олдин кўрилган 55-сонли ғазал билан ҳамоҳанг. Фарқи шуки, олдинги ғазалда ёрнинг бекиёс гўзаллиги, ишқнинг кудрати ва ошикнинг ҳолати тавҳид масаласига боғлик ҳолда васф этилган бўлса, назира ўларок битилган янги ғазалда шоир асосан ошикнинг ишқ истилосига дуч келгандан кейинги ҳолатини тасвирлайди. Жумладан, матлатьда ошикнинг бемор жисми ҳижрон оташида ўтга тушган соч толасидек тўлғаниб ёниши тасвirlанган. Ошикнинг жисми қилга – соч толасига ташбих, қилинишининг икки жихати бор. Биринчидан, бу ўхшатиш ошикнинг ишқ кўйида заиф ва шикаста ахволга тушишининг муболагали тасвири бўлса, иккинчи томондан, бу соч толаси (ъяни ошик вужуди) мoddий дунё рамзи ўларок ишқ ўтида ёниб, фанога юз тутиши, ошикдаги башарий сифатлар йўқлика юз тутишига ҳам ишора қилинади:

*Сўзи ҳажсринг ичра ҳар дам затъфлиғ жиссим ёниб,  
Ўтқа тушган қил масаллиқ ўртманурмэн тўлғаниб.*

Шам ёнмаётган ҳолатда парвона унга талпинмайди. Олов шамнинг юзини ёриттач бу оловнинг порлаши парвонани ўзига жазб этгани каби ёрнинг талъати ишқ нуридан порлаганидан сўнг ошикнинг жони парвонадек унга талпинади. “Насойим ул-муҳаббат” да берилишича, Шайх Рўзбехон Буклий Шерозда бир куни мавъиза қилиш учун бир мажлиста бораётган эди. Йўлда бир аёлни кўрдики, кизига насиҳат қиласиди:

- Эй фарзанд, ҳуснингни элга кўп кўрсатмаки, хору беэтибор бўлур.
- Шайх деди:
- Эй насиҳатгўй, ҳусн ёлғиз ва танҳо қолмоққа

рози эмас. Ҳусн борича Ишқ билан яқинликини истар. Ҳусн ва Ишқ азалда ахд боғлабдурларким, бир-бирдан айри бўлмагай.

Муридлар бу сўзни эшитибок ularга онча важду ҳол юзландики, батзилари шу ҳолда жон таслим килдилар.

Байтда Ҳусн ва Ишқнинг бирлашувидан ҳосил бўладиган ҳол тасвирланган десак, хато бўлмайди:

*Очқил ўтлуг оразин, эй шамъким, парвонадек  
Ўртманай бошинг уза бир неча қатла айланаб.*

Моддият оламида Ҳақ жамолининг жилваси ўлароқ зуҳур этган ёр агар баҳор фаслида ғунчадек устма-уст ранги ҳарир киймларини кийиб, гулшанга сайрга чиққудек бўлса, оламга ўтсолади. Мабодо базмдан маст чиқиб, майдонга отланса, борлиқни ўйқуликка айлантира олади. Жаҳонга ўт солувчи бундай ёрга ошикнинг кўнгил куши худди полапонликдан эгасига ўрганган куш каби эргашиб юради, бирлаҳза ҳам ундан ажралмайди. Ҳақ ўйлида дўст тутинганлар қиёмат куни Аршининг соясида жой оладилар, дейилади ҳадиси шарифда. Шу сабабли, бундай бенгарараз дўстликка Навоий каттиқ риоя қилган. У ҳар қандай ҳолатда ҳам ёрнининг қилмишларини ризо ва таслимият билан қабул қиласиди, унинг гулшандаги лутфи ҳам, жанг майдонидаги ғазаби ҳам кўнглига хуш ёқади:

*Ёр или хўй айлаган кўнглум эрур ул навъ куш,  
Ким кишидин айрила олмас кичикдин ўрганиб.*

Насиҳат оҳангидаги битилган байтда Алишер Навоий мол-дунё тўуплаш ҳакидаги фикрларини баён этади. “Мол-дунё умрнинг осоиши учундир, умр –

бойлик түплаш учун берилмаган”, дейди Шайх Сабый. Мутафаккир шоиримиз ҳам устози каби бой бўлишга ҳеч қачон қарши бўлмаган. Унинг наздида бойлик билан пулдорлик орасида фарқ бор. Хайр-санховат кўрсатиш, одамларнинг офирини енгиллашиб, қолаверса, ибодат ва маърифат билан хотиртиш, жам шуғуланиш учун имкон берадиган мол-дунё соҳиби бўлиш хайрли ва таҳсинага сазовор амалдир. Бойликни восита эмас, максад ўлароқ қабул қилиб, бутун умрини мол-дунё йиғишига сарфлайдиган одам бой эмас, шунчаки пулдор одам деса бўлади. Бундайлар агар Нуҳ пайғамбардек минг йил умр кўриб, бутун умри давомида Коруннинг беҳисоб бойликларига эга чиқсалар-да алалокибат Корун ва унинг хазинаси каби ер остига кириб кетадилар:

*Молдин умрунга осойиш агар етмас не суд,  
Нуҳ умрин ҳосил этсанг, ганжи Корун қозғаниб.*

**“ЧАРХДИН СИДҚ АХЛИ МОТАМ ИЧРАДУР,  
ФАҲМ АЙЛАГИЛ...”**

**«Гаройиб ус сигар», 57-разал**

Хаста жоним замъфин англа, кўнглум афғонин кўруб.  
Сўрма кўнглум ёрасин, фахм эт кўзум қонин кўруб.  
Васлида латъли уза холин кўруб куйган киби,  
Ўрганурумен жонда эмди дотги хижронин кўруб.  
Водий сабримдағи хору ҳасак килдим гумон,  
Кўнглум атрофида ҳар ён нўти пайконин кўруб.

Англадим қилемиш кўзи олған кўнгул сайдига қасд,  
Ҳар тарафдин чаргатузган хайли мужгонин кўруб.

Еру кўкта истабон пайдо эмас Хизру Масих  
Қочтилар гўё дудоғинг оби хайвонин кўруб.  
Жисм боғида равон шакле тасаввур қилди акл,  
Бўстони хусн аро сарви хиромонин кўруб.

Шабнам эрмас, нарғис ашқидур недин кон йиғламас,  
Кўз юмуб очкунча гулшан умри поёнин кўруб.

Чархдин сидқ ахли мотам ичрадур, фахм айлагил,  
Ҳар саҳаргах субҳонинг чоки гирибонин кўруб.

Номасин, ваҳқим, очиб солмоқ назар мумкин эмас,  
Чун Навоий хуши зойил бўлди унвонин кўруб.

бехисоб ўқларнинг учини кўриб, сабрим водийсинг хас-хашакларига ўхшатдим.

• Саф тортган киприкларини ҳар томондан кўриб, унинг кўзлари кўнглимни овлашга қасд қилганини англадим.

• Хизр ва Масих еру кўкда кўринмайди. Улар сенинг лабингдаги ҳаёт сувини кўриб, гёй уялганларидан қочдилар.

• Хусн бўстонида ёрнинг хиром айлаб турган сарв қоматини кўриб, ақл жисм боғида жоннинг шаклини тасаввур этди.

• Наргис гулининг устида – шабнам эмас, балки кўз ёшдир. Кўз очиб юмгунча гулшаннинг умри поенига еттанини кўриб, нега қон йиғламайди, ҳайронман.

• Тонгнинг ёқаси чок бўлишини кўриб, содик ва тўғри одамлар фалак дастидан ҳамиша мотамда эканликларини англагил.

• Эвоҳ, ёрнинг номасини очиб назар солмокка имкон йўқ, чунки Навоий мактуб кимдан эканлигини кўрибок хушидан айрилди.

### ШАРҲ ВА ИЗОҲДАР

“Кўруб” радибли ушбу ғазал дийдор туфайли ҳамда дийдор соғинчидан ҳосил бўлған машаққат ва заҳматлар, қуинини ва ёнишлар, талпиниш ва интилишларнинг ифодаси ўлароқ вужудга келган. Ҳожа Абдуллоҳ Ансорийнинг “Кашф ул-асрор” ида айтилишича, айрилик азобида қолганлар уч тоифадирлар. Биринчи тоифа – ёрнинг жамолини кўргандан кейин ҳижрон азобига мубтало бўлганлар. Иккинчи тоифага ёрнинг каломини эшигтганлар ёки унинг васифидан хабардор бўлганлар киради.

## ЛУГАТ

Затоф – заифлик, беморлик  
Афғон – фіғон, нола  
Нўги пайкон – ўқнингучи  
Чарга – саф, қатор  
Хайл – кўшин, лашкар; зуруҳ  
Мужгон – киприк  
Дудоғ – лаб

Оби ҳайон – ҳаёт суви  
Равон – жон, руҳ; юрувчи  
Сидқ аҳли – тўғри кишилар  
Фахм айламоқ – англамоқ  
Гирибон – ёқа.  
Зойил – ўйқ бўлиш  
Унвон – мактубнинг муҳри; адресат

Рамали мусаммани маҳзуф  
-V-- -V-- -V-- -V-  
-V-- -V-- -V-- -V-  
Фоилотун фоилотун фоилотун фоилотун

### ҒАЗАЛ ВАЗНИ

### НАСРИЙ БАЁН

• Кўнглим фифонини кўриб, жонимдаги беморлик ва заифликни англа. Кўнглимдаги ишқ жароҳатини сўрама, буни кўзимнинг қонли ёшларидан билиб ол.  
• Висол ҷоғи латъи лаби устидаги холни кўриб куйганим каби энди жонимдаги хижрон дөғини кўриб ўргтанаман.  
• Кўнглим атрофида ҳар томондан санчилган

Учинчи тоифа – ёрнинг жамолини кўрмаганлар ҳам эшитмаганлар ҳам аммо унинг лутфу марҳаматидан билвосита баҳраманд бўлганлар. Улар ҳам айрилик дардидан бенасиб эмаслар.

Навоий ғазалида ёр дийдорига етишгандан сўнг хижрон водийсида қолиб кетган ошиқнинг руҳияти тасвирланган. Муборак дийдордан ҳосил бўлган улуғ дардни пинхон тутишга қанчалик жаҳд қилинmasin, кўнгил фифон чекиб, бемор ошиқнинг ҳолини ошкор этмоқда. Кўздан оқаёттан қонли ёшлар эса кўнгилнинг ишқ тифидан пора-пора бўлиб, мажрух бўлганидан гувоҳлик беради:

*Хаста жоним затъфин англа, кўнглум афғонин кўруб,  
Сўрма кўнглум ёрасин, фахум эт кўзум қонин кўруб.*

Иккинчи байт мазмунидан ошиқ бир замонлар ёрнинг дийдорига етишгани, энди эса ҳижронда ёниб адo бўлаётгани ойдинлашади. Висол пайтида ёрнинг лаъдек лабини кўриб, юзидаги чиройли холи каби ёниб қорайган бўлса, ҳижрон айёмида жондаги ҳижрон доги ёрнинг лаби ва холини эслатиб, янада баттар азоблайди. Висол ҷоғи иштиёқ олови куйдирган бўлса, айрилиқда хотиралар оташи тинчлик бермайди. Жон ва лаъд, хол ва доғи ҳижрон тимсоллари байта таносуб, ташбих ва таҳоддининг ажиб силсиласини ҳосил қилган:

*Васлида лаъли уза холин кўруб куйган киби,  
Ўртнурмен жонда эмди доги ҳижронин кўруб.*

Ошиқнинг дарди қанчалик оғир бўлмасин, унинг сабри ундан-да улуг. Висолда ҳам, ҳижронда ҳам дард ва оғриқдан бир лаҳза фориғ бўлмаган киши-

га бардош билан ёрнинг марҳамати ва мурувватини кутишдан ўзга чораси ҳам йўқ. Бу водийга қадам юйған кўнгилга ҳар томондан синовлар ўки қадалиб, товонга кирган тикондек изтироб ва халоват-сизлигини оширомоқда:

*Водийи сабримдағи хору ҳасак қилдим ғумон,  
Кўнглум атрофида ҳар ён нўги пайконин кўруб.*

Тўртинчи байтда шоир ов жараёнидаги бир ҳолатни киприк қоқилишига мутаносиб равишда келтириб, соф туркий бўлган “чарга” сўзини шеър тили таркибий қисмига айлантирган. Биламизки, туркийлар учун овчилик қадимий ва севимли машғулотлардан ҳисобланган. Овда суворийлар иккиси томондан ярим доира шаклида саф тортиб, сайдни ўргтага олиб, ҳалқани торрок қилиб, шу тариқа ўлжани тирик кўлга олишган. Кўнгиллар сайди бўлмиш ёрнинг кўзи ҳам иккиси томондан киприклардан “чарга” тузиб, дилраболик қилиши гўзал ифодаланган:

*Англадим қилмиси кўзи олған кўнгул сайдига қасд,  
Ҳар тарафдин чарга тузган хайли мужгонин кўруб.*

Исломий манбалар асосида шаклланган ишончга кўра, Хизр ва Исо Масиҳ алайҳимоссаломлар қиёматтагача тириклириш мўъжизасининг соҳиби ўликларни тириклириш мўъжизасининг соҳиби бўлган Исо Масиҳ (а.с.) Аллоҳ таолонингизни билан тирик ҳолда осмонга кўтарилиган бўлса, тириклик сувини ичиб, мантулик касб этган Хизр (а.с.) ерда адашган одамларга раҳнамолик қилиб, валийсифат зотларга ладуний илмдан сабоқ беради. Зикр этил-

раҳматдан умидвор бўлиш ҳисобланади. Негаки,  
ёр ҳеч қаҷон ўз ҳабибларига ёмонлик соғинмайди.  
Бу синовлар ёрнинг “нома”си – Лавҳи маҳфузга би-  
тилганига ишониб, чин эътиқод ва муҳаббат билан  
яшаган одамнинг оқибати хайри бўлади. Навоий  
шундай умидворлик ва кўтарики ружда ғазалга  
якун ясайди.

Ган бу пайғамбарлар ёрнинг лабидан жорий бўла-  
ётган оби ҳайвон – ўлик жонларни тирилтирувчи  
каломини кўриб, уялганидан шундай яширинганки,  
еру кўкуда улардан асар ҳам пайдо эмас, дея лутф қи-  
лади шоир:

*Еру кўкта истабон пайдо эмас Ҳиззу Масиҳ,  
Кочтилар гўё дудогинг оби ҳайвонин кўруб.*

Ёрнинг лаъли лаби, устидаги қора холи, кўнгил-  
лар сайёди бўлмиш кўзлари ва киприклари, шунинг-  
дек ҳусн бўстонида сарвдек коматини мушоҳада  
килган ошиқнинг қалб кўзи очилади. У бундан бўён  
дунёдаги ҳар бир ҳодисага ибрат кўзи билан қарай-  
ди. Наргис устидаги шудринг донаси умрнинг ҳусн  
каби бебақолигини кўриб тўкилаётган кўз ёшдек  
кўринади. Ҳар тонгда субҳи содикнинг ёқасини чок  
этиб, янги кундан мужда бериши – бу ғаддор ва хи-  
ёнаткор дунёда тўғрисўз ва ўз аҳдига содик киши-  
лар учун ғамхона эканлигига бир ишорат экани,  
пок инсонлар қайғу ва ғуссалар гирдобида яшашга  
маҳкумлигини англатади. Моҳиятни англаш ҳами-  
ша маҳзунлик келтиради. Ўз оқибатини ва охирати-  
ни ўйлаган одамнинг қисмати – тўғриликда яшаш  
ва бу тўғрилиги учун фалакнинг турли ўйинларига  
бардош қилишдан иборат:

*Чарҳдин сидқ аҳли мотам ичрадур, фахм айлагазил,  
Ҳар саҳаргаҳ субҳинги чоқи гиребонин кўруб.*

Бундай мотам ичра қолиш – тақдирни азалнинг  
иши. Тақдирни ҳеч ким билмайди ва ўзгартиrolмай-  
ди ҳам. Энг тўғри йўл – ризо ва шукроналик билан  
тақдир синовларига бардош бериш ҳамда илоҳий



# САУДА

## ЛУФАТ

“БОДА ТУТКАЧ, ДЕМА БЕХУД БҮЛДИКИМ  
УЛ КҮЭГҮДИН...”

### «Гаройиб ус сиғар», 58-ғазал

Күз ёшим бўлди равон бир нарғиси жоду кўруб,  
Тифл янглифким юргтай ҳар тараф оху кўруб.

Қолди ҳайрон зоҳид ашкимда кўруб ҳар ён хубоб  
Рустайдекки, ҳайрат айлагай ўрду кўруб.

Жон аро тийғинг кўруб кўнглум куши тузди наво,  
Тўтиедекким, такаллум айлагай кўзгу кўруб.

Водийи ишқинг макон қилди кўнгул кўргач юзунг,  
Эл биёбон ичра манзил айландек су кўруб.

Жонда ўз доғин кўруб ошиқлиғимни англади,  
Ул кишидекким, таниғай ўз кулин белту кўруб.

Бода туткач, дема бехуд бўлдиким ул кўзгудин,  
Борди хушум ёр хусни жилвасин ўтру кўруб.

Эй Навоий, дафъ ўлур холин кўруб кўхи ғамим  
Фил янглифким, ҳазимат айлагай хинду кўруб.

Тифл – гўдак, ёш бола  
Хубоб – сув устидаги пуфакчалар, кўпик  
Рустойи – қишлоқи  
Ўрду – кўшин қароргоҳи  
Такаллум – сўзламоқ  
Ўтру – рўпара  
Ҳазимат айламоқ – қочмоқ

## ҒАЗАЛ ВАЗНИ

Рамали мусаммани маҳзуз

-V-- -V-- -V-- -V-  
-V-- -V-- -V-- -V-

Фоилотун фоилотун фоилотун фоилотун

## НАСРИЙ БАЁН

- Одамни сеҳрлайдиган наргисдек бир кўзни кўриб, охуни кўрганда ортидан чопадиган ёш болалардек кўз ёшим равон бўлди.
- Зоҳид кўз ёшимдан хосил бўлган хубоб – сув устидаги кўпикларни кўриб, кўшин қароргоҳини кўрган қишлоқи содда одамлардек ҳайратга чўмди.
- Жоним аро тигингни кўрган кўнглим қуши кўзгуни кўрганда гапира бошлаган тўтикушдек наво тузди.
- Одамлар чўлнинг ўртасида сувга дуч келганда, ўша жойда яшай бошлаганлари каби кўнглим юзингни кўргач, ишқинг водийсини макон тутди.

- Кулини белгисидан таниған қишидек ёр ҳам жонимга кўйган доғини кўриб, унинг ошиғи эканлигимни билди.

- Мен шароб бергандаридан кейин маст бўлганим йўқ. Мен бода кўзгусида ёрим хуснининг жилвасини кўриб хушимдан айрилдим.
- Эй Навоий, хиндуни кўрганда фил қочиб кетгани сингари ёрнининг холини кўрсам, тоғдек қайнурамдан асар ҳам қолмайди.

## ШАРҲ ВА ИЗОҲЛАР

Шарқда “Муаллими соний” дэя улуғланган Абу Наср Форобий “Устоди аввал” – Арастунинг “Поэтика” асарини шарҳлар экан, жумладан, шундай ёзади: “Айрим шоирлар тумга қобилиятли ва шеър битишга тайёр кишилар бўлади ва улар ташбих, ва тамсил (ўхшатиши ва мисол келтириш)га лайёкатли бўладилар... Улар шеърият санъатида кўлланадиган ташбих, ва тамсиларни жуда ҳам маҳорат билан ишладилар. Бу хил шоирлар чиндан ҳам истевъодли шоирлар дейишга сазовордирлар”.

Форобий фикрларини тасдиқловчи далиллардан бири – шарҳлаётганимиз етти байти газалнинг олти байти ташбих, санъатининг талаблари асосида яратилган. Шунинг баробарида, бу байтларнинг барчаси мутлако янги ўхшатмалар, кутилмаган ўхшатишлар билан бойиган. Ёрнинг нарғис кўзига назар солган ошиқ йиғлаши шеъриятда кўп кўйланилган ҳолат, лекин бирор шоир кўз ёшни жайрон кўрганда кетидан чопқиллаган ёш болага ўхшатмаган. Мазкур ўхшатма кучли мантикий асос билан кўйланилган: ёш бола онгли равишдамас, инстинктив равишида ҳаракат қилишини биламиз. Гўдак биринчи марта сувдаги балик ёки саҳрордаги охуни кўrsa, завқданib талпинади. Аммо бақа ёки шоқолни кўrsa, кўрқиб қочади. Гўзалликка инти-

- Мен шароб бергандаридан кейин маст бўлганим йўқ. Мен бода кўзгусида ёрим хуснининг жилвасини кўриб хушимдан айрилдим.
  - Эй Навоий, хиндуни кўрганда фил қочиб кетгани сингари ёрнининг холини кўрсам, тоғдек қайнурамдан асар ҳам қолмайди.
- Фарзанд кўздеқ азиз экан, ишқ ўйлида тўкилган кўз ёшлари ҳам ноёб ва қадрли неъматdir:**

*Кўз ёшим бўлди равон бир нарғиси жоду кўруб,  
Тифл янглиғим юзургай ҳар тараф оху кўруб.*

Кейинги байтда ўргта асрлар ҳаётига хос манзара тасвирига дуч келамиз. Навоий яшаган даврда кўшин шаҳар ташқарисида қароргоҳ тузиб, сипоҳийлар ўтвларда яшаган. Кўшин қароргоҳи ўзбек тилида ўрду деб номланганд. Қишлоқдан шаҳарга томон йўл олган содда киши беҳисоб ўтовларни кўриб, шоҳнинг кудрати ва шавқатидан ҳайрон қолгандек, ишқ дардидан беҳбар зоҳидни ошикнинг беҳисоб кўз ёшларидан ҳосил бўйлан дарё устидаги кўпичкалар ҳайратга солган. Ўрду – шоҳнинг ҳашамати ва курдатидан бор-йўғи бир нишона бўлгани каби ишқ ўйлида тўкилган кўз ёшлари ҳам муҳабат салатанатининг белоёнлигидан бир белгидир, холос:

*Колди ҳайрон зоҳид ашқимда кўруб ҳар ён хубоб  
Рустоийдекки, ҳайрат айлагай ўрду кўруб.*

Учинчи байтдаги ўхшатиши мумтоз шеъриядада кўп кўйланилган. Жумладан, Ҳофиз Шерозий ғазаларининг бирида инсоннинг бирор ҳаракати ё амали “устоди азал” – Ҳақ таоло изн-иҳтиёрисиз содир

бўлмаслигини кўзугуга қараб сўзлайдиган тўтикуш образи орқали қуйидагича ифодалаган:

*Дар паси ойина тўтисифатам доштаанд,  
Он чи устоди азал гуфт, ҳамон мегўям.*

(Гаржимаси:

*Асранишилар тўтидек ойина ортинда мени,  
Неки устоди азал сўйлади, мен – унга жўр.*

Навоий бу ўхшатмага янги оҳор ва жило бериб, кўзгунни жоннинг ўртасига санчилган ялтираб турган тифга (араб имлосида “жон” сўзининг ўртадаги ҳарфи – “алиф” ҳамда тифнинг шакли китобат ва иҳом санъатининг янги намунасини хосил қилиш баробарида ёрнинг ягоналигига ишора ҳамдир), нола қиласига ўнгил кушини сўз маъносини англамай, кўзугуга қараб гапирадиган тўтига ўхшатган ва шутариقا янги ва пурмально образ-лавҳа яратади:

*Жон аро тийғинг кўруб кўнглум куши тузди наво,  
Тўтиедекким, тақалдум айлагай кўзгу кўруб.*

Ишқ водийси – анвойи чечаклар очилган сўлим макон эмас. Бу водийга йўл олган кипига ҳижрон оташининг жарорати, дард шиддати чексиз азобу машакқатларни хозирлаб кўяди. Шунингдек, гиёҳ ҳам унмайдиган такир чўлда сув кудутига дуч келган одамлар унинг атрофини макон қилгани каби ёрнинг порлөк чехрасини кўрган ошиқ ишқ водий-сини ватан қиласи:

*Водийи шикинг макон қилди кўнгугу кўргач юзунг,  
Эл биёбон ичра манзил айлагандек су кўруб.*

Бешинчи байтнинг мазмун-моҳияти учинчи байтдаги ҳолат тасвирига мантиқан боғланган. Ошиқнинг жонида ишқ шамиширининг зарбидан жароҳат изи доф бўлиб қолган. Бу донги кўрган маҳбуба қуллари кўплигидан уларни баданидаги қуллик белгисидан танигани сингари ошиқини танигандек бўлади. Одатда, қуллар хожасидан кутулмоқ мақсадида танаисига кўйдириб босилган доғли белгини пинҳон тушишга ҳаракат қиласилар. Ишқ оламида эса ошиқлар ихтиёрий равишда бандалик белгисини ифтихор билан маҳбубага кўрастаб, шу орқали унга яқинликларини ҳамда садоқат билан умрининг охиригача хизматида бўлишини изҳор этадилар. Қуллик белгиси баданда бўлса, ошиқнинг бандалик доти кўнгилда бўлади. Моддий оламда қулдор кулининг кочмаслиги учун белги кўйса, муҳаббат оламининг ҳукмдори кулларининг бор-йўқлиги унинг шавкати ва ҳашаматига заррача тарьсир кўрсатмайди. Аксинча, ишқ оламида банда бўлишилик ошиқ учун шарафли бир мақомдир:

*Жонда ўз донгин кўруб ошиқлигимни англади,  
Ул қишидекким, таниғай ўз қулин белгу кўруб.*

Ишқ водийидан маскан тонган ошиқнинг қайғулади тоғдек улкан бўлса-да, ёрнинг холини кўргац, бу қайғу тоги хиндуни кўриб кочтан фил каби бирлаҳзада ғойиб бўлади. Ирфоний манбаларда хол – ваҳдат олами, хаёт моҳиятининг тимсоли дея тарьрифланган. Филнинг жисмомий куввати хиндуниң ақл ва тадбири олдида ожиз қолганидек моддий дунё қайғу-аламлари ёрнинг тириклик мояхиятидан хабар берувчи кичик холи наздида ўз маҳбобатини йўқотиб, арзимас бир юмуш бўлиб қолади. Шоир



**“ЧАМАНДА ТОЗАЛИДИН ҲАР ҚУРУК  
ШОХЕ ЭРУР ҲАЗРО...”**

Майрамниң маңынини анлаган ин-  
сонни ўткінчи дүнённің арзимас ғұсса ва ташвиш-  
лари изтироба солмайды. Ғам-қайғусиз яшамокни  
истаган одам химматни баланд тутиб, асл манба –  
Ишқ өз Мәріифат олами сари доимий сафарда бўл-  
моғи керак. Ўшанда ҳайтига ранг ва мазмун киради,  
калбида хотиржамлик ва оғият қарор топади:

*Эй Навоий, дафъ ўлур холин кўруб кўхи ғамим  
Фил янглигким, ҳазимат айлагай ҳинду кўруб.*

**«Ғаройиб ус сугар», 59-ғазал**

Ўлукни тиргузур лаълинг Масихосо қалом айлаб,  
Такаллум чошнийисин шарбати юхийл-изом айлаб.

Азалда лаълинга сайд эткали кўнглум күшин гүё  
Қазо сайёди жонлар риштасидин ёйди дом айлаб.

Чаманда тозалиғдин ҳар қуруқ шохе эрур ҳаэрро,  
Магарким андин ўтмиш оби ҳайвоним хиром айлаб.

Агар ҳарф ўлса мұдғам, вахки, холинг нұкта  
идғомин  
Аён киlldи кўзумнинг мардуми ичра мақом айлаб.  
Не бўлгай тийра бўлмай рўзгоримким, очиб гесу  
Қаро шомимни мужлик айладинг субхумни шом  
айлаб.

Ғараз ул юзни маастур асрамоқдурким, ҳакими сунъ  
Улусқа ох этар қисмат, ани ойнағом айлаб.

Чу Ҳақдаргоҳидин мардуд этар найларсен, эй зоҳид,  
Қабули халқ учун ортуқси тоат илтизом айлаб?

Ёшингни дона, бағрингни су килким, тутти факр  
аҳли  
Хидоят күшларин бу донаву су бирла ром айлаб.



Навоий кунда чун бир курси мақсум ортмас, не суд  
Фалакдек бўлмоғинг саргашта тун-кун эҳтимом  
айлаб.

### ЛУФАТ

*Масиҳосо – Исо Масиҳ каби  
Тақаллум – сўзлаши  
Чоиний – таъм, маза  
Юҳйил-изом – сўнгакларни тирилтирувчи  
Хазро – яшил  
Мудғам – яширин  
Идғом – Куръонни тажсвид билан ўқиши қоидалари-  
дан бири. Сукунли нун ё танвин муайян ҳарфларга йў-  
ликқанида уни ўзидан кейинги ҳарф ичига киргизиб,  
ташдиид билан ўқиши  
Гесу – соч  
Муҳлиқ – ҳалокатли  
Мастур – пок, яширин  
Ҳакими сунъ – Худо  
Оғинағом – кўзгу каби порлок  
Мардуғ – рад этилган  
Ортуқси – ҳаддан зиёд, ортиқча  
Илтизом – ўзига лозим тутшиш  
Курс – парча, бўлак  
Максум – насиб этилган  
Не суд – не фойда  
Эҳтимом – сатъ-ҳаракат*

### НАСРИЙ БАЁН

- Сенинг латъли лабинг сўнгакларни тирилтирувчи шарбатни кўшиб сўзлаётганда Масиҳ каби ўлиқни тирилтиради.
- Такдири азал кўнглим кушини латълинга тутиб бермоқ учун жон томирларини ҳар томонга тузоқдек ёкиб чиқди.
- Тириклик манбаи бўлмиш ёrim хиром этиб ча- мандан ўтгач, ундаги ҳар бир куриган шоҳ Хизрдек яшнади.
- Аслида кироат чоғида айрим ҳарфлар кўш ундош бўлади, эвоҳ, холинг кўзимнинг қорачиғи ичра маком тутиб, идғом – кўш ундош ходисасини вуждуга келтириди.
- Сочингни ёйиб, кора шомимни ҳалокатли этиб, субҳими шом айлаганингдан кейин ҳаётим тийра бўлмай нима бўлсин!?
- Элнинг қисматини оҳ чекиш, ёрнинг юзини кўз- гудек мусаффо айлашидан Худонинг максади – ул юзни ёмон кўздан пинхон тутмоқдир.
- Эй зоҳид, Ҳак таоло ўз даргоҳидан рад этаркан, ҳалқка манзур бўлиш учун кўп тоат-ибодат килиб нима киласан?!
- Яхшиси, кўз ёшларинингдан дон, бағрингдан сув ярат, чунки факр аҳли хидоят кушларини шундай сув ва хўрак билан ўзларига ром эттанлар.
- Эй Навоий, ҳар куни сенинг пешонангта ёзила- диган бир парча нон ортмаса, фалакдек кечаку кун- дуз ризқ учун саргардон бўлмоғингдан не наф?!

### ҒАЗАЛ ВАЗНИ

Хазажи мусаммани солим  
V — V — V — V —  
V — V — V — V —  
Мафоййлун мафоййлун мафоййлун мафоййлун.

## ШАРХ ВА ИЗОХДАР

Азалда лаълинга сайд эткали кўнгилум күшин гўёу  
Қазо сайдёди жонларни риштасидин ёйди дом айлаб.

Разал матлаатида куръоний тимсол талмиҳ қилиниб ҳам, оятдан иктибос келтирилган. Исо Масих (а.с.) қаломи ўликларга жон киритиш хусусиятига эга бўлганини биламиз. “Юхийл-изом” эса, “Ёсин” сурасининг 78-оятидан иктибос бўлиб, унда Аллоҳнинг чириган суюкларни тирилтирувчи кудрати ҳакида сўз юритилади. Демак, ёр қаломининг Масих мўъжизаси каби мурдаларни тирилтирувчи хоссага эгалиги, қаломи эса ҳаттоқи чириган суюкларни ҳам тирилтира олиши илоҳий кудрат ва ҳикмат билан боғлик ҳодиса:

Ўлукни тиргузур лаълинг Масихосо қалом айлаб,  
Такалдум ҷошнийсин шарбати юҳийл-изом айлаб.

Ёр қаломининг жон бағишловчи хусусияти илоҳий файз туфайли экан, демак бу файздан ҳосил бўладиган ишку муҳаббат ҳам азалий ҳодиса. Навоий бу фикрни байён этишда ажойиб ўҳшатиш келтиради: юракдан бутун вужудга тарқалган томирлар баданинг тириклигини тъминловчи мухим воста эканини, томирларнинг бирортаси узилгудек бўлса, инсон ҳаёти ҳам тўхтаб қолиши фандан маълум. Томирлар ўз тузилишига кўра қушларни кўлга туширадиган тузокқа, юрак зарбини тузокқа тушган күшга ўхшатган ҳолда, шоир кўнгилнинг мұхаббат асири бўлишига “қазо сайдёди” – қисмат овчининг тадибири билан кўнгил мұхаббатга мубтало бўлишини азалий ҳодиса сифатида янги шоирана тарьбир ила ифодалаган:

26

Учинчи байтда тажниси муҳарраф санъати ихом билан қоришиқ ҳолда келиб, ўз навбатида талмиҳ санъатининг мұккаммал намунасини пайдо қилган. Биламизки, тажниснинг муҳарраф шаклида сўзларнинг араб ёзувидаги шакли эътиборга олинади. “Ҳазро” ва “Ҳизре” шаклдош сўзлар бўлиб, байт қайси шаклда ўқилса ҳам, тўлиқ маъно ҳосил бўлишини тъминлаган. Ҳаёт ва тириклик сарчашмаси бўлмиш ёр дараҳтлар новдаси япроқсиз қолган ҷамга хиром айлагудек бўлса, ҳар бир куриган шох яшнаб (ҳазро бўлиб), тириклик сувидан ичгани сабабли қаерга қадам босса, изидан майсалалар унадиган Ҳизрдек мангуплик қасб этади:

Чаманда тозалигдин ҳар куруқ шохе эрур ҳазро,  
Магарким андин ўтмииш оби ҳайвоним хиром айлаб.

Тўртинчи байтда тажвид қоидаларидан бири – идғом ҳодисасига мурожаат қилинади. Идғом (асимиляция) араб тилида сукунлик ҳарфни ҳаракатли ҳарфга киргизиб, иккисини ташидли бир ҳарф килиб (масалан, мин раббиҳимни мир-раббиҳим) ўқиш ҳодисаси тушунилади. Ёрнинг қора холи кўз корачиғи ичра маком тутиши, кўз ва хол бирлигидан янги қоида – нукта идғоми пайдо бўлди, дейди шоир:

Агар ҳарф ўлса мудғам, еаҳуки, холине нуқта идғомин  
Аён қилди кўзумнинг мардуми ичра маком айлаб.

Ғазалдаги бешинчи байт ҳам алоҳида изоҳни талаб қиласи. Шундай маъно бошқача шаклда Ҳофиз

27



## ЛУГАТ

**“ЧАРХ УШШОҚ ОХИ ЎҚИДИН МАГАР  
ВАҲМ ЭТДИКИМ...”**

### «Гаройиб ус сифар», 60-ғазал

Кон ёшим йўлунгда томмайдур кўзум гирён бўлуб,  
Ким оёғинга тушубтур кўз қароси қон бўлуб.

Гунчадек кўнглум чекар ун, гарқ ўлуб хуноб аро  
Сўз деганда оғзинг икки лаъл аро пинҳон бўлуб.

Сўрса Мажнун ишқ даشتida мени, айт, эй рафиқ,  
Ким қуондек итти бу водийда саргардон бўлуб.

Хажри кўнглумни бузуб, ғам сели ҳамвор этти, вой  
Ким, асар ҳам йўқтур ул маъмурадин вайрон бўлуб.

Тифи худ ўтти, суубат кўрки муҳлиқ ёраси  
Бу замон бошимфа қолиптур балойи жон бўлуб.

Ҳар замон оғзинг хаёли санчилик кўнглум аро,  
Гўйиё бу ғунча они заҳм этар пайкон бўлуб.

Чарх ушшоқ охи ўқидин магар ваҳм этдиким,  
Кубба қилди меҳрини ўз ҳайъати қалқон бўлуб.

Ҳашр хуршидига мониъ фикр қилмассен, не суд,  
Атласи гардун саропардангга шодурвон бўлуб?

Эй Навоий, фоний ўл, ёр истасангким, хўб эмас,  
Жонни севмаклик баҳона ўргтада жонон бўлуб.

Ун чекмоқ – инграамоқ, нола қилмоқ

Итти – йўқ бўлди

Ҳамвор – текис

Маъмура – ободлик

Суубат – қийинчилик

Муҳлиқ – ҳалокатли

Захм – яра, жароҳат

Ушишоқ – ошиқлар

Ваҳм этмоқ – кўркувга тушибмоқ

Меҳр – Күёш

Ҳайъат – өужусӣ

Ҳашр – қиёмат

Саропарда – оқуӣ, ўтвоҷ

Шодурвон – парда

## ҒАЗАЛ ВАЗНИ

Рамали мусаммани маҳзуф

-V-- -V-- -V-- -V-

-V-- -V-- -V-- -V-

Фоилиотун фоилиотун фоилиотун фоилиотун

## НАСРИЙ БАЁН

- Йўлингда гирёнман, аммо кўз ёшим томмайди, балки оёғингта кўзим қораҷиги қон бўлиб тушибди.

- Оғзинг икки лаълдек лабинг аро пинҳон бўлиб сўзлаганда кўнглим гунчадек қонга гарқ бўлиб, ногаллар қиласди.

- Эй рафиқ, агар ишқ даштида Мажнун мени сўрекласа, қуондек бу водийда саргардон бўлиб, йўқ бўлиб кетганимни айт.

- Күнглимини ёр хижронни вайроннага айлантириди, войким, ғам сели келиб бу вайронани ер билан битта килиб кетди.
- Тифи чопиб ўтди, азобимни кўрки, ҳалокатли жарохати бу замон бошимда жоним балоси бўлиб колибди.

• Оғзиңгинг хаёли ҳар замонда кўнглим аро санчилиб турибди. Гўёки бу фунча тиконга айланаб, уни мажруҳ этмоқда.

- Фалак ошиқлар оҳидан кўрқдимикан, ўзи қалқон бўлиб, қўёшни қалқоннинг куббасига айлантириди.
- Агар қиёмат күёшидан паноҳ бўлувчи нарсани ўйламас экансан, фалакнинг атласидан кошонангга парда қилсанг ҳам, не фойда!
- Эй Навоий, ёр истасанг, фоний бўл, чунки жонон бор жойда жонни севмаклик яхши эмас.

### ШАРХ ВА ИЗОҲДАР

Бадиъ илмида ружукъ деган маънавий санъат бор. Поэтик ифоданинг бу усул моҳияти шундан иборатки, шоир ўз фикр ё кечинмаларини баён этиш давомида турли образли сўзлардан фойдаланаркан, тасвир жараённида ўзининг олдинги ўхшатмалари ва образларидан воз кечиб, уларни ради этади ва ўрнига янги образ ва ўхшатмаларни келтиради ифодалаш учун олдин кўлланилган тимсол ва ташбихлар ўрнига янги ва мукаммалроқ, аникроқ туйғу ва фикрларини янада мукаммалроқ, аникроқ баён этишга ҳаракат қиласди. Ружукъ санъати одатда бошқа маънавий санъатлар, асосан ташбих ва муболага санъатлари воситасида кўлланилади.

Тахдил этилаётган ғазал матлаъида муболага ва ташбих биргаликда ружукъ санъатини вужудга келтирган. Шоирона талкинга кўра, ёрнинг муҳаббатида гирён бўлган кўздан қонли ёш томмайди, балки кўз корачиги кўп йиғлагандан эриб, унинг йўлига қон бўлиб тушади:

*Кон ёшим ўйлунгда томмайдур кўзум гирён бўлуб,  
Ким оёғинга тушубтур кўз қароси қон бўлуб.*

Кейинги байтда ташбих санъатининг икки тури қоришиқ ҳолда келган. Ёрнинг кичик оғзи (мумтоз адабиётда кичик оғиз – гўзалликнинг олий наунаси бўлган)дан ҳатто сўзлаганда ҳам нишон топмагани сабабли ошиқ кўнглининг сикилиши фунчага ўхшатилади. Ёр оғзининг тунчага ўхшатилиши яширин тарзда, ошиқнинг юраги эса ошкора фунчага ўхшатилиши ташбихнинг икки тури – ташбихи музмар (яширин) ҳамда ташбихи сариҳ (очик, ойдин)ни вужудга келтирган. Иккаласи биргаликда эса ташбихи тасвият (бир нарсага икки нарсани баробар ўхшатиш) ҳодисасини вужудга келтирган. Натижада, бадиъ илми ҳам таърифлашга ожиз қолган янги бадиъ-эстетик тасвир вужудга келган:

*Гунчадек кўнглум чекар ун, гарк, ўлуб хуноб аро  
Сўз деганда оғзинг икки латъл аро пинҳон бўлуб.*

Мавлоно Жалолиддин Румийнинг “Маънавий маснавий” сида шундай бир байт бор:

*Миллати шикъ аз ҳама динҳо чудост,  
Ошиқонро миллату мазҳаб - Худост.*

(Таржимаси:  
Ишқ ахли барча динлардан жудо,  
Ишқ ахлин мазҳабу ёри – Худо).

Мухаббат мамлакатининг содик фуқаролари  
Мажнун каби ишқ дашибини манзил тутганлар. Ма-  
кон ва замонни ўз забтига олган бу шайдоларни  
кўнгил ва руҳият яқинлиги бирлаширади. Ишқ  
дардига мубтало бўлганларни мажнунтабиат одам-  
ларгина англайди. Аммо ошик Навоийнинг дарди  
шунчалик зўрайиб, уни хоку тураб айлаганки, хол  
сурғани келган Мажнун ҳам ундан асар тополмай-  
ди. У - ишқ дашибида куюн каби саргардон бўлиб, ал-  
лақачон фано олами сари юз тутган:

Сўрса *Мажнун ишқ дашибида мени, айт, эй рафиқ,*  
*Ким күондек итти бу водийда саргардон бўлуб.*

Кейинги уч байтда муболағали тасвир ҳадди альосига чиқади: вужуди куюнга айланган ошикнинг  
кўнглини хижрон азоби вайронага айлантиргани  
етмаганидек, ғам сели тошиб, бу вайронани ҳам  
ювив кетади. Ишқ дашти яна теп-текис, ном-ни-  
шонсизларнинг масканига айланниб қолган. Ёрнинг  
жафо тифи бошига сангчилиб, яраси балойи жоннинг  
қолили бўлиб қолибди (шоир "қолип эрур" ва "ко-  
либди" маъносини билдирувчи "қолиптур" сўзини  
кўллаш орқали сўз ўйини қилган). Гунчадек Ёрғизи-  
нинг хаёли тикондек кўнгилга санчилиб, изтироб ва

кийноклар, азоб ва исканжаларни янада оширган...  
Бундай тасвирлар тахайол олами уфқларини кен-  
гайтириб, ишқ дардининг кўлами ва камрови, азоб  
ва изтиробларини янада таъсирчан ифода этишга  
хизмат килиш баробарида, ишқ дардининг лаззати-  
ни ҳам туйиш имконини беради. Бу дардга чалинган

инсоннинг оху нолалари кулоги том биттан фалак-  
ни ҳам ваҳимага солиши табиий. Ошиқларнинг ду-  
оси ижобат бўлса, жафо ва зулм, тенгиззлик ва но-  
муродликнинг макони бўлмиш фалакнинг гардиши  
ҳам бошқача бўлиб кетиши мумкин. Шундан бўлса  
керак, ошиқнинг кўнглидан камон ўқи каби чиққан  
оху нолалардан сакланиш учун қалкон шаклига ки-  
риб, кўёшни бу қалқоннинг куббасига айлантирган:

Чарх ушишок оҳи ўқидин магар вахм этдиким,  
Кубба қилди меҳрини ўз ҳайъати қалқон бўлуб.

Саккизиңчи байтда ҳам фалак ва қўёш тимсоли-  
га мурожаат қилинади. Фарқ шундаки, шоир бун-  
да ахлоқий-фалсафий хикматни ифодалашга бел  
боғлаган. Исломий эътиқодга кўра, ҳар бир тирик  
жон ўлим шарбатини тотгувчи ҳамда қиёмат куни  
қайта тирилиб, килган амаллари учун Парвардиго-  
ри олам хузурида ҳисоб бергувчидир. Шу сабабли,  
инсон зоти бу дунёдаги вактингчалик шону шав-  
кат ва муваффақиятларга мағрур бўлмасдан, савоб  
амаллар туфайли қиёмат кунидаги қўёш тифидан  
паноҳ бўлгувчи соябонни ўйлаши лозим. Йўқса, фа-  
лак атласи қароргоҳининг пардаси бўлган шоҳ, бўл-  
санг-да, бефойда надомат ва афсулар билан қолиш  
хеч гап эмас. Эзгу амал, пок ниyat ва соғ эътиқод  
соҳиби бўлиш - ҳақиқий подшоҳликдан насибадор  
бўлиш демакадир:

Ҳашр хуришидаға монинъ фикр қилмассен, не суд,  
Атласи гардун саропарданга шодурвон бўлуб?

# Сүрәткүн

“КҮЙДҮМУ УЛ ЗУЛФ ТОБИ РИШТАИ  
ЖОНИМДАДУР...”

«Fаройиб үс сүгар», 61-ғазал

Кимса ёри бирла хүштур ғам дейишиб мунграшиб,  
Ётса гохе чирмашиб, ўлтурса гохе ёнддашиб.

Зулфи эл күнглиң паришен айламакка жамъ ўлуб,  
Турфарок буқым, күнгүлларни йигарға тарқашиб.

Мумкин эрмас тортмоқ пайконларинким, жисм аро  
Хар бири маскан тууттурлар сүңгакка ўрнашиб.

Чиқти зулфин солғач ул чохи занахондин күнгүл,  
Анкабут ул наським, ториға чиққай ёрмашиб.

Хажр хайли күнглүм ичра мүрдек айлаб хужум,  
Гарчи васл уммиди еткандан чибиндек бутрашиб.

Күйдүму ул зулф тоби риштай жонимдадур,  
Шамъ торидекки кул бүлғанда турмиси чирмашиб.

Сокиё, кылсанг химоят ғолиб ўлғум бўйлаким,  
Ғам била күнглум талашурлар икавлон қармашиб.

Кил ҳавола дурдкашлар жониби, эй майфуруш,  
Май чу ҳар соат тўкулгай жўш уруб куптин тошиб.

Ошуруб ҳаддин Навоий ҳам ниёзу ажзини,  
Ёр истигнову нози ҳар неча ҳаддин ошиб.

## ЛУФАТ

Мунграашмоқ – ҳасратлаашмоқ

Гохе – гохида, батъзан

Турфа – ажабланарли

Тарқашмоқ – ёймоқ

Пайкон – ўқ

Чохи занахон – ияқдаги чукурча

Анкабут – ўргимчак

Ёрмашмоқ – тиришмоқ

Мўр – чумоли

Бутраашмоқ – тарқалишмоқ, сочишмоқ

Тоб – 1) дард, азоб, исканж; 2) эгри-буғри, жингалак

Қармаашмоқ – қарама-қарши бўймоқ, ўзаро талашмоқ

Жониб – томон

Куп – хум

Ниёз – эҳтиёж

Ажз – ожизлик

Истигно – ҳожатсизлик

## ҒАЗАЛ ВАЗНИ

Рамали мусаммани маҳзуф

-V-- -V-- -V-- -V-

-V-- -V-- -V-- -V-

Фоилотун фоилотун фоилотун фоилотун.

## НАСРИЙ БАЁН

- Агар одам ёри билан ҳасратлашиб, дардлашиб гоҳида чирмашиб ётса, гоҳида ёнма-ён ўтиrsa, қандай яхши бўларди.

- Одамлар кўнглини паришон қилмаслик учун ёр зулфини ийғишириб олса, бавзида кўнгилларни сайд қилмоқча тарқатиб турса, ажойиб бўларди.
- Отган ўқларингни сууриб олишга имкон йўқ, негаки уларнинг ҳар бирри жисм аро суюкка ўрнашиб колган.

- Ўргимчак торига ёпишиб чиққани каби кўнгил занахдон соҳи – ияқ чукурчаидан ёйилган зулфинг торига осилиб чиқиб олди.
- Ҳижрон сипоҳи кўнглимга чумолидек хужум қиласди, висол умиди еттанида яна чивиндек ҳар томон тарқалишиади.

- Бурама сочининг ғамида куйдим, жоним или зулфининг дардидан шамнинг или ёниб кул бўлганида чирмашиб қолгани каби тоб ташлаган.
- Эй соқий, агар менга ёрдам берсанг ғолиб бўланман, йўқсағам билан кўнглим иккаласи кирпичок, бўлиб талашмокда.
- Эй май сотувчи, ҳар соатда май жўшиб хум ичидан тошиб турибди, шуннинг учун майни куйкаси билан ичадиганларга мурувват қиссанг яхши бўларди.

- Ёрнинг нозу истигнолари ҳар қандай чегарадан ошганидан Навоий ҳам окиззлик ва эҳтиёжи изҳорини ҳаддан ошириди.

### ШАРҲ ВА ИЗОҲЛАР

Бу газалда ҳам Алишер Навоийнинг янги кофия тизимини яратиш маҳоратига гувоҳ бўламиз. Шоир мунграшиб, ёндашиб, тарқашиб, ўрнашиб, ёрмашиб, буттрашиб, чирмашиб, қармашиб, тошиб, ошиб феълларининг равишдош шаклини кўллаб, ғазалнинг кофия дошлигини таъминлаган. Олдинги шарҳларимизда кайд қилинганидек, араб шеръиятида

- Одамлар қофия вазифасини бажаролмайди, негаки араб тили грамматикасига кўра феъл гапнинг бошида келади. Форс тилида эса кофиядош бўлган феъллар туркуми жуда кам. Туркий тилда феъллар матъно, нисбат, услубий хосланиш, тузилиш ва ясалиш услубига кўра жуда кўп бўлгани баробарида кофиядош туркумлар ҳам жуда фаровон. Она тилининг ушбу устунлик ва ранг-баранглигини нозик илғаган Навоий қатор асарлари, жумладан, ушбу газалда феъл сўзларнинг имкониятларидан маҳорат билан фойдаланган. Шунинг баробарида, лирик асарларнинг лексик қатламини ҳам бойитиб, шеърият тилини янги-янги сўзлар билан янада кудратли этган. Тажлил қилинаётган газалда ошиб ҳамда тошиб феълларини истисно қилгандা, Навоийгача бўлган туркӣ газалчиликда учрамаган, аммо халқнинг жонли тилида бутунгача кўлланилаётган сўзлар кофияга олинган.

Матлаънинг матъносидан келиб чиқиб, бу ғазални ошикнинг орзу-истаклари ифодаси сифатида баҳолаш мумкин. Замондош шоиримиз лутф қилганидек, ёлғизлик факат Аллоҳга хос. Ҳар қандай инсон бир дардкаш, қайғудош, яшаш учун сўнгги баҳона бўладиган ёрга кучли эҳтиёж сезади. Бу ёрловати дунёнинг жамийки лаззатларидан, кувончу қайғусидан устун:

*Кимса ёри бирла хуштурғам дейшиш мунграшиб,  
Ётса гоҳе чирмашиб, ўлтурса гоҳе ёндашиб.*

Ёрнинг зулфи йиғилганда оламдаги жамийки кўнгилларни паришон айласа, ёйилганида барча элнинг кўнглини сайд этишга қодир. Мазкур тасвири-

ни мажоз тилига ўгирсак, Аллохнинг яратиқлари – Борлик жуда гўзал ва мукаммал бўлгани сабабли, барчани ўзига гирифтор этади. Орифлар дунё гўзаликлиарида (ёр зулфида) йерининг хусну жамолини мушҳода этишса, бехабарлар бу зулфнинг ҳалқа-ҳалқа бўлиб, ҳар бир ҳалқаси кўнгилларнинг занжирига айланганига мафтун ва маҳлиё бўлиб интиладилар:

Зулфи эл кўнглин паришон айламакка жамъ ўлуб,  
Турфарок буким, кўнгулларни йифарға тарқашиб.

Тўртинчи байтда шоир яна зулф тимсолига мурожаат килади. Бунда чоҳи занахдон – ияқ чукур-часида маҳбус бўлган кўнгил ёрнинг зулфи торига чирмашиб, хурриятта интилгани қаламга олинади. Ирфон ахлининг тилида занахдон – маҳбубанинг қаҳр аралаш лутфига ишора килади. Кўнгил зулф торига чирмашиб, занахдон зиндонидан кутулишига интилиши – маҳбубанинг тальятини кўриш иштиёқи йўлида жон борича ҳаракат қилиши демакдир. Анкабут – ўргимчак тимсоли Куръони каримнинг баракотидан адабиёт мулкига айланган. Ислом тарихидан маълумки, Макка мушриклари Расууллоҳ (с.а.в.)нинг жонига қасд қилганларида, Ҳак таолодан у кишига ҳижрат қилиш амири нозил бўлади. Расууллоҳ ва ул зотнинг шериги – Абубакр Сидик (р.а.) Мадина йўлидаги форга бекингандა ўргимчак горнинг оғзиғига тўр тўқиб, мушрикларни чалғитади. Илоҳий лутф ва марҳамат туфайли биргина ўргимчак Расууллоҳ (с.а.в.) жонини мушриклар қасдидан омон қолишига сабаб бўлади. Бинобарин, ошиқ кўнглининг ҳаракатлари ўргимчак каби кучиз кўринса-да, тўғри ва асл мақсад йўлида бўлгани туғайли тажсинга лойик:

Чиқти зулфин солғач ул ҷоҳи занахдондин кўнгул,  
Анкабут наебъим, торига чиққай ёрмасиб.

Бешинчи байтда ошиқнинг кўнгли хижрон туғайли шубҳа-тумонлар макони ва изтироблар лаш-карининг нишонига айлангани, бу лашкар чумолилардек беҳисоб бўлса-да, висол умиди насими эсга, чивинцек тарқалиб кетиши ҳакида сўз юритилади. Бу ўхшатишлар муҳаббат йўлида хавф ва умид ҳамиша ёнма-ён келиши, кўнгил танлаган йўлида адашмаслиги учун ҳамиша ушбу икки туйғуга бара-варига суюниши лозимлигини таъкидлайди.

Олтинчи байтда яна зулф тимсолига мурожаат қилинади. Олдинги байтларда зулф кўнгилни асир этиш ҳамда маҳбубанинг қаҳридан кутулмоқ ва ёр тальятининг дийдорига етишмоқ учун восита ўла-роқ тасвиirlанган бўлса, бу байтда ёр сочининг тоби-дан гўзал тажнис намунаси яратилган. Луғат қисмидан изоҳланганидек тоб сўзи байтда икки – сочининг гажаги ҳамда дард, азоб, исканжа маъносида келтирилган. Бу маънолар бир-бирини тўлдирган ҳолда тасаввур ва тахайюл уфқларини кенгайтиради.

Кейинги иккӣ байтда шоир соқий ва майфурушга мурожаат қилиб, бу дардга даво шаробга эҳтиёжи борлигини изҳор этади. Дурдкаш мухлислар, огоҳдил орифлар маърифат бодасига қанчалик иштиёқ кўрсатсалар, хумдан жўшиб чиқаётган маърифат майи ҳам бу боданинг муштоқларига шунчалик талпинади. Бу ўхшагтма орқали шоир "Мен маҳфий бир хазина эдим, ошкор бўлмоқни истадим. Шунинг учун олам ва оламдагиларни яратдим" мазмунидаги қудсий ҳадис маъносига ишорат килган бўлса, ажабмас:

*Кил ҳавола дурдкашлар жониби, эй майбууруу,  
Май чу ҳар соат түүкүлгөттөй жүйүн уруб күтпин тоошиб.*

Навойнинг икрор ва изхорлари ҳаддан ошишларига асл сабаб ёрнинг истигно ва ҳожатсизлигининг белөёнлигидир. Мутафаккир шоир васф этган Ёрнинг хусну жамоли ошикларининг васфу эхтиёжларига боғлиқ эмас. Унинг гүзаллигининг сири ҳам ана шунда:

*Ошуруб ҳаддин Навоий ҳам ниёзу ажзини,  
Ер истигнову нози ҳар неча ҳаддин ошиб.*

**“СИРИШКИМ ҚОНИ ҚИЛДИ КҮЙИННИНГ  
ТУФРОГИН ОГУШТА...”**

**«Гаройиб ус сиғар», 62-ғазал**

Кезармен күйида йиллар назар ҳолимға солғай деб,  
Агар ўлтурса қоним ранги туфроғида қолғай деб.  
  
Күнгүлга юз туман ниш урса хижрон, айламан нола,  
Висолинг нүшидин ул захмлар бир күн ўнголғай деб.

Күнгүлга новакинг то кирди, бехад хиғзин айлармен  
Ки, бу шиша ичинда ул дағы ногах, ушолғай деб.  
  
Күнгүлни күйида юз ранж ила меңнатқа топшурдум  
Ки, гар күрсә бу сурат бирла, шояд күнглум олғай деб.

Сиришким қони қилди күйининг туфроғин оғушта,  
Итига шояд ул балчиф била бир уй ясолғай деб.  
  
Харам васлин тиларсен, пүя ур мардана, эй солик,  
Қадам охиста чекма, бағринг ул елмакда толғай деб.  
  
Навоий бенаволиғ бирла дойым май ичар, бир күн  
Наво нақшини даврон мутриби базмида чолғай деб.



## ЛУГАТ

- Нүш – шарбат  
Хифз – ҳимоя  
Ушолмоқ – синмок  
Ранж – азоб  
Мехнат – азоб  
Сириш – күз ёши  
Оғуشتа – лойқалатган, сүв ва түтүркнинг ара-лашмаси  
Пўя урмок – қадам урмок  
Солик – тариқат йўлидаги киши  
Елмак – шамолдек елиш  
Накчи – тарона

## ҒАЗАЛ ВАЗНИ

Ҳазажи мусаммани солим  
V —— V —— V —— V ——  
V —— V —— V ——  
Мафоийлун мафоийлун мафоийлун.

## НАСРИЙ БАЕН

- Хароб ҳолимга назарсолар, мабодо ўлдиргудек бўлса, қонимнинг ранги тупроғида қолар деганумидда ёрнинг кўйида йиллар мобайнида кезарман.
- Ҳижрон наштарлари кўнгилга юз мингта захмурса ҳам, бирор кун висолинг шарбатидан тузалибкетар деб, нола этмайман.
- Ўқинг кўнгилга киргач мабодо шишадай кўнглим ичиди ушалиб (синиб) кетмасин деб, уни жуда-ям асрайман.

- Кўйида кўнглимни юз азоблар билан машакқатларга топширдим, шоядки ёр бу ахволимни кўриб раҳми келганидан кўнглимни олса.

- Қонли ёштарим кўйининг тупроғини балчиқка айлантириди, шоядки бу лойдан итига бирор уйча исаса.

- Эй тарикат йўлидаги солик, ҳарам васлини тилар бўлсанг, мардона қадам кўй. Бағрим тез юришдан толикади деб оҳиста қадам чекма.

- Навоий бенаволик – маҳрумлик билан ҳамиша шароб ичар, даврон мутриби унинг базмидা “Наво” нақшини бирон кун чалса, ажаб эмас.

## ШАРҲ ВА ИЗОХЛАР

Бу ғазалда ҳам Навоий солғай деб, қолғай деб, ўнғолғай деб, ушолғай деб, олғай деб, ясолғай деб, толғай деб, чолғай деб сингари туркий феъллардан қофия ва радиф тизмасини ҳосил қилиш маҳоратини намоён эттан. Шунинг баробарида, маттальда феълни мисранинг бошига келтириб, араб тилига ҳос бўлган гап тузилиш имконияти ўзбек тили-да ҳам мавжудлигини кўрсаган. Бундан ташқари, шоир “йиллар” сўзими мисрада шундай жойлаганки, у ҳам ошиқнинг ёр кўйидаги саргардонлик замони (кўйида йиллар кезармен), ҳам ёрнинг унинг холига назар солиши муддатига (менинг ҳолимга йиллар давомида назар солгай) далолат қиласди:

Кезармен кўйида йиллар назар ҳолимга солгай деб,  
Агар ўлтурса қоним ранги тупроғида қолғай деб.

Кейинги уч байтда ошиқ кўнглиниг ҳолати, азоб ва изтироблари тасвирилган. Ҳижрон ўқларидан

күнгилга юз минг жароҳат етган бўлса-да, ошиқ бу кийнокларга чираб, нола чекмайди. Висол шарбагидан баҳраманд бўлиш умиди унинг сабрига кувват беради. Висол шарбати шундай бебаҳо неъматки, унинг бир томчисидан минг замҳ ва жароҳат бир зумда шифо топади. Висол шифоси шундай мўжизавий кудратга эга экан, дард ҳам шунга яраша бўлиши керак. Бу шифодан баҳраманд бўлиш учун ишқ ўқидан ярадор кўнгил лозим. Ошиқ шунинг учун ҳам шишадек нозик ва мусаффо кўнгилда ишқ ўқини эҳтиётлаб асрайди. Бундай жафолар маконинг айланган кўнгилни минг ранжу азоб билан ёрга топширишдан мақсад ҳам ўша – шоядки ишқ бемори бўлганини кўриб, ёр унинг ҳолига шафқат қилиб, хожатини раво айласа. “Ҳайрат ул-аброр” да айтилганидек:

*Хар киши осио гунаҳкорроқ,  
Ағғе шла раҳматқа сазоворроқ.*

Бинобарин, хижрон азоби ва ишқ қийноқларига кўпроқ гирифтор бўлган кўнгил ҳам бошқалардан кўра дилжўйлик ва мурувватга кўпроқ ҳаклидир:  
*Кўнгулни кўйида лоз ранж ила меҳнатқа топшурдум,  
Ки гар кўрса бу сурат бирла, шояд кўнглум олғай* деб.

Бешинчи байтда муболағали тасвирининг янги намунасига дуч келамиз. Ошиқнинг қонли ёшидан ёр кўйининг тупроғи балчикка айланиди. Бу балчик ёрнинг итига уй қуришга муносидир. Ит – ўз эгаси маконини бегоналардан химоя қилиувчи жони-вон, вафо ва садоқат тимсоли. Бу байтда ошиқнинг

қонли ёшидан курилган уйча ёр ити билан ошнолик ва унсият ҳосил қилиб, унинг дийдорига етишмак учун тўсик бўлмаслик умиди тажассум топган:

*Сиришким қони қилди кўйининг туфроғин оғашта,  
Итига шояд ул балчиг билла бир уй ясолғай деб.*

Ҳофиз Шерозийнинг машҳур бир ғазалида шундай бир байт бор:

*Дар биёбон гар ба шаевқи Катъба хоҳи зад қадам,  
Сарзанишҳо гар кунад хори муғийлон, ғам маҳур.  
(Таржимаси:  
Чўл-биёбон ичра Катъба шаевқи-ла қўйсанг қадам,  
Чекма ғам асло, қадалгай муғилон хори агар).*

Навоий ушбу маънони ривожлантириб, йўлдаги машакқатлар – елдек елиш натижасида бағирнинг толишидан кўрқмай, мардонавор қадам ташлашини ҳарам йўлидаги сайру сулукнинг шарти сифатида талқин қиласи. Ишқ – мардоналикнинг белгиси экан, бу йўлдаги саъй-ҳаракатлар, риёзат ва машиқатлар ҳам шунга яраша бўлмоғи лозим. Ўшанда мақсад гавҳариҳи кўлга киритиш мумкин. Мақтаъда “наво” сўзидан ясалган учта сўз – Навоий (такаллус), бенаволиғ (маҳрумлик), Наво (мумтоз қуй номи)ни кўллаш орқали иштиқоқ санъатининг гўзал намунаси яратилганд. Умид, оҳангида битилмагтъ талабларига тўлиқ жавоб беради:

*Навоий бенаволиғ бирла дойим май ичар, бир кун  
Наво нақшини даврон мутриби базмида чолгай деб.*



## КҮНГЛУМА ҲАЖР АГАР ДАРД ЎҚИ ЁҒДУРСА, НЕ ТОНГ..."

### «Ғаройиб ус сугар», 63-тазал

Дам-бадам жоми тараф гайр ила ул моҳ чекиб,  
Мен йироктин бокибон, қон ютубу оҳ чекиб.

Неғамим ит киби ўлмакдин, агар элтур эса  
Бўйнумга ип солибон кўйига ул моҳ чекиб.

Фаразим буки, уннутурмағамен ўзни анга,  
Кўйинга кирмагим афғон гаху бегоҳ чекиб.

Кўнглумга ҳажр агар дард ўқи ёғдурса, не тонг,  
Гар чиқарур эса пайконини дилҳоҳ чекиб.

Мен адам йўлиға борман, мени лекин элитур  
Оғзи шавқида кўнгтул ўзига ҳамроҳ чекиб.

Майи асфарки тўкулмиш кўюбон юз ичсам,  
Каҳрабони кўрунгуз жилва қилур коҳ чекиб.

Журъасин берса Навоийға эрур ўлпуча бас,  
Базми айш ичра тараф соғарин ул шоҳ чекиб.

### ЛУГАТ

Тараф – шодлик

Гайр – бегона, ўзга киши.

Афғон – фиғон, нола

Не тонг – не ажаб

Пайкон – ўқ

Адам – ўқуқлик

Майи асфар – сарик май

Каҳрабо – 1. Бир турли сарик тош. 2. Сарик

Журъа – култум

Соғар – қадаҳ

### ҒАЗАЛ ВАЗНИ

Рамали мусаммани маҳбуни маҳзуф

-V-- VV-- VV-- VV-

-V-- VV-- VV-- VV-

Фоилотун фаилотун фаилотун фаилун

### НАСРИЙ БАЁН

- Ул ой бегоналар билан ишрат тузиб, дам-бадам шароб ичмоқда. Мен бу ҳолга йирокдан боқиб, шароб ўрнига қон ютиб, оҳ чекмоқдаман.

- Агар ул ой бўйнимга ип солиб, кўйига чекса, ит каби ўлим топсан ҳам ғамим йўқ.
- Кўйига кириб, вакт бемаҳал оҳ чекишларимдан масқад – ўзимни эслатиб, мени унутшишига йўл кўй-маслиқидир.

- Ҳижрон дард ўқларини ёғдирса ҳам майли, кўнглим истаган ёрим отган ўқини қайта чиқарса, ажаб эмас.

- Мен йўқлика томон бормасдим, лекин оғизнинг шавқида кўнгил мени ўзига йўлдош килиб элтапти.
- Сарик рангли шароб тўкилибди, юзимни ерга кўйиб ичсан, сомонни тортувчи қаҳрабо (сарик рангли тош, янтаръ)ни кўргандек бўласиз.
- Ишрат базмидга ул шоҳ шодлик шаробидан бир култум Навоийга ҳам иноят килса, бу давлат ўлгунча кифоя қиласди.

## ШАРҲ ВА ИЗОҲЛАР

Радиф вазифасини бажарувчи “чекиб” сўзи маъноюзасидан энг серқатлам сўзлардан хисобланади. “Навоий асарларининг изоҳли лугати”да бу сўзнинг 26 та маъноси борлиги қайд қилинган. Мухтарам ўқувчи тилимизнинг бойлигини янада теранроқ хис килиши учун бу изоҳларни қисқача беришни жоиз топдик: 1) бошдан кечирмок, тортмок; 2) бардош бермок; 3) ичмок; 4) санчмок, урмок; 5) сурурб отмок; 6) ёзмок, битмок; 7) олиб бормок, элтмок; 8) тақдим этмок, тутмок; 9) ясамок; 10) безамок, накш солмок, ўймок; 11) тизмок, ипта ўтказмок; 12) ўзига тортмок, яқинлашмок; 13) узмок; 14) ечмок, шилиб олмок; 15) тирнамок, қазимок; 16) ўқотмок; 17) қадамок, осмок; 18) кўтармок, ковламок; 19) боғламок, маҳкамламок; 20) туғашмок, улашмок; 21) суртмок, кўймок; 22) тозаламок; 23) ўх урмок; 24) ўтқизмок, йўналтиромок; 25) бosh урмок, эгилмок; 26) ўлиб кирмок, ичкарига киритмок.

Ана шундай кўпмальноми сўзни радиф сифатида танлаган экан, мутафаккир шоир деярли ҳар бир байтда “чекиб” сўзининг маъно имкониятларидан фойдаланган ҳолда тажнис санъатининг гўзал науналарини яратган. Жумладан, матлаънинг би-

- Миринчи сатрида “чекиб” ичиш маъносини ифода этган бўлса, иккинчи мисрада оҳ урмок маъносини билдиради. Шунингдек, ой юзли гўзалининг шодлик шаробидан дам-бадам нўш айламаги ошиқнинг ҳолатида ҳам ўзгарувчаникни пайдо қиласди – у йирокдан бокиб, гоҳ шароб ўрнига қон ютса, гоҳида дард билан оҳ чекади:

*Дам-бадам жомми тараф тайр ила ул моҳ чекиб,  
Мен ишроқтин бокибон, қон ютубу оҳ чекиб.*

Иккинчи байтда халқнинг жонли тилида фаол кўлланиладиган “итнинг кунини бошига солмок” ибораси ажойиб тарзда кўлланилган. Ит – садоқат ва вафотимсоли бўлиши баробарида, ҳорлик ва қадр топмасликнинг намунаси ҳамmdir. Инсон боласига жонзотлар ичida энг садоқатли ва вафодор, илк хонаки ҳайвон ит бўлса ҳамки, унинг жойи доим останада. Шунингдек, вафодор ит ўтигини эгасига кўрсатмай уйдан узоқда ўлим топиш одаги бор. Итнинг ана шу одатига ишора қилган ҳолда шоир ит қаби ўлим топишини, яъни ишк ўйлида ҳалок бўлиш ва айни пайтда бу ўлим ёрдан узоқда бўлиш истагини куйидагича баён эттан:

*Неғамим ит киби ўлмакдин, агар элтур эса  
Бўйнума ит солибон кўйига ул моҳ чекиб.*

Кейинги байтда ошиқнинг ёр кўйида тинмай оху фифон чекишлиари ошиқлигини элга намойиш қилиш учун эмас, балки ёрга ўзининг борлигини эслатиб туриш эканлигини “унуттурмағамен” феълини кўллаш орқали билдирган. Ишк аҳли учун энг оғир синов – хижрон, яъни ёрнинг хаёлидан кўтарилиш

бўлса, энг катта саодат – унинг фикру зикрида ўрни борлигини билиб яшамоқдир:

*Fapazim buki, unutturmagamen uzni anga,  
Kўniga kirmagim afgon gaxu begox cheki.*

Ёрнинг кичик оғзи – хуснинг тимсоли, сирру синоатта тўла жумбок сифатида мумтоз шеърияти-мизда кўп васф этилган. Мазкур байтида кичикигидан адам – йўқлик мулкидан нишона бўлган оғиз шавқи ошиқнинг кўнгли ва бутун вуҷудини ҳам фано бўлишга ундағани ажойиб шоирона лутғи билан баён этилган. Фахридин Ироқийнинг изоҳига кўра, оғиз – Аллоҳ таолонинг мутакаллимлик сифатига ишора, илоҳий қаломнинг моҳияти демакдир. Аллоҳнинг биргина “Кун!” (“Бўл!”) амри билан бутун олам йўқликдан бор бўлгани каби унинг моҳиятини англашга инсоннинг акли ва тафаккурини ожиз колдириб, йўқликка юз тутмокка ундейди. Шунинг учун инсон, истаса-истамаса, ишқ кўйида инон-иҳтиёрини кўнгилга топширади. Кўнгил эса мухаббат йўлида адам бўлмоқ, яъни обрў-эътибор, молу давлат, мансаб ва амал, жоҳу жалол, илму дониш туғайли инсонда пайдо бўладиган соҳта “мен”ликдан буткул воз кечиб, ҳақиқий ўзлиқ сари сафар қилмоққа ундейди. Ёрнинг кичик оғзи ҳам худди шу каби гўзалликининг асрорини пинҳон тутиб, ошиқнинг вуҷуди ва кўнглидаги менликни маҳв этишига қодир:

*Men adam yўliiga borman, meni lekin emlitur  
Ofzi shavқida kўngul uziga hamroh cheki.*

Сўнгги икки байтида май таърифи келтирилади. Майи асфар, яъни сарик рангдаги май мажозан мухаббат мастилиги ва Ҳақ жазбасининг рамзидир.

Илоҳий иноят бўлмагунча, киши мухаббат кўйига киролмайди. Мухаббатга саъй-харакат билан эришиб бўлмайди. Инсон ихтиёридан ташқарида содир бўладиган бу руҳий эврилиш ва илоҳий неъмат ақл занжирини узиб, қалб амри билан яшашни қисмат этади ва шу орқали Ҳақ олдиди курбат ҳосил қиласиди. Боязид Бистомий айтгандек, Аллоҳ севган банданинг нишони учтадир: аввали, саҳовати дарёга ўшшар, иккинчи, шафқати кўёшга ўшшар; учинчиси, тавозеси тупроққа ўшшар.

Ишқ йўлида хор-зор ошиқнинг тавозеси тупроққа дўйниб, ранги сомон каби сарғайтани билан, унинг иштиёқи ва маърифат бодасини симирмоққа бўлган шавқи шунчалик кучайганки, агар тупроққа тўкилган бодани кўриб қолса ҳам, юзини ерга кўйиб, у шаробни бир томчи ҳам қолдирмай ичишга муштоқ. Бу билан Навоий мухаббат ва хокисорлик, ошиқлик ва тавозелик эгиз ва бир-бирини тўлди-рувчи тушунчалар эканлигини таъкидлайди:

*Maiy asfarki tўkumishi kўjbon yoз iшсам,  
Kaҳрабoni kўrunguz исилва қилур коҳ cheki.*

Бундай бода факат шоҳнинг базмида мавжуд. Шоҳ агар бу бодада бир култум Навоийгараво кўрса, ўлим шарбатини tottuncha бу давлат унга етарли. Маълум бўлладики, Навоий бу байтида “шоҳ” деганда зоҳир оламининг ҳукмдори – Ҳусайн Бойқаро мажлисидаги шаробнимас, балки Оламлар Подшоҳи – Аллоҳ таоло ҳузуридаги илм ва маърифат бодасини назарда тутган:

*Журъасин берса Навоийга эрур ўлгуча бас,  
Базми айш ичра тараф согарин ул шоҳ чекиб.*

# СЛОВАРЬ

## “КҮНГУЛКИ ИТТИ ҚИЛИВ ТИЙРА ХОНУМОНИМНИ...”

### «Гаройиб ус сиғар», 64-ғазал

Не маҳласим бор аниңг ишқидин канора қилиб,  
Не тўймоғим бор аниңг хусниға назора қилиб.

Ўчарга ишқ ўти чора қил дединг, эй шайх,  
Бўлурму қисматим ўлған балоға чора қилиб?

Бошимда тийғи яросин неча дебон сўрманг,  
Киши бўлурму бошининг тукин шумора қилиб?

Кўнгулки итти қилиб тийра хонумонимни,  
Қовай агар яна келса, юзини қора қилиб.

Кўнгулни ёра қилиб улки тикти кўксимни,  
Ёқамни тикмак эрур кўкрагимни пора қилиб.

Дедимки, майқададин хонаках йўлин тутайин,  
Нетайки, ул сари йўл бермас истихора қилиб.

Навоий этти ниҳон ишқин, эй фифон била ашк,  
Аниңг бу айбини найларсиз ошкора қилиб!?

## ЛУФАТ

Махлас – кўтулмоқ  
Канора – четлашмоқ  
Назора – термулмоқ  
Шумора – саноқ  
Итмоқ – йўқолмоқ  
Көвмоқ – ҳайдаб солмоқ  
Истихора – яхшилик излаш; ҳайрли ишни билиш  
мақсадида ўқиладиган намоз  
Ниҳон – яширин

## ҒАЗАЛ ВАЗНИ

Мужтасси мусаммани маҳбуни маҳзузоф  
V-V- VV-- V-V- VV-  
V-V- VV-- V-V- VV-  
Мафоилун фаилотун мафоилун фаилун.

## НАСРИЙ БАЁН

- Унинг ишқидан воз кечиб кутулмоқка чорам хам, хуснига термилиб тўймоғим имконияти ҳам йўқ.
- Эй шайх, менга ишқ ўтини ўчирмоқка бир чора топ, деб айтасан. Қисматимга айланган балога чора топиб бўладими?
- Бошимдаги тигининг ярасини нечта, деб мендан сўраманг. Киши бошидаги соч толаларини санай оларми?
- Кўнглим баш олиб кетиб, уйимни куйдирди. Агар яна юзини қора қилиб, шармандаларча қайтиб келса, ҳайдаб соламан.

- Ул ёр күнглини пора килиб, кўксимга ўқ қадагани кўксимни пора килиб ёқамни тикишга ўхшайди.
- Майхонани тарқ этиб, хонақоҳ ўйланини тутайин, дедим. Нетайки, истихора намозини ўқиганимда бу йўлни тутишим хайрли бўлмаслиги аён бўлди.
- Навоий ишқини пинҳон тутди, эй телефону кўз ёшларим, унинг бу айбини ошкор этиб найлариз?

### ШАРХ ВА ИЗОҲДАР

Биринчи қарашда ифода воситалари ва баён усуллари оддий, халқона, Навоийнинг тарьиби билан айтганда, “туркона” кўринган матлаб замиррида ўқувчини чукур ўйга толдирадиган, мушоҳада этишига чорлайдиган хикмат бор. Муҳаббат дардига мубтало бўлган киши тузоқка тушган күшдек минг ҳаракат қиласа ҳамки, кутулмоққа чора тополмайди. Бекорга ишқни бедаво дардга ўхшатишмайди. Изн сўрамасдан кўнгил мулкни истило қилган ишқ лашкари Энг аввало ихтиёрни кўлга олади. Ишқ – инон-ихтиёрни маҳбуб изнинг топшириш, унга хуш келувчи ҳолатларга таслим бўлиш, дунёга унинг кўзи билан қараш ва унинг ройишига қараб яшаш демакдир. Бундай ҳолатга тушган кишининг кўзига маҳбубанинг хусну жамолидан ўзга ҳеч нарса кўринмайди, унинг хусни томошасидан тўймайди, хусн жилваси билан маст бўлган ҳолда келажак балоларни шодумонлик билан қиласи. Негаки, ишқ – ўзгалар назарида бало-ю оғатдек кўриннгани билан ошиқнинг наздида қисматнинг айни ўзидир. Бошқалардан фарқли ўлароқ ошиқ ўз қисматидан рози ва мамнун бўлиб, уни ўзгартиришга чора изламайди, балки муҳаббат оташини илоҳий неъмат, тақдир инояти деб билади:

Ўчарга ишқ ўти чора қил дединг, эй шайх,  
Бўйурму қисматим ўнган балога чора қилиб?

Учинчи байтда ҳам риторик савол орқали шоир муболагали ўхшатишини янада кучайтириб, хис-сий-эмоционал таъсири оширган. Бошига тушган жафо тиғлари соч толасидан ҳам кўплиги сабабли, одамларнинг ҳайратига сабаб бўлган ошиқ бу йўл-да событқадам эканлигини ифода этган. Одатда, бир марта жароҳат олган киши балодан узокроқ тутишга ҳаракат қиласи, аммо ишқ балосини ўзига қисмат деб билган киши ҳар қандай қийнок ва азобларни тотишига тайёр бўлади:

Бошимда тийғи яросин неча дебон сўрманд,  
Киши бўйурму бошининг тукин шумора қилиб?

Кейинги икки байтда Навоий кўнгил тимсоли-га мурожаат қиласи. Унинг талқини бўйича кўн-гил ғойиб бўлиб, бутун ҳаётини қаро қилмиш. Агар ошуфтага сарсон кўнгли мабодо бирор куни юзи қора бўлиб, қайтиб келгудек бўлса, уни ҳайдаб солади. Бу билан шоир нима демокчи? Биламизки, ўрта асрларда гуноҳкор кишининг юзига қора суртиб, шаҳар ва бозорларда айлантириб, сазойи қилишган. Ишқ ўйлига қадам кўйган кишининг кўнгли ҳам гуноҳ ва маъсият тифайли қорайиб, яна олдинги ҳолига қайтмоқчи бўлгудек бўлса, бундай кўнгил соликка керакмас. Ишқ – кўнгил поклигига эришмок ўйли. Шу сабабли, гуноҳкор ва юзи қоралиги сабабли дилдор нурининг мазҳарига айланмаган кўнгил риёзат чекиб, мусаффо бўлмоги зарур:

Кўнгулли штти қилиб тийра хонумонимни,  
Қовай агар яна келса, юзини қора қилиб.

Кейнгі байт хам алохіда дікқатни тараб қилади. Күнгіл мажрух бұлған пайтда ошық күкісі бу тұнлигининг фойдаси йўқ, дейди шоир. Мавлоно Жалолиддин Румийнинг термизлик пири – Сайд астарда шу мазмұнға алоқадор ажайиб үхшатиш келтирилган. Үнга күра, ғалла захира құлмокчы бұлған одам әнгаввало, омборхонани сичқонлардан тозалағы керак. Йўқса, омборга қанча бұғдай түқилма-син, сичқон ва қаламушларға ем бўлиб кетаверади. Бинобарин, инсон ҳам маърифат ҳосил қилишдан аввал күнгіл үйини ҳасад, риё, кибр, шубҳа, манманлик, ёлғон каби рухият озиктарини кемириувчи “сичқон” лардан пок тутиши лозим. Акс ҳолда, ўзлаштирган билими факат зарарига ишлайди. Зоҳир олами обод, аммо ботиний олами вайрон киши худди мажрух күнгілни даволамасдан, кўксини тикиб кўйган табибининг амалидек бефойда бўлиб қолаверади:

*Күнгулни ёра қилиб улки тикти кўксимни,  
Ёқамни тикмак эрур кўкрагимни пора қилиб.*

Олтинчи байт мальоларини аңглашга истихора сўзи қалит вазифасини бажаради. Истихора сўзи лугатда яхшилик излаш, бир нарсанинг яхшироғини танлаш деган маънioni англатади. Мусулмон киши рұхсат этилган икки ишдан қайси бирини қилишини билмай қолганида хайрлисіні танлаш учун икки ракат истихора намозини ўқыйди. Истихора намозидан сўнг куйидаги мазмундаги дуо ўқылади: “Аллоҳим, Сенинг илминг билан Сендан яхшилик сўрайман. Сенинг курдатинг билан Сендан қодирлик ва улуг фазлингни сўрайман. Сен ҳар нарсанни Билувчисан, мен билмайман. Сен гайбни Би-

лувчисан. Аллоҳим, агар мана шу құлмокчы бўлған ишим динимда, ҳаётимда, ишмнинг оқибатида, дунё ва охиратимда мен учун яхши бўлса, уни менга насиб этгин ва осон қилғин. Сүнгуни менга баракотли қилғин. Агар мана шу ишим динимда, ҳаётимда, ишларимнинг оқибатида, дунё ва охиратимда мен учун ёмон бўлса, мендан уни узоклаштири, қаерда бўлса ҳам, мен учун яхшилик тақдир қилғин ва мени ундан рози қилғин”. Бу дуо ўқилгандан кейин ўша ишни қилиш ва қилмаслик тўғрисида кўнгли мойил бўлған томонга ҳаракат қилинади.

Байтдаги талқинга кўра, ҳонақоҳ - зоҳир олами-нинг ободлиги учун керакли бўлған билимларни ўргатадиган маскан билан майқада - қалб ва руж оламини обод тутадиган муҳаббат ва маърифат маконни ўртасидаги иккиланиш бўлғанда, истихора намози сабабли иккинчи йўл танланиши дунё ва охират ободдигига сабаб бўлиши чиройли баён этилган. Мутафаккир шоирнинг қатъий ақидасига кўра, факат маърифат ва муҳаббат туфайли икки дунё саодатига эришиш мумкин. Муҳаббатиз амал, маърифатиз эътиқод таассуб ва худбинликни кучайтириб, алалоқибат залолатга етаклайди. Аллоҳҳам севган бандасини севади:

*Дедимки, майқададин ҳонақаҳ ўзлин тутайин,  
Нетайки, ул сари йўл бермас истихора қилиб.*

Тасаввуп ахли орасида ҳадис сифатида талқин қилинган жиҳматга кўра, кимки ошиқ бўлиб, уни пинҳон туттан ҳолда вафот этса, шаҳидлик мақомига эришиши. Навоий ана шу олий мақомга эришиши мақсадида ишқини пинҳон тутса ҳамки, оху фифонлари ва кўзёшлари сирини ошкор этади. Ошкор бўл-ларни кўзёшларни сирини ошкор этади.



**“МЕН ЎЛДУМ ЧУ ХУНОБИ ХИЖРОН ЧЕКИБ...”**

**«Гаройиб ус сиғар», 65-ғазал**

ган сир эса, эл орасида айб саналади. Ишқ сехридан беҳабарлар бу дардга мубтало бўлгани учун маломат килсалар, ишқ ахли бу сирни ошкор этгани учун уни айблайдилар. Бу маломатни кўтариш накадар оғир эканлигини кўйидаги байтдан англаш кийин эмас:

Навоий этти ниҳон шикин, эй фифон била ашик,  
Анинг бу айбини найларсиз ошкора қилиб!

Ул ой қасдима тийғи буррон чекиб,  
Мен оллида шукронаға жон чекиб.

Масихим чу фарёдима етмади,  
Неча ўлтурай ўзни афғон чекиб.

Хаммоно ёмон кўзга майл айладини,  
Алиф нил илиа юзга ҳар ён чекиб.

Лабинг нўшдорусидин не осиғ,  
Мен ўлдум чу хуноби хижрон чекиб.

Кетур, сокиё давр аёғин тўла  
Ки, жон қолмади ранжи даврон чекиб.

Агар васли бокий керак, истагил,  
Фано кўйига раҳти хирмон чекиб.

Навоий бериб жон ўки шавқидин,  
Анинг заҳмидин ёр пайкон чекиб.



## ЛУГАТ

- Буррон – кескир  
Масиҳ – Исо пайтамбар (а.с.)нинг лақаби  
Афғон – фіғон, нола  
Ҳамоно – гүёки  
Мийл – мозорлар бошидаги түрмә  
Нил – локкувард рангидаги суртма  
Нўшдору – заҳарга қарши, жон багишловчى дори  
Осиф – фойда
- Хуноби ҳизжрон – айрилиқ кўз ёши, аччик йиғи  
Аёғ – қадаҳ  
Ранж – азоб  
Рахт – сафарнинг асбоб-анжоми  
Ҳирмон – маҳрумлик  
Пайкон – ўқ

- Иккى ёноғингга ложувард рангдан алифдек чизик тортиб, гўёки ёмон кўзниң мозорига түфурнатдинг.
- Аламли хижрон азобидан ўлиб бўлдим, энди лабингдаги хаёт бағишловчи шарбатдан не фойда!
- Эй сокий, давр қадаҳини тўла келтирким, даврон ранжини чекавериб, жоним қолмади.
- Агар завол топмас висол истасанг, фано кўйида маҳрумлик сафарига чиқмоқни талаб кил.
- Навоий танидан ёр ўқини сутуриб олгач, шавқидан жон ўқини топшириди.

## ШАРҲ ВА ИЗОХЛАР

Ғазал учун танланган вазн эпик шеърият учун хос вазн ўлчовларидан хисобланади. Фирдавсий-нинг "Шоҳнома"си ҳамда унинг таъсирида ёзилган бошқа жангнномалар ("Барзунома", "Сомнома", "Искандарнома" ва ҳ.к.) айни шу вазнда ёзилган. Мутакориб баҳрига мансуб ушбу вазннинг ритмикаси уруш саҳналари, отларнинг дуптури, қилич ва наизаларнинг жаранги, баҳодирларнинг муҳорабалари ифода этиш учун энг мақбул ва маъқул санаалган.

Аммо лирик жанрларда бу вазн деярли кўлланилмаган. Жумладан, Навоийнинг ғазалнависликдаги устозлари – Амир Ҳусрав Дежлавий, Ҳофиз Шерозий ва Абдураҳмон Жомийларнинг девонларида ҳам мазкур вазндан газал учрамай, да варидада Алишер Навоий ишқ жангоҳида баҳодирликлар, истило ва хуирега жон олишларни бадий йўсими садидда мазкур вазнни танлаганларга хос бўлған урун аслаларларини тимсол дарланасига мадди (эшитмади).

## ҒАЗАЛ ВАЗНИ

Мутакориби мусаммани маҳзуф  
V – V – V – V – V –  
V – V – V – V – V –  
Фаўлун фаўлун фаўлун фаул.

## НАСРИЙ БАЁН

- Ул ой менинг жонимни олиш қасида кескир қилич тортиди. Мен эса бу ҳолнинг шукронасига жонимни топширдим.
- Фіғон чекиб, шунча ўзимни ўлдирсам ҳам, жон берувчи Масиҳонафас ёрим менинг фарёдимга етмади (эшитмади).

матлаъда ой юзли нигор катл этиш қасдида тиф кўттарганинг шукронаси учун ошиқ жонини фидо этади. Мулк ва номус, шуҳрат ва шавкат, куч-кудрат намойиши йўлидаги жунрезликлардан фарқли ўла-роқ ишқ майдонида биргина ғолиб (маҳбуба) ва бу ғалабадан бениҳоя масрур бўлиб, ўз галабасидек қабул килган маглуб (ошиқ) бор:

*Ул ой қасдимга тийғи буоррон чекиб,  
Мен оллида шукронага жон чекиб.*

Ошиқнинг қатлига тиф кўттарган маҳбуба факат жон олувчи қотилмас, балки унинг бир оғиз ширин сўзи билан мурадаларга жон берувчи масиҳонафаслик сифати ҳам бор. Ёрният ушбу хислати васф этилган иккичи байтни икки мъянода ўқиши ва укиш мумкин. Биринчи мъянони насрый баён қисмида, юқорида келтирдик. Агар байтни сўрқ оҳангиди ўқисак, кўйидаги мазмун ҳосил бўлади: Менинг фарёдим масиҳимга етмагандан кейин, яна қанча фифон чекиб, ўзимни ҳалок этай? Бундай бир-бирига зид мъноларни бир байтда ифода этиш усулини бадиъ илмиди мухтамил уз-зиддайн санъати деб юритишиди.

Халқимизда чиройли юзларга ёмон кўздан асраш максадида нил суртиш одати бор. Ана шу удумга ишора қилган ҳолда, Навоий ёрният юзига суртилган нил чизигини ёмон кўзли одамларнинг мозори устига қадалган туға ўхшатади. Бошқача айтганда у васф этган гўзаллик шундай кудратга эгаки, унга ёмон кўз билан қараган ёки уни инкор этганлар албатта ҳалокатга юз тутади:

*Ҳамоно ёмон қўзга мийл айладинг,  
Алиф нил ила юзга ҳар ён чекиб.*

Хижронни биз айрилиқ маъносида тушунишга ўрганиб қолганимиз. Аслида хижрон – бирорни ўз ҳолига ташлаб қўйиш, унинг бор-йўғига лоқайд бўлиш, назардан қолдириш демакдир. Жавобсиз мухаббат дарди, ишқ азоби ва ёрният бефарқлиги кийноқлари остида ҳалок бўлган ошиққа ёрният жон бағишловчи қаломи ҳам ёрдам беролмайди. Негаки, ёрният илтифотлари унгамас, балки ўзгаларга қаратилган:

*Лабинг нўшдорусидин не осит,  
Мен ўлдум чу хуноби хижрон чекиб.*

Кейинги байтда келтирилган “давр аёғи” ва “ранжи даврон” иборалари ажойиб сўз ўйини ҳосил қилинган. Қадимги шароб мажлисларида май катта бир жомга сузилиб, давра аҳли уни айлантирган ҳолда навбат билан бу шаробдан ичишган. Бу одатга Ҳофиз Шерозий ишора қилган ҳолда, девонининг биринчи ғазалини шундай бошлайди:

*Ало ё айюҳас-соқий, адир қатъсан ва новилҳо,  
Ки ишқ осон намуд аввал, vale афтод мушқилҳо.*

(Мазмуни: Эй соқий, шароб косасини даврада айлантири ва бизга май тутки, ишқ аввал осон кўринди, аммо сўнгра бошимизга мушқуллар тушди).

Навоий ҳам сокийга мурожаат қилиб “давр аёғи”-ни тўла ҳолда унга тутмокни илтимос қиласди, чунки у давроннинг ранжу азобларини кўп чекиб, мадори қолмаган. Ҳофиз байтида шароб ишқ йўлидаги азобларни енгиллатиш учун восита бўлса, Навоий ишқ аҳлини ўз бағрига сифидирмаган, уларнинг ҳо-

лини тушунмаган замона ва унинг ахлидан шикоят  
қилган ҳолда сокий шаробидан имдод истайди:

Кетур, соқиё, давр аёгин тўла,  
Ки жон қолмади ранжи даврон чекиб.

Дунё ва унинг кувончу қайғуси, висол ва фирқадари, лаззат ва маҳрумиятлари – барчаси ўткинчи. Ўткинчи дунёнинг йўловчиси бўлган инсоннинг илинжи, ҳаётдаги асл мақсади эса – бокийликка эришиш, мангаликка етиш. Мангуллик сифати эса факат ёри азалга хос сифат. Унинг ҳакиқатини англаш, моҳиятта етишмок учун ягона чора – башарий сифатларни фано кўйига совуриб, бако сари юзланиш. Ана шундагина ҳакиқий ошиқ бокий висол саодатидан баҳраманд бўлиши мумкин:

Агар васли боқий керак, истагил,  
Фано кўйига раҳти ҳирмон чекиб.

Кўриб чиққанимиздек, бу ғазалда ҳам “чекиб” сўзи радиф сифатида танланган. Навоий бу сўзининг турли маъноларда ишлатиб, радифда тажнис санъатини кўллаганки, бу холат факт ўзбек тилида наимён бўлиши мумкин. Жумладан, мазкур ғазалда радиф санчмок, урмок, таждим этмок (1-байт), оҳурмок (2-байт), безамок (3-байт), ичмок (4-байт), бошдан кечирмок, азобини тортмоқ (5-байт), кўтармок (6-байт), сутуриб олмок (7-байт) маъноларини ифода этиб, ҳар бир байтнинг мантиқий меҳварига айланган. Бу эса ғазалнинг дилтортарлиги ва жозибадорлигини янада оширган.



## “ИШҚ ДАРДИҒА ЖУЗ ЎЛМАК ЙЎҚ ЭМИШ ХЕЧ ИЛОЖ...”

«Гаройиб ус сугар», 66-ғазал

Чобукум раҳш уза хижрон йўлида пўя қилиб,  
Мен анинг кейнича гоҳе югуруб, гах йикилиб.  
Йикилиб ёна кўтуб, чунки уруб йўлға қадам,  
Ваҳки, юз ништари хижрон аёғимга тикилиб.  
Тобоним дарду бало хораларидин ўюлуб,  
Норагим ранжу ано хорларидин тешилиб.

Турфа кўргилки, ионон тортмай ул шўх даме,  
Сўнгичча буйла қатиқлик била ҳолимни билиб.

Ишқ дардига жуз ўлмак йўқ эмиш ҳеч илож,  
Бош кўюб оллиға онингки, бу маънони билиб.  
Истарам ўзни харобот ичида лоятьқил,  
Хуш чун боиси ранж ўлди, негармен ойилиб?

Гар Навоийга ёғин ашқ эдиию раъд фигон,  
Ҳажр чун кожурубон кўзларига ўт чақилиб.

## ЛУГАТ

Рахш – учкүр от  
Кейніча – орқасидан  
Хора – харсанғаш тош

Ано – маҳрумлик  
Турфа – алсойиб, ғалати

Инен – жислов  
Даме – бир он, бир лаҳза

Лояъқил – ақл-хүшисиз  
Ранж – азоб, машакқат

Ойшалмоқ – хүшига келмоқ  
Раъд – момоқалдирик

Кож – тарсаки, шапалоқ  
Газал мусамманни маҳбуни маҳзұф  
-V-- VV-- VV-- VV--  
-V-- VV-- VV-- VV--

Файлолутун файлолутун файлолутун  
Рамали мусамманни маҳбуни маҳзұф  
-V-- VV-- VV-- VV--  
-V-- VV-- VV-- VV--  
на санчилди.

## НАСРИЙ БАЁН

Чобуксуворим мени хижронда қолдириб, от  
чоптириб кетмокда. Мен эса унинг кетидан гоҳи  
югурриб, гоҳ ийқилиб бормоқдаман.  
• Йикиласм-да, яна ўрнимдан күпіл, бу йўлга  
қадам күйсам, эвоҳ, хижроннинг юзлаб наштари  
оёғимга санчилди.

• Бу дарду балолар тошлоқида товоним ўйилиб,  
юрагим азоб ва маҳрумликтар тиконларидан те-  
шилган.

- Гаройиб бу ҳолни күрки, ул шўх менинг бундай каттиқ ҳолимни биллиб турган ҳолда бир лаҳза бўлса-да, жиловини тортиб турмади.
- Ишқ дардидага ўлмакдан бошқа бирор чора йўқ, Кимки бу матъони билса, унинг олдидага таъзим қилинг.

- Харобот ичидага ақл-хушдан бегона бўлиб, жуннушева бўлмоқни истайман. Ақлу хуш ранжу азоб боиси бўларкан, хүшёр бўлиб негарман!
- Навоийнинг кўз ёшлари ёмғир, фифонлари момоқалдирик бўлган бўлса, хижрон юзига тарсаки уриб, кўзларидан чакмоқдек ўт чакилди.

## ШАРҲ ВА ИЗОҲДАР

Разал хижрон йўлидаги азоб ва қийноқлар, шиддат ва машакқатларнинг тасвирига бағишланган. Бу йўл – наштардек кескир тиконлар, ҳар бир қирраси жон олувчи харсангтошлар, маҳрумлик, ранжу машакқатларга тўла оғат ва балолар водийси. Ақл эгаси бу йўлга зинҳор қадам босмайди. Аммо бутун вужуди билан ёрнинг бир қиё бокишига зор ошиқ ёрнинг ортидан телбавор ийқилиб, яна кўтиб чопиб бораверади. Товонлари қонталаш бўлиб, юрги хижрон тиконларидан мажруҳ бўлса ҳамки, бу йўлдан заррача чекинмайди. Маҳбубаси бир лаҳза бўлса-да, тўхтаб, ҳолига назар солиши – унинг ягона умиди. Ёрнинг илтифотини ҳаётининг мазмумни деб билганидан шунча машаққатга чидаган ошиқ унинг бепарволиги ва истифносидан дарду азоби янада зўрайди:

Турфа кўргилки, инон тортмай ул шўх даме,  
Сўнгича бўйла қатикилик била ҳолимни билиб.

Ёрнинг бундай бепарволиги, ошиқ холига назар солмаслигидагатта жикмат бор. Аттор ва Навоийнинг "Күш тили" достонларида Мәтирифат водийсидан сўнг Истиғно водийси келади. Истиғно водийсида солик Ёри азалнинг жожатсизлигини жондан хис этиб, ўзининг борлиги ва умуман бутун Борлиқнинг бор-йўқлиги Унинг Буоклиги ва Кудрати олдида заррача кадри йўқлигини англай бошлийди. Жумладан, Шайх Аттор бу водий таърифида турили миссоллар келтириб, илоҳий ҳикмат инсоний мантиқ колипларига сифъмаслигини кўйидагича ифодалаган:

Сўнгра ул водийи истиғно келур,  
Унда не датъво ва не маънбо бўлур...

Неча минглаб дийдалардин оқди қон,  
Токи зиндандин Юсуф чиқсин, дебон.

Неча минглаб гўдаклар ўлдиilar,  
То Халил топгуンча етсин деб назар...

Юз тумман ҳалқ бойлади зуннор басо,  
Бўлмагунча маҳрами асрор Исо.

Бўлди торож неча минг жону кўнгил,  
То Муҳаммад чиқмади мебројга ул.

Эскидир, янги, қадрсиздир ҳама,  
Хоҳи бир иш айла, хоҳи айлама...

Кетса шу дунё ародин, не эмиш?  
Бир чумолининг оёғи лат емиш.

Қолмаса гар деву инсондин асар,  
Бу камайган қатра бир ёмғир қадар.

Бунда жузбу кулл агар бўлса тамом,  
Бир сомон чўчи ўйқолмиш, вассалом.

Хижрон йўлида турили бало-ю оғатларга чида-  
ған ошиқ ушбу ҳақиқатни англагач, бу йўлда фано  
булишдан бошка чора йўқлигини англайди. Ишқ  
пўлидаги ўлим – жисмоний маҳв бўлиш эмас, бал-  
ки муҳаббат оташида иdda ва давъолар, истак ва  
хоҳишларни ёқиб юбориб, қақнус қушидек қайта  
туғилмоқ демакдир. Ишқ шахиди бўлишни ихтиёр  
этган одам эса, ҳар қандай эҳтиромга лойик. Чун-  
ки у аслига, моҳиятлар моҳияти, яъниким одам ва  
оламнинг яралishiга асос бўлган Ишқ йўлида ўзини  
фидо қилишга шай туриди:

Ишқ дардига жуз ўлмак йўқ эмиш ҳеч иложс,  
Бош қўюб оллиға онинги бу маънони билib.

Бутпарастликка даяват этиб, бутун оламни  
гумроҳ этган Намруд Иброҳим Халилulloҳ дунёга  
кељмаслиги учун минглаб гўдакни тиғдан ўтказиши,  
худолик датъовосини килган Фиръавнга Нил дарё-  
сини матьлум муддат бўйсундирib кўйиши, қанча-  
дан-қанча пайғамбарлар ва имон аҳли худосизлар  
қўлидан шахид кетиши... Намрудни ярим пашша  
билиан ҳалокатга етказган, Фиръавнни лашкари би-  
лан денгизда чўқтириб юборган, истаган пайтида  
бир дамда душманларини осонгина йўқлик олами-  
га равона этган Аллоҳ таолонинг ҳикматини ақл ва  
ҳикмат билан англаб бўлмайди. Инсоннинг ожиз ва  
ноқис акли илоҳий адолатни англашга қодир эмас.



“ЭЙ НАВОЙЙ, КАЛЬБАЙ МАҚСУД  
ВАСЛИН ИСТАСАНГ...”

«Гаройиб ус сиғар» 67-ғазал

Бутун умр тоат-ибодатда бўлган банда эришолмаган макомга туноҳ килишдан бошқасини билмаган бошқа бир банда чин кўнгилдан чикқан оҳи туфайли эришишини хис қилиш учун ақл ва билим занжиридан кутулиб, қалб ва муҳаббат назари билан карашни касб этмоқ лозим. Бунга эса орифларнинг сухбати (харобот) ва улар тутган маърифат бодаси кўмакчи бўлади:

Истараам ўзни харабот ичада лояъқи,  
Хуш чун боиси ранж ўлди, нетармен ойшилиб?

Мактальда эса шоир муболагали тасвир орқали хижронда колиши азоби билан табиий ҳодиса, яъни чакмоқ чакиб, сел ёмғири ёғиши ҳамда ошиқнинг беҳисоб кўз ёшлари-ю осмонларни тутган фифонлари ўргасидаги мувозий ўхшашликни ифода этади. Бахор ёмғиридан сўнг күёш чиқиб, олам ям-яшил бўлгани сингари, ошиқнинг нола-фифонлари ҳам бесамар кетмасдан, хижронлар висолга айланажак. Шоир шунга умид боғлаган ҳолда ғазалига якун ясади:

Гар Навоийга ёғин ашк эдиню ратд фифон,  
Хажр чун кожурубон кўзларига ўт чақилиб.

Мендин ул чобукнинг, эй пайки сабо, майдонин ўп,  
Кўйига бошим ниёзин еткуруб, чавгонин ўп.

Бодпойи сайриға ҳамтаклик айлай олмасанг,  
Ерга мендин юз кўюб кўрган сою жавлонин ўп.

Кулса латъли, вахки, қолмас менда бир ўлқунча хуш,  
Ҳашв эрур, кўнглумки, айтурсен лаби хандонин ўп.

Пок этак истар эсанг, бир пок этаклик истабон,  
Хоки наътайнига юз кўй, гўшайи домонин ўп.

Гар аёғин раҳшининг ўтмак мұяссар бўлмаса,  
Кўз солиб ҳар ердаким, кўрсанг аёғ босқонин ўп.

Коши ёси ғамза ўқин отса вах, мен хастадин,  
Кўзларинга суртубон супорини пайконин ўп.

Эй Навоий, кальбай максуд васлин истасанг,  
Шохи Ғозий қасрининг даргоҳи олийшонин ўп.



## ЛУФАТ

Пайк – элчи, хабар етказуучи  
Сабо – тонгги шамол  
Гүй – коттог  
Чаэгөн – учи қайрилган маҳсус таёк  
Бодлой – учкүр от  
Хамтаклик – тенг югурууучилик, ҳамрохлик  
Сою – сари  
Хаиб – ортикчы gap  
Назъайн – усти күй териисидан тикилган, пошинааси  
Үрнига төмөр таңа қоқилган бир жүсүфт ёғоч ковуш  
Гүшайын домон – этакнинг учи  
Рахш – учкүр от  
Аёғ – оёк  
Сүйфөр – ўқнинг ёғочи  
Олийшон – шатыни уулғ

Рамали мусаммани маҳзүф  
-V-- -V-- -V-- -V--  
-V-- -V-- -V-- -V--

Фоилотун фоилотун фоилотун фоилун

## ҒАЗАЛ ВАЗНИ

Суфбор – ўқнинг ёғочи  
Олийшон – шатыни уулғ

## ШАРХ ВА ИЗОХДАР

Алишер Навоий “Девони Фоний”даги форсий ғазалларини уч түркүм – татаббүй, тавр ва муҳтараъ газалларга тасниф киљганини биламиз. Татаббүй газаллар деганда салоф шоирларнинг машхур ғазалларининг вазни ва қофия түркүмини саклаган холда улар билан ижодий мусобакага киришиб, жа-вобия газал ёзиш тушунилса, тавр ғазаллари – об-разлар тизими хамда умумий рух ва услубни сакла-гандардан янги бадий ижод намунасини яратиш демакдир. Муҳтараъ ғазалларда эса анъанавийлик-дан кўра таждид – новаторлик руҳи хукмрон бўла-ди. Бу түркүмдаги ғазалларда шоир янги қофия ва радиф түркүми, янги образлар ва матънолар силси-ласини яратиш – ўз сўзини айтишига ҳаракат киласиди. Муҳтараъ ғазаллар түркүмига даҳлдор ғазаллар-нинг бирин куйидаги матгълай билан бошланади:

## НАСРИЙ БАЁН

• Эй сабо, ул эпчил чавгонбозга мендан салом ет-казид, майдонини ўп. Майдондаги чавгон тўпига башибим фидо эканлигини етказ, чавгонини ўп.  
• Агар учкүр оти билан баробар чопа олмасан, менинг номимдан ерга пешонангни суртиб, жавло-нини ўп.

*Зи ман, эй дил, кафи он нозанин бүс,  
Агар худ даст наадхад, остиин бүс.*

*(Таржимаси:*

*Ул гүзал ёрниң күлиндан бұса олған мен учун,  
Эй дилим, енгидан ўп гар бермаса күл сен учун).*

Форсий ғазалнавислик тарихида ушбу радиф (бүс - ўп) билан биринчи мартағазал яратилғани ғазалдаги новаторлик рухига устуворлик бағишилаган. Худди шу ижодий тажрибани туркій ғазалнавислика татбіқ әттан Навоий яна бир янгиликка асоссолади – дөвончилік тарихида “пе” ҳарфи билан тугаллаган түркүм ғазалларни яратиш анынасими баштап беради. Бошқача кирил әйттанды Сальдий Шерозий, Хожа Ҳофиз, Амир Ҳусрав ва Абдурахмон Жомийнинг девонларида учрамайдыган, араб ти-лида мавжуд бўлмаган, Ажам халқлари алифбосига хос бўлган ушбу ҳарф ҳам дөвончилик тизимида На-войй туфайли муқим ўрин эгалдай бошладыйи:

*Мендинул чобукнинг, эй пайки сабо, майдонин ўп,  
Кўйига бошим ниёзин еткуруб, чавгонин ўп.*

Ғазалнинг дастлабки учбайти чавгонбозлик майдонида жавлон урган ёрниң васфига бағишиланған. Чавгон – учи эгри кирил йўнилган маҳсус таёқ, Шутаёқ ва гўй – маҳсус тўпча билан отда ўйналадиган жамоавий спорт ўйини эса чавгонбозлик деб аталаған. Қадимги Шарқда чавгон кўчманчи қабилаларнинг ўйини сифатида пайдо бўлган. Кейинроқ отлиқ аскарларнинг машғулотига айланган. Навоий васф әттан манзур ҳам чавгонбозлиқда ўз хунарини камолга етказган инсон. Унинг учқур самани ҳам

хатто ошиқларнинг хабарини етказувчи сабодан -да тезроқ жавлон уради. Унинг маҳоратига тан берган шамол ҳам ердаги изларини ўпишдан бошқа чораси қолмаган:

*Бодпой сайриға ҳамтаклик айлай олмасан,  
Ерга мендин ноз кўюб кўрган сою жавлонин ўп.*

Дастлабки уч байтда чавгонбозлик майдонида-ги манзара васф этилган бўлса, тўртинчи байтда хослар ишқига мос ҳолат (пок кўзни пок назар била пок юзга солмоқдур ва пок кўнгул ул пок юз ошу-бидин кўзғолмоқ ва бу пок мазҳар воситаси била ошики покбоз маҳбуби ҳакиқий жамолидин баҳра олмок – “Маҳбуб ул-кулуб”) талқин этилади. Ҳар қадамда бир гуноҳ, ва хато пайт пойлаб турган ушбу оламда ўтқинчи жавою ҳаваста берилмасдан, пок мухаббат неъматидан баҳраманд бўлган инсонлар бор. Улар иккиси оламнинг неъматларини наълан – дарвешона пойабзалинг гардига ҳам олмайдилар. Оламнинг истаклари ва хоҳишлирига этак силки-тиб, кўнгил уйини бу ғалва ва ғавғолардан пок тута билган бу тоифа ҳар қандай эҳтиром ва тавозега му-носисиб:

*Пок этак истар эсанг, бир пок этаклик истабон,  
Хоки наъланига юз кўй, гўшаий домонин ўп.*

Мактальда Навоий Қаъбайи максуд висолига этишмоқ учун Шоҳи Ғозий – Султон Ҳусайн Бой-қаронинг остонасини ўпиш лозимлигини таъкидлайди. Бу билан шоир замон ҳукмдорининг адолат ва муруватини мадҳ этиб, унинг даргоҳи барча эл хожатини раво этувчи маскан эканини таъкидлаб,



**“АКЛУ ХУШ АХЛИНИ БУ ДЕВОНАГА  
ҮХШАТМА КҮП...”**

Эй Навоий, Каъбайи мақсуд васлин истасан,  
Шоҳи Ғозий қасрининг даргоҳи олийшонин ўп.

**«Fapoyib us sifgar», 68-ғазал**

Зулфу юздин сунбуулунгни гул уза тарқатма күп,  
Даҳр боғида гулу сунбул исин бутратма күп.

Кўзларингим, масти хоболуд эрур кўп овлама,  
Ҳар сари уйқуға борған фитнани уйғатма күп.

Зулфиға, эй мушк, истарсен қаримчи бандалиғ,  
Йўқ ҳадинг, кечкил бу савдодин, ўзунгни сотма кўп.

Ўйнай-ўйнай ўлтурур бир-бир улусни кўзларинг,  
Шўх қотилларни жонлар қасдиға ўйнатма кўп.

Тийрадур Мажнунки, мендек дебсан они, эй хирад,  
Ақлу хуш ахлини бу девонага ўҳшатма кўп.

Эйки, мужгондин ясол туздунг кўнгуллар сайдига,  
Кўз юмуб очкунча ушбу хайлини кўзғатма кўп.

Эл била ҳар дам қадаҳ янглиғ кууб, эй муғбача,  
Кон ёшим сочиб суроҳийдек мени йиғлатма кўп.

Сафҳай хотирда, эй ориғ, керактур ёру бас,  
Софийи ваҳдатқа хошоки хавотир қотма кўп.

Чун Навоий қисмати жоми май ўлмиш, эй фақиҳ,  
Сарзаниш айлаб анга сангি маломат отма кўп.



## ЛУФАТ

Сунбул – гуллари ҳалқа-ҳалқа ўсадиган бир наев  
хушибүй ўсимлик  
Даҳр – олам  
Бутратмок – тарқатмок  
Хоболуд – уйкусирасан  
Қаримчи – қаримсик  
Тийра – бу ерда: ноўрин ўхшатиши.  
Хирад – ақл  
Ясол – күшин қаноти, фаланга  
Хайл – ғуруж  
Суроҳий – май шишиаси  
Сафҳа – саҳифа, бет  
Софий – соғ шароб  
Ваҳдат – бирлик  
Котмок – аралаштиромок  
Сарзаниш – маломат, татна; танбех  
Санг – тош

ёдлик, яъни овчилик қилмагин. Ўйкуга кетган фитнани яна уйғотма.

• Эй мушк, унинг зулғига қора қаримсик кул бўлиб қолишини истайсан. Ҳаддингни билиб, бу саводдан кеч, ўзингни кўп бозорга солма.

• Кўзларинг ўйнаб-ўйнаб улусни бирма-бир ўлдиримоқда. Бу шўх қотилларинги жонлар қасдида кўп ўйнатма.

• Эй ақл, Мажнунни менга ўхшатганинг нотўри. Эсли-хушли одамларни мен девонага кўпам ўхшатишира.

• Кўнгиллар сайди учун киприкдан кўшин тузибсан, кўз очиб юмгуңча бу кўплаб кўнгилларни ортиқ кўзгатма.

• Эй муғбача, одамлар билан май ичib, қадаҳ қаби кулиб, май шишиасидан оқаётган шаробдек менинг қон ёшимни оқизиб, кўп йиғлатма.

• Эй ориф, хаёлу хотиринг саҳифасида факат ёр керак. Тавҳид бодасига хавотир ҳашагини кўшма.

• Эй фақиҳ, май жоми Навоийнинг қисмати экан, унга таъналар қилиб, маломат тошлиридан кўп отма.

## ҒАЗАЛ ВАЗНИ

Рамали мусаммани маҳзузуф

-V-- -V-- -V-- -V--  
-V-- -V-- -V-- -V-

Фоилогутун фоилогутун фоилогутун фоилун

## НАСРИЙ БАЁН

- Сунбулдек зулғингни гул юзинг узра кўпам тарқатма. Олам боғида гул ва сунбул ифорини кўп ёйма.
- Маст ва уйкусираган кўзларинг билан кўп сай-

## ШАРХ ВА ИЗОҲДАР

Бу ғазал ҳам туркона радиф ва коғияллар туркуми асосида яратилган. Тимсоллар анъанавий бўлгани билан шоирнинг сеҳркор қалами янги-янги маънолар ва поэтик тасвиirlарни ифодалагани учун байтларга бетакрорлик ва жозиба бахши этган. Айниқса, бадиий матнда феълларнинг инкор шаклида кўлланилгани ўкувчи зеҳнида бошқача тасаввурларни уйғотади. Одатда, ошиқ маҳбубага мурожаат қилганида жамолини курсатишни, дийдоридан баҳраманд этишини сўрайди. Газалда эса ёр жамолининг

назораси ошибкинг тобу тавонидан ташкарида эканини тарьидлаш мақсадида, хусн жилваси күп бўлмаслигини илтимос қиласди. Бундан бошқача, иккинчи хулоса ҳам чиқариш мумкин: ошибкинг рашик ва ғайрат оташи шунчалик аланга олганки, ўзидан бошқалар ҳам жаҳон бўстонида бу гўзаллик мазҳари жамолидан баҳраманд бўлишларини истамайди:

Зулфу поздин сунбулунени гул уза тарқатма кўй,  
Даҳр боғида гулу сунбул исин бутратма кўй.

Иккинчи байтда "масту хоболуд" дея сифатланган хумор кўзларнинг тарьифи келтирилади. Бу кўзлар фитналарни кўзғатувчи сифатига ҳам эга. Бундай чиройли кўзларга назар солган киши агар имон аҳлидан бўлса, эътиқоди мустахкамланса, "аҳли рад" ("Хайратул-аббор" достонида куфр аҳлига берилган тарьиф)нинг инкор ва куфри янада кучайишига сабаб бўлади. Фитна, яъни куфр ва имон аҳли ўртасидаги зиддият ва ихтилоф кучайган жойда кўп бегуноҳ кимсалар курбон келтирилади. "Лисон ут-тайр" достонида истифно водийсининг таърифида бундай "фитна"ларга кўплаб мисол кетирилган: Одам Ато шараф токини кийганда минглаб фаришталар гуноҳларига иқор бўлиб, Парвардигордан узроҳҳлик қилдилар, Шайтон илоҳий даргоҳдан кувиди; Нух пайғамбар тўғони замонида юз минглаб одамлар ҳалок бўлди; Мусо алайхиссалом туғилганида юз минг гўдак қатл этилди. Бу – Оламларнинг ҳакиқий Подшоҳи олдида бутун дунёнинг борлиғи ё йўқлиги ўз моҳиятига кўра ҳеч нарсага арзимаслигини билдирувчи ҳолатлардир:

Бўлди минг хайли малоқи бартараф,  
Ногаҳ одам кийди бир тоғи шараф.

Бўлди юз минг жисмдин бегона руҳ,  
Токи киштибонлиғ ойин қилди Нух.  
  
Бўлди юз минг тифлнинг қони ҳадар,  
To Калимуллоҳ бўлди тожвар.

Тўқти юз минг қон бу золим кўхна дайр,  
To Мухаммад бўлди бир тун аршасайр.

Аллоҳ таолонинг кудрати олдида нақадар ожизлигини англаган инсон илоҳий адолатнинг мезони акл ўлчовларига мос келмаслигини билади. Ақл ожиз қолган жойда факат имон ва ишқ, эътиқод ва муҳаббат жунуни тўғри йўлдан адашмаслик учун кўмаклашади. Бу мақомга эриштан банданинг жунуни Мажнуннинг ошиклигидан ҳам улуғворорқ мартабага эришади. Мажнун илоҳий мазҳар – Лайлига ошиқ бўлгани туфайли ақлдан бетоналашган бўлса, Илоҳий кудрат мушоҳадаси ва тафаккур тупайли ақл ожизлигини англаган инсоннинг жунуни ундан-да бир неча карра кучлироқ бўлади:

Тийрадур Мажнунки, мендек дебсен они, эй хираф,  
Ақлу хуш ахлини бу девонагат ўхшатма кўп.

Кейинги байтларда ҳам шоир ҳакиқат сирларини мажозий йўсунда ифодалаб, сўз санъаткорлигининг янги кирраларини намоён этади. Шоир кўшиннинг тузишида Амир Темур томонидан кўлланилган ҳарбий усул – кўшиннинг қанот қисмини ёйма шаклида жойлаштириш билан ёрнинг қайримла киприклари орасидаги ўхшашликни нозик илғаб, кўнгилларни

сайдыклиш учун сайрга чиққан ёрга илтижо килган холда кипприк қоқишини қанотдан хужумга ўтган лашкар каби аёвсиз эканини таъкидлайди. Кейнинг байтда эса муғбачага мурожаат қилиб, матьрифат йўлидаги шодлигини қадаҳ кулгусига, ошиқларнинг кўз ёшини эса суроҳий ноласига ўшшагади. Бу билан шоир ҳар қандай ҳолатда – базм ҷоғи ҳам, разм – уруш пайтида ҳам ёрнинг фикрү зикрида эканини нозиклик билан баён этган:

Эйки, музғондин ясол тузудунг кўнгуллар сайдига,  
Кўз юмууб очқунча ушибу хайлни кўзгатма кўп.

Эл била ҳар дам қадаҳ янглиғ кулуб, эй муғбача,  
Кон ёшим сочиб суроҳийдек мени йифлатма кўп.

Мавъиза оҳангиди битилган саккизинчи байтда шоир энг муҳим ирфоний масала – тавхид ҳакида фикр юритади. Тасаввуфга турли таърифлар берилганди. Аммо унинг асосий масаласи – Аллоҳнинг ягоналигини англаш ва унга юз тутиш эканига барча тасаввуф аҳли яқдил эрурлар. Жумладан, Мавлоно Жомий рубоййларнинг бирида шундай дейдилар:

То кай зи тасаввуф ҳару бор овардан,  
Бар жойи яке нукта ҳазор овардан?  
Хомӯш, ки ҳосили ҳама як сухан аст –  
Рўй аз ҳама тофтан, ба Ёр овардан.  
(Таржимаси:

Токай бу тасаввуф аро баҳсу талаш,  
Бир сўзни демай, неча тумон сўз қалаш?  
Жим бўлки, йигилса барчаси, битта қалом –  
Юзни ҳамадан буриши ва Ёрга қарај.

Навоий ҳам ғазалда баён этилган асосий матлаб ва муддао ягона Ёрнинг ризоси ва висолига етиш бўлганини таъкидлаган ҳолда, матьрифат йўлидаги киши бошқа нарсаларга чалғимасдан ҳамиша Биру Бор Худонинг ёдида бўлиши лозимлигини уқтиради. Соғ шароб устига тушиб қолган ҳас-ҳашак таъбни хира қилиб, кайфиятни бузгани каби дунёвий ташвишлар ҳам тавҳид асрорини англаш лаззатидан мосуво қиласди:

Сағҳайи хотирда, эй ориф, керактур ёру бас,  
Софийи ваҳдатқа хошоки ҳаётотир қотма кўп.

Мактабъда Навоий бу шароб, яъни илоҳий маърифат бодасидан баҳраманд бўлиш унинг азалий қисмати эканини, факиҳлар буннинг учун уни маломат қиласмасликларини сураб ғазални тугаллайди. Бу билан фикрҳаром деб билган май билан Навоий васф этган шароб бошқа-бошқа нарсалар экани, аслида, бу хуморсиз шароб, яъни матьрифат ва илоҳий мұхаббат бодасидан ҳар бир имон аҳли имкони борича тогтиши лозимлиги таъкидланади:

Чун Навоий қисмати жоми май ўлмиш, эй фақиҳ,  
Сарзаниш айлаб ачга санги маломат отма кўп.





**“БИР МУҒАННИЙДИН НАВО ТОПМОК  
ТИЛАРСЕН, ЧАНГДЕК...”**

**«Faroib us sifar», 69-ғазал**

Қасри жохинга сипеҳр авжидა айвон бўлди тут  
Ҳам сипеҳр осибидин ер бирла яксон бўлди тут.

Лаъли руммоний тиларсен дам-бадам зийнат учун,  
Қатра-қатра бағр ингандин нордек қон бўлди тут.

Нафъ чун куймактин ўзга кўрмадук парвонадек,  
Бир күёш ҳар тун санга шамти шабистон бўлди тут.

Дайр қасди қилмағил ҳар лаҳза ошиқ бўлғали,  
Қасди диннинг қилғучи бир номусулмон бўлди тут.

Истадинг дунё арусин туштаги маҳбубдек,  
Топмас эргач ком лаълидин, пушаймон бўлди тут.

Шўхлар қошин тиларсен, лек андоқким ҳилол,  
Жонға етганда кўрунгач кўзга пинҳон бўлди тут.

Бир муғаннийдин наво топмоқ тиларсен, чангдек  
Этри қад бирла ишинг фарёду афғон бўлди тут.

Кўси шавкат етти дўзахқа эшик қоқмоқдуур,  
Бас ети иқлим мулки узра сulton бўлди тут.

Эй Навоий, ўзни жамъ эт, йўқса олам маҳзанин  
Кон ютуб жамъ айлабон ўлгач паришон бўлди тут.

**ЛУҒАТ**

Жоҳ – шон-шавкат  
Сипеҳр – осмон, фалак  
Осиб – зарар  
Яксон – тенг, бир хил  
Руммоний – анор ранзи, тўқ қизил  
Нор – анор  
Дайр – мажусийлар ибодатхонаси; маж: дунё  
Қом – истик  
Ҳилол – янги ой.  
Муғаний – созандा  
Наво – куй, оҳанг  
Чанг – мусиқа асбоби  
Афғон – нола, фигон  
Кўйс – қўнғироқ  
Махзан – хазина

**ҒАЗАЛ ВАЗНИ**

Рамали мусаммани маҳзуз  
-V-- -V-- -V--  
-V-- -V-- -V--  
Фоилотун фоилотун фоилотун фоилотун

**НАСРИЙ БАЁН**

- Шон-шавкатинг қасри фалакнинг энг баланд айвонига айланса ҳам, билгилки, фалакнинг зиён-захмати ер билан тенг бўлади.
- Зийнатланиш учун ҳар лаҳза анордек қизил лаълни истамоқдасан. Шуни ҳисобга олки, бу ташвишдан бағринг анор донасидек ээлиб, томчи-томчи қон оқади.

- Бир күйш юзли париваш тунларинги шамдек ёритьса, бу шамнинг ёруғида парвонадек күймакдан ўзга наф кўрмадик.
- Ошик бўлиш учун дайрга юз тутма, акс жолда кайсиdir номусулмон сенинг диннинг барбод қиласди, хушёр бўл!
- Келинчак каби ишвали дунё висолини истадинг, аммо шуни хисобга олки, тушида маҳбубадан лаззат ололмаган одамдек пушаймон бўласан.
- Гўзалларнинг янги ойга ухшаш қопшига етишмоқни истайсан, аммо шуни эътиборга олки, уларга етишдим деганингда янги ойғойи бўлганидек кўздан ғойиб бўлади.
- Бир созандадан хуш наво эшишиб, роҳатланишинни истарсан, аммо шуни билки, бу дунёда охир-окибат чанг каби қаддинг эгилиб, пушаймон бўлиб ногаллар чекасан.
- Етти иқлимда ягона сultonон бўлсанг-да, шоншавкатнинг дабдабаси ўз мөхиятига кўра етти дўзахнинг эшигини қоқмоқ эканини эътиборга ол.
- Эй Навоий, ўзингни йигиф ол, акс жолда бутун олам хазинасини қонлар ютиб тўпласант ҳамки, ўлганингдан сўнг барчаси ҳавога совурилади. Огоҳ бўл!

### ШАРҲ ВА ИЗОХДАР:

Девондаги “те” ҳарфи туркумини бошлиб берувчи ушбу ғазал мавъиза – насиҳат мавзусида битилган. Мазкур ғазал “Бадоевъул-бидоя” девонида ҳамайнан келтирилгани сабабли уни ҳеч истисносиз ёшлик давридаги ижод махсусли сифатида баҳолаш керак. Газалдаги фикрлар, ўтиқир хуолосаларни “бўлди тут” радифи янада қатъийлаштириб, муросасиз

оҳанг бағишлаган. Ёшлик – умрнинг энг покизава беғубор дамлари, “ҳаёт гулшанинг шукуфаву гулзори”<sup>1</sup>. Ёшликка хос жасорат ва мутафаккир даҳоларгагина насиб этган тафаккур курдати билан яратилган ушбу ғазал даврнинг ҳукмдорига қартилгани матлаънинг мазмунидан аён:

*Қасри жоҳоҳингга сипехр авжисда айвон бўлди тут,  
Ҳам сипехр осибидин ер бирла яксон бўлди тут.*

Иккинчи байтини таҳдил қилишдан олдин кичик бир тарихий далилни муҳтарам ўқувчи эътиборига ҳавола этимоқчимиз: “Холоти Сайд Ҳасан Ардашер”да айтилишича, бир куни сухбат ҷоғида фозиллардан бир машхур бир байт ўқиди:

*Санг-санг асту деги сангин –санг,  
Лек андар миён тафовутҳост.*

(Таржимаси:

*Латъл эрур тош, дошқозон-да тош эрур,  
Лек ародда бор тафовутлар азим).*

Сайд Ҳасан Ардашер байтга бутунлай бошқа йўсинда шарҳ бериб айтадики, ҳақиқатда дошқозон ва латъл – иккаласи тош жинсига мансуб. Аммо дошқозон одамларга кўп фойдалар келтиради, аммо латълдан одамларга тасаввурга сифмайдиган кўп зарарлар етади.

Навоий бунга кўшимча равишида изоҳ бериб айтадики, ўша пайтларда Султон Абусаид фармони билан одамларнинг кўлидаги қимматбаҳо тошлар ва тақинчоқларни мусодара қилиш бошланган бўй

<sup>1</sup> “Ҳазоин ул-мәни” дебочасида Навоийнинг “Таройиб ус-сигар” девонидаги ғазалларнинг ёзилиш айёмига берган таърифи.

либ, айни ўча мажлисда тош қозонда мажлис ахли учун таом ҳозирланаётган экан: Алар ... сүз бошлаб дедиларки, шайх айтибидурки, тош қозон ва латъл – иккаласи тошдур ва лекин ораларида тафовут бор. Тош қозондин ғайри нафъ ҳеч нима мутасаввар эрмаским (тасаввур этилмас), лазиз ва мулаввван атъима (лаззатли ва ранг-баранг таомлар) анда пишарким, хосу ом андин мунтафетъ (бахраманд) бўулурлар ва латълдин ҳалойикка анвои зарар мутасаввардур.

Ва итифоқо ул учурда Султон Абусаид мирзо ҳар кишида жавоҳир бўлса олиб, бўлмаса тафаххусида (топиб олиш) муболағалар қилиб, элга анвои изо ва зарар етказиб эрди. Ва бу байтни ўқуғон мажлисда тош қозонда ош пишадур эрди'.

Сайд Ҳассан Ардашернинг бу нуктадонлигидан илҳомланган Навоий латълнинг руммоний (анор ранги) сифати билан анорнинг доналари ўртасида тазод хосил қилиб, мол-дунё васвасасидаги елиб-югуришлар ҳам мазлумларнинг ва ҳам золимларнинг бағрини кон қилишини тъкидлаган ҳолда, кераксиз зеб-зийнат ва ҳашам учун ҳалққа азият етказишнинг ҳалокатли оқибатидан огоҳлантириб ёзади:

Лаъли руммоний тиларсен дам-бадам зийнат учун,  
Катра-қатра бағр ингандин нордек қон бўлди тут.

Кейинги тўрг байтда ўз инон-ихтиёрини аёл зотига топшириш хатарлари ҳакида сўз боради. Жумладан, коронғу кечаларини ҳусну жамоли билан ёритувчи гўззалларга маҳлиё қиши шамнинг шульгасида парвонадек ёниб, кул бўлишдан бошқа фойда тополмаслигини тъкидлаб, бебако гўззаликка ошуфталик оқил одамга муносиб эмаслиги, айникинса давлат ва раият тақдирига маъсул одам учун хашибори:

тарли эканини тъкидлайди. Биламизки, парвона Навоий шеъриятида одатда вафо ва садоқат, фидоийлик ва жавобсиз мұхаббат тимсоли ўлароқ кўзга ташланади. Куйидаги байтда эса араб мұмтоз аданбиятида бўлгани каби, парвона нодонлик ва ахмоклик тимсоли сифатида талқин қилинади (арабларда "парвонадан ҳам ахмок" деган таъриф ҳам бор):

Нафъ чун қуймактин ўзга кўрмадук парвонадек,  
Бир күёш ҳар тун санга шамъи шабистон бўлди тут.

Тўртингчى байтдаги дайр ва номуслмон сўзлари Шайх Санъон ва тарсо қизи ҳикоясига талмих, қилинган бўлса, бешинчи байт пайғамбаримиз (с.а.в.) нинг ушбу мазмундаги ҳадисининг ижодий таржимиаси ўлароқ вужудга келган: "Дунё ухлаган қишининг туши кабидир". Мазкур ҳадис турли шаклда Жалолиддин Суютийнинг "Ал-жомиъ ас-сағир", Имол Газзолийнинг "Ихёу улум ад-дин" китобларида көлтирилган бўлиб, Жалолиддин Румийнинг "Мальавий маснавий" сида ушбу ҳадис қуидагича таржима қилинган:

Ин жаҳонро ки баҳурант қоим аст,  
Гуфт пайғамбар, ки ҳулми ноим аст  
(З-дафтар, 1733-байт).

Таржимаси:

Ушбу оламни, қўрингай гарчи ҳуши,  
Деди Пайғамбар, ки ҳулми ноим аст

Фоғиллик – баҳтсизликнинг бирламчи белгиси. Бебако дунё юмушлари ва ташвишлари хобу ҳаёлдаги ишлар каби пушаймон ва надоматдан бошқа ҳеч қандай самара бермайди, дея огоҳлантиради шоир:

*Истадинг дунё арусин туштаги маҳбубдек,  
Топмас эргач ком латъидин, пушаймон бўлди тум.*

Кейинги икки байтда ҳам бошқа тимсоллар ва бадиий ифодалар орқали фикрини изоҳлаб, тахаллусдан оддинги байтда шоир ўз хуласасини кескин оҳангда баён этгари: етти иқлим подшоҳдигини даъво қилиб, салтанат ноғорасини чалган киши аслида дўзахнинг етти эшигини қоқмоқда:


*Кўси шавекат етти дўзахҳа эшик қоқмоқдурур,  
Бас ети иқлим мулки узра султон бўлди тум.*

Дор остидаги кишининг сўнгти сўзлари каби аччик ва тўғри бўлган бу ҳақиқатни баралла айтишга шоирни нима мажбур этганини Абдураззок Самарқандийнинг "Матлаи сайдайн ва мажмай баҳрайн" асаридаги 1457-йил воқеалари тафсилотидан билишимиз мумкин: "Шу йил Хуросон ерлари, хусусан, дорусалтана Ҳиротда содир бўлган ажиб воқеалардан бири раийтдан зўрлик ва зулм билан йигиб олинган учта солик ва учта лашкардир.

Биринчи гал мирзо Маҳмуд, иккинчи гал Мирзо Султон Иброҳим ва учинчи гал мирзо Султон Абу Саид! Раийят поймолликка учрашига сабаб бўлган кам учрайдиган ахвол шу эдики, мұхасиллар мол ва лашкар маблағларини ундирап, доруғалар мавзельар ва мазрааларда ўтириб доруғагона олар, ясокийлар эса ғорату торожни ҳаддан оширар, ҳеч ким бунинг оқибатини ўйлаб кўрмас эди. Шу туфайли кўп харобалик воқе бўлди<sup>1</sup>".

Бу вайронагарчиликлар, жабру зулмлар, бегуноҳларнинг бир томни кўз ёшига арзимас дунёнинг асьаса-ю даббабасини кўриб, бағри қон бўлган Наўий паришибонҳол бўлмасдан, хаётнинг асосий максад ва матлаби аслида оқибатнинг хайрли бўлишига қаратилиши лозимлигини уқтиради. Етти иқлимга сultonлик даявосида бўлганлар дўзахда ўзларига жой ҳозирлаётган экан, бундан тўғри сабоқ чиқариб, дунё бойлигига ҳавас қиласдан, элнинг садати ва Ҳақнинг розилигига сабаб бўладиган амалларни адо этишда мустаҳкам бўлмоқни истаб, ўзини якунлайди. Улут Навоий насиҳатларига энг аввало ўзи амал қиласди. Шунинг учун ҳам унинг сўзи асрлар оша ўз таъсирчанлиги ва самимиятини йўқотмай келмокда:

*Эй Навоий, ўзни жамъ эт, ўйқса олам маҳзанин  
Кон ютуб жамъ айлабон ўлгач паришион бўлди тум.*





## ЛУГАТ

**“МЕХР ТОРИН РИШТАЙИ ЖОННИНГТЭ  
МАХКАМ БҮЛДИ ТУТ...”**

**«Гаройиб ус сүгар», 70-тазал**

Эй күнгүл, ул ахди ёлғон мөхр шартин қилди тут,  
Ахдини поёнига еткурмайин айрилди тут.

Ханжари хижрон била охир кесар чун риштасин,  
Мөхр торин риштайи жоннинг маҳкам бўлди тут.

Чун майи васл ўзгалар ичмакка боис бўлғуси,  
Ҳар нафас хуноби хижрон ютмоғингни билди тут.

Ё эшигтмас, ё эшиктач зулмин айлар бирга юз,  
Холинг ул золимга юз минг қатла бас айтилди тут.

Дема санчиб ниши хижрон еткурай нўши висол,  
Чун бу нўшунг ўлтурур, ул ниш ҳам санчилди тут.

Мотам ашки дурри чун туфроғинга сочиғуси,  
Гавҳари анжум фалакдин бошинга сочилиди тут.

Эй Навоий, кисвати факр иста, йўқса ҷархнинг  
Атласин кийдинг гумон эт оқибат эскилди тут.

Top – up  
Хуноб – қонли ёш  
Беш – kўп

Нўш – асал; жон багишиловчи дори

Анжум – юлдузлар

Кисват – кийим, либос

Чарх – осмон; тақдир

Эскилди – эскирмок, тўузмок

## ҒАЗАЛ ВАЗНИ

Рамали мусаммани маҳзұф

-V-- -V-- -V-- -V-

-V-- -V-- -V-- -V-

Фоилогутун фоилогутун фоилун

## НАСРИЙ БАЁН

- Эй кўнгил, шуни англаким, ёлғон ваъдалар берувчи ул ёр мөхрибон бўлишга аҳд қилди, аммо аҳдига вафо қилмасдан сендан айрилди.

- Жон томирингта мөхр риштасини маҳкам боғлагани билан огоҳ бўлким, оқибат хижрон ханжари билан жоннинг риштасини кесади.

- Шуни эътироф этким, висол шаробини бошқалар ичмоғига сабаб бўлган ул бевафо ҳар замонда хижрон қон ёшлирини ютмоғингни ҳам билади.

- Ул золимга юз минг мартадан ҳам кўп арзи ҳолинг етказилди, аммо шуни билки, у ё кулок солмайди, ёхуд эшигтудек бўлса ҳам, яна юз карра зулм килишга киришади.

- Олдин хижрон тиконини санчиб, сўнг висол шарбатини етказаман дема. Висолинг шарбати ҳам токи ўлдирап экан, у ҳам ниш каби санчилди деб хисоблайвер.
- Тупроғингга мотам кўз ёшлари сочилгудек бўлса, осмондан юлдузлар гавҳари тўкилди, деб хисобла.
- Эй Навоий, факирлик тўнини иста, йўқса атлас-нусха фалакни кийсанг ҳам, эски тўндеқ билгил.

## ШАРҲ ВА ИЗОҲЛАР

Алишер Навоининг форсий девонида муҳтара (оригинал) ғазалларнинг айримларига “Дар жавоби ғазали гузашта” (“Олдинги ғазалга назира”) деб сарлавҳа кўйилган. Тахдил қилаётганимиз ғазал ҳам олдинги ўзбекча муҳтара ғазалига жавобан ёзилган – унда ҳам кўпмальноли “тут” феъли радиф сифатидага танланган. Бу эса сабабсиз эмас.

“Ўзбек тилининг изоҳли луғати”да тутмок феълининг куйидаги маъно товланишлари кўрсатилган: 1) кўл билан ушламок; 2) ўвлаб, кувиб, изидан бориш ва шу каби йўллар билан ушламок; 3) узатмок, бермок; 4) бирор нарсани бошқа нарсага тўғриладомок, рўбараў ҳолга олмок; 5) йўқ бўлиш, кетиш ва шу кабидан сақлаб турмок; 6) бирор ҳолат, вазиятда сақламок, асраромок; 7) бирор нарсадан ўзини тиймок; 8) идора қилмок, бошқармок; 9) измидаги кимсаларга қандайдир муносабатда бўлмок; 10) бирор тарзда ишлатмок; 11) парвариш қилмок, бокмок; 12) ишлатиш, фойдаланиш учун ўз ихтиёрида, қарамоғида сақлаб турмок; 13) пардалаш, тўсиш, қоплаш ва шу каби максадлар учун ўрнатмок; 14) ёйилмок;

15) кўзимок, хуруж қилмок (одатда, инсон табигтида бўладиган турли хислатлар ҳақида); 16) амал қилмок, ўсмок, ривожланмок (янги кўчат ёки пайванд ҳақида); 17) ёрдамчи феъль сифатида боғловчи вазифасида қўлланади; ҳисобламок; 18) тингламок. “Алишер Навоий изоҳли луғати”да эса, юкоридағиларга кўшимча равиша сунмок, чидамок, амал қилмок, кутмок, эътибор қилмок, чекинмок, рўй бермок, ўрнини босмок, олиб қочмок, тараалмок каби маънолар ҳам тутмок феъли орқали ифодаланиши мисоллар орқали кўрсатилган. Ана шундай сержилва ва сермаъно тўзни радиф сифатида танлаган Навоий туюқ жанридаги тажхис санъаткорлигини ғазалда ҳам намоён этишга жазм этиб, туркӣ тилнинг яна бир имкониятини амалда кўrsатган. Олдинги ғазалга жавоб йўсинида ёзилган бу ғазалда ижтимоий мавзу эмас, балки муҳаббат мавзуси етакчилик қиласиди. Бу эса улуғ сўз санъаткорининг бир вазн ва радифа икки хил мавзуда ўхшаши йўқ бадиий асар яратиш имконияти ва маҳоратини яққол намоён этади:

Эй кўнгул, ул аҳди ёлғон меҳр шартин қилди тум,  
Аҳдини поёнига етқурмайин айрилди тум.

Ғазал бошдан-оёқ тазод санъати асосида курилган. Биринчи байтда меҳрибонлик ваъдаси ҳамда аҳдига вафо қилмаслик, иккинчи байтда хижрон ханжари ва жон томирига чирмашган меҳриштаси, учинчи байтда висол бодаси ва хижроннинг алами хунобаси, тўртинчи байтда мазлум ошикнинг шикояти ва золим майшуқанинг зулму ситамлари, бешинчи байтда хижрон тикони ва висол шарбати, олтинчи байтда мотам ашқлари ва юлдузлар гавҳа-



**“ТАРК ҚИЛ, СЕН ҲАМ НАВОЙЙДЕК ҲАВОСИН,  
ЭЙ КҮНГУЛ...”**

**«Гаройибус сиғар», 71-ғазал**

ри қарама-қарши күйилган. Бу тазодлар силсиласи  
байтларда шундай тартыб билан тизилганик, бе-  
вафо ёрнинги ёлғон вальдасидан умидвор ошиқнинг  
изтироб ва қийноқлари, аламли азоблари кучайиб,  
алалокибат ўлимга юз тутади. Унга ягона тасалли  
берувчи нарса – ёр афторда ҳолидан бохабар, шунга  
қарамасдан жавру жафосини юз карра оширмоқда.  
Зулму жафоларни ҳам марҳамат ўринида қабул қил-  
ған ошиқ бу йўлда жонини ризо ва шукроналик би-  
лан фидо қиласди. Ёрнинг муроди – ўз ошиғини ҳа-  
лок этиш бўлса, бу қисматни шараф ўлароқ қабул  
килган ошиқнинг мақоми вафотидан сўнг ёрнинг  
наздида қўтарилади – ёр унинг вафотига мотам ту-  
тиб, кўз ёши тўқади. Бу кўз ёшлар осмондаги юлдуз-  
лардан ҳам қимматли:

*Мотам ашқи дуори ҷун тифроғинга сочилиғуси,  
Гаевҳари анжум фалакдин бошинга сочили тут.*

Мактальда шоир факр тўнини фалакнинг атлас-  
нучка кимхобидан ҳам устунроқ кўйиб, факирлик ва  
дарвешлик йўлини шарафлайди. Жунайд Бағдодий  
сўзларига кўра, Ҳакқа етишган дарвеш хирқаси-  
нинг ямоклари феруза осмоннинг бехисоб юлдузла-  
ридан ҳам афзалроқ. Чунки кўнглини олами кубро  
– Ҳак таоло назаргоҳига айлантирган ориф олами  
сүғро – коинот асрорини хикмат ва басират курда-  
ти билан қамраб олган бўлади. Ҳакқиий факр – Ҳак  
таолодан ўзгасига бокмаслик ва факат ундан мадад  
сўраш эканини билган Навоий ҳам факр ахлининг  
муҳиби эди:

Эй Навоий, кисвати факр иста, йўқса чархнинг  
Атласин кийдинг гумон эт оқибат эскилди тут.

Келгил, эй қурбон кўнгул, ул қоши ё меҳрин унунт,  
Чун вафодин тортилур, сен ҳам бориб бир гўша тут.  
  
Чунки ул бизни унумтоғни соғинди яхши иш,  
Сен дағи кел, бир нафас они соғинмоғни унунт.  
  
Ул күёш ҳар дам бўлур бир зарра бирла гарммехр  
Меҳр шамъин сен дағи бир ўзга ой бирла ёрут.

Хайф эрур ҳар шўхи раъно юзига чун пок ишқ,  
Шавқ ўтин кел сен дағи бу ишвагарлардин совут.

Эй париий, бир телба гар овора бўлди ғам ема,  
Одамийвашлар била нозук мизожингни овут.  
  
Гар кўзум ёшиғга ул гул мултафит бўлмас, не ғам,  
Гул булутдин тозадур, сероб эмас гулдин булат.  
  
Даҳр боғида гиёҳи меҳр ҳарғиз бутмади,  
Гар десангким кўрмайин бемехрлик, бу сўзга бут.  
  
Шаҳди айшинг заҳр этар гардун, сен ушбу жомдин  
Хоҳ комингни ачит, хоҳи мазоқингни чучут.

Тарк қил, сен ҳам Навоийдек ҳавосин, эй кўнгул,  
Ёки ҳар дам бир тараф майлип кўруб, хуноба ют.

## ЛУГАТ

Коши ё – қошикамон, қайрилмақош

Гүша тұтмоқ – ёлғизлиқка чекінмөк

Соғынмөк – әсламоқ, ёд эттөмөк

Даги – ҳам

Гарммехр – мәхрибон

Мултағифт – илтифотли

Даҳр – дунё, олам

Буттмоқ – ишонмөк

Шаҳð – ширинлик, шарбат

Гарðун – фалак, тақдир

Ком – оғиз

Мазок – танғлай

Хуноба – қонли ёш

• Пок ишқ сохиби турли гүзәл юзларга талпини-  
ши хайф әрур. Кел, ноз-ишвалари билан дил ўғир-  
ловчи маҳбулардан шавқұтtingни совет.

• Эй пари, бир телба саргардонникка гирифтор  
бүлди, ғам чекма, нозик мижозингни одамгарчи-  
лиқдан хабардорлар билан овутышга ҳаракат кил.

• Гүл юзли нигорим күз ўшларимға илтифот эт-  
маса, ғам чекмасман. Негаки, булут гул туфайли  
эмас, балки гул булут шарофти билан яшнейди.

• Дунё боғида меҳр гиёхи ҳеч қачон бутмади. Агар  
мехрсизлик күрмайин десант, бу сүзға амал қил.

• Ҳайётинг шарбатини фалак заҳар қиласы, сен бу  
жом билан хоҳласаңг оғзингни ачит, хоҳласаңг ши-  
рин қил.

• Эй күнгил, сен ҳам Навоий каби ёр васли ҳаво-  
сини тарқ эт ёки уннинг бекарорлыгини күриб, аччик  
на қонли ёшингни ют.

## ҒАЗАЛ ВАЗНИ

Рамали мусаммани маҳзұф

-V-- -V-- -V-- -V-

-V-- -V-- -V-- -V-

Фоилотун фоилотун фоилотун

## НАСРИЙ БАЁН

Шарқ мұмтоз адабиётшүносигида “восўхт” де-  
ған атама бор. Восўхт форс тилида бирордан юз  
үтириш, ортиқча күйинмаслик матъноларини бил-  
дириб, истилоҳ, сифатида ошикнинг матьшукасидан  
юз үтириб, мұхаббатини жавобсиз қолдирған бева-  
ро маҳбубдан воз кециши ҳолатини билдирувчи  
шөйрларга нисбатан күлланылади. Ҳинд шарқшу-  
носи Шибдий Нұймөний ўзининг “Шеър ул-Ажам”  
қитобида Вахший Бофикий (1532 – 1583)ни восўхт  
анъанасининг асосчиси деб билади. Аслида бу мав-  
зу форс адабиётида Ҳасрдан мустаҳкам ўрин олган  
бүлиб, Фаррухий Систоний, Амир Ҳусрав Дехлавий,  
Хофиз Шерозий ғазалларида шу руҳдаги байт ва ға-  
заллар күп учрайди.

• Эй ишқ үйлида курбон бүлган күнглим, келгил,  
энди ул қайрилмақошга меҳру муҳаббатни уннұт. У  
вағо қилмас әкан, сен ҳам узлатни ихтиёр эт.

• У бизни эсламаслиқни яхши иш деб биларкан,  
сен ҳам бир нағастына уни ёд этмаслиқка ҳаракат  
қил.

• Ул күйеш юзли нигор ҳар дам бошқа бир одамга  
мәхрини изхор құлмокқа, сен ҳам меҳринг шамъи-  
ни ўзга ой жамоли билан ёрит.

Восүхт ғазаллари ишкі мажозий ва реал маҳбубанинг васфида ёзилади. Унда ошиқнинг жавобиз ва самимий муҳаббати ёрнинг хусну жамолидан ҳам устун экани таъкидланиб, маҳбубанинг бевафолиги ва бошқаларни ёр туттанидан шикоят қилинади. Жумладан, Саъдий Шерозийнинг "Эй лўъбати хандон, лаби лаълат ки газидаст" мисраси билан бошланадиган машхур ғазалининг мактабидан маҳбубанинг хиёнати сабабли ундан воз кечилгани куйидагича ифодаланганди:

*Саъди, ту бираев, хайма ба ғулзори дигар зан,  
К-он меваи боғи ту ба торож расидаст.*

(Таржимаси:

*Саъди, жұна, қодир ясасын бошқа чаманда,  
Богынг мевасин бунда талон айладилар, бас).*

Ушбу анъанани Навоий ҳам пухта ўзлаштириб, туркона қофиялар тизимини кўллаган ҳолда мустақил ва оригинал асар ёзиб, ёшлик девонинг киритган. Навоий восўхт ғазалининг салафлариникидан асосий фарқи – форсий восўхтларда тўғридан-тўри маҳбубага мурожаат қилинса, Навоийда асосий муҳтаб – ошиқнинг ишкі йўлида курбон бўлишга тайёр кўнгли. Пок ишк макони, бекиёс хусн мулштоқи бўлган кўнгил ёр бевафолигидан зада бўлгач бир гўшани ихтиёр этиб, ўз ҳоли билан овора бўлгани маъкул:

*Келгил, эй курбон кўнгул, ул қоши ё меҳрин унумт,  
Чун вафодин тортмилур, сен ҳам бориб бир гўша тумт.*

Бир лаҳза ҳам хаёлидан чиқаролмайдиган ошиқ маҳбубасининг эътиборсизлиги, ўзгаларни ёр эта-

ёттани, шамдек ёниб адо бўлаётган содик ошиқни назарга илмай, заррадек бекадр кимсаларга илтифот кўргач, умидсизликка тушб шундай хуласага келадики, хусни вафосидек бебақо бўлган гўзаллар унинг покишикига муносиб эмас. Зотан, лайлоифат садоқатли ёрларгина мажнуншеваликка муносибдир. Раъно гулидек иккюзламачилик қиласидан, номуносиб кимсаларга ҳам ноз-ишвалари билан илтифот кўрсатадиган, ҳакиқий ишкни ҳавасмандликдан фарқлай олмайдиган шўхларга бундай пок ишк ҳайф, дейди алам билан шоир:

*Хайф эрур ҳар шўхи раъно юзига чун пок ишк,  
Шаөвўтин кел сен дағи бу ишвагарлардин совут.*

Мажозий муҳаббат мазҳарининг бевафолиги ҳамда ошиқнинг ишк дардидан тўқаётган кўз ёшларига бефарқлигига икки сабаб бор: биринчидан, гўзаллик гулшанинг яшнаб тароватли бўлиши ишк аҳлининг булатдек тўқаётган кўз ёшлари бўлса, иккинчидан, бу фоний дунёнинг боғида меҳр атальмис гиёҳ аслида камёбдир. Шунга ишонч хосил қилган кишигина бирордан меҳр-мурувват кутмасдан яшаши мумкин. Аммо ҳаёт конунияти бошқа нарсани тақозо киласиди – кўнгил соҳиби бўлган ҳар кандай инсон меҳрга, илтифотга муҳтоқ. Жавобсиз қолган муҳаббат, кўрсатган меҳр ва муруввати, одамийлиги эвазига жафо тортишдан оғирроқ ҳол йўқ аслида. Курьёни каримнинг "Балад" сурасида ҳам "ҳақикатда биз инсонни машакқатлар узра яратдик", деган башорат бор. Шу сабабдан, инсон шод-хуррамликини ихтиёр эта ҳам, факат ғам-қайғуга чўмий яшаса ҳам, барини

бир асл макон бу дунё эмаслигини тан олиши шарт:

Шаҳди айшинаг захр этар гардун, сен ушбу жомодин  
Хоҳ коминги ачим, хоҳи мазоқнинги чучум.

Аммо күнгил барибир бу далиллар, бу жакиқат-  
ларга күнмайди. Навоий шунинг учун ғазалнинг  
охирида ҳам танлаш ихтиёрини күнгилга қолдира-  
ди – ё ёрнинг ишқидан воз кечиш, ёхуд шу аламли  
дардга кўниб, конли ёш тўкиб яшаши ихтиёр этиш  
керак. Күнгил ёрнинг шунча жабру жафосини кўра-  
билиб ҳам барибир ишидан мосиво бўлолмаслиги-  
ни билвосита шу шартлар орқали баён этиб, андух-  
ли ғазалига нуқта кўяди:

Тарқ қил, сен ҳам Навоийдек ҳавосин, эй кўнгул,  
Ёки ҳар дам бир тараф майлини кўруб, хуноба ют.

Оҳким, ул ошно бегона бўлди оқибат,  
Ҳажридин бехудлуғум афсона бўлди оқибат.  
Ақлу дониш лофинин урган кўнгут ўйғлай юруй,  
Ул парийваш ҳажрида девона бўлди оқибат.

Қатра-қатра шодлиғ ашқинки сочтим васлида,  
Барча хижрон кушларига дона бўлди оқибат.

Борғали ул ҳусн ганжи ғам бузуг кўнглумдадур,  
Аждаҳо уйи бизинг вайронна бўлди оқибат.

Сокиё, май тутки, ҳажр андуҳидин мен телбани  
Фориғ эткан согару паймона бўлди оқибат.

Бутқа гар бош кўймадим, кўргилки диним тухфаси  
Дайр пири оллида журмона бўлди оқибат.

Дединг аввалким Навоий, сени гаҳ-тაҳтиргузай,  
Хеч билманким санга, жоно, на бўлди оқибат.



**“ВОРГАЛИ УЛ ҲУСН ГАНЖИ ҒАМ БУЗУГ  
КЎНГЛУМДАДУР...”**

**«Гаройиб ус сиғар», 72-ғазал**



## ЛУФАТ

- Бехудлұғ – ақпұл-хүшдан айрилиш, девоналиқ  
Ганж – хазина  
Фориғ – халос  
Соғар – қадаҳ  
Паймона – қадаҳ  
Дайр пири – оташпарастлар рухонийиси; маж.:  
пири комил  
Журмона – төвөн, жарима

## РАЗАЛЫ ВАЗНИ

Рамали мусаммани маҳзұф  
-V-- -V-- -V-- -V--  
-V-- -V-- -V-- -V--  
Фоилотун фоилотун фоилотун

## НАСРИЙ БАЁН

- Эвоҳ, эң яқин инсоним оқибат бегоналиқни ихтиёр этди. Уннинг хажрида ақл-хүшдан айрилиб, дөвона бўлганим эл орасида афсонага айланди.
- Ақл ва жикмат соҳиби деб мақтаниб юрган кўнглим ул париваш хажрида йиғлаб юриб, оқибат денона бўлди.

- Васлида хурсандликдан тўккан томчи-томчи кўз ёшларим барчаси охири хижрон кушларига денона бўлди.

- Ул гўззалик хазинаси мендан кетиб, дарду ҳасрати кўнглимни макон қилди. Бизнинг вайрони кўнглимиз аждаҳо уйига айланди.

- Эй соқий, қадаҳ сунки, шароб қадаҳи мен телбани айрилиқ қайғусидан фориғ этувчи бўлди.

• Эй Мажнун, нола чекма, менинг оҳимни кўрки, булбул кўп фифон қилди, аммо ишқ ўтида ўрганган парвона бўлди.

• Бутга сажда қилмадим, аммо дайр пири – муршиди комил олдида бу такво ва диндорлигим айбсаналиб, жазога тортилдим.

• Сен дастлаб Навоийни ҳамиша қайта тирилтираман, деб айтгандинг. Эй жону жаҳоним, оқибат сени бу фикрдан нима қайтарди, ҳеч билолмадим.

## ШАРХ ВА ИЗОҲЛАР

Олдинги ғазалда ошиқнинг муҳаббат мазҳаридан чекинмокни ихтиёр этгани ҳақида сўз борса, бу ғазалда энг яқин инсонни билан юзқўрмас бўлган ошиқнинг изтироб ва аламлари янги-янги тасвир воситалари, тимсол ва ташбеҳлар орқали ифодаланган. Дастлабки уч байтда хижрон сўзи қўлланилиб, ишқ йўлидаги кишининг энг оғир синовлар боис ақлу хушдан бегона бўлиб, девоналиги эл аро достон бўлгани, муҳаббатдан воз кечиб, бундан буён ақл билан иш тутишни максад қилган кўнгиллининг ноҷорлиги, қисқа висол онларининг шодликлари ҳам айрилиқ азоби йўлида йўқликка юз тутиши куюқ тасвирлар ёрдамида ифодаланиб, ўкувчи қалбидаги ҳамдардлик ва маҳзунлик туйғуларини уйғотади. Умуман, ошиқона ҳолатларни алам ва қайгулар ичидаги кўрсатиш мумтоз шеъриятимизда, жумладан Навоий ғазалиётидаги ўзига хос анъана эди. Буннинг сабаблари кўп. Асосийси – ҳадиси шарифда ўлак-сага ўҳшатилган бу фоний дунё – бир ўлак-садир, уннинг талабида бўлганилар эса итлар каби)да хайётнинг энг покиза гавҳари бўлмиш ишқ соҳиби бўлган кишиларнинг ҳаётида роҳатдан кўра азо-

блар, висол онларидан кўра хижрон ва айликлар, муродга етишдан кўра номуродликлар кўпроқ учрайди. Бинобарин, бу синовлар ва қийноқларни англамайдиган бехабар кимсалар ишқ азобларини билмасдан, турли фийбат ва миш-мишлар тарқатиб юришлари табиий. Одамлар ичидаги ишқ жунунига гирифторлар ҳакидаги гап-сўзларда чиндан кўра ёлғонлар кўпроқ бўлгани учун тилдан-тилга ўтиб, афсона - чўпчакка айланади:

Охқим, ул ошно бегона бўлди оқибат,  
Ҳажридин бехудағум афсона бўлди оқибат.

Халқона ишончга кўра, вайроналарда кўмилган хазиналарга аждаҳо кўрикчи бўларкан. Гўзал ёр ошиқ кўнглини вайронага айлантириб тарқ этгач бу вайронани қайғу ва аламлар макон туттани – аждаҳо масканига айланган вайронага ўхшатилиди. Бу орқали бебаҳо хазина – ишқ гавҳари ушбу вайрон на кўнгил хонасининг туб-тубида яширингани, ғам аждаҳосини қатл эттан киши ушбу гавҳарга эгалик қилиши мумкинлигига нозик ишора бор:

Борғали ул хусн ганжси ғам бузуг кўнглумдаðур,  
Аждаҳо уйи бизинг вайронна бўлди оқибат.

Айрилиқ қайғусидан кутулмоққа чора излаган телбасифат ошиқ сокийга мурожаат қилиб, факат шароб уни кўнгил мулкини ўз забтига олган андуҳ аждаҳосидан халос этиши мумкинлигини баён эта-ди. Шароб, қайси матънода кўлланилганидан қатъи назар, шодлик бағишловчи, бир дам бўлса-да, қайғу исқанжасидан халос этиб, шодлик ва фараҳ, бағишлиш хусусиятига эга:

Соқиё, май тутки, ҳажр андӯҳидин мен телбани  
Фориғ эткан соғару паймона бўлди оқибат.

Кейинги байтда ошиқликнинг уч тимсоли – Мажнун, парвона ва булбул келтирилиб, лирик қаҳрамоннинг чеккан охи Мажнуннинг фифонидан, парвонанинг сас-садосиз шамнинг оташида ўрганиб аддо бўлиши булбулнинг тонгача наво чекишларидан афзал эканлиги баён этилади. Бундай қиёс Навоининг салафлари ижодида кўп марта қаламга олинган. Жумладан, Умар Хайёмнинг ишқ таърифидаги бир рубоййисида шундай дейилади:

Хуришеди ситеҳри безаволӣ – ишқ аст,  
Мурғи саҳари хуҷастафолӣ – ишқ аст.  
Ишқ он набуваð, ки ҳамчу булбул нолӣ,  
Ҳар гаҳ ки бимирю нанолӣ – ишқ аст.

[Таржимаси:  
Этғанда қуёш нурин абад бор – ишқул,  
Тонг қушлари сайдраганда бедор – ишқул.  
Ишқ дема, кимнолиса булбулдек,  
Ҳар лаҳза ўлтиб, нолимасанг зор – ишқул].

Албагта, Навоий Умар Хайёмнинг шоирлигидан хабардор бўлмаган. Хайёмнинг рубоййлари кейинги икки асрда шуҳрат топган. Лекин Саъдий Шерозий “Гулистон”ида ҳам булбул ва парвона қарши кўйилиб, парвонанинг сидку садокати васф этилгани мазкур тазод асрлар давомида турли шакл ва оҳангларда Шарқ мумтоз шеъриятида мавжудлиги га далил бўла олади:

Эй мурғи саҳар, ишқ зи парвона биёмўз,  
К-он сўхттаро жон шуду овоз наёмад.  
Ин муддаён дар талабаш бехабаронанд,  
К-онро ки хабар шуд, хабаре боз наёмад.

(Таржимаси:


Эй тонг қуши, ишқ илмини парвонадан ўрган,  
Кўйганлар учун жон эди, лек келмади овоз.  
Бул датъво эли ўз талабинда бехабардир,  
Ким топди хабар, қайта хабар келмади нохос).

Навоий салафлари анъанаидаги ушбу қаршилантиришга яна бир тазод – ўзи ва Мажнун тимсалини ҳам кўшиб, тазод, таносуб, талмих, муболага ва хусни таълил санъатлари имкониятларидан маҳорат билан фойдаланиб, анъанавий ўҳшатишга янги мазмун-моҳият юклайди. Лирик қаҳрамоннинг оҳ чекишилари ва Мажнуннинг нола қилишлари булбул чекишилари ва парвонанинг ўртанишларига ўҳшатилинавоси ва тазод ҳамда мукобаланинг янада кучли ши ҳолати тазод ҳамда мукобаланинг янада кучли ва таъсиран бўлишишга хизмат қилган:

Чекма ун, оҳим кўр, эй Мажнунки, булбул кўп фифон  
чекти, ўртанишган вали парвона бўлди оқибат.

Кейинги байтда эса машҳур Шайх Санъон қисасига ишора қилинади. Биламизки, Шайх Санъон тарсо қизига севги изҳор этиб, унинг висолига талбор бўлганида тарсо қизи унга май ичиш, исломдиндан воз кечиш, зуннор боғлаш, бутга сажда қилиш каби шартларни кўяди. Шайх Санъон бу шартларни бажариб, яна висол талабини қўйганида журмонга – олдинги қилимшиларига товон сифатида бир йил давомида кундузи чўчка бокиб, кечкурун дайр

оташхонасида гўлахлик қилишини буоради. Ушбу қиссага ишора қилган ҳолда, Навоий бутга сажда қилимаслигининг товони сифатида дайр пиритомонидан ушбу ишга мажбурланганини айтади. Мажоз тилида бутга сажда қилиш – ибодатни муҳаббат билан бажо келтириш эканини ҳисобга олсак, дайр пиритомонидан ушбу ишга мажбурлангани – исломда фарз қилинган амалларни чин ихлос ва муҳаббат билан аддо этмоққа буоргани маъносида экани мавзум бўлади. Навоий талқинига кўра, барча ишларда, айниқса, тоат ва ибодатда маърифатга асосланган муҳаббатнинг аҳамияти катта. Акс ҳолда, чин эвтиқодсиз, таклидий ва кўр-кўронга бажарилган барча амаллар тақаббурлиқ, ўзига бино кўйишилик, мутасиблик каби ёмон хислатларни авж олдиради.





## “ЭЙ НАВОЙИ, ХОКИ ПОЙИ ВАСФИДА ШИРИН СҮЗУНГ...”

**«Гаройиб ус сиғар», 73-ғазал**

Жаҳдим андоқдур етишгаймему деб васлингға бот,  
Ким қабул этман оғир деб чикса этнимдин қанот.

Сабр тоги бирла қилмоқ пүя бўлмас, эй кўнгул,  
Ташла ул юкни, етишмак истасанг васлиға бот.

Шахсуворимнинг буруқи пўёсидин қолди барқ  
Ким, аниңг феъли шитоб эрмиш, муунг расми  
сабот.

Кўп Масиҳодин дам урма, қил ҳаётингни туфайл  
Ангаким, топмиш Масиҳ онинг туфайлидин ҳаёт.

Меҳр юз кўрмай учашди пардадин чиққач юзунг,  
Олғали кўймас сариф юзин қора ердин ўёт.

Чун юди кўзлар саводин ашқ, ёрут юз очиб  
Ким, дирамсиз элга бой эл фарздор бермак закот.

Эй Навоий, хоки пойи васфида ширин сўзунг  
Бор биайних тўтиё ичинда солғандек набот.

## ЛУФАТ

Жаҳд – сатъ-ҳаракат, интилиш  
Бот – яна  
Пўя – югурумок, тез-тез қадам қўймок  
Шахсувор – ҳашаматли суворий; мајж.: маҳбуба  
Буроқ – от  
Барқ – яшин  
Сабот – барқарорлик  
Туфайл – садака; сабаб  
Меҳр – кўёш  
Ўчаиммоқ – зиддига бош кўттармок, исён қилмоқ  
Үёт – шарм, уят  
Савод – қоралик  
Биайних – гўёёки, худди ўзи

## ҒАЗАЛ ВАЗНИ

Рамали мусаммани маҳзуф  
-V-- -V-- -V--  
-V-- -V-- -V--  
Фоилотун фоилотун фоилотун

## НАСРИЙ БАЁН

- Сенинг висолингта етишмакка шунчалар интилмоқдаманким, agar эгнимда қанот чиқкудек бўлса ҳам, оғирлик қиласи, деб қабул этмагаймен.
- Эй кўнгил, сабр тоги билан ютуриш имконсиз, agar ёрнинг васлиғ яна етишмакни истасанг, бу юкни ташла.
- Маҳбубам отининг елиб учшидан ҳаттоки яшин ҳам ортида қолди, негаки унинг феълида шитоб бўлса, бунинг одати сабот ва барқарорликдир.

- Масиходан күп сўз очма, яхшиси Масихнинг хаёт топишига сабабчи бўлган Зотга хаётингни бағишила.
- Кўёш хаали юзингни кўрмаган пайтда гўзаллик бобида сен билан ўчакиши, кўргач эса уялиб, сарғайтган юзини кора ердан ололмай қолди.
- Кўз ёшларим кўз қорачиғини ювуб оқартириб кўйди, энди юзингни очиб, уни ёритиб кўй. Ахир бойларнинг йўқсилларга закот бериши фарз эрур.
- Эй Навоий, унинг хоки пойи васфида ширин сўзларинг тўтиё ичига солинган новвотга ўхшайди.

## ШАРҲ ВА ИЗОХЛАР

Бу ғазалда баҳти кулиб, умрида бир марта висолига солга етишган ошиқнинг ёр дийдори ва висолига эришиш иштиёқи оддингидан ҳам кучлироқ бўлиши образли тилда ифодаланган. Даастлабки висол ошиқнинг руҳиятига шунчалик кучли таъсир қилинганки, унинг жисми ҳам, руҳи ҳам покланиб, фаришталардек қанот чиқариш имконинг эга бўлиб турибди. Аммо унинг жидду жаҳди иштиёқига мос равишда кучайгани сабабли фаришталардек факат тасбех ва талбия билан умр кечиришин истамайди. Чунки фаришталарга инсоннинг инсонийлик мөҳиятини белгиловчи энг пок ва энг улуғ омонат – ишқ гавҳари берилмаган. Айнан ишқ гавҳари ҳаракатлантириб, уни малаклар орзуидаги даражаларга етказади:

*Жаҳдим андоқдур етишгайменму деб васлингга бот,  
Ким қабул этман оғир деб чиқса эгнимдин қанот.*

Ишқнинг азоб ва қийнокларига ягона даво сифатида дониш аҳли сабрни тавсия қилишади. На-

воййнинг ўзи ҳам “Махбуб ул-кулуб”да сабрнинг фойдалари ҳакида фикр юритиб, “Ишқ аҳли зикри-дин муттағайир (хафа, ранжиган) ва лекин ғояти – васифа умидворлик, ҳажр эли ёдидин мутанаффир (нафратланган) ва лекин ниҳояти (охири)-итти-солға комгорлик (етишмакдан хурсанд бўлиш), дея қайд қиласди. Аммо ғазалда сабр қилиш – ошиқка ёт амал эканини таъкидлаб, муродга етишиш учун кутишдан кўра интилиш ва ҳаракат қилиш тезрок кўзланган матлабга етказади, деган фикрни илгари суради. Бу билан шоир ошиқликнинг табиатидаги бекарорлик ва акўл эгалари назарида енгилтаклик кўринадиган саъй-ҳаракатлар маҳбубага хуш келишини таъкидлайди:

*Сабр тоғи бирла қиммоқ пўя бўлмас, эй кўнгул,  
Ташла ул юкни етишмак истассанг васлиға бот.*

Учинчи ва тўртингчи байтлардаги “Бурок” ва “Масих” сўзлари шоир васф этган ёр – Аллоҳ таоло “Ҳабибим” дея эъзозлаган Мухаммад Мустафо (с.а.в.) экани равшанлашади. Шоир “Бурок” сўзини келтириш орқали Мебъорж мўъжизаси талмих, қилинган бўлса, кейинги байтда Имом Термизий ривоят қилган ҳадиснинг мазмунига ишора бор. “Суннани Термизий” да Аббос ибн Абдулмуталлибдан ривоят қилинган ҳадисда келтирилишича, бир куни сахобалар пайғамбарни кутиб ўтирадилар. У зот чиқиб, сахобаларга яқинлашганларида, улар Иброҳим Ҳалилуллоҳ, Мусо Нажиуллоҳ, Исо Рухуллоҳ, Одам Сафияллоҳ каби пайғамбарларни эслашиб, сифатлаётгандарини эшитиб қоладилар. Салом бериб, сухбатга кўшилган пайғамбар уларнинг сўзларини тасдиқлаб, илова қиласдилар: “Оғоҳ бўлингким, мен

Аллоҳнинг Ҳабибиман ва бунда ҳеч қандай (ортиқ-ча) фахрланиш йўқ. Мен қиёмат куни ҳамд байроғини кўттарувчи ҳамда биринчи шафоат сўровчиман ва бунда ҳеч қандай (ортиқча) фахрланиш йўқ. Мен қиёмат куни биринчи шафоат килинучиман ва бунда ҳеч қандай (ортиқча) фахрланиш йўқ. Мен жаннат халқаларини биринчи ҳаракатта соловчиман. Бас, Аллоҳ уни (айнан) мен учун очар ҳамда мени ва менинг умматимниң факирларини унга киргизар. Мен аввалиллар ва охиргиларнинг энг мукаррамиман ва бунда ҳеч қандай (ортиқча) фахрланиш йўқ".

Бошка бир кудсий ҳадисда Аллоҳ таолонинг: "Эй Мухаммад, агар сен бўлмаганингда бу оламни ярат-мас эдим", деб марҳамат килгани охирзамон пайғамбари Борлиқнинг пайдо бўлишига асосий сабабчи эканини билдиради. Навоий ушбу ҳадисларга асосланниб, ўликларга жон баҳш этувчи мўъжиза соҳиби бўлган Исо Масихнинг ўзи Мұхаммад Мустафо туфайли ва шарофати билан ҳаёт топганини нозик ишоралар билан билдириб ўтган:

*Шахсуворимнинг буроқи пўясидин қолди барк,  
Ким анинг фебъли шитоб эрмиш, муунунг расми*

сабот.

*Кўп Mасиҳодин дамурма, қил ҳаётингни түфайл  
Ангаким, топмиш Masих анинг түфайлидин ҳаёт.*

Бешинчи байтда оламга нур ва зиё бағишловчи күёш аслида ёрнинг порлок юзини кўргач хижолатан сарғайган юзини ердан ололмай қолган деган муболагали тасвир орқали Аллоҳнинг Ҳабиби юзидан балқиб турган имон нури васф этилган бўлса, ундан кейинги байтда хусни таълил санъатининг гўззал намунасига дуч келамиз: кўп йиғлаганидан

корачиғи ювилиб, кўзлари оқариб қолган ошиқ мутлак хусн мазҳарига мурожаат қилган ҳолда жамолини кўрсатиш орқали кўзига нур бағишилашини истайди ва бунга бадавлат кишилар молидан арзимаган қисмини закот қилиб бериши фарз эканини далил келтиради. Бу шоирона тасвир шунчаки лутф бўлмай, балки чукур фалсафий маъноларни ҳам ифодалаган. Гап шундаки, кўз корачиги ҳам, комил инсон ҳам, асл моҳият ҳам, олтин ҳам араб тилида "айн" сўзи билан ифода этилади. Шу маъноларни байтга татбиқ этсак, куйидаги фикр ҳосил бўлади: "Эй комилликнинг олий намунаси бўлган зот, сенинг шавкингда тўкилган кўз ёшларим туфайли зоҳир оламининг турфа алдов ва найрангла-рини кўролмайдиган бўлдим, энди мурувват қилиб, моҳиятни кўра олиш имконини берувчи басират кўзимни очгин. Негаки, бадавлат одамлар мискинларга ўз бойлигидан қирқдан бир ҳиссасини закот қилиб бериш фарзదир". Авиёлик – пайғамбарликнинг қирқдан бир ҳиссасига тўғри келади, деган ақидани ҳам ҳисобга олсак, закот фарзи билан фикрни давиллаштириш шунчаки шоирона ўхшатиши эмасли-ги янада равшанлашади:

*Чун юди кўзлар саводин ашк, ёрут юз очиб,  
Ким дираамсиз элга бой эл фарздуру бермак закот.*

Мактаб байтида Навоий ёр хоки пойининг васифида айтган байтлари тўтиёга солинган новвотга ўхшатиб, ифтихор этади. Тутиёни кўзга ёруғлик бағишиловчи шифобахш сурма эканини биламиз. Машхур араб олимни Али ибн Исо (милодий 11-аср) нинг "Тазкират ул-кайҳолин" (Кўз шифокорлари тазкираси)да берилишича, тўтиёнинг уч тури мавжудидир: маҳмудий (куритилган) тўтиё, жажарий



**“ЭЙ КҮНГҮЛ, ФАМ СЕЛИ ЕТКАЧ, ТОҒДЕК  
ТУТҚИЛ САБОТ...”**

**«Faroib us surap», 74-ғазал**

(қаттик) түтиё, коний (асил) түтиё. Булардан энг шифобаш тури коний түтиё бўлиб, унга туйилган новвотни кўшиб кўзга суртилса, қонталаш бўлган кўз томирчалари ҳамда кўп ёш тўкилиши каби қаралликларга даво бўларкан. Мазкур тиббий кўрсатмани шъерият тилига кўчирриб, шоир хижронда конли ёш тўқадиган ошиқларнинг ёркин ифодаси бўлган фазаллари бир нав таскин ва тасалли эканидан қаноат хиссини туйиб ёзди:

*Эй Навоий, хоки пои васфида ширин сўзуңг  
Бор биайниҳ тўйтиё ичинда солғандек набот.*

Сода кўнглум ичра лаълингнинг хаёли тушгали,  
Шишаедурким, анинг ичига солмишлар набот.

Оразинг меҳрида оғзингдур гадолиғ қијнаним,  
Ҳак сени хуршид қилмиш, заррае бергил закот.

То кўнгулдин бош чиқармиш ҳар тараф  
пайконларинг,  
Куш боласидек бўлубтурким, бўлур темурқанот.

Васл умидига тилярмен умр, лекин войким,  
Сенсизин кўрсам, тирикмен, ўлтурур мени ўёт.

Истасангким, ул куёш чиққач санга қилғай тулуб,  
Эй кўнгул, фам сели еткач, тоғдек тутқил сабот.

Ишқинг ўтин гар Навоий десаким айлай ракам,  
Сўзидин куяр қалам, куур қора, эрир давот.



## ЛУГАТ

- Тийра – қоронғу  
Сода – пок, тоза, шаффоф  
Ораз – ғүзәл чөхра, юз  
Хұршид – қүйеш  
Пайкон – ўқ  
Темурқанот – қанотлары ўсіб, учишга шай бўлган полапон  
Үёт – уят  
Тулуб – күёшнинг чиқиши  
Ракам айламоқ – ёзмоқ, қайд қиммоқ  
Сўз – қалом; ҳарорат, иссиқлик, тафт  
Давомт – сиёҳдан

## ҒАЗАЛ ВАЗНИ

Рамали мусаммани маҳзузоф  
-V-- -V-- -V-- -V--  
-V-- -V-- -V-- -V--

Фоилотун фоилотун фоилун

## НАСРИЙ БАЁН

- Эй жонимдек азиз дилбарим, зулмат дунёсида обиҳаёт чашмаси Хизрга мантулук бағишлагани каби сен ҳам қоронғу кулбамга кириб, менга ўлимдан најжот бер.  
• Лайълдек лабингнинг хаёли мусаффо ва покиза кўнглім ичра тушиб, ичига новвот солинган шиша идишга ўхшаб жилоланиб кўриняпти.  
• Гўзал чехранг меҳридан кичик оғзингдан бир ширин сўз тиламагимга сабаб – Ҳак таоло сени оғриклик хусусиятини баҳш этиш кудратига эга. Шу

тобдек қилиб яратибди, менга жамолингдан бир зарра закот берсанг яхши бўларди.

- Кўнглім атрофидан отган ўқларинг чиқиб турб, уни парвозга шай бўлган полапонга айлантириб қўйди.

• Сенинг висолингта етишмак учун Худодан умр тилайман, лекин эвоХ, сенсизликда тирик юрганимни кўрсам, уят мени ўлдиради.

- Эй кўнгил, агар ул күёш чиққандан кейин сенинг бошингта нур сочишини истасанг, ғам сели келганда тоғдек саботли ва сабр-тоқатли бўл.

• Агар Навоий оташин ишқинг ҳароратини битмакни истаса, сўзининг тафтидан қалам куяди, сиёҳқуриб, сиёҳдан эриб кетади.

## ШАРҲ ВА ИЗОҲЛАР

Ушбу ғазалда ҳам муҳаббатнинг кудрати, ошикканинг қийноқ ва азоблари, илтижо ва муножотлари тасвиirlанган. Аммо бу доимий мавзу ҳар бир ғазалда турли ташбих ва тамсиллар, бадиий ифода воситалари ёрдамида янгидан-янги қирраларини намоён ғазалда ошно кўнгилларни мафтун ва маҳлиё этади. Матлаъда Хизр алайхиссалом қиссанига ишора қилган ҳолда жондан азиз маҳбубасига мурожаат қилиб, ҳижрон боис мұқаррар ўлимдан висол обиҳаёти билан ҳалос этишини ёлвориб сўрайди. Ривоятларда келтирилишича, Мангулик чашмаси ёруғликдан умуман асар бўлмаган зулматтагулкасида бўлиб, ушбу булоқдан сув ичган Хизр қиёматгача тирик қолармиш. Ёрнинг висоли ва муҳаббати ҳам ошиқнинг кўнглига ана шундай мангутинириклик хусусиятини баҳш этиш кудратига эга. Шу

малнода Хожа Хоғиз Шерозий таъқидлайди:

Харгиз наимирад он, ки дилаш зинда шуд ба ишк,  
Сабт аст дар ҷаридаи олам давоми мо.

(Таржимаси:

Ўлмас у, кимки гар дилишик ила пойдор,  
Олам китоби ичра битик – давомимиз).

Мангуликка элтувчи муҳаббатга макон бўлиши  
учун кишининг кўнгли шишадек соғ ва беғубор,  
турли-туман филлу ғашлардан холи бўлмоғи керак.  
Ўшанда ёрнинг лаъдек қизил лабининг хаёли кўн-  
гилда новвот солинган биллур қадаҳдек жило беради.  
Мўминнинг қалби – Ҳудонинг Арши, дейилади  
ирфоний манбаларда. Имон нури билан порлаган  
пок қалбга йери азалнинг хаёлидан ўзга нарса йўл  
тополмас, дейди шоир:

Сода кўнглум ичра латълингнинг хаёли тушигали,  
Шишаедурким, анинг ичига солмишилар набом.

Учинчи байтдаги тасвир ҳам ажойиб: ёрнинг  
чехраси күёшга, оғзи эса заррага ўхшатилмоқда.  
Мумтоз Шарқ адабиётida ёр оғзининг кичиклигини  
ни васф этиш бадиий-эстетик талаблардан ҳисоб-  
ланishi баробарида, мажоз тилида тор оғиз – пирим  
комилнинг нозик ва дақиқ ҳикматлари, илоҳий  
моҳият, Ҳаққа етказувчи қудсий нафас деб тушуни-  
лади. Айни шуманода ёр күёшга тенглаштирилган  
ва унинг оғзиздан чиккан қалом – ошиқнинг кўнгил  
томон сафарини ёритувчи бир қатим ёғду ҳисобла-  
нади. Мискин одам қашшоқликдан кутулиш учун  
закотга канчалик мухтоҷ бўлса, ошиқ ҳам ёрнинг  
бир оғиз сўзига шунчалик талабор:

Оразинг меҳрида оғзингдур гадолиғ қилғаним,  
Ҳақ сени хуршид қиласиши, заррае бергил заком.

Муболағали тасвир кейинги байтда янги авжига  
кўтарилади: маҳбуба отган жафо ўқларининг пат-  
лари ошиқнинг мажруҳ кўнглини темирқанот куш-  
га айлантириб кўйибди. Бу билан шоир ишқ йўлида  
чеккан жафо ва ситамлар заиф ва нотавон кўнгил-  
га куч-кувват бағишилаб, муҳаббат фазосида сайр  
этишга шай ҳолатга келтирганига ҳам нозик ишора  
килади:

То кўнгулдин бош чиқармиши ҳар тараф  
пайконларинг,  
Куш боласидек бўлубтурким, бўлур темурқанот.

Ишқ ҳаётининг мазмунига айланган ошиқни бу  
дунёдаги тирикликнинг ягона юпанч ва умиди – ёр  
висолига этишиш бўлса, ёрсиз кечган кунлар уни  
уятдан ўлар ҳолига туширган. Бу – шунчаки сўза-  
моллик ёки муబалаға эмас, балки висол давлати-  
га этиша олмаганига муҳаббат йўлида йўл кўйган  
нуксонлари сабабчи эканини англаган фидойи ин-  
соннинг надоматидир. Етти иқлимда ягона хукм-  
дор бўлган Искандар обихаёт ҷашмасидан бенасиб  
колгани каби ҳақиқий маҳбуба висолининг неъма-  
тидан баҳрамандлик учун факат муҳаббат дайво  
қилишнинг ўзи етарли эмас. Бунинг учун ишқ қай-  
ғусининг селига тахаммул килиб, тоғдек собит ва  
чидамли бўлмок керак. Ўшанда тонг чоғи күёшининг  
заррин нурларидан баланд тоғларнинг қоялари энг  
аввало мунавар бўлгани каби, ошиқ ҳам биринчи-  
лардан бўлиб, ёрнинг күёшдек ҷеҳраси дийдорига  
етишиши мумкин:

Истасангким, ул күёш чикқач санга қилғай тулуң,  
Эй күнгүл, ғам сели еткач, тоғдек тұтқыл сабот.

Разаллинг тахаллус байтида тажнис санъатининг гүзгал намунаси уни хусни мактаса даражасида күттарған. Байтдаги сүз иккى мальнома – қалом (үзбекча) ҳамда тафт, ҳарорат (тожикча) маъносида көлтирилган. Бу мальнолар бир-бирини тўлдириб, Навоий куйлаган мұхаббатнинг оташи ҳар бир сатрига ҳарорат бағишлаб, бу ўтли сатрлар шунчалик нинг бир заррасини ҳам ифода қила олмаётганини ишонарли тарзда баён қилган:

Ишқинг ўттин гар Навоий десаким айлай ракам,  
Сўзидин куяр қалам, куур қора, эрур давом.

“ЛАБИНГ ХАЁЛИДА АШКИМ ЭРУР ҲАЁТ СҮЙИ...”


«Наройибус сугар», 75-ғазал

Кўзум учарки, ҳумоюн юзунгни кўргай бот,  
Биайнхи анга кирпиклар ўлмиш икки қанот.  
  
Безанса дарду бало шоҳиди ҳалоким учун,  
Мижам тароғдуур, эски тутангларим миръот.

Лабинг хәёлида ашким эрур ҳаёт сүйи,  
Фироқинг ичра қорарған кўзум анга зулмот.  
  
Закот ўттур эди юзунг жамоли нақдига меҳр,  
Тажаммул ахлиға юздин бир ўлса эрди закот.

Десангки, жонима ўт солмағайсен, эй соқий,  
Такаллум этга майолуд лаб била, ҳайҳот!  
  
Қолурлар оғзин очиб ишқ аҳли пўямдин,  
Соф элга куулғу эрур телба айлаган ҳаракот.

Лабингки, жон берадур аҳли дард қони учун,  
Навоий қонига гар майл этар мумидди ҳаёт.



## ЛУГАТ

Хумоон – муборак, күтлүф, хуш  
Биайниҳи – худди ўзи  
Мижка – киприк  
Тутан – доғ, яра, жароҳат  
Миръот – кўзгу  
Мехр – күш  
Тажаммул аҳли – бойлар; гўзаллар  
Такаллум – сўзлашиш  
Майолуд – шароб теккан  
Пўя – елиб-югуриш, саргардонлик  
Харакот – харакатлар, қиликлар  
Мумидд – мадад берувчи, ёрдамчи

Мужтасси мусаммани махбуни маҳзузуф  
V-V-- VV-- V-V- VV-  
V-V-- VV-- V-V- VV-  
Мафоилун фаилотун мафоилун фаяилун

## НАСРИЙ БАЁН

• Сенинг муборак дийдорингга яна етишаман деб  
кўзим учапти, киприкларим эса, бу күш қанотлари  
нинг айни ўзидир.

• Агар менинг ҳалок бўлишимга гувоҳ бўлиш учун  
дард ва балолар келтирувчи гўзалим безанмоқчи  
бўлса, киприкларим – тарок, эски жароҳатларим  
кўзгусига айлансин.

• Сенинг лабинг хаёлида кўз ёшлиарим ҳаёт суви,  
фироқинг йўлида қорарган кўзларим эса, бу ҳаёт су-  
вини бағрида яширган зулмат мамлакатидир.

## ШАРҲ ВА ИЗОҲЛАР

• Агар бойларга юздан бир хисса закот бериш  
фарз қилинганда эди, жамолинг закот пули сифати-  
да кўёшни беришинг керак бўларди.  
• Эй соқий, жонимга ўт солмайин десанг, май том-  
чиси инган лабинг билан сўзлама.

• Ишқаҳли елиб-югуришимни кўриб, оғзи очилиб  
қолмиш. Зотан, телбанинг қиликлари соғ одамга  
кулгили кўринади.

• Дардмандларга шифо берувчи лаълдек лабла-  
ринг агар Навоий қонига майл этса, яшаб кетишига  
мадад бўлар эди.

## ШАРҲ ВА ИЗОҲЛАР

Салафлар ва замондошларнинг бадиий-ижодий  
тажрибалари баробарида ҳалқнинг жонли тили,  
унинг тафаккур тарзи, удумлари ва расм-руsumлари  
хам бошқа мутафаккир шоирлар сингари Навоийни  
илҳомлантирган, унинг тахайол ва тасаввур олами  
бўёқларига куюқлик ва рангоранглик бахш эттан.  
Жумладан, бирор хушхабарни эшитишдан олдин  
кишининг кўнгли гувоҳлик бериб туришини ҳалқ  
орасида кўзни учишига боғлаб талқин қилишади.  
Шоир ана шу удумни шेър тилига кўчириб, висол-  
га этишиш орзуси билан кўзнинг пирпираф туриши  
орасида ажойиб шеърий таносуб яратган:

Кўзум учарки, ҳумоюн юзунгни кўргай бол,  
Биайнинҳи анга кирпиклар ўлмиш икки қанот.

Кейинги байтда “дарду бало шоҳиди” истиораси-  
да шоҳид сўзи иккита – гувоҳ ҳамда гўзал маҳбуба  
маъноларини ифода этиб, тажнис санъати имкони-  
ятлари доирасида байтини икки хил талқин қилишга

асос яратган: 1) мени ҳалок этиш учун ишқ дарди ва балоси безанмөкчи бўлса, киприкларим – тароқ, эски жароҳатларим излари кўзту бўлсин; 2) дард ва балолар етказишга одат қилган гўзал ёрим агар мени ҳалок этиш учун ясанмоқчи бўлса, киприкларимдан тароқ ясад, эски жароҳатларимга назар солсин. Бу муболагали тасвирлар ошиқнинг бало ва дард йўлида чеккан азиятлари ҳамда маъшуқнинг раҳмсизлигини кўрсатишига бир восита бўлиб, айни пайтда гўзаллик тимсоли ўзининг жамолини кўриш учун ошиқнинг жароҳатларидан яхширок кўзгу то полмаслиги, бу хусну жамол олам аҳлига айни оғат ва жазо экани, ишқ ўйлида курбон бўлашнинг ўзи ҳам саодат манзари бўлмоғи каби маъноларни ҳам нозик ишоралар билан ифодалаган:

*Безанса дарду бало шоҳиди ҳалоқим учун,  
Мижам тарофдурур, эски туганларим миръот.*

Учинчи ва тўртинчи байтларда олдинги ғазалда кўлланилган – ҳаёт ҷашмаси ҳамда ҳусн закоти тимсоллари келтирилган. Фарқ шундаки, олдинги ғазалда ошиқнинг кулбаси – зулмат мамлакатига, ёр жамоли – Хизр ҷашмасига ўхшатилган бўлса, бу ғазалда кўз қорачигини зулмат мамлакати, ёрнинг ишқида тукилаётган ашқини обихаётга ташбих қилинг закоти (олдинги байтда Ёр қўёшта, оғиздан бир сўз эшитиш – заррага ўхшатилиб, қўёшдан бир зарра тиламак – мискин аҳлининг закоти эканлиги таъкидланган эди). Бу ўхшатишга шоир яна бир шартни кўшиб кўяди: закотнинг миқдори кирқдан бир ҳисса деб белгиланган. Агар ҳусн закотининг

миқдори юздан бир ҳисса бўлса, ўшандагина қўёш тангаси сенинг ҳуснинг закот бўлиши мумкин эди, дейди шоир. Бу “адабий фатво” муболага, ташбихи машрут, истиора, ҳусни татъилиб каби муштарак санъатлар ёрдамида ифода этилган бўлиб, анъанавий тимсол ва мисолларга янгича файзу тароват баҳш этган:

*Лабинг хаёлида ашқим эрур ҳаёт сүй,  
Фироқнинг ичра қорарған кўзум анга зуломот.*

*Закот ўлур эди поузунг жамоли нақдига меҳр,  
Тажаммул аҳлиға юздин бир ўлса эрди закот.*

Бешинчи байтда сокийга, яъни пири комилга му- рожаат қилиб, унинг май теккан лабидан чиққан сўзлар – илоҳий маърифатдан нишон берувчи хикмат маърифатга ташна бўлган ошиқнинг жонига ўт со- лишини қайд этади. Бу ўт уни шу даражада бекарор ва бетахаммул қилиб қўядики, ҳатто муҳаббат аҳли бўлган қишиларга девонанинг ғайришуурий ҳара- катларидек култили ва бемантиқ кўринади. Ишқ жазбаси ғалаёни дарвешларни турли кўйларга со- лиши, аksl ва дониш мезонларини ҳам назар-писанд қилмасдан бадномлик кўйига кириб, маломатта қо- лиши ҳакидаги мисоллар тасавvuф аҳлининг ҳаётига бағишилган манбаларда кўп учрайди. “Насойим ул-муҳаббат” да келтирилишича, маломатийлардан бўлган шайх Мира Нисобурий Нисога сафар қила- ди. Жуда тез шуҳрат топади ва кўп мурид йигилади. Бу ҳолагдан кўп азият чекади, чунки кўнглининг машғуллиги кўлтайганди. Шаҳарни тарқ этади. Кўп халойику билан бирга чиқиб, ундан айрилмай, эрга- шиб борардилар. Бир ходими бор эди. Ундан суради:

- Булар кимлар?

Ходим деди:

- Муридларингиз! Сизнинг хизматингизга бор мокдалар.

Қаттиқ шамол эсарди. Бир баландлик устига чиқиб, одамларга қарата пешоб қилди. Ўзининг түни ва батзи одамларнинг либоси расво бўлди. Халқ ундан нафраланиб, орқаларига қайтди. Ходим ҳам эътироф билдирид:

- Бу нима килганингиз, пиrim?

Индамай борарди. Бир сув қирғоғига еттач, ечин-масдан ўзинни сувга отди. Кийимини яхшилаб тозалаб, кейин ходимга боқиб деди:

- Инкор килмагайсен. Катта бир оғат ва азим бир фитнани бир миқдор пешоб билан ўзимдан кетказдим...

Машҳурлик ва таникли бўлишликни катта оғат ва фитна деб билганинг тилидан шоир Ҳакқа дўст тутинишнинг бирламчи шарти сифатида авомнинг эътирофи ва эҳтиромидан воз кечиш лозимлигини таъкидлаб, ёзди:

*Қолуларлар оғзин очиб ишқ аҳли пӯямдин,  
Соф элга кулгу эрур телба айлаган ҳаракот.*

Мактъада эса, шоир юқоридаги фикрларни умумлаштирган ҳолда ёрнинг лаби дард аҳлига жон бағишлаш хусусияти лирик қаҳрамонга ўҳшаган фидой ошиқларни курбон қилиш туфайли эканини тавъидлаб, ишқ ўйлида курбон бўлиш – ҳақиқий ҳётнинг ибтидосидир, деган хуносани илгари суради:

*Лабинсги, жон берадур аҳли дард қони учун,  
Навоий қонига гар майл этар муимиудди ҳаёт.*



**“СОКИЁ, БУ ИШГА БЕХУДЛУҒДИН  
ЎЗГА ЙҮҚ ИЛОЖ...”**

**«Гаройиб ус сиғар», 76-ғазал**

Эй кўнгупл, ёр ўзгалар домиға бўлди пойбаст,  
Сенга мушкил ҳолату бизга қатиқ иш берди даст.

Васл торин чекти ул, мен доғи чектим оҳқим,  
Риштани уздию бўлдум ҳажр туфроғига паст.

Неча бош қўйдум йўлида, ваҳки, қилди поймол,  
Заъфлиғ жиссимимға зулфи торидек солиб шикаст дим...

Захра йўқ мужиб сўрарга, бўлмасун, ё Раб, киши –  
Муфлису ошиқ, севар дилдори – мустағнию маст.

Сокиё, бу ишга беҳудлуғдин ўзга йўқ илож,  
Мужда муғ кўйига еткургилки, бўлдум майпараст.

Фарқ ўлай май баҳри ичра рост ул ғоятқача,  
Ким солиб бўғузум аро чеккай ажал куллоби шаст.

Эй Навоий, журм узри даштида қил пўяқим,  
Яхши эрмас зуҳд занжирига бўлмоқ пойбаст.

## ЛУГАТ

Дом – тузок

Пойбаст – боғланган, туткун

Тор – ил

Чекмок – узмок

Доги – ҳам

Поймол – эзилган, оёқости бўлган

Забълиғ – заиф, бемадор

Шикаст – синик

Захра – журъат

Мужиб – жавоб берувчи

Муфлис – муҳтоҷ, факир

Мустағаний – жожатсиз, бепарво

Мужда – хушхабар

Муғ – ғайридинлар роҳиби, майфуруш

Куллоб – чангак

Шаст – қармок

Журм – гуноҳ

Пўя – қадам урмок, елиб-тюгурмок

## ҒАЗАЛ ВАЗНИ

Рамали мусаммани маҳзуз

-V-- -V-- -V-- -V--  
-V-- -V-- -V-- -V--

Фоилотун фоилотун фоилун

## НАСРИЙ БАЕН

- Эй кўнгил, сенга қийин бир ҳол ва бизга қаттиқ заҳмат юзланибди – ёр ўзгаларнинг тузорига илинибди.

• Ёр висол риштасини узди, мен ҳам бу ипни тортдим, эвон, бу риштаузиллач, хижрон тупроғига тенг бўлиб қолдим.

• Ёр йўлида неча марта бош кўйган бўлсам, оёқости қилиб ўтиб кетди. Заиф жиссим сочи толасидек синиб, ҳалқа-ҳалқа бўлиб кетди.

• Саволимга жавоб сўраб, мурожаат қилишга журъатим йўқ. Ё Раб, ҳеч қаҷон факир бир ошиқнинг севар дилдори беларво ва маст бўлмасин.

• Эй сокий, бу ишда ўзликдан воз кечишдан ўзга чора йўқ. Муғ кўйига бундан бўён майпараст бўлганим хушхабарини етказ.

• Токи ажал қармоғи бўғзимга чангак солиб тортиб олмагунча май денгизига бошим билан шўнғиб кетишга чиндан аҳд қилдим.

• Эй Навоий, гуноҳингни ювиш учун ишқ дашти ни кезгил, негаки зуҳд занжирига кишанбанд бўлиб қолишинг яхшилик келтирмайди.

## ШАРҲ ВА ИЗОХЛАР

Низомий Ганжавийнинг “Лайли ва Мажнун” достонида бир лавҳа бор: Лайли билан Мажнуннинг мухаббати тилларда достон бўлгач, Лайлининг отаси арабларнинг ўша даврдаги одатига кўра, Лайлини “бадном” қилган Мажнунга никоҳлаб бериш ўрнига бутунлай бегона бир киши – Ибн Саломга узатади. Лайли никоҳдан кейин Ибн Саломга ўзини ўлдириш билан таҳдид қилиб, ифратини саклади. Бу хабарни девдек бадҳайбат бир аъробий Мажнунга оддин бошқача тарзда етказиб, “Лайли бошқа ёрни танлаб, баҳти яшапти, сен аёл зотидан вафо кутмасдан, ўзингни йиғиб ол”, дея Лайлига тухмат

килади. Мажнун бу хабарни эшитиб, хушидан кетади. Мажнуннинг ўлишига бир баҳя қолганини кўрган аъробий қўрқиб кетиб, узр сўрайди ва Лайли бошқа кишининг никоҳига кирган бўлса-да, Мажнуннинг меҳри ва бокиралик мухрини сакълаб юрганини айтиб юпагади. Мажнуннинг дарди бироз камайган бўлса-да, шубҳа ва гумон унинг кўнглини таржетмайди ва хаёлан Лайлига мурожаат килади:

Бо ў ба забони ёд мегуфтим,  
К: - Эй жуфти нишоти гашта бо жуфтим,

Ку он ду ба ду ба ҳам нишастан,  
Аҳде ба ҳазор үхда бастан?

В-имрӯз ба тарки аҳд гуфтман,  
Рӯҳ бе ғунаҳе зи ман нуҳуфтман?...

(Таржимаси:  
Ул хаёлан дерди унга зору зор:  
“Эй суурум, шодлигимга жуфтму ёр,  
Кайда сен-ла бирга кечган онимиз,

Нека минглаб боғлаган паймонимиз?  
Нега аҳдингдан кечиб кетмоқучун  
Юз бурарсан айбсиз мендан букун?..”)

Навоийнинг “Лайли ва Мажнун”ини ўқиганлар ушбу лавҳа улуг ўзбек шоирининг достонида йўқлигини билишади. Лекин Низомийнинг бу ўтли сатрлари унинг бадиий тафаккурига таъсир кўрсатмай қолмаганини мазкур ғазал мисолида кўришимиз мумкин.

Низомий Мажнунидан фарқли ўларок, Навоий ушбу савдо бошига тушгац, ёрининг хәёли ўрнига ўз кўнглига мурожаат килиб, севикили дилдори ўзгарнинг тузоғига илинганини алам билан маълум қиласди. Ҳар қандай ошиқнинг назарида факат Уёрни чин кўнгилдан севади, колганилар эса шунчаки ишқ дазвосида юрган кимсалар. Шунинг учун ҳам, ёрнинг бошқа ошиқларга илтифот кўрсатганини ўзгаларнинг макр-хийласи туфайли деб билади:

Эй кўнгул, ёр ўзгалар домига бўлди пойбастим,  
Сенга мушкил ҳолату бизга қатиқ иш берди даст.

Ёрнинг висолидан маҳрум бўлгани сабаб кўнгил мушкил ахволда, ошиқнинг ўзи эса хижрон тупроғига тенг бўлиб қолган. Ошиқнинг иззат ва обруси, шоду хуррамлиги ёрнинг висоли туфайли эканини билгац, ризо ва таслимият билан ишқ ўлида бош кўйса ҳамки, ўз хусну жамолига мағрут маҳбуба ўнинг жисмини сочининг толасидек бураб, эзиб ташлайди. Ошиқнинг жисмини ёрнинг сочи толаси-эмас. Гап шундаки, мажоз тилида соч – дунёнинг рамзи. Сочининг бурама, ҳалқа-ҳалқа эканлиги – борлиқ асрорининг чигаллиги (файласуфлар буни “тобук олдин пайдо бўлганми, ёки тухумми” сингари жавоббиз саволларга ўшагади), қора ва қалинлиги – ҳакиқий олам сирлари ва моҳиятини яшириб турниши, кўплиги ва узунлиги – дунёвий орзу ва ҳавасларнинг чексизлиги каби маъноларни ифодалашга хизмат киласди. Ошиқнинг эзилишлари – дунёвий ташвишлар билан имтиҳон қилинишларидан дарак. Дунё ишлари манфаатлар асосига курилган. Манфат ат бор жойда муҳаббат бўлmas. Ҳакиқий ошиқ ҳам

мухаббатни манфаатлар курбонига айлантиришини хаёлига ҳам келтирмайди. Шунинг учун унда даъво ҳам, иддао ҳам йўқ, ҳаттоқи ёрининг розилигини сўрашга журъати ҳам етмайди. Негаки у билади – севган маҳбубаси унинг муҳаббатига муҳтоҷ эмас. Уз хуснита магрур, ўзининг мислисиз гўзалигидан сармаст:

Захра ўйқ музжид сўрарга, бўлмасун, ё Раб, киши –  
Муфлису ошик, севар дилдори – мустағниу масти.


Кейинги икки байтда лирик қажрамон сокийга мурожаат қилиб, энди майпарамстлик кўйига қадам кўйиб, ажал бўғзига чанг соглунча шароб дентизига чўмиб яшашга аҳд қиласини баён этади. Буюк фамга буюк чора топмоқ қерак. Аммо ҳаётнинг мазмуни, балки яшашнинг айни ўзига айланган муҳаббат жавобсиз қолиб, маҳбуба бу муҳаббатга буткул бефарқ бўлганини англагандан кейин “бехудлуг”-дан ўзга чора қолмайди. Ишқ даштининг минглаб ўйловчилари умрларини саробга сарф этиб, ҳалок бўлсалар, қайси дир бошқа бир ошиқ бир оҳ билан бошқалар етолмай армонда ўтган манзилларга етади. Ўзидан, ўзлигидан воз кечган кишигина муҳбат йўлида висол манзилини умид қилиш мумкин. Бунга эса сокийнинг шароби кўмак беради:

Сокиё, бу ишига бехудлугдин ўзга йўқ иложи,  
Муҳсада муғ кўйига еткурғилки, бўлдум майнараст.

Зуҳд – дунёни тарқ этиши демак. Бир томондан бу мактабулар амал бўлса-да, иккинчи томондан дунёнинг ҳақиқиий Эгасига нисбатан қайси дир маъноди одоблизик ва густохлик ҳамдир. Лайли ишқида

мажнунлика мубтало Қайс Лайлининг итини ҳам эъзозлагани каби, муҳаббат кўйига қадам қўйган киши ҳам шу пайтгача қилинган зуҳду тақвосининг “журмона” (жарима)сига ишқ даштини бошдан-оёқ кезиб, бадномликда шуҳрат топиши қерак. Ақл эгаларининг наздига эл орасида бадном бўлиш ноҳуҳ ҳолат бўлса, қалб эгалари учун эса эл орасида машҳурлик бадномликдан ҳам оғирроқ гуноҳ, Негаски, шуҳратда манмандлик ва риё сояси тушиб туради. Худбин ва риёкор инсон эса ишқ неъматидан ҳеч қачон баҳра топмайди. Шунинг учун, машҳурлик зинданига элтувчи зуҳд занжирига бўлмоқ пойбаст. Эй Наебоий, жсурм узри даштида қил пўяқим,

Яхши эрмас зуҳд занжирига бўлмоқ пойбаст.





**“ТИЙРА ШОМИ ҲАЖР АРО, ВАХ,  
АСРУ КҮП ЧЕКТУК ХУМОР...”**

**«Гаройиб үс сугар», 77-ғазал**

Субх ээрүүр сокио мен махмурмен, сен – майпараст,  
Тут күёшдек жомни, монит недур бўлмоққа маст?!

Тийра шоми ҳажр аро, вах, асру кўп чектук хумор,  
Маст ўлали бу нафаским, васл субҳи берди даст.

Кун бийик чикқунча хўю нолани паст этмали,  
Кўп бийик чикқай бу кун ким бўлғабиз биз ерга паст.

Анжуман аҳли юзин гулгул қилали май била,  
Меҳрдин тописунча анжум гуллари бир-бир шикаст.

Чарх мотам еткуурур, биз дағи онча йиғлали  
Ким, кухан ғамхонаси ул селдин қилсун нишаст.

Гар шафоатқа малойик келса, номаҳрам дебон,  
Меҳр шаклидин фалак йўлин қилали хорбаст.

Тонг эмас бўлса Навоий маст то шоми абад,  
Ким азал субҳида бўлмиш қисмати жоми аласт.

**ЛУГАТ**

**Махмур – хумор тутмаган, май хуморидан бошогрик  
бўлган**

**Монит – манъ этиувчи, тўсик**

**Асру – жуда**

**Ўлали – бўйлайлик**

**Кун – қуёш**

**Бийик – баланд**

**Меҳр – қуёш**

**Анжум – юлдузлар**

**Шикаст – синмоқ**

**Доги – яна**

**Кухан – эски**

**Шафоат – ўтинч, шафे келтириш**

**Малойик – фаршишталар**

**Хорбаст – тиконли тўсик**

**Аласст – Руҳлар ўз Парвардигорига имон келтир-  
ган кун**

**ГАЗАЛ ВАЗНИ**

**Рамали мусаммани маҳзузф**

**-V-- -V-- -V-- -V-**

**-V-- -V-- -V-- -V-**

**Фоилотун фоилотун фоилотун фоилотун**

**НАСРИЙ БАЕН**

• Тонг отди, мен ва соқий махмурмиз, сен ҳам ша-  
робга мойилсан. Қуёш каби порлок жомни туттил,  
маст бўлмоққа нима тўсик бор?

- Хижроннинг зулматли оқшомида жуда кўп бошгрик бўлдик. Нихоят, васл тонги насиб этгани шарафи билан маст бўлайлик.
- Кўёш юқори кўтарилигунча нола-ю ҳаёхуйни паст этмайлик. Биз ер остига кириб кетганимиздан кейин ҳам бу кўёш кўп чиқади.
- Кўёш нурларидан юлдуз гуллари синиб – сўниб колтунга қадар анжуман ахлининг юзини май билан гуллатайлик.
- Фалакдастидан ҳар дам аза ва мотамлар юз бермоқда, биз ҳам шундай йиғлайлики, кўз ёшларимиз сели бу эски ғамхонани бузуб юборсиз.
- Агар шафелика фаришталар келса ҳам, уларни номаҳрам дебон күёш шаклидан фалак йўленин тиқонли тусиқка айлантирайлик.
- Навоий мангулик шомига қадар маст бўлса ажаб эмас, чунки азал тонгидага унга аласт шароби наисб этганди.

• Кўёш нурларидан юлдуз гуллари синиб – сўниб колтунга қадар анжуман ахлининг юзини май билан гуллатайлик.

• Фалакдастидан ҳар дам аза ва мотамлар юз бермоқда, биз ҳам шундай йиғлайлики, кўз ёшларимиз сели бу эски ғамхонани бузуб юборсиз.

• Агар шафелика фаришталар келса ҳам, уларни номаҳрам дебон күёш шаклидан фалак йўленин тиқонли тусиқка айлантирайлик.

• Навоий мангулик шомига қадар маст бўлса ажаб эмас, чунки азал тонгидага унга аласт шароби наисб этганди.

### ШАРҲ ВА ИЗОҲЛАР

Риндана кайфият, ҳаётсеварлик туйғуларини жунбишга келтирувчи ушбу ғазал ҳам “Ринди Шероз” – Ҳожа Ҳофиз ижодининг таъсирида битилган. Бунда биз ижодий таъсирланишининг башка бир кўриниши – таврни мушоҳада этамиз. “Алишер Навоий: қомусий лугат” ида келтирилишича, тагаббурдан фарқли равишда таврда вазн, қоғия ва радиф мезон қилиб олинмайди, балки ўзга шoir кўллаган услубда янгича талқиндаги тимсоллар ва бадиий тасвир воситаларидан фойдаланиш талаб қилинади. Бу ўзига хос ижодий таъсирланиш ва адабий мусобака бўлиб, салафлар ёки замондошларнинг шеърларидаги услуб асосида ўзгача мазмунга эри-

- шилади ва унинг янги жилолари кашф этилади.
- Таҳдил қилинаётган ғазалнинг қоғия, вазни ҳамда тимсоллар силслиласига ўхшаш ғазал Ҳофизнинг девонида йўқ. Аммо куийдаги машхур ғазалидаги маънолар жилоси, сўз оҳангги ва хулосалар ифодаси Навоийнинг юқоридаги ғазалга жуда яқин:

*Субҳ аст, соқиё, қадаҳе пуршароб кун!  
Даври фалак дирсанг надораð, шитоб кун!  
Зон пештар, ки олами фони шавад ҳароб,  
Морози жомоми бодай гулгун ҳароб кун!*

(Таржимаси:

*Тонг отди, айла, соқиё, жоммаларни пуршароб,  
Чархи фалакки, маҳтаду зор бунда, қил шитоб.  
Бўлмай бурун фоний бу жаҳон ҳаробдан-ҳароб,  
Бизларни айла қирмизи жомом бирла сен ҳароб!*

Матлаъда Навоий ийҳом санъатининг энг нозик намуналаридан бирини яратган. Насрий байёнда бे-рилгани каби, шoir тонг чоғи кечки базмдан кейин яна хумори тутиб, ўзига ўхшаган, шароб хумори тутган соқий билан бирга сабуҳий базмини давом эттириш учун азиз ёрига муорожаат қилмоқда. Иккинчи маънога кўра, субҳ, яъни тонг – соқий, ошик – махмур, ёр – ҳайпараст каби сифатлар билан тавсифланган. Матлаъда келтирилган тимсолларни тасаввуфий ўйсинда шарҳласак, қуйидаги манзара ҳосил бўлади: Ваҳдат ва ягоналик тимсолининг нурларини кўнгилларга сочувчи тонг соқийлик қилмоқда. Менинг маърифат бодасидан баҳраманд бўлиш иштиёқим ошибди, сен ҳам маърифатуллоҳ, яъни Ҳудони танишга аҳд қилган одамсан. Күёш каби порлок жом тутиб, бизни бу бода билан сархуш ва маству мустағрак қилишдан нима монелик

килмоқда?

Майпастни шароб хумори қанча кийнаса, ғо-  
филлик ва нодонлик, маҳрумлик ва хижронда қол-  
ган кишининг истак ва иштиёқи, изтироб ва искан-  
жаси ҳам шунчалик кучли бўлади. Висолга етишган  
кишининг хижронда чеккан азоблари бадалига  
шодланиб, ишрат қилиши қанчалик ярашикли:

*Тийра шоми ҳажр аро, ваҳ, асрү кўп чектук хумор,  
Маст ўлали бу нафаским, васл субҳи берди даст.*


Факат ўтмишни кўмсаб яшайдиган киши – баҳ-  
тиқаро, келажак хаёли билан кун кечиручилар –  
нодон ва танбал кимсалардир. Тўғри йўлдаги одам  
ўтмишдан тўғри сабок чикариб, келажакда қоқил-  
маслик учун бутуннинг ҳар бир лаҳзасини ғанимат  
билади. Манбаларда шунинг учун ҳам сўфийлар-  
ни “ибин ул-вакт” – “бугуннинг фарзанди” деб таъ-  
рифлашади. Ҳар бир лаҳзанинг қадрига етиш, орзу-  
ларни бутуннинг ўзида амалга ошириш, бутуннинг  
ишини эргага қолдирмаслик фоний дунёда бокий-  
лик сифатидан баҳраманд бўлиш имконини яра-  
тади. Чукур ўйга толдирадиган бундай фикрларни  
шоир тажхис ва газод санъатлари ёрдамида дил-  
тортар тарзда ифода этган:

*Кун бийик чиққунча ҳую нолани паст этмали,  
Кўп бийик чиққай бу кун ким бўлғабиз биз ерга паст.*

Барча ишда чегараларни бузиш, акл жиловини  
узиш, суз ва амалда ҳаддан ошиш – мастилик нишо-  
налари. Шаробдан маст одам ўз ҳаддини билмага-  
ни каби, ишқ шаробидан сархуш киши ҳам ўзида  
чекиз ғайрат, кудратли имкониятларни хис этади.  
Кўш чикиб гул-гул ёниб турган юлдузларни сұн-

диргунга қадар давра аҳлининг юзини юлдузdek  
шароб таъсиридан порлок қилиш, мабодо бирор  
азоб ё мусибат еттудек бўлса, йиги селоби билан  
чархнинг уйини бузиш, ҳаттоқи фаришталарнинг  
йўлини кўёш нурининг тиконлари билан тўсип  
мастона ринд учун сира ҳам муаммо эмас. Бу ҳол  
ва кайфият соҳиби учун Дўстнинг шоддиги ва ри-  
золигидан бошқа ҳеч нарса аҳамият касб этмайди.  
Дўст ёди, Дўст фикри, Дўст зикри, Дўстта хуш кела-  
дига амалларни бажариш ва унга ноҳуш кўринган  
ишлиардан паржез қилиш кўнглига шундай сурур ва  
шоддик бағишлаганки, бу сурур, бу мастилик қиёмат  
тонгига қадар бардавом бўлади. Чунки шоирнинг  
рухи олам яралishiдан олдин, яъни “аласт куни” да,  
Парвардигорнинг дийдорига этишган кунида бу  
шаробдан маст бўлган эди:

*Тонг эмас бўлса Навоий маст то шоми абад,  
Ким азал субҳида бўлмииш қисмати жомми аласат.*





**“ВАФО ҚАСРИН КҮПАРСАНГ,  
БУ БИНОЛАР УЗРА ДЕВОР ЭТ...”**

**«Гаройиб ус сугар», 78-тазал**

Жунун тоши уруб хар ён янги дөғимни афгор эт.  
И чимдин лоладек, ишк ичра тошимни намудор эт.

Чу мажнун қылдинг эмди, эй муғаний, гүша  
тобингни,  
Күнгүл савдоси таскини учун бүйнумға тумор эт.

Десанг, күнглум күши айлаб хаво, чеккай навойи  
ишк,  
Хадангингнинг парин айлаб қанот, пайконни  
минкор эт.

Сочинг күфрида ўлсам қабрим узра күйма  
хирқамни,  
Чекиб ҳар торини бир барҳаман белига зуннор эт.

Күнгүл айвонида охим елидин пардайи ишқинг  
Десангким, умасун мужкондин атрофиға  
мисмор эт.

Десант оғзин күрай, эй акд, марказ нұктасин иста,  
Вале шарт ушбуқим, аввал күёш даврини паргор эт.

Имараттархидур нальу алифдин ҳар тараф күкссүм,  
Вафо қасрин күпарсант, бу бинолар узра девор эт.

Эрур максад йирок, водий – узун, тун – тийра,  
Йүл – бурток,  
Бу йүлда салб этиб ўзлук юкин, ўзни сабукбор эт.

Навоий ўлса тиругзил, юзига юз қүюб, яйни  
Юзига су уриб ул уйқусидин они бедор эт.

**ЛУҒАТ**

Дөғ – яра  
Ағғор – мағжрух, қонталаш  
Намудор – намоён  
Муғаний – созанды  
Гүшатоб – чолғу қулоғи  
Хаданс – ўқ  
Минкор – тұмшук  
Хирқа – дарвешшарнинг жұндан түйілгән түнни  
Барҳаман – ҳинделарнинг руҳонииси, брахман  
Мисмор – қозық  
Паргор – циркуль  
Натыл – тақса  
Тиіра – қоронғу  
Буртөк – баланд-паст  
Салб этмоқ – вөз кечмоқ.  
Сабукбор – юки еңгил, ортиқча юки іүйк

**ҒАЗАЛ ВАЗНИ**

Хазажи мусамманни солим  
V--- V--- V--- V---  
V--- V--- V--- V---  
Мафоийлун мафоийлун мафоийлун

## НАСРИЙ БАЁН

- Жунун ва девоналик тоши билан уриб, ҳар ёнимдаги эски яраларимни ѫнгила. Ичим лоладек қонталаш бўлиб қолган, зоҳиримни ѫам ишқ дастидан лолазор қилиб кўрсат.
- Эй созанда, ажойиб куй чалиб, мени мажнуну девона қилдинг, энди кўнглимдаги савдонинг таскин топиши учун чолғу кулогини бўйнимга тумор эт.
- Агар кўнглим куши муҳаббат ҳавосида учиб, ишқ навосини чексин дессанг, унга ўқинг паридан қанот, темир учидан тумшук ясаб бер.
- Агар сочиннинг куфрида ўлсам, қабрим устига хирқамни ќўйма, балки уннинг ҳар бир торини баражманларнинг белига зуннор қилгин.
- Оҳим шамолидан кўнгил айвонидаги ишқинг пардаси учиб кетмасин дессанг, киприкларни тўрт томондан тўсик қилиб кўй.
- Эй акл, оғзини кўрмоқчи бўлсанг, марказ нуктасини топ. Аммо бунинг учун даставвал күёш куррасини паргор – циркуль қилиб ол.
- Кўксимдаги доф ва жароҳатлар гўёки иморатнинг чизмасига ўжшайди. Агар вафо қасрини кўпорсанг, бу бинолар узра девор эт.
- Максад – йироқ, манзил – узун, тун – қоронғу, йўл – уйдим-чўнкир бўлиб ётибди. Бу оғир йўлда ўзлик юкини ташлаб, юкингни енгиллат.
- Агар Навоий ўлиб қолса, юзига юз кўйиб уни тиргиз, яъни юзига сув сепиб, уни уйкудан уйғот.

## ШАРҲ ВА ИЗОҲЛАР

Ўрта асрларда девоналарни юмчнинг зарби билан даволаш усули бўлган. Азаймхонларнинг фикрига кўра, одамнинг ичига кириб олган жинларни дуо ва юмчи, занжир ва кишанинг ёрдамида чиқариш муҳкин эмиш. „Лайли ва Мажнун“ достонида келтирилишича, Кайснинг отаси даво истаб ишқ жунунига муғтало бўлган ўғлини Каъбатуллоҳга олиб боради. Каъба эшигининг ҳалқаси кўлига тушган Кайс эса, Ҳакка ёлвориб, Лайли ишқини янада зиёда килишини сўраб илтижо қиласди:

Дедики: «Аё ҳакими доно,  
Хар ҳукмда ҳокиму тавоно!

Эй ишқ ила ониким қилиб фош,  
Атфоддин анга ёғдуруб тош!

Демонки мени тарафга хос эт,  
Ёхуд ғами ишқдин халос эт!

Кўнглум ғам ила тўқ айла, ё Раб!  
Ишқ ичра мени ишқдин разимда қон қил!

Мазкур ғазалда ҳам ишқ жунунига гирифтор ошиқ ўз маҳбубасидан жабру зулмлари билан эски яраларни янгилиб, зоҳир ва ботинни бир хил – лоладек қонталаш қилиши ёлвориб сурайди. Ишқнинг кудрати билан ичу таши бир хил бўлган ошиқ

муғаннийнинг навосини эшитганда ҳам жунуни ошади, кўнгил куши муҳаббат фазосида эркин қанот қоқиб, хониш қиласиган булбула айланади. Ишқ хирқа кийиб тарикат солики бўлганларни ҳам, бут ва санамларга топингувчи бараҳманларни ҳам четлаб ўтмайди. Муҳаббат дарди дин ва мазҳаб, ирқ ва миллат тушунчаларидан устун. Ҳар бир киши ўз ҳолига яранша будардан насибадор бўлади. Шунинг учун ҳам муҳаббат кўйида шахид кетган соликнинг хирқаси бараҳманлар белига зуннор, мутрибларнинг чолғусидаги гўшатоб – кулоқчалар эса мажнунсифат ошикнинг бўйнига тумор бўлиши табиий бир ҳолдир:

*Чу мајиснун қилдинг эмди, эй муғаний,  
Кўнгул савдоси таскини учун бўйнулга тумор эт.  
Сочинг куфрида ўлсам қабрим узра қўйма хирқамни,  
Чекиб ҳар торини бир барҷаман белига зуннор эт.*

Оғиздан нишон топиш учун күёш доирасидан паргор – циркуль ясаш керак бўлган, ишқ заҳмларидан бинонинг чизмасига айланган ошиклар кўксидан вафо қасрини туг-туги билан кўпориб ташлайдиган зулмкор маҳбуба шунчаки қадди-қомати расо, киёфаси чиройли бир ҳурлико эмас, балки у – Ҳак таоло нурининг оламдаги мазҳари. Бутун олдидиа бир заррадек арзимасдир. Унга етишиш ҳам осонмас. Коронғу кечада ҳамроҳ ва йўлбошчисиз узок сафарга чикқан кишидек руҳият оламининг энг олис манзилларига етишмоқда инсон ўзидан кечиб, бор вужудини ушбу маънавий сафарга са-

фарбар қилмоғи, менлиқдан ҳабар берувчи хислатлар – худбинлик, манманик, тақабурлик, очқўзлик, риёкорлик...лардан воз кечиб, кўнгил кушини маърифат ва муҳаббат фазосида саир этмоғига шай тутмоқ лозим бўлади:

*Эрур мақсад ўирок, водий – узун, тун – тиіра,  
йўл – буртоқ,  
Бу ўйда салб этиб ўззулук юкин, ўзни сабукбор эт.*

Бу сафарга чиқишидан олдин инсон “ўлишдан бурун ўлмоқ”ни бошидан кечирмоғи керак. Бошқача одам гўёки қайта туғилгандек бўлиб, оламга қалб кўзи билан назар солади. У қашф этган олам олдин-ги оламдан буткул фарқ қиласиди. Дунёкараш ўзгариши эса ориф ва қалби огоҳ инсонларнинг танбехлари ва ўйтлари, руҳий маънавий тарбияси орқали амалга ошади. Шоир ана шундай инсонлар сұхбатига муштоқлигини изҳор этиб, комил инсонларнинг сұхбати ўлиқ қалбларни тирилтириши, гафлат ўй-кусиди қолган руҳларни ўйғоқ ва тиірак этишини назокат билан таъкидлаган ҳолда ғазалига якун ясайди:

*Навоий ўлса тиргузгил, юзига юз қўюб, яъни  
Юзига су уриб ул уйкусидин они бедор эт.*

# БҮРГҮҮС

“НЕ ВОКИЙ ЎЛСА ЧУ ТАҚДИРДИН  
ЭМАС ХОРИК...”

«Гаройиб ус сиғар», 79-тазал

Вуждум ўртадинг, эй ишк, эмди тарким тут,  
Худой учунки, мени қайда кўрдунг, анда унут.

Кўнгулни васл чароги била, дединг, ёрутай,  
Туташти чун бизинг уй, эмди ўзга уйни ёрут.

Чу васл куймак ила ҳосил ўлмади, эй кўз,  
Тахассур ашкини била шульалинг кўнгулни совут.

Жунунини дафъига кўнглумни доғ этай дебсен,  
Бу доғи сахлдуур, хажр доғидин кўркут.

Бухори оҳим этур лойик, англагил, эй ашк,  
Баҳори хуснига ногаҳ кераклик ўлса булут.

Не вокиц ўлса чу тақдирдин эмас хориж,  
Бас ўқтадур қилуридин кишига бермак ўгут.

Навоий, бу ўтар олам ичра беш кун қил  
Ўзунгни май била машғулу ишк бирла овут.

## ЛУГАТ

Туташти - тутаб ёнди

Тахассур - ҳасрат

Саҳл - осон, енгил

Бухор - дуд, тутун, буғ

Бас - жуда

Ўқта - бехуда, кераксиз

Ўгут - ўйт, насиҳат

## ҒАЗАЛ ВАЗНИ

Мужтасиси мусаммани маҳбуни маҳзуф

V-V- VV-- V-V- VV-

V-V- VV-- V-V- VV-

Мафоилин файлотун мафоилин файлиун

## НАСРИЙ БАЁН

• Эй ишк, бутун вужудимни ёндиридинг, энди мени тарқ эт. Худо ҳақи, қаерда мени кўрган бўлсанг, ўша жойда унут.

• Кўнглимни висдол чироғи билан ёритай, дегандинг. Уйимиз тутаб ёнди, энди ўзга уйларни ёрит.

• Эй кўз, висол куйиб-ёниш билан муяссар бўлмади, энди ҳасрат кўз ёшлари билан гуриллаб ёнаётган кўнгилни совит.

• Кўнглимдаги жунун ва девоналикини даф этиш учун куйидириб доғ кўяман дебсан. Бу ҳали осон юмуш, тағин ҳижрон азоби ва жароҳати билан ҳам кўркит.

• Эй ашк, агар ёр хуснининг баҳорига булат керак бўлиб қолса, менинг оҳим дуду тутуни мунособидир.

- Нимаини содир бўлса, тақдирда битилган бўлади. Шунинг учун қиласиган ишидан қайтариш учун кимгадир ўгит бермакнинг фойдаси йўқ.
- Эй Навоий, беш кунлик ўткинчи дунёда ўзингни шароб билан банд қилиб, ишқ билан овут.

## ШАРҲ ВА ИЗОҲЛАР

**Ишқ** – хаёт, бахт, ўлим, шевр каби таърифларга сифмайдиган сўз. Инсоният яралибдики, бошқа мангу жумбоқчалар қатори ишқнинг сирру синоатлари, сабаб ва нағижалари ҳақида фикр юритади, ўз мулоҳазаларини айтади, кўхна дунёдан ҳам қадимийроқ бўлган бу туйғунинг қирраларини қашф этиш ва англашга умрини сарфлайди. Аммо дунёдаги барча илмларни энг дақиқ ва нозик жихатлари билан ўзлаштирган олиму фузалолар ҳам ишқни тушуниш ва тушунтиришга ожиз. Ошиқ Навоий ғазалларининг бирида айтганидек:

*Дақоқиқ ишқ илми ичра кўлдур,  
Ки тафҳимида ожиззудур мударрис.*

Шунга қарамай, Шарқ мутафаккирлари ўзлари босиб ўтган кўнгил манзилларига назар солиб, мұхаббат йўлдининг куйидаги маком ва даражаларини белгилаб олишган:

**Ҳаво** – иштиёқнинг ошиши, вужуд истаги ва таъбининг мувофиқлиги босқичи;

**Алоқа** – кўнгилда иштиёқ ҳосил бўлиши ва бирорвага боғланиб қолиш;

**Қалаф** – истак ва шавқнинг шиддати;

**Ишқ** – ҳаво ва алоказдан ҳам кучли бўлган туфу́нинг кўнгилда пайдо бўлиши;

**Шаъаф** – ишқ оташининг жигарга етиб, ўрташи;  
**Шагаф** – севги-муҳаббатнинг рухият оламига элтувчи кўнгил пардаси (шагоф)ни ўргадан кўтариши;

**Жавво** – мақсад узоқлигидан кўнгилнинг сиқидиб, маҳзун бўлиши;

**Татайюм** – муҳаббат – бандалик ва қулликка сабаб бўлиши;

**Табаттуу** – муబталолик, ишқ дардига чалиниш;

**Таваллуж** – ишқ шиддатидан ақулдан бегона бўлиш, ишқ жунунинг гирифторлик;

**Хўём** – ишқ дарди ва шайдоликнинг зўридан дашту биёбонларга юзланиш, ёлғизликка юз тутиш.

Мавлоно Абдураҳмон Жомийнинг ушбу таснифига ўхшаш бошқача таснифлар Ҳаким Термизий, Мустаммий Бухорий, Ибн Арабий, Саолибий каби мутафаккир алломаларнинг асарларида ҳам мавжуд. Уларнинг фикрлари ҳам моҳият эътибори илиа юқоридаги таснифга жуда яқин бўлгани сабабли Жомийдан иктибос билан кифояландик.

Таҳдил қилинаёттан ғазалда бешинчи маком – шаъафда ошиқнинг руҳий ҳолати, изтироб ва қийноқлари акс этан. Ҳавас ва иштиёқ кучайиб, ошиқ вужудининг мавжудлиги маҳбубанинг илтифоти ва марҳаматига бутқул боғланиб қолгани, чироқнинг шульаси баланд порлаганида уйни ёқиб юбориши каби висол умиди кўнгил уйини култепага айлантиргани эҳтиросли сатрларда ўз ифодасини топган. Ошиқ дард зўридан ишқни тарк этиш чорасини излашга тушиб, ўзи бунинг удасидан чиколмагач, ишқка мурожаат қилиб, бошқаларнинг кўнгил уйини макон тутишини ёлвориб сўрайди:

*Вуҷудум ўртадинг, эй ишқ, эмди тарқим тут,  
Худой учунки, мени қайда кўрдунг, анда унут.*

*Күнгүлни васл чароғи била, дедин්, ёрутай,  
Туташти чун бизинг уй, эмди ўзга уйни ёрут.*

Умуман олганда, ғазалнинг деярли барча байтларида тазодунсурлари фаол кўлланилган. Жумладан, кўриб чиққанимиз иккинчи байтда висол умидининг нури ва иштиёқ оташининг алангаси қаршиланган бўлса, ишқ йўлидаги бесамар ўртанишлар ва ҳасрат суви билан бу оловни сўндиришга уриниш учинчи байтда ишқ йўлидаги соликнинг кайфияти ва ҳолатини англатиш учун мажоз этилган:

*Чу васл куймак ила ҳосил ўлмади, эй кўз,  
Таҳассур ашки била шувъалиғ кўнгулни соёум.*

Тўртинчи байтда яна бир гўзал маънавий санъат намунасига дуч келамиз. “Алишер Навоий қомусий лугат” ида келтирилишича, бадит илмида бир сўзни бир неча марта турли маъноларда бир байтда кўллаш – муштарак (ҳам лафзий ва ҳам маънавий) санъатлар туркумiga кирувчи тардид санъатининг асосий белгисидир. Балоғат илмининг талабларига кўра, бир байтда бир сўзни бир неча марта кўллаш шеърий нуқсонлардан хисобланади. Кўйидаги байтда эса, “доғ” сўзи уч марта келтирилган бўлса-да, ҳар бирига турли маънолар юқлатилгани боис (доғ этай – куйдирай; доғи – ҳали, яна; ҳажр доғи – ҳижрон азоби, айрилиқ яраси) ўкувчи кўнглига хуш ёкувчи ҳолатни вужудга келтирган:

*Жунуни дафъига кўнглумни доғ этай дебсен,  
Бу доғи саҳлдуур, ҳажр доғидин қўркут.*

Кейинги байтда муболага ва ташхис санъатларининг имкониятлари ёрдамида шоир яна бир гўзал

ва жозиб ҳулосани тақдим этади: кўклам фаслида булуларнинг ёмғири оламни яшнатиб, хуррам этигани каби, ошиқнинг күёшли осмонни ёлиб кўювчи охи ва тинимиз кўз ёшлари ёр жамолининг яшнаб кетишига сабабдир. Бошқача айтганда, ошиқнинг оху фифонлари қанчалик кўп бўлса, ёрга шунчалик хуш ёқади:

*Буҳори оҳим эрур лойиқ, англагаси, эй ашк,  
Баҳори ҳусниға ногаҳ қераклик ўлса буулут.*

Адабиётшунослигимизда шартли равишида “бегона байт” дея қабул килинган сатрларда мутафаккир шоир тақдир ҳакида ўзининг ҳаётий ҳулосасини баён этади. Унинг талкинига кўра, инсон тақдидири азалдан белгиланган. Тақдирнинг ўзгариши эса банданинг хоҳишига эмас, балки Биру Бор Эгамнинг мутлак иродасига боғлиқ. Инсон бошига қандай синовлар келса, пешонасига ниммаики битилган бўлса, борича қабул қилиб, ризо ва таслимиятда кун кечириши керак. Ишқ аталмис абадий дард шоирнинг қисматига айланган экан, ўз тақдирини ўзгартиромаган кишиларнинг бу қисматни инсоннинг чегараланганақ мезонлари асосида ўзгартиришини маслаҳат беришлари бефойда:

*Не ёник ўлса чу тақдирдин эмас хоризж,  
Бас ўқтадур қишуридин кишига бермак ўзум.*

Мактъада эса, ўткинчи оламдаги тириклик ҷоғида инсон матьрифат ва огоҳлик шаробидан ичib, ишқ дардига мубталолик – энг тўғри йўл эканлиги ҳақидаги ҳулоса қатъийлашади. Ўзликни англаш ва шу орқали Ҳақини таниш, маърифат ўйлида муҳаб-

бат дардидан кувват олиб яшашни шиор килган одам беш күнлик дунёйнинг кераксиз ташвишларидан озод яшайди. Навоийнинг ҳайтий маслаги ҳам шу:

*Навоий, бу ўтар олам ичра беш кун қил  
Ўзунгни май билла машғулу ишқ бирла овут.*



**“ОТИ САРКАШ, ТҮНИ ЗАРКАШ,  
ХУСНИ ДИЛКАШ, НУТКИ ХУШ...”**

**«Гаройибус сиғар», 80-ғазал**

Кўнглум олди бир парипайкар, малаксиймо йигит Ким, бани Одамда андоқ бўлмамиш пайдо йигит.

Оти саркаш, тўни заркаш, хусни дилкаш, нутки хуш, Кўрмадук бу навъ маҳваш чобуку ратьно йигит.

Ишқида кўзу кўнгулнинг бир-биридин рашики бор, Оллоҳ-Оллоҳ, бўлур эрмиш мунча ҳам зебо йигит?!

Зорлиғлар бирла ўлмай топмағумдур худ висол, Не учунким мен қари кулдурмен, ул мирзо йигит.

Йўлида юз минг куҳанпир ўлса, килмас илтифот, Кимса кўрганму экин бу навъ беларво йигит?!

Йўлунг узра ҳам гадомен, ҳам қари, ҳам хастажол, Бир бокиб ўт ҳолима ҳуснунг закоти, о, йигит.

Дайр пири мазҳабин тутмай, мусулмонлар, нетай, Олған ўлса нақди иймонимни бир тарсо йигит.

Бош оқарди, сабз хатлар тарки тутсам яхширок, Ким хуш эрмастур йигитлар базмida, илло йигит.

Эй Навоий, қарib ўзни солмаким, айлар сени Бир қадах май бирла ул шўхи қадаҳпаймо йигит.



28) тушириб колдирилди. Бу шөрлар эски графикинде кадаги нашрларда түлк берилади<sup>1</sup>.

Мазкур газаллар, яъни “йигит” радифи билан тутгалланган асарлар, кейинчалик Алишер Навоийнинг кўпжилдик асарлари ҳамда алоҳида ҳолда нашр этилган “Ҳазойин ул-маоний” куллиётида нашр этилди, аммо тадқиқотчилар томондан шарх ва талқини яратилмади. Улуг шоирнинг издошлари ушбу газалларга муҳаммас боғлагани ёки жавобия газали ёзганига ҳам кўзимиз тушмади. Шу сабабли, “йигит” радифи газалларни шарҳлашдан олдин йиғит кишини севикили инсон ўлароқ васф этиш ҳақида диний-ирфоний ва адабий манбалардаги фикр-мудоҳазаларга мурожаат қилиш фойдадан холи бўлмас. Аввал бошиданоқ шуни таъкидлаб ўтиш ўринники, Ҳакикат толиблари бўлган уччала тоифа ва-киллари ҳам баҷабозлик ва бесоқолболизники қаттиқ қоралаб, буни инсон боласи учун энг тубан ва пасткашлиқ ҳолати деб ҳисоблайдилар. Куръони каримда берилишича, инсоният гарихида лут пайғамбар (а.с.) қавми орасида илк марта ушбу одат кенг ёйилган. Лут алайҳиссаломнинг даъватларига кулоқ солмасдан, аксинча унинг ўзига таждид этишгани учун бу адашган қавм илоҳий ғазабга учраб, барчалари ҳалок бўлишиади: “Ярим кеча малоика ўзларин лут (а.с.)га зоҳир килиб, буордиларким, кўпунг ва бу шаҳрдин чиқинг. Лут (а.с.) табаби била шаҳрдин чиқдилар. Жабраил (а.с.) ул шаҳрларни ердин қўнглиб, осмонга элтиб, сарнитун ерга урди ва ул элдин ҳар кишиким, ҳар қайда бор эрди сижжил тоши ёғиб, борисин ҳалок қилди”<sup>2</sup>.

Инсоннинг гўзал қиёғаси, унинг кўркамлиги ҳам шарият аҳли қошида алоҳида аҳамиятга эга бўлган. Бани башар орасида гўзаллик тимсоли Юсуф алайҳиссалом бўлғанлиги, пайғамбаримизнинг “Яхшиликни чиройли юзли одамлар хузуридан истанглар” ёхуд “Аллоҳ, гўзалдири, гўзалликни севади” мазмумидаги ҳадисларда кўркамлиқ алоҳида фазилатга эга эканлитининг таъкидланиши бу фикрларни исботлайди. Бинонбарин, Навоий газалида йигитни “малаксиймо”, “парипайкар” каби сифатлар билан васф этар экан, юзида имон нури балқиган инсонни на-зарда тутган, дейишимиизга асос бор:

*Кўнглум олди бир пари пайкар, малаксиймо йигит  
Ким, бани Одамда андоқ бўйламиш пайдо йигит.*

Кейинги байтларда мажозий ва ҳакиқий ишқ унсурлари қоришиқ ҳолда келтирилади. Зоҳирий гўзаллик билан ботиний гўзаллик бир-бирини тўлдириб, ҳам кўз ва ҳам кўнглиниң кувонтиришига сабаб бўлади. Кўз ва кўнгил ишқ йўлида ташмоклари – манзур, яъни васф этилган тимсол ҳам ташки кўриниши ва ҳам ботиний оламининг бир-биридан гўзаллигининг нишонасидир:

*Оти саркаш, тўйни заркаш, ҳусни дилкаш, нутқи хуи,  
Кўрмадук бу наеб маҳваш чобуку ратъно йигит.  
Ишқида кўзуз кўнгулнинг бир-биридин рашки бор,  
Оллоҳ-Оллоҳ, бўлур эрмиси мунча ҳам зебо йигит!*

Ҳам ҳусни хулқ ва ҳам ҳусни зоҳирга эга бу йигит янна мирзолик рутбаси билан сарафрор этилган. Шунинг учун ҳам у ўзига муносаб ва ҳуснига тенг келадиган толибларга илтифот назари билан боқмоғи мумкин. Газалдаги талқинга кўра, ошиқ ҳам қари

<sup>1</sup> Алишер Навоий. Ҳазойин ул-маоний. 1. Ғаройиб ус-сигар. Илимий-танқидий матн асосида нашрга тайёрловчи Ҳамид Сулеймон. Тошкент: ЎзССР ФА нашриёти, 1959. – Б.ХХVIII.

<sup>2</sup> Алишер Навоий. Муқаммал асарлар тўплами. 16-жилд. Тарихи анебе ва хўкамо. –Т.: Фан, 2000. –Б.86.

кул, ҳам бемор, ҳам гадолик күйидаги бир бечора бўлгани учун хуснининг закотидан умидвор бўлишдан ўзга чораси қолмаган:

*Йўлунг узра ҳам гадомен, ҳам қари, ҳам хастаҳол,  
Бир боқиб ўт ҳолима ҳуснунг закоти, о, йигит.*


Кейинги байтда эса фаришта сиймоли, дилкаш ҳусн ва чиройли нутқ соҳиби бўлгани билан йўлидаги музтариб ва бенаво ошиқларга бепарво эканнинг сабаби ойдинлашади: бу йигит мусулмон аҳлидан эмас, балки тарсо, яъни насроний бўлиб чиқади. Ирфон аҳлининг тилида тарсо атамаси нафси амморанинг ёмон хислатларидан кутулиб, яхши хислатлар билан сифатланган руҳият одамига нисбатан кўлланилади. Лоҳижийнинг фикрича, тарсо – тажрид ва тафрид макомига эришган зотларга нисбатан айтилади. Ҳақиқий тажридинг асосий белгиси дунёнинг ҳеч нарсага арзимаслигини қалбан англаш ва шунинг учун ундан онгли равишда воз кечиш эканини ҳисобга олсак, вассф этилган йигитнинг ошиқларига бепарво экани сабаби ойдинлашгандек бўллади:

*Дайр пир мазҳабин тутмай, мусулмонлар, нетай,  
Олған улса нақди иймонимни бир тарсо йигит.*

Бундай ҳолат, яъни хидоят топиш – таркидунёчлик ёки сурункали тоат-ибодат туфайли эмас, балки ҳақ таолонинг иноятини англаш малакаси кишини ҳамиша йигитлардек навқирон ва гўзал асрайди. Тажрид ва тафрид асроридан боҳабар йигит кимники маърифат бодасидан сероб қиласа, ичкучи ҳам мальнавий қарилик ва қалб беморликларидан куту-

либ, яна муҳаббат ва маърифат йўлида шахдам қадам ташлаш қудратига эга бўлади. Қалб оламини ёшартирувчи маърифат умидида шoir ғазалига исуи ясайди:

*Эй Навоий, қариб ўзни солмаким, айлар сени  
Бир қадаҳ май бирла ул шўхи қадаҳтаймо йигит.*





**“КИМ ЭСРУ АСРУ ЮЗИ ПОКУ ЎЗИ ПОК ЙИГИТ...”**

**«Faroibib us sifar», 81-ғазал**

Маст чиқти яна ул қотили бебок йигит,  
Чок айларга күнгүллар ёқаси чок йигит.

Ақл пирини фано дайрида расво қилди,  
Ким күрүбтур бу сифат золиму бебок йигит.

Етти икlimда офат йигитимча эрмас,  
Күёшидин ясаса бу ети афлок йигит.

Гах қилур зулму гаже қатл ҳавас, ким күрмиш  
Қотилу золим аро буйла ҳаваснок йигит?

Поклик пардасида тутсун ани Эзи迪 пок,  
Ким эсру асру юзи поку ўзи пок йигит.

Каридинг, ўзни қарилар сари солким, ярашур  
Кирса чолок йигит базмiga чолок йигит.

Эй Навоий, йигитинг назминга майл этти, севун  
Ким, насиб ўлди санга сохиби идрок йигит.

## ЛУГАТ

Бебок – күркмас, беларво  
Афлок – фалаклар, осмонлар, осмон қаватлари  
Эзид – Аллох, Худо  
Асру – жуда  
Чолок – чакқон, эпчил

## ҒАЗАЛ ВАЗНИ

Рамали мусаммани маҳбуни маҳзуп  
—VV— VV— VV— VV—  
—VV— VV— VV— VV—  
Фоилотун фаилотун фаилотун фаилун

## НАСРИЙ БАЁН

- \* Ўзгалар қонини тўқмакдан кўркмайдиган йигит кўнгилларни чок-чок этишга ёқасини чок этиб шта масти холда кўчага чикди.

- \* У фано дайрида ақл пирини расво қилди. Бундай золим ва кўркмас йигитни ким кўрибди?

- \* Агар бу ети фалак күёшидан йигит ясаса ҳам, оғат бобида менинг йигитимчалик эмас.

- \* Гоҳида зулму ситам кўрсатиш, гоҳида қатл этишини жавас қилади. Котиллар ва золимлар ичida бундай ишларга ҳаваснок йигит яна борми?
- \* Пок Парвардигорим уни поклик пардасида асерасин, чунки у чехраси ҳам, кўзи ҳам жуда пок йигитдир.

- \* Қаридинг, ўзингни қариялар даврасига солким, шаққон ва эпчил йигитнинг базмiga эпчиллик билан йигитлар катнашгани ярашади.

- Эй Навоий, шод бўлким, йигитинг шеърингта мойил бўлди. Сенга шундай идрок соҳиби бўлган йигит насиб этганига шукр қил.

## ШАРҲ ВА ИЗОҲЛАР

Девондаги “йигит” радифили иккинчи ғазалнинг мағлабтида маҳбубнинг янги сифатлари баён этилади. Оддинги ғазалда васф этилган йигитнинг фариштапардек зебо сурати ва шу суратга мунособ гўзал сирирати мактальян бўлса, бунда йигитнинг мастона ва бебоклик билан ошикларнинг кўнлини пора-пора килишга отлангани қаламга олинади:

*Маст чиқти яна ул қотили бебок йигит,  
Чок айларга кўнгуллар ёқаси чок йигит.*

Махбубнинг зулмлари ва котиллиги фано дайрида бўлиши, хусну малоҳатда етти фалакни ёритиб турган Күёшдан ҳам порлор экани унинг бу оламдан эмаслиги, балки руҳоний ва покизба бир хилқат тажассуми эканидан гувоҳлик беради. Унинг хусну жамолини кўргач, оламнинг низомини хикматмезонидамувозанагда ушлаб турган акл пири ҳам ожиз колади. Дунёнинг барча сирасорорини акл ёрдамида ҳал килишга чоғланган солик ишқ синовларига дуч келганда жамийики тажрибалари ва билимлари, иродга ва ихтиёри бехуда бўлиб, расволик ва бадномликка дучор бўлади:

*Ақл пирини фано дайрида расво қилди,  
Ким кўрубтур бу сифат золиму бебок йигит.*

*Етти иқлимда оғат йигитимча эрмас,  
Күёшидин ясаса бу ети афлок йигит.*

Йигитнинг золимлик ва котиллик сифатлари ғазалда қайға-қайта гаъкидланади. Ирфоний тимсоллар тилида зулм – Аллоҳнинг инояти билан соликни шайтоний инфос куткуларидан риёзат ва турли синовлар орқали котигариш, катл – нафс хукмронлигига сабаб бўладиган ёмон хислатлар ва иллатларни ботинда маҳв этишини ифодалайди. Демак, золимлик килиш ва катл этишига ҳавасманд йигитга мафтун ва ошиқ бўлганлар Шавкат Раҳмон табьири билан айтганда, “ичидаги хонини ўлдириш”га тайёр турган ҳамда янги инсон сифатида қайта тувишига тайёр кишилар бўлишини иетайдиган зотлар бўлмоғи керак:

*Гаҳ қилур зулму гаже қатла ҳавас, ким кўрмиш  
Қотилу золим аро буйла ҳаваснок йигит?*

Ёмон ниyat ва гарразлардан кўз ва кўнгилни поклаб, басират кўзини сўқирлик оғатидан кутқарган ошиқ бопища назар билан йигитта назар солиб, унданги роҳмоний хислатларни кашф эта боштайди. Зоган, покизба зотларнинг муҳаббатига эришишучунинсоннинг ўзи пок бўлиши керак. Кўнгли тоза инсон покликнинг бардном бўлишини истайди. “Махбуб ул-кулуб” да айтилгандек, хослар ишқининг асосий хусусияти ҳам “пок кўзни пок назар била пок юзга солмокдур ва бу пок кўнгилул ул пок юз ошувидин кўзғолмок ва бу пок мазҳар воситаси била ошиқи покбоз маҳбуни ҳақиддик жамолидин баҳра олмок” дир. Хослар ишқига мансуб, авом орасида йигитлар мухаббати болан ном чиқарган тасаввуф шеъриятининг буюк намояндаси Фахриддин Ирокий ҳам борлиги хисобга олниса, газалдан мақсад тасаввуфий ғоялар, яъни барча гўшимисларда Ҳак таоло нурини мушоҳада этиш ва унинг буюк Яратувчилик Кудратига имон келтириш таринуми экани ойдинлашади:

*Поклик пардасида тутусун ани Эзиди пок,  
Ким эрур асру юзи поку ўзи пок йигит.*

Мактальдан олдинги байтда Навоий ўзига хос анъанага кўра, ахлокий бир хулосани ўртага ташпайди. Мазкур хулоса Ибн Ямин Фаромадийнинг Яминнинг китъасига кўра, нодоннинг сухбати чарм пайдо килмайди. Нодоннинг сухбатидан кўра бойлик ва амал текканидан кейин хаёсизларча силаи раҳм ва бирордарлик алқокаларини узган номард кариндошлар ва ошналарнинг нокаслиги кишига оғир ботади. Ҳаётда бу иккисидан ҳам оғирроқ ва аламлирок нарса – золим ва мустабид подшоҳ замонида яшашдир. Буларнинг барчасидан ҳам кишига ёмон таъсир қиливчи иш – ўзини ёш йигитлардек тутадиган сатанг чолларнинг хаёсиз киликларидир, деб хулоса киласи Ибн Ямин:

*Чун жомоати чармин шумарам сухбати нодон,  
Зеро ки гарон бошаду тан гарм надорад.*

*Аз сухбати нодон батарат низ бигўям –  
Хеше, ки тавонгар шуду озарм надорад.*

*З-ин ҳарду батар дон ту шаҳеро, ки дар иқлим  
Бо ханжари хунрез дили нарм надорад.*

*З-ин ҳар се батар дони, ки дар даҳр чи бошад? –  
Пире, ки ҷавони кунаду шарм надорад.*

Навоий ғазалида Ибн Ямин китъасининг хулоаси бошқача йўсунда ўз ифодасини толган. Шоирнинг фикрига кўра, қаригандан сўнг киши ўзига тенг бўлган қариялар сухбатига етишиб, йигитлар баз-

мидан ўзини четда тутмоғи керак. Карининг яна бир мольноси пир, яъни донишманд, раҳнамо. Шу маънода, байтни ғазалнинг умумий руҳиясидан алоҳида таҳ-лил қиласидиган бўлсак, қариган киши илму ҳикмат соҳибларининг сухбатини танлагани афзалроқ, деган хулоса чиқариш учун асос бор:

*Қаридинг, ўзни қарилар сари солқим, ярашур  
Кирса чолок йигит базмиға чолок йигит.*

Газал мактабининг мазмунидан тараннум ўтилган йигит реал шахс эканлиги ойдинлашади. Бу йигитнинг табъи назми бор, идрок ва адабий дид соҳиби, Навоийнинг назмидаги нозик маъноларни аттоғида қобилиятига эга. Шоирнинг атрофида бунчай йигитлар кўп бўлган. Жумладан, Мирзобек исмли шоиртабъ йигит Навоийнинг энг яқин одамларидан бўлгандариги шоирнинг ўзи томонидан "Мажколис ун-нафоис" тазкирасида қайд килинган. Қўнгилдошлиқ, дилмаҳрамлик туйғулари уларни бирлаштиришидан кувониб, шоир ёзди:

*Дай Навоий, йигитине назминга майл этти, севун  
Ким, насиб ўлди санга соҳиби идрок йигит.*



- Эй күнгил, чеккан охларимдан ғам даشت�다 ҳар ёнга ўт тушди. Энди мен бу оташдан күймай күтүлмөгим имкони йўқ.
- Охим тутуни катта қозоннинг түйнугидан чиқяптими ёки айрилик отashi бу ғамхона кулбасига ўт солибдими, билиб бўлмайди.
- Даврон хижрон отashi билан вужудимга ўт солган экан, мен ҳам ҳар замон оҳим билан давронга ўт солиб кўйдирсам, айб санаалмайди.
- Эй боғбон, агар фалак қип-қизил атиргулли бўстонни гулханга айлантирган бўлмаса, нега дарахтлардан шунча ўтин йифиби?!
- Эй Навоий, ёр танимни қолдириб, жонимни олиб кетди. Ёр билан кетган жонимга у ўт солган бўлса, хижрон жонсиз ва ёрсиз қолган баданимга ўт солди.

### ШАРҲ ВА ИЗОХЛAR

Бу ғазалда ишқ отashi самандарининг ўртанишлари, мухаббат отashi ичida ёниб, қайта туғилишлари тараннум этилган. Хижрон ва айрилик отashi ошиқнинг бутун вужудини ўз забтига олиб, унинг ўзини бир парча оловга айлантирганки, бу оташ ҳароратидан жону кўнгил ва бадан мулкининг асл ҳолидан нишон ҳам қолмаган. Темирчининг кўрасида тобланайётган темирдек жиззанак бўлаётган ошиқжоси Ҳак таоло даргоҳига кўкларга ўрлайди:

*Ёна солди ҳажер ҳам тан, ҳам кўнгул, ҳам жонга ўт,  
Солди ўт хижрон манга, ё Rabki, сол хижронга ўт.*

Шоир “ёна” сўзидан ажойиб сўз ўйини ясаган: ҳам байдан ва ҳам жону кўнгил хижронда қолганидан бу оташ яна ва ёна-ёна ошиқдан нишон ҳам қолдирнинг нюхоясизлиги ва шиддатли таъсири “ёна” сўзи орқали ифода этилган. Иккинчи ва учинчи байтларда лирик қаҳрамоннинг ишқ жунунига гирифтограмми ишқ ўтида ёниб, тирик гулханга айланганини тасвирлаш орқали намоён бўлади. Ўрта асрларда илоҳий жазба туфайли Ҳак ўйида девонага айланған қаландарлар соvuқ пайти ҳаммом гўлаҳларининг иссиқ кули атрофида жон сакланишгани тарихий ва адабий манбалардан мальум. “Насойим ул-муҳаббат” тазкирасида берилишича, Абулмажид Саноий – Газнавийлар саройининг маддоҳ шоири гўлаҳда шароб лойини ичib юргани учун Лойхўр лакаби билан шуҳрат топган бир мажнусифрат дарвешнинг танбехи сабабли ғафлат уйқусидан уйғониб, Ҳак толиблари йўлига киради ва дунёга машхур мутасвиғ шоирилардан бирига айланади. Навоийнинг газалида эса, одаму оламнинг бору ўйини фаромуш шабаб, бутун борлиғи ишқ ўтида ёнаётгани сабабли мар иплар билан тикилган тўн кийган шоҳлар каби олонга айланган мухаббат мулкининг султони васф ўтилади:

*Айтқай киймиши жунун мулки шаҳи заркаш либос  
Юрган эл, бу наవъким тушмии мени урёнга ўт.*

*Гўайе бўлди қуонғам дашибда эскан самум,  
Иўқса тушти мен киби мажнуни саргардонга ўт.*

Тұртингичи байтда ташбихи киноят, тазод ҳамда жамъу тақсим санъатлари қоришик ҳолатда күлланилган. Кўз ва кўнгил биринчи мисрада

бир жойда келтирилиб, иккинчи мисрада яна ажратилиши (жамъ ва тақсим), айрилик оқибатида ашқ селидан күз уйи вайронага айланниб, вайрон күнгил манзилига ўт тушиши (ташиби киноят), шунингдек, сув ва ўт (тазод) тимсоллари биргаликда юксак бадий санъаткорлик намунасини вужудга келтирган:

*Манзилинг эрди кўзу кўнглум, vale сен борғали  
Муни су қўлди харабу тушиби ул вайронга ўт.*

Кейинги байтда муболағали тасвир ранглари янада куюқлашиб, ишқ оташининг кудрати янги-дан-янги баён воситалари орқали намоён бўлади. Бу оташ давроннинг ситам ва жафоларидан ҳам кучлироқ, кудратлироқ. Ишқ дардига гирифтор ошикнинг охи даврон ситамлари уйига ўт солиб, кулга айлантиради. Бошқача айтганда, мұхаббат оловининг самандарига айланган кишига даврнинг ўткинчи ва мувакқат қайну-ташвишлари писанд эмас. У кўнгилдан чиққан бир охи билан замон ситетмларини йўқ қилиши хеч гапмас:

*Гар мана ўт солди даврон ҳажридин, бас айб эмас,  
Мен дағи солсам дамодам оҳ ила давронга ўт.*

Ишқ отashi ошикни шунчалик ўз забтига олганки, унинг кўзига гуллаган дов-дараҳатлар, яшнаган гулшан ҳам ловиллаб ёнаётган гулхан, гуллар эса бозиллаб турган чўт каби кўринади. Мазкур ўншатиш яна бир Куръоний киссани ёдга солади: ўзини Худо деб эълон килган золим подшоҳ – Намруд алайхиллаъна бутларни синдиран Иброҳим алайхиссаломни гулханда ёқишини буоради. Парвар-

дигори оламнинг амри билан олов Иброҳим алайхиссалом учун “салкин ва омонлик”ка айланниб, гуриллаб ёнган гулхан гулшанга айланади. Ҳак ризосини кўлга киригтан Иброҳим алайхиссалом учун гулхан гулшанга айланган бўлса, ўз холига ташлаб кўйилган Ҳак ошигининг назарида гуллаган бўстон гуриллаб ёнаётган гулханга ўхшайди:

*Не учун ашжордин ийғимиш ўтун, эй боғбон,  
Оташин гулдин агар урмас фалак бўстонга ўт.*

Мактаъда ҳам сўз санъаткори жамъ ва тақсим имкониятларидан фойдаланади. Бунда ёрсиз қолган баданга ҳам, ёр билан бирга кетиб, баданин гаржетган жонга ҳам ўт тушади. Баданга тушган ҳижрон ўти фано манзилига элтган бўлса, жондаги ишқ отashi бако – мангаликнинг абадий манзиллариiga етказади. Бу ўншатма орқали шоир фано ва бако каби мураккаб фалсафий-ирфоний тушунчаларини бадний йўсинада ифода этиб, ҳакиқий ишқ соликини мунаввар руҳият оламига юксалтиришига ишора қиласди:

*Эй Навоий, тан қолиб жонимни олиб борди ёр,  
Солди ул борғанга ўт, ҳижрон валие қолғонга ўт.*



# Сүйрөн

“БУ ЧАМАН ИЧРА ХАЗОН  
САРСАРИДИН САРВ КИБИ...”

«Гаройиб ус сугар», 83-разал

Вахки, хажринда жаҳон бўлди кўзумга зулумот,  
Ким борур ёйқалибу қайтмас ул оби хаёт.

Зулфи оллинда бинафшаки, бошин солди куйи,  
Ани кўрмакка ҳамоно мунга монильдур ўёт.

Харакат қиласа лабинг туз тўкулуб шаҳд оқар,  
Тузлук эл кўп, бири йўқ сен киби ширин ҳаракот.

Терлаган лаъли гулоб ичрамудур гул барги  
Йўқса усрук кўзуму солди арак ичра набот.

Кўнглум ул гулга қилиб майл, фифонким, булбул  
Орият истадими бермади бирлаҳза қанот.

Бу чаман ичра хазон сарсаридин сарв киби,  
Фами йўқ тузлук ила ким киши ор этти сабот.

Кўр Навоийники кўнгли уйидур бутлар ила  
Уйла бутхонаки, анда тўладур Лоту Манот.

## ЛУФАТ

Зулумот – қоронғулик мамлакати  
Ёйқалмок – чайқалмок; хиром айламоқ  
Ҳамоно – гўёёки  
Шаҳд – асал, ширинлик  
Тузлук – малоҳатли  
Ширинҳаракот – ҳатти-ҳаракати кўнгилга ҳуш  
Ҳуҷачи  
Орият – вактинча фойдаланиш учун омонатга  
олинадиган нарса  
Сарсар – совуқ шамол, изтирин  
Тузлук – тўғрилик  
Сабот – қатъят, барқарорлик, кунт  
Лоту Манот – жсоҳилият даврида араблар сифи-  
наидиган бутларнинг номи

## ҒАЗАЛ ВАЗНИ

Рамали мусаммани маҳбуни маҳзулф  
-V-- VV-- VV-- VV-  
-V-- VV-- VV-- VV-  
Фоилотун фαιлотун файлотун файлон

## НАСРИЙ БАЁН

\* Эвоҳ, ёрим мангутирнилик чашмасидек ёйқа-  
либ – хиром айлаб, қайтмайдиган бўлиб кетаётта-  
нини кўриб, жаҳон унинг хижронида зулматистонга  
айланди.  
\* Унинг жингалак зулфи олдида бинафша боши-  
ни эгиб турибди. Гўё бинафшага зулфни кўриши  
уچун уят монелик қилмоқда.

*Күнглум ул үзлә қилиб майл, фиғонким, булбул  
Орият истадиму бермади бир лаҳза қанот.*

Олдинги байтларда гул, булбул, бинафша каби та-  
биат унсурларидан фойдаланган муттафаккир шоир  
мавъиза охандыдаги байтни яратышда ҳам шундай  
образлардан фойдаланади. Унинг талқинига кўра,  
сарв дараҳти тўғрилик ва дунёга боғланмаслик-  
ни одат килгани бois ҳазон фасли эсадиган совук  
шамолларга парво қилмасдан, ҳамиша яшнаб тур-  
гани каби тўғрилик ва ҳалоллик йўлида событ ин-  
соннинг юзи дунёнинг турли бало ва оғатларидан  
сағраймасдан, навқиронлик ва умрбокийлик соада-  
тига эришади:

*Бу чаман ичра ҳазон сарсаридин сарв қиби,  
Ғами йўқ тузлук шла кимки шиор этти сабот.*

Мактъада Навоий ўз кўнглини Лот ва Манот ман-  
зил туттан бутхонага ўхшатади. Ислом тарихидан  
маълумки, жоҳилият замонида Иброҳим Ҳалилул-  
лоҳ замонида бунёд этилган Қатъба уйи Лот, Манот,  
Уззо каби бутларга сифинадиган мушрикларнинг  
ибодатхонасига айланган. Охирзамон пайғамбари  
даврига келиб, Қатъба уйи ўз аслига қайтиб, Лот ва  
Манот бутлари синдириб ташланади. Мўминнинг  
қалби – Ҳак назаргоҳи, Аллоҳ таолоннинг Ариши аъ-  
лоси. “Ҳайратул-аброр” да кўнгил таърифига бағиш-  
ланган бобда кўнгил ҳаттоки Қатъадан ҳам устун  
қўйилади:

*Қатъаки, оламнинг ўлуб қибласи,  
Қадри йўқ андоғки, кўнгул Қатъбаси.*

Аммо мана шундай табаррук ва покиза маконни  
“турли ҳою-ҳаваслар, ўткинчи нарсалар муҳаббати-  
нинг маконига айлантирган одамларнинг кўнгли  
ЛОТ ва Манот манзилига айланган жоҳилият дав-  
ридаги Қатъбага ўшшаб қолади. Бундай кўнгилда-  
ги бутларни синдириб, асл ҳолига, яъни Ҳак нури  
жилва қилувчи мұқаддас маконга айлантириш учун  
маънавий раҳнамо имдоди керак бўлади. Навоий ўз  
нуксини исбот айлаган комил инсон сифатида кўнг-  
лини шундай ҳаваслардан пок туришини истаган  
жолда ғазални тугаллади:

*Кўр Навоийнику кўнгли уйидур бутлар ила  
Уйла бутхонаки, анда тўлаదур Лоту Манот.*



# Сүнбул

“КҮНГУЛ ОТЛИГ ҲАЖР ВОДИЙСИДА  
БАДНОМИМҒА АЙТ...”

## «Гаройиб ус сиғар», 84-ғазал

Эй насими субҳ, ахволим дилоромимға айт.

Зулфи сунбул, юзи гул, сарви гуландомимға айт.

Буки латылы ҳасратидин қон ютармен дам-бадам,  
Базми айш ичра лаболаб бодашомимға айт.

Ком талху бода захру ашк рангин бўлғанин,  
Лаъли ширин, лафзи рангин, шўхи худкомимға айт.

Шоми хижрон рўзгоринг тийра невчун қилди деб,  
Сўрмажил мендин бу сўзни, субҳи йўқ шомимға айт.

Ул парий ҳажрида нангу номким, тарк айладим,  
Кўнгул отлиг ҳажр водийсида бадномимға айт.

Эй кароматгўй, ишим оғози худ исён эди,  
Шамъи раҳмат партави еткайму анжомимға, айт.

Йўқ Навоий бедил ороми ғам ичра, эй рафик,  
Холини зинҳорким, кўрсанг, дилоромимға айт.

## ЛУФАТ

Сунбул – гуллари ҳалқа-ҳалқа бўлиб очиладиган  
бир нағ үсимилик

Бодашом – шароб ичувчи

Ком – оғиз, танглай

Худком – ўзбошимча

Рўзгор – ҳаёт

Тийра – қоронғу, зулмат

Нангу ном – обрўй этътибор

Кароматгўй – башоратчи, ғайб оламидан ҳабар-

дор

Оғоз – ибтидо, бошланиш

Партағ – ёғдӯ

Анжом – оҳир, оқибат

Бедил – ошиқ

## ҒАЗАЛ ВАЗНИ

Рамали мусаммани маҳзуф

-V-- -V-- -V-- -V-

-V-- -V-- -V-- -V-- \*

Фоилотун фоилотун фоилотун фоилотун

## НАСРИЙ БАЁН

\* Эй тонг насими, ахволимни зулфи сунбулдек  
ҳалқа-ҳалқа, юзи гулдек чиройли, қомати сарвдек  
расо дилоромимга етказ.

\* Латъл каби чиройли лаби хижронида ҳар лахза-  
да қон ютишимни шодлик базмида жомни тўлди-  
риб май ичувчи ёримга айт.

- Оғзим – аччик, шаробим – захар, күў ёшим қонли бўлганини лаби ширин, сўзлари ёқимли ўзбошимча шўхимга хабар бер.
- Мендан нега хаётингни хижрон шоми зулматга айлантириди деб сўрома, буни тонги йўқ шомимдан сўра.
- Ул пари хижронида обру-эътибордан нега воз кечганининг сабабини хижрон водийсида саргар-дон кўнглимдан сўрагин.
- Эй кароматтўй, ишмнинг ибтидоси исён эди. Раҳмат шамъининг ёғдуси оқибатимни ёритадими, шундан гапир.

• Эй дўст, Навоий дилоромидан айро қолган бўлса ҳамки ғам ичра эмас. Зинҳор, агар дилоромимни кўрсанг, унинг ахволидан хабар бер. Эй дўст, Навоий дилором ёрсиз қайғу-ғам ичра қолди. Башарти, ўша дилоромни кўрсанг, ҳароб ахволимдан унга хабар бер.

## ШАРҲ ВА ИЗОҲЛАР

“Хазойин ул-маоний” лирик асарлар кулиётида-ги ҳар бир девоннинг архитектоникаси ҳам foят мус-таҳкам бўлиб, девонлардаги ғазаллар адади, кофия ва радиформаги мутганосибликлар каби масалаларда ҳам намоён бўлади. Жумладан, “алиф” туркумидаги ғазаллар тўртала девонга 39 тадан таҳсимланган. Шоир ягона вазн ва кофиялар туркумida бир нечта ғазал ёзиб, уларни турили девонларга жойлаштиргани ҳам кўзга ташланади. Ягона мавзуда бир хил вазн ва кофия кўллаган ҳолда бир нечта оригинал асар яратса олиш факат улуг сўз санъаткорларининг кўлидан келади. Мазкур ғазалга ўхшаш яна иккита ғазал борки, улар “Наводир уш-шабоб” ҳамда “Фавоид-ул-кибар” девонларидан ўрин олган бўлиб, куйидаги матлаълар билан бошланади:

• Эй сабо, ҳолим бориб сарви хиромонимга айт, йиғларимнинг шиддатин гулбарги хандонимга айт. (“Наводир уш-шабоб”, 85-ғазал)

Эй кўнгул, куйида ахволимни жононимга айт, ўлмакимни меҳнати хижронида жононимга айт. (“Фавоидул-кибар”, 81-ғазал)

Кейинги девонлардаги ғазалларда сабо ва кўнгилга мурожаат қилинган бўлса, тахлил қилаётганимиз ғазалда тонг насимига хитоб этилади. Тонг насими – кўёш чиқишидан олдин эсадиган енгил шабада, тун ва кун алмасиши пайтидаги талош палласи. Қоронғу кечачекиниб, янги кун бошлинишидан дарак берувчи бу насим асрлар давомида адабиётда мустаҳкам ўрин эгаллаган тимсоллардан хисобланади. Хижрон зулматида қолган ошиқ шу қадар бекасу бечораки, тонг насимидан ўзга хамдард ва мушфиқ дўсти қолмаган. Колаверса, ишқ шарофати туфайли ошиқлар табиат билан сирдош ва марҳам бўлиши ҳам табиий. Сулаймон алайхиссалом таҳтини бир нафасда истаган жойига элтадиган шамол, Мусо алайхиссалом қавмига йўл очиб берган ва Фиръавнни ҳалок этган Нил дарёси, Фарҳоду Мажнунлар билан дўсту қадрдан жайронлар ва даррандалар... буларнинг барчаси ишқ кудратидан нишона. Ишқ инсонни шарафлайди, уни оламдаги барча мавжудот наздида азиз ва мукаррам этиди. Бундай мақомга муҳаббат синовларига бардош бериб, кўнглини барча ёмонлик ва ёвузликлардан послаган зотлар эришади.

Ана шундай покиза неъмат билан сийланган ошиқ тилидан тонг насимига мурожжат қилиб, шоир айтади:

*Эй наасими субх, ахволим дилоромимга айт.  
Зулфи сунбул, нози гул, сарви зуландомимга айт.*

Кейнингги иккни байтида шоир тазод ва мүқобала санъатини кўллаган ҳолда ўзининг ахволи ва дилоромининг сифатларини қаршилантиради. Махбубанинг хожатсизлиги, беларволиги ва ноз-истиғноси қанчалик кўп бўлса, ошиқнинг ахволи шунчалик забун ва афтода эканини ушбу тазодлардан билиш мумкин: ошиқ қон ютга – маъшука базмда шароб ичади; ошиқ ўлим талвасасига тушган кишидек оғзи атчик, шароб – заҳар, кўз ёшлилари бўлишига маъшуқанинг ширин лаби, чиройли сўзлари, ўзбошимчалиги сабабчи:

*Буки латъли ҳасратидин қон ютармен дам-бадам,  
Базми айш ичра лаболаб бодаошомимга айт.*

*Ком – талху бода –захру ашк –рангин бўлғанин,  
Латъли ширин, лафзи рангин, ўюхи худжомимга айт.*

Бундай куюқ тасвирлар кейинги икки байтида ҳам давом этирилиб, хижроннингузун кечасида ошиқнинг чеккан азоб ва машакқаглари, кўнгилнинг раяйига қараб обрў-этибиор ва орият-номусдан воз кечгани сабаб бадном бўлишлари қаламга олинади. Ишқ йўлида амал ва мартаба, обру-этъибор, иззат ва шурхатнинг барчаси бекор. Булардан ёр ризоси ийлида воз кечмаган киши муҳаббат даъвосини кила олмайди. Аммо акл эгалари насиҳат йўли билан ошиқларни бу йўлдан қайтармоқчи бўладилар. Ҳолбукчи, муҳаббат гавҳари – руҳлар ўз Парвардиғорига имон келтирган мисок қунида ҳар бир кишининг фитратига жойланган. Кимдир бу гавҳарни парваришилаб, камолига етказади, кимдир кўнглида

шундай бебаҳо гавҳар борлигидан бехабар ҳолда яшайверади.

Умидворлик ва илтижо оҳангি олтинчи байтда келиб ҳавотир ва жавфга эврилади. Ошиқ шунчалик забун ҳолга тушгани билан маҳбубаси унинг қилмишларидан мамнун бўлиб, раҳмат ва магфират кўзи билан қарайдими-йўқми, бу ҳали қоронғу. Қундалик ҳаётда ҳам, охират ишларида ҳам Ёрнинг фазлу марҳамати бўлмаса, барча интилиш ва иштиёклар беҳуда кетиши ҳам мумкин. Қолаверса, амаларнинг оқибатига қараб баҳо берилади:

*Эй кароматгўй, ишиш оғози худ исён эди,  
Шамъи раҳмат партави еткайму анжомимимга, айт.*

Ишқ дарди бошқа ғам-туссаларни йўқ қилиш кўдратига эга. Ўз дилоромидан айро қолган бўлса ҳамки, ишқ дарди дардизлик дардидан кутқарганини, ўзга ташвишлар чекингани сабабли ҳам ошиқнинг кўнглида сурур ва шукроналикни пайдо килгани. Шу сабабдан, рафиқ – дўстига айланган тонг насими ҳар қандай ҳолда ҳам ошиқ ўз ёридан рози ва ҳушнуд эканини етказишни сўраб, шоир ғазалини якунлайди:

*Йўқ Навоий бедилороми ғам ичра, эй рафиқ,  
Ҳолини зинҳорким, кўрсанг дилоромимга айт.*



**“ҮТ АГАР ИТСА ЖАХОНДИН, ОХИМ ЎЛСА,  
ГАМ ЭМАС...”**

**«Гаройиб ус сиғар», 85-ғазал**

Хирманни рухсорига солмиш май гулнори ўт,  
Үйлаким, гул хирманига оташин рухсори ўт.

Хажр шомиғам сипохин кўрки, кўнглум даштида  
Не ёқибдурлар черик тушган киби ҳар сори ўт.

Үт агар итса жаҳондин, охим ўлса, ғам эмас,  
Еткурай бир дамда юз аввалғи ўт миқдори ўт.

Гар ҳарорат мушкиби эрмас чучуклук, бас недур  
Ҳар замон жонимга солмоқлаъли ширинкори ўт.

Фўтайи зарбафт эмас ул шўҳи ратьно бошида,  
Ким аён қилди узори тобидин дастори ўт.

Май батининг кўр нишот афзолигин хузн ахлиға  
Ким, сочар сұхбатни гарм айлар учун минкори ўт.

Гар Навоий ўхшатур кўкни тутунга, айб эмас,  
Чун булатка урмиш онинг оҳи оташбори ўт.

**ЛУҒАТ**

Гулнор – қизил, оловранց

Рухсор – юз, ёнок

Сипоҳ – қўшин

Черик – қўшин

Итмоқ – йўқолмоқ

Мужсиб – сабаб

Ширинкор – ўз ишига уста, моҳир

Фўтма – салла

Зарбафт – зарбоғ

Узор – қизилликка мойил ёнок

Тоб – 1. Ҳарорат, иссиқлик; 2. Ўрам, эшилма

Дастор – салла

Май бати – ўрдак шаклидаги шароб қадаҳи

Нишотафзо – шодликни кўпайтирувчи

Хузн аҳли – ғамғин ва маҳзун кишилар

Гарм – иссиқ

Минкор – тумшук

Оташибор – ўт сочуви

**ҒАЗАЛ ВАЗНИ**

Рамали мусаммани маҳзув

-V-- -V-- -V-- -V-

-V-- -V-- -V-- -V-  
Фоилотун фоилотун фоилотун

**НАСРИЙ БАЁН**

- Ёрнинг оташин рухсори гул чаманзорига ўт солгани каби, оловранг шароб ёр чехрасининг хирмонанига ўт солди.

- Овга чиққан лашкар қамишзорга ўт күйгани-дек ҳирекон шомида қайғу күшинини ҳам күнглим даштини ҳар томондан куршаб олиб, ўт күйибди.
- Агар олов жаҳондан йўқолиб қолгудек бўлса ҳам, ҳечкиси йўқ. Охим билан бир дамда олдингидан ҳам юз карра кўпроқ ўт пайдо қиласман.
- Агар ширинлик ҳарорат ва иссиқлик сабаби бўлмаса, нега ўз ишига моҳир ширин лаби ҳар лахзада жонимга ўт солмоқда?
- Ул гўзал шўхнинг бошида зарбоф салла эмас, балки оловдай алвон чехрасининг ҳароратидан саласи олов ранг касб эттан.

• Ўрдак шаклидаги қадаҳнинг қайғуга ботган кишварнинг шодлигини оширувчи хосиятига қара. Суҳбатни қизитиши учун унинг тумшуғидан гўёки ўт сочилмоқда.

• Агар Навоий осмонни тутунга ўхшатса, айб эмас, чунки унинг олов сочувчи охи булутларга кучли таъсир қилган.

### ШАРХ ВА ИЗОХЛАР:

“Ўт” радишли олдинги ғазалда ҳижрон оташининг шиддати ҳакида сўз юритилган бўлса, бу ғазал матлальидан маҳбубанинг шаробдан қизарган чехраси васф этилади. Байтдаги талқинга кўра, ёнинг ёноғи шароб таъсиридан шундай қизарганки, бўстондаги гуллар бу рангни кўриб, рашк ва ҳасдан ёниб кетган:

*Ҳирманни руҳсорига солмиш майи гулнори ўт,  
Ўйлаким, гул хирманига оташин руҳсори ўт.*

Матлаъда шаробнинг оташи ҳакида сўз кетган бўлса, иккинчи байтда бошқа бир олов – хижрон ўти

- Ҳакида сўз боради. Зиёфат базмида ичилган шароб ёрнинг хуснинг хусн кўшиб, гулзор рашкини келтирадиган дарражада гўзаллаштирган бўлса, ғам лашкари ошиқнинг кўнгил даштига от суриб, ҳар томонидан ўт солган. Ов пайти ўлжани иҳоталаш учун тўқайзорга ўт кўйиб, сайдни ташқарига чиқшига мажбурлаш хийласи тасвирни янада жонли ва таъсирчан бўлишига хизмат қилган:

*Ҳақср шомиғам сипоҳин кўрки, кўнглум дашитида  
Не ёқибдурлар черик тушган киби ҳар сори ўт.*

Ишқ оташи қалбимда муқим ўрнашиб, шу даражада аланталатгани, мабодо оламда олов унсурни ўйқ бўлиб қолгудек бўлса, кўнгилдан чиқкан бир охим оламдаги жамийки оловлардан ҳам ҳароратлироқ бўлиб чиқади, дейди шоир. Ушбу муболағали тасвир орқали олов унсурининг асл манбаи ишқ ахлиниң кўнглида эканига ҳам нозик ишора бор:

*Ўт агар имса жаҳондин, оҳим ўлса, ғам эмас,  
Еткурай бир дамда юз аввалғи ўт миқдори ўт.*

Тўртинчи байтда ғирирнилк ўз табиатига кўра иссиқ мижозда эканини инобатга олган ҳолда, шоир янги поэтик лавҳа чизади. Ёрнинг ширин лабидан чиқкан ширин сўзлар унинг жонига ўт солиши бехуда эмас. Ҳожа Абдуллоҳ Ансорийга кўра, оламлар Парвардигори Куръони каримда олти хил оловни зикр этган: 1) манфаатли олов; 2) хорлик оташи; 3) укубат оташи; 4) каромат оташи; 5) тириклик ўти; 6) маърифат ва ҳидоят оташи.

Ансорийнинг талқинига кўра, барча одамлар манфаатли оловдан фойдаланадилар. Кофирилар укубат ўти боис азобга учрадилар. Иблис хорлик

оташидан лаънатга учради. Ибрөхим каромат ўтидан омонлик топди. Зулқарнайн тириклик ўтидан хидоят оловидан яқинлик эришди. Мусо эса маърифат ва Мазкур таснифни байтда татбик этадиган бўлсак, ёрниг ширин лаби туфайли ошиқнинг ичини ёндириб юборган ўт маърифат ва хидоят олови бўлиб чиқади:

*Гар ҳарорат музаби әрмас чуҷулук, бас неðур  
Ҳар замон жонимга солмоқ лаъли шишинкори ўт.*

Кейинги уч байтда ҳам олдинги байтларда васф этилган уч хил оташ – шароб отashi, хусн отashi ва хижрон отashi ҳақида сўз юритилади. Шароб отashi хусни зиёда этса, хусн отashi иштиёқ ва бекарорликини, хижрон ўти эса ошиқнинг дардии оширади. Бир сўз билан айтганда, ишқ, ошиқ ва маъшук ўз моҳиятига кўра ягона экани ўт тимсоли орқали ифода этилган.

Лолазор эрмаски, оҳимдин жаҳонға тушти ўт,  
Йўқ шафакким, бир қироқдин осмонға тушти ўт.

Дедилар: эл хонумонин ўрттар ул ружсор ўти,  
Бу сўз эшиткач мени бехонумонға тушти ўт.  
Оразингнинг ламъаси куйдурди сабрим хайлини,  
Барқи оғат чоқилиб ул корвонға тушти ўт.  
Ўқларинг кўнглумга тушкач куйди ҳам кўз, ҳам бадан  
Ким, куяр ўлу куруғ чун найситонға тушти ўт.

Совуруб гул хонумонинму куюн рангин экин,  
Ё фалак бедодидин сарви равонға тушти ўт?  
Куйдум ул дамким, юз очдинг ҳалқни куйдургали,  
Элга ўт солдинг, vale мен нотавонға тушти ўт!

Эй Навоий, билки оҳе чекмишам беихтиёр,  
Десаларким, бешайи Мозандаронға тушти ўт!



**“ЭЛГА ЎТ СОЛДИНГ,  
ВАЛЕ МЕН НОТАВОНГА ТУШТИ ЎТ...”**

**«Faroib us sifar», 86-ғазал**



## ЛУФАТ

Шафак – күн чиқиши ё күн ботиш пайтида уфқада  
хосил бўладиган қизиллик

Кироқ – чекка, чегара, ҳад

Бехонумон – дарбадар, бекас

Ораз – юз, чехра

Ламъа – порлаш

Хайл – сурӯҳ, тўода; Қўшин

Барж – чақмоқ

Үл – ҳўл

Найситон – қамишэзор

Қуюн – қаттиқ уюрмали шамол

Бедод – зулм

Вале – аммо, лекин

Номавон – бечора

Беша – ўрмон

## ҒАЗАЛ ВАЗНИ

Рамали мусаммани маҳзуз

-V-- -V-- -V-- -V-

-V-- -V-- -V-- -V-

Фоилотун фоилотун фоилотун фоилотун

## НАСРИЙ БАЁН

• Бу алвон чаманзор лолазор эмас, балки оҳимдан  
жаҳонга ўт тушди. Уфқда кўринаётган қизиллик ша-  
фак эмас, балки бир чеккадан осмонинг уйини кўиди.

• Ул оловдек қизил чехра улуслинг уйини кўиди-  
ради, дедилар. Бу сўзни эшиштач мен – дарбадар ва  
бенавонинг вужудига ўт тушди.

• Юзингнинг шульаси сабрим кўшинини кўиди-  
риб халок этди. Гўёки оғат чакини чаклиб, бу кор-  
вонга ўт тушди.

• Ишқинг ўқлари кўнглимга тушиб, ҳам кўзни,  
ҳам баданин кўидирди. Зотан, қамишзорга ўт туш-  
гач, ҳўлу куруқ баравар ёнади.

• Қуюн қизил рангга кирибди. Гулларни совурди-  
ми, ёки фалакнинг жабру зулмидан сарвга ўт туш-  
дими?

• Халқни кўидириш учун юзингни очганинг пай-  
тида кўйиб адo бўлдим. Сен элга ўт солдинг, аммо  
мен бечора ёниб адo бўлдим.

• Эй Навоий, агар Мозандарон ўрмонинга ўт тушди  
десалар, билки беихтиёр бир оташин оҳ чекмишмен.

## ШАРҲ ВА ИЗОҲДАР

“Девони Фоний”нинг иккита ғазали “оташ” ради-  
фи билан тугалланган бўлиб, булардан 327-ғазалга  
“Мухтараъ” (оригинал) деб сарлавҳа кўйилган. Маъ-  
лум бўладики, форс-тожик муттоз адабиётининг  
Навоийгача бўлган даврида мазкур радида ға-  
зал яратилмаган. Шунингдек, сарлавҳасиз келган  
318-ракамли ғазални ҳам муҳтараъ ғазал сифатида  
баҳолаб, Навоий – Фонийнинг ортигинада ғазаллари-  
нинг умумий микдори 95 тамас, балки 96 та деб ҳи-  
соблаш тўғри бўлади.

Фонийнинг мазкур ғазалларида гулистон, он,  
осмон, ниҳон (327-ғазал), муғон, хонумон, ногаҳон  
(318-ғазал) каби сўзлар туркуми ёрдамида байт-  
лар ўзаро қофияланган. “Гаройиб ус-сифар”даги  
кўйидаги ғазалда ҳам айнан шу қофиядош сўзлар  
туркумидан фойдаланилган:

*Лолазор эрмаски, охымдин жаҳонга тушти ўт,  
Йўқ шафакким, бир қироқдин осмонға тушти ўт.*

Матлаъда шоир муболага ва ташбех воситасида ҳайётин манзарани – шомга яқин пайтда осмондаги шафақ ва чўғдай ёниб турган лолазорни тасвирлай туриб, уни ўзига ўхшаш, лекин алоқаси бўлмаган ошиккнинг ахволи билан қиёслайди ва шу орқали бадий нутқни янада гўзал ва таъсирчан бўлишига эришади. Тасвир ваифоданинг бундай усули зоҳиран хусни таълилга ўхшаш бўлса-да, бадиъ илмидан алоҳида санъат – тафреъ санъати деб юритилади. Инкор воситасида муболагали ташбехни янада кучайтиришга асосланган мазкур маънавий санъат байтда маҳорат билан кўлланилиб, шоҳбайт даражасига кўтарилишига хизмат килган.

Иккинчи байтда тазод унсурлари етакчилик килса, (хонумон – бехонумон), учинчи байтда истиорава ташбихи музмар тамсил санъати билан биргаликда кўлланилиб, маҳобатли тасвирлар шоирнинг тахайюл олами накадар чексизлигини намоён этган. Тўртинчи байтда эса, "ўрмонга ўт тушса, хўлу куруқ баравар ёнади" мазмунидаги мақолдан маҳорат билан фойдаланиб, инжтимоий-аҳлоқий мазмундаги мақолга ишқий-романтик маънони юқлашга эришилган:


*Ўқларинг кўнглумга тушкач куйди ҳам кўз, ҳам бадан  
Ким, куяр ўлу курут чун наиситонға тушти ўт!*

ман гулларининг шамолга совурилганинданми, ёки сарв даражатининг ёниб кетганинданми, билолмай ҳайрон. Ўкувчи бундай муболагали тасвирдан ҳайратга туштиб, уни бадиият намунаси ўлароқ қабул қиласди ҳамда муболагали ташбехнинг фавқулодда охорли ва гўззалигидан завқланиб, шоирнинг беки- ёс маҳоратига қойил қолади:

*Совуруб гул хонумонинму қуон рангин экин,  
Ё фалак бедодидин сарви равонға тушти ўт?*

Навоий мактаъда Мозандароннинг қуюқ ўрмон-зорига ўт тушгудек бўлса, бу ўтнинг сабаби беихти-ёр чеккан охи эканлигини кайд этиб ғазалга якун ясади. Мозандарон – Астарободнинг музофоти эканини хисобга олсак, мазкур байт ҳасби ҳол йўси-нида ёзилган бўлиб, шоир ғарифлик ва айрилиқда чеккан азоблари ушбу ғазалнинг дунёга келишига сабаб бўлган, деб тахмин қилиш учун асос бўлади:

*Эй Навоий, билки оҳе чекмишам беихтиёр,  
Десаларким, бешайи Мозандаронга тушти ўт!*



Матлаъда кўлланилган тафреъ санъатининг янги намунасини бешинчӣ байтда учратиш мумкин. Ишқ водийсидаги уюрма кизил рангда бўлганини кўриб, бу водийнинг саргардони куоннинг қизиллиги ча-

# ХАР КУШКИ

“ДОМДИН ЙҮК ЧОРАСИ ХАР КУШКИ,  
БҮЛГАЙ ДОНАДҮСТ...”

## «Fapoiibus sifar», 87-ғазал

Войким, душмандек ўлди ахдидин бегона дүст,  
Душманим ўлтурса, ахд эттимки, тутмай ёна дүст.

Соғаримда захру саҳро узра пўяям шиддатин  
Билмас улким, бор анга ҳамкосаву ҳамхона дүст.

Жон куши ўртанди севгач ёрнинг ўтлуг юзин,  
Найлагай куймай, чу бўлгай шамъ ила парвона дўст.

Водийи хижронда ағёриға ёр ўлдум, не тонг,  
Гар бўлур ғули биёбоний била девона дўст.

Дўстлук жонондин истармен, манга олам эли  
Душмани жон бўлса бўлсун, бор эса жонона дўст.

Ахли дин паймоншикантур, киласа бўлмас дўстлук,  
Бас манга муғ дайрида улким, тутар паймона, дўст.

Зулғиға тушса Навоий холи шавқидин, не тонг,  
Домдин йўк чораси ҳар кушки, бўлғай донадўст.

## ЛУГАТ

йна – янга  
йўя – қадам  
ағёр – ўзга, гайр, душман  
не тонг – не ажаб  
ғули биёбоний – саҳро жини  
паймоншикан – аҳдни бузучи  
муғ дайри – зардуштийлар ибодатхонаси; маҷ.:  
маърифат майхонаси  
донадўст – донни яхши кўрувчи; очкўз

## ҒАЗАЛ ВАЗНИ

Рамали мусаммани маҳзұф  
-V-- -V-- -V-- -V--  
-V-- -V-- -V-- -V--  
Фоилотун фоилотун фоилотун фоилотун

## НАСРИЙ БАЁН

\* Эвоҳ, дўстим душманлар каби аҳидан қайтиди.  
Ахд қилдимки, агар жушманим ўлдирса ҳамки, бош-  
ка дўст тутмагайман.

\* Кимки дўсти билан улфат ва хонадош бўлса, ме-  
ниги қадахимдаги заҳар ва саҳрова ёлғиз кезишими-  
ниги шиддат ва машакқатини билмайди.

\* Ёрнинг ўтли юзини севгач, жоним куши куйиб-  
уртанди, Ахир, парвона шамъ билан дўст тутинган-  
дан сўнг куймай нима кишин?!

\* Хижрон водийсида ундан бегоналарга ёр бўл-  
дим. Зотан, девона саҳро жини билан дўст тутина,  
ажаб эмас.

• Мен жонондан истайманки, агар у жонона дўст бўлса, бутун олам жоним душмани бўлишига ҳам розиман.

• Дин ахли ўз ахдини бузувчилардир, улар билан дўстлик килиш даргумон, менга мувф дайрида ким жом тутса, ўша дўст бўлар.

• Навоий ёр холининг шавқидан унинг зулфи домуға илинса ажабмас, негаки донга ўч күшнинг тузоқка тушишдан ўзга чораси йўк.

### ШАРХ ВА ИЗОҲЛАР

Алишер Навоий ғазалларида фалак ғамхонаси ва даврон ахлидан чеккан жабру жафолари энг куюқ ранглар ва қалтис ташбихларда ифода этилган. Улуғ мутафаккир нозик ва ҳассос қалб соҳиби бўлгани саббли, бошқалар учун одатий ҳолга айланив бўлган бевафоликлар, сотқинликлар, субутсизликларни жуда оғир қабул қилган. Бинобарин, унинг деярли ҳар бир ғазалида қайтули сатрларни учратиш мумкин. Бошқача ҳам бўлиши мумкинмас. Ҳар лаҳзада турли қиёғага кирадиган фалакнинг буқаламунлиги, кора куондек босқин уюштириб турадиган ташвишлар лашкари, номард замона аҳлининг ногардликларини кўра-била турраб, факат шодлик ва тўқислик тараннум этиш маънавий шабкорликдан бошқа нарса эмас.

Айни пайтда, Навоийнинг бундай “шикоят изҳори”да кўнгилларни яқинлаштирувчи назокат ва самимийлик борки, ўқиган одам беихтиёр шоир ва ўзи ўртасидаги замон ва макон фосилларини унтиб, дардкашлик ҳиссияни тудди, унинг гуссаларига шерик бўлади. Жумладан, таххил этилаётган ғазалда ўз ахдига содик қолмасдан, душман ишини килгандан кейин садоқатли инсонлар қалбидаги ити-

ған дўстдан ранжиган шоир энди душман кўлидан ҳилок бўлса ҳамки, дўст тушишни хаёлига келтирмаслигини кўйидагча ифодалаган:

Воўқим, душмандек ўлди аҳдидин бегона дўст,  
Душманим ўлтурса, аҳд эттимки, тутмай ёна дўст.

Мумтоз адабиётда дўст тимсоли ўртоқ, севикили ёр, пири комил, Аллоҳ таоло ва унинг расули маъноларини ифодалашга хизмат қиласди. Мазкур ғазалда шоирнинг муҳотаби – мурожаат қилган шахс Мавжуд инсон бўлиб, бу байтлардан ирфоний маъноларни қидириш зўраклих ҳисобланади. Негаки, Аллоҳ ва унинг йўлидаги кимсаларга бевафолик ва сотқинликни нисбат берib бўлмайди. Навоийга ёндоғо қилаёттан кимса – шунчаки таниш ёки қундулиқ муносабатдан нарига ўтмаган таниш эмас, балки у билан бир хонада яшаб, бир косада таом етган кишилардек яқин ва қарин бўлган азиз инсон. Шундай қалин дўстликни андиша қилмай, аҳдига нафо қилмаган кишидан узоқлашишни ихтиёр этгани одамнинг ичгани заҳар, макони кимсасиз саҳро бўлади. Дўст хиёнати оғудан ҳам қаттол, нокасликлари бекаслидан ҳам оғир ва шиддатли:

Согаримда заҳру сахро узра пўям шиддатин  
Билмас улким, бор анга ҳамкосаву ҳамхона дўст.

Шоирга нисбатан ким ва қачон қаерда ноҳакълик юнглани маълум эмас. Аслида бунинг унчалик аҳамигиги ҳам йўқ. Навоий учун дўстлик шартига риоя ўтмаганинг кимлигини ошкор этишдан кўра, поклоник ва тўғриликни истаган ҳолда ушбу риша узилгандан кейин садоқатли инсонлар қалбидаги ити-

роб ва қийнокларни ифода этиш мұхиммөрк. Шунинг учун кейинги байтда дүстнинг иссик юзини күрга-вона үртасидаги иштиёққа ўхшаш эканлигини баён этади. Булар хижрон водийсида ёрнинг кимлигидан бөхабар, нодон ва саҳройи кимсалар билан дүст ту-тинган ошиқ айрилиқ оташини пасайтирмоқ учун қилинган беҳуда ва девонавор уринишларидир. Ин-сон ҳаммадан қочиб кетиши мумкин, аммо ўзидан қочиб қаерга ҳам бораради! Дүстдан ранжиб саҳрода воз тутган инсон ҳам барибир хәелидан, фикру зик-ридан уни чиқарып ташлаётмайди. Дүстни унтуиш учун урининш – жунунни қўзғаб, саҳро жинлари билан дүст тутинган девона каби иш қилмокдир:

*Водийи ҳизкоронда ағёриға ёр ўлдум, не тоне,  
Гар бўлур гули биёбоний била девона дўст.*

Фоний оламдаги муносабатлар ҳам субутсиз, бе-бако бўлади. Шу сабабли, олам ахли билан қилинган дўстликхам, душманлик ҳам – мувакқат. Бокий дўст-лик факат жон ичидаги жонон – Ҳак таоло хузурида. Аллоҳ шундай Дўстки, намрудлар ёқсан гулханини яшнаб турган гулшанг айлантиради, унинг амри билан дарёлар дўстлари учун очик йўл, душман-ларига ҳалокат маскани бўлади, балиқнинг қорни севган бандаси учун саждагоҳга айланади... Бу дўст-ликка эришган инсон бутун олам душманлигига ҳам парво қилмайди. Мансур Ҳаллож айтишича, Ҳак таоло агар кимнинир дўст тутса, гоҳида олам эли-ни унинг душманига айлантиради. Аммо ҳақиқий дўстлик шаробидан сармаст одам бунга асло парво қилмайди:

*Дўстлук жонондин истармен, манга олам эли  
Душмани жон бўлса бўлсун, бор эса жонона дўст.*

Олтинчи байтда дин ахлининг “паймоншикан”-лиги – ўз вальдасида турмаслиги, уларни ёр тутиб бўлмаслигини таъкидлаб, мұғ кўйида унга бир қадаҳ шароб тутган кишини ўзига дўст тутмоқчи эканлигини билдиради. Бу билан шоир нима демок-чи? Дин ахли, яъни зуҳд ва тақвони шариат ҳукмига мос равища да маҳкам тутиб, унга амал қилувчилар нега ўз аҳдларида турмайдилар? Нега мұғ дайрида май берувчилар, яъни сўфийлар мажлисисида маъри-фат туттанларда вафо ва дўстлик бор?

Сальдий Шерозийнинг бир қитъасида шундай хи-коғт қилинади: кўнгли оғоҳ бир зот мадрасани тарқ этиб, хонакоҳ ахлининг ҳалқасига кўшилади. Шайх Сальдий бунинг сабабини сўраганида, донишманд шундай жавоб беради:

Мадраса аҳли умр дарёсидан ўзлари эмин ўтиш фикриадирлар, хонақоҳ аҳли эса чўкаётган одам-ларни кутқаришини ҳаёт маслаги деб биладилар.

Фикрат ўз омонлигини ўйламай, бошқа инсон-лар тақдирига ҳам қайғуриб, уларни маърифат ва мұхаббат шаробидан баҳраманд қилиш, бошқалар-нинг муроди ҳосил бўлишини ўз саодати қалити деб ҳисоблаш, ўзига хуш келган нарсани бошқалар-га ҳам беминнат улашиш – дўстликнинг гўзал наму-насидир. Бундай дўстликни Навоий ишқ ва ирфон ажли орасидан топган:

*Аҳли дин паймоншикандур, қисса бўлмас дўстлук,  
Бас манга мұғ дайрида улким, тутар паймона, дўст.*

Мактабда ёр зулфини тузокқа, холини тузок ичи-  
даги донга үхшатыб, Навоий күнгил күши ёр зул-  
фига қандай банди бўлишини шоирона лутф билан  
ифода этган. Шоир зулф - моддий дунё тимсоли,  
хол - илоҳий сирларни англаш йўлида чукурлашиб  
кан, илоҳий сирларни эканлигини айтар-  
кетиш моддий дунё ташвишларига асир бўлиш, асл  
моҳиятдан узоклашиш хавфи ҳар бир инсон йўли-  
даги тузок эканини ҳам таъкидлаб ўтади. Натижада,  
ҳам ишқий, ҳам тарбиявий мазмундаги байт ға-  
залга якун ясаган:

*Зулфиға тушса Навоий холи шавқидин не тонг,  
Домдин ўйқ чораси ҳар күшки, бўлғай донадўст.*

Худди шу маътно Ҳофиз Шерозийнинг "дўст" ра-  
диғли ғазалининг қўйидаги байтида ифода этил-  
ган:

*Зулфи ўдом асту холаш донди он дому ман  
Бар умеди донае афтодаам дар доми дўст.*

(Маъноси: Унинг зулфи тузок, ҳоли эса ўша ту-  
зокдаги дондир. Мен дон умиди ва илинжида унинг  
тузонига тушганиман).

Бинобарин, бу газалнинг яралишига Ҳофиз Ше-  
роизийнинг шу радиғдаги шеъри илҳом манбаи ва  
тажриба мактаби бўлиб хизмат қилган. Бу икки ға-  
зални киёсий таҳлил қилиш кўплаб янги далиллар  
аниқланишига хизмат қиласи, деган умиддамиз.



**"КИМ БУ ЯНГЛИФ МЕНИ МАСТ ЭТГАН  
ЭРУР ЖОМИ АЛЛАСТ..."**

*«Ғаройибус сифар», 88-ғазал*

Бош қўярмен куп аёғинда май исчам пайваст,  
Қани муғ дайрида мендек яна бир бодапараст?

Ҳажридин токи кўнгул синди оқар турмай қон,  
Шишадекким, тўкулур бодаси чун толти шикаст.  
Дин ҳавас айласам, ўлтурмангиз, эй муғбачалар,  
Ким бурун тавба ушатқан куни бўлмишмен маст.  
Мену майхонаки соқио муғанний қилмиш  
Чанг зулфию тараф соғари бирла побаст.

Жоҳ базми аро саркашлик ила топма ғуур  
Ким, бўлур буйла бийиклар яна бир жом ила паст.  
Йўқ ҳарифеки, фано даштида қўллар тутушиб,  
Бўлса йўл қатъида ҳампой мангаву ҳамдаст.

Мени уструқ кўрубон жомим ушатма, эй шайх  
Ким, бу янглиф мени маст этган эрур жоми аласт.  
Селдин томфа нишаст ўлғанидек, дайр ичра  
Бода селобидин ўлди мени вайронға нишаст.

Ғарқи май бўлди Навоию эрур уйла заиф  
Ким, суроҳий килидин солса бўлур бўғзига шаст.

## ЛУГАТ

- Күп – кўза, хум  
Пайваст – узлуксиз, доим  
Шикаст – синиш  
Муғаний – созанды  
Тараф – шодлик  
Согар – қадаҳ  
Побаст – оёғи боғланган, гирифтор  
Жоҳ – мартаба, амал  
Бийик – баланд  
Хамтой – сафардош  
Хамдаст – маслакдош  
Усрук – маст  
Нишаст – ўриндик  
Суроҳий – май шишиаси  
Шаст – қармоқ

## ҒАЗАЛ ВАЗНИ

Рамали мусаммани маҳбуни мақсур  
-V— V— V— V~  
-V— V— V— V~  
Файлотун файлотун файлотун файлон

## НАСРИЙ БАЁН

- Тинимсиз май ичганимдан шароб хуми пойига вошимни куяман. Муғ дайрида мендек бодапараст яна бормикан!?
- Дарз кетган май шишиасидан сизиб чиқаётган шароб каби кўнглим ёр ҳажрида синиб, тўхтамай қони оқмоқда.

- Эй муғбачалар, мени нега тавба қилдинг, деб ўлдирмангиз. Мен ўша тавба қилган кунимдаёқ масти эдим.

- Соқий ва созанда чантг зулфи ва шодлик жоми билан оёғимга тушов соглани сабабли, бундан бўён майхонани макон қилдим.

- Жоҳ базмида саркашлик ва бўйсунмаслигинг билан мағрурланма, негаки бундай базмда яна бир жом билан не-не баланд бошлар хам бўлиб қолади.
- Фано даштида менга йўлдош ва маслакдош бўлиб, бу йўлда менга яқин ҳамроҳлик қиласидиган бир инсон йўк.

- Эй шайх, мени маст кўриб, жомимни ушатма, мен аласт куни – руҳлар Парвардигорга имон келтирган кундаёқ бужом билан маст бўлганман.

- Селдан том чўкиб қолганидек, дайр ичидага боданинг селидан мен ҳам масти хароб бўлиб қолдим.
- Навоий майга чўмид, шунчалик заиф бўлдики, май шишиаси оғиздаги қилдан бўйнига қармоқ солса бўлади.

## ШАРҲ ВА ИЗОҲЛАР

- Ўзбек мумтоз Шеъриятида зуллисонайнлик анъанасининг асосчилаидан бири – Алишер Навоий форсий девонидаги ғазалларнинг учдан бир қисмини Ҳожа Ҳофиз Шерозий ғазалларига татаббулар ташкил этади. Газалнависликни авжи аъзлога чиқарган “Ринди Шероз”нинг ижодий тажрибалари Навоий томонидан форсий шеърият баробарида туркона ғазалларда ҳам ижодий ўзлаштирилиб, муваффакиятили қўлланилган. Жумладан, таҳлил қилаётганимиз ғазал ҳам ҳофизона услубда битилган бўлиб, қуйидаги матлать билан бошланадиган ғазалга ўзбекча жавобия ўлароқ вужуудга келган:

*Маталаб тоату паймону салоҳ аз мани масти,  
Ки ба паймонакаш ўшхра шудам рӯзи аласт<sup>1</sup>.*

(Матноси: Мендек бир масти аластан тоат, ахду паймонида событлик ва ободлик талаб килмагин, чунки рухлар Парвардигорга имон келтирган кун(Азал-Ибтидо куни)да шароб сипкориш билан ўшхрат топганман).

Хофизнинг бу ғазалида риндлик унга азалдан кисмат бўлгани, ишқ булогида таҳорат қилган куни бутун борлиқка тўрт тақбир уриб, жанозасини ўқигани (воз кечгани), май ичган киши қазо ва қадар дафтаридаги битиклардан хабардор бўлиши, гуноҳкор банда тоғдай гуноҳ ва хатоларни чумоли белидан ҳам кичик ва арзимас ҳисоблайдиган илоҳий даргоҳ раҳматидан умидсиз бўлмаслиги ҳакида сўз юритилади.

Навоий ғазали ҳам шароб тавсифи билан бошлингани сабабли, асосий мавзусини ҳамрия деб белгилаш мумкин. Матлаъдаги муғ дайри ва куп сўзлари алоҳида изоҳни талаб қиласди. Навоий яшаган даврда Ҳиротда муғ дайри – зардуштийлар ибодатхонаси бўлмаган. Бу тимсол орфоний тиilda орифлар мажлиси, пири комил ҳузури, маърифат даргоҳи маъносида кўлланилади. Шоир маърифат бодасига иштиёки кучлилигидан, бу бодани муттасил иҷиб сармаст ва беҳол куп аёғи – хум ёнида ётиб қолганини тимсоллар тиilda шундай ифодалаган:

*Бош кўярмен куп аёғинда май ичсан пайваст,  
Кани муғ дайрида мендек яна бир бодатараст?*

Кейинги уч байт ҳам айни шароб таърифига багишланган. Бу майдан тавба қилган киши, яъни маърифат ва ўзикни англашдан воз кечган киши ўлимга маҳкум. Бу ўлим – маънавий ўлим, кўнгил мурдалигидир. Маърифат майдан бенасиб, ўзикни англамаган киши инсон сифатида ўлик ҳисобланниб, бошка жонзотлар қатори факат умргузаронлик кила олади, холос. Айнан “муғбача”лар – маънно оламининг ходимлари берадиган май – огоҳлик бодаси руҳни тирилтириб, ғофиллик “тавба”сини синдиришга сабабчи бўлади. Огоҳлик ва ўзлик лаззатини тотган киши ғафлат ва жаҳолат, билимсизлик ва подонликни ортиқ орзу қилмайди, балки Ҳак ва Ҳақиқатнинг янги-янги макомларини ҳамиша қашф этиб боради:

*Мегу майхонаки сокъю муғанний қилмиш  
Чанг зулғиши тараб соғари бирла побаст.*

Шайх Абдуллоҳ Ансорий мастилик ва мастилар ҳакида шундай дейди: “Мастиларда тафовут бор ва масти ҳам ҳар хил бўлади. Бири бодадан масти бўлса, бошкаси масти ғафлат, бири мол-дунё кўплигидан масти бўлса, бошқа бирор ўзига бино қўйган худбинлик май мубталоси. Бу мастилардан энг зарарлиси ва жамики коронғуникларнинг асли – ўзига бино қўйган, тақаббур қишининг мастилигидир... Ҳамр (иҷтилиқ)дан масти бўлган киши қилмишидан пушаймон бўлиб, охират жазосидан кўркиб яшайди, ёхуд Ҳангри марҳаматига умид боёлайдиким, шоядунинг гуножҳари ҳам кечирилар. Аммо ўзига бино қўйиш ҳавосига масти бўлган кишининг иши (оқибати) ҳатарли ва Тангридан узилиши хавфи бир умрлидир..”<sup>1</sup>

<sup>1</sup> Ҳофизи Шерозӣ Девон/ таҳиягар ва муаллифи луғоту тавзехот О.Давлатов. – Т.: Тамаддун, 2013. – Б.41.

Такаббурлик – “жох, базми”даги мастилкдан хосил бўлади. Мувакқат мувффакиятлар, вактинчалик лавозим ва амаллар, елдек бебақо машхурлик түфайли пайдо бўладиган турур ва кибр мастилиги одам бошига кўп балолар келтиради. Бекорга охир замон пайғамбари кўлларини кўтариб, уч марта “ҳаддидан ошганлар ҳалок бўулурлар!” деб огоҳлантираганлар. Дунёдаги мувакқат лавозим, бойлик ва мартабасидан мағрурланиб кеттаниларга жазо тарикасида дарражасини яна бир поғона кўтариб, сўнгра ер билан яксон бўлганларни тарих кўп эслайди. Афуски, ибрат назари билан қарашнинг ўрнига ўзини мумтоз билганлар бу синовлардан ўзларига керакли сабоқ чиқармайдилар. Навоий бу синовларни бошдан кечиргани ҳамда улардан бир неча марта мувффакиятли ўтгани сабабли, унинг бу борадаги ўтити амал ва мансаб балоси билан синалмаларидан таъсирчанрок янграйди:

Жох базми аро саркашлик ила топма фуур  
Ким, бўулур буйла бишиклар яна бир жом ила паст.

Кейинги байтда шоир фано даштида сафардош бўла оладиган бирор йўлдош йўқлиги ҳакида сўз юритади. Шоир бу билан унга тенг келадиган дарвешваш ва фонийисатинсон ўз даврида йўқлигини айтиб мактамоқчи эмас, асло. Фано даштига сафар бошка жисмоний ва руҳоний сафарлардан фарқли ўлароқ ёлғизликда амалга оширилади. Шиҳобиддин Суҳравардий айттанидек, оламда нечта киши бўлса, Ҳакқа етказувчи йўллар сони ҳам шунчадир:

Йўқ ҳарифеки, фано даштида кўллар тутушиб,

Бўлса ўйл қатъида ҳамтой мангау ҳамдаст.

Навбатдаги байт Хоғиз Шерозий ғазали матлаъи билан маънан яқин. Навоий “Аъроф” сурасининг 172-ояти маъносига ишора қилган ҳолда, аласт куни, яъни ружлар ўз Парвардигорига имон келтирган қунида мастилк унга насиб этгани ҳакида сўз юритади. Ирфон ахлининг фикрига кўра, ҳали жисмлар гувоҳлик келтиришлари – муҳаббат ва дўстликнинг ибтидосидир. Рух одам жисмiga киргач, ўша биринчи дийдор ва аҳд-паймон куни иштиёқида безовта бўлади ҳамда соҳибини Эгасига етишмоқ кунига қадар тинч кўймайди. Аласт куни илоҳий жамол дийдоридан маст бўлган рух Қиёматтacha бу шаробнинг ҳуморидан кутулолмайди. Унинг жомии, яъни жисми тупроқка айланса-да, рух мастилиги тарқалмайди:

Мени усрук кўрубон жомом ушатма, эй шайх  
Ким, бу янэлиз мени маст этган эрур жоми аласт.

Навоий васф этган шароб сел каби жисм уйини жароб айлаб, рух хазинасини ошкор этади. Тўртта гиштини устма-уст кўйиб, баландпарвозлик ва бошқалардан устунлик дарьвоси ўлароқ бунёд этилган бинонларнинг томи сел келгач, асл ҳолига – тупроқка тенг бўлгани каби, аслида ибодатхона (дайр) бўлган оламда Яратганинг кимлигини эслатувчи ватанитувчи шаробдан баҳраманд бўлган киши ҳам шон-шуҳрат, мансаб, куч-куват, бойлик, гўзаллик каби бебақо нарсалар туфайли ботин оламида бўйторгтан худбинлик, манманлик, такаббурлик, рибкорлик каби “қасру кошона”лар бода селобидан тупроққа тенг бўлиб, инсон аслида бир ҳовуҷ туп-

рок эканини эслатиб, шунга мос равища яшашга ўргатади. Инсонга инсонийлик мақомини эслатувчи "аласт жоми" нақадар муборак шароб!..

*Селдин томга нишааст ўлтанидек, даир ичра  
Бода селобидин ўлди мени вайронға нишааст.*

*Fарқы май бўлди Навою эрур уйла заиф  
Ким, суроҳий қилидин солса бўлур бўғзига шаст.*



**"НЕ ТОНГ, ЛИБОСИН АГАР МУШКФОМ  
ҚИЛДИ ҲАДИС..."**

**«Fаройиб ус сиғар», 89-ғазал**

Қачонки ул бути ширинкалом қилди ҳадис,  
Хавоси шарбати юҳийл-изом қилди ҳадис.

Масих дам ура олмас анга уруж туни,  
Магар бизинг маҳи улвийхиром қилди ҳадис.

Қаёнки ёзди ҳадис, ўлди сайд эл гўё  
Нуқатни дона, хутутини дом қилди ҳадис.

Лабидин айру тушуб сўт учун китобатдин,  
Не тонг, либосин агар мушкфом қилди ҳадис.

Чибинни шаҳд нечукким йиғар, такаллумдин  
Рамидаларни нафас ичра ром қилди ҳадис.

Зихи такаллуми мұъжиз низомким келгач,  
Араб фасиҳларига ҳаром қилди ҳадис.

Улусни тутти Навоий сўзи анинг бирла,  
Магар Расули алайхиссалом қилди ҳадис.



## ЛУФАТ

Ширинкалом – сўзи ширин  
Хавос – хосият; каби, сингари  
Юҳийл-бизом – жанннат шарбати, сўнгакларни  
тирилтирувчи

Уруж туни – меъроjж кечаси

Мах – ой

Улвийхиром – юксакларга хиром этувчи, олий-  
маком

Нуқат – нуқталар

Хутум – хатлар

Сўг – мотам

Китобат – ёзув

Мушкфом – қора ранг

Шаҳд – асал, ширинлик

Такаллум – сўзлаш

Рамида – хуркиган, вахший

Зиҳи – қандай яхши

Мубъэзизизом – мўъжизага асосланган  
фасиҳ – чиройли сўзловчи, сўзамол

## ҒАЗАДИ ВАЗНИ

Мужтассси мусаммани маҳбуни маҳзуф  
V-V- VV-- V-V- VV-  
V-V- VV-- V-V- VV-  
Мағоилун файлотун мағоилун файлун

## НАСРИЙ БАЁН

• Ширин сўзли ул санам қачонки сўзласа, унинг  
сўзларида ўликларни тирилтирувчи хосият бор эди.

• Меъроjж кечаси унга ҳатто Исо Масиҳ сўзлай ол-  
мади. Оё, унга бизнинг олий макомларни сайр этув-  
чи моҳимиз ҳадис айтдими!?

• Қаёнки сўзларини ёзиб юборса, эл унинг сўз-  
ларига сайд бўлди. Гёй ҳадисларининг нуқталари  
дона, хатлари тузоқقا айланди.

• Ҳадис китобат чоғи – сиёҳ билан ёзилгандა лаб-  
дан айри тушганидан мотам тутиб, кора либос кий-  
гандарга ўхшаса, ажабмас.

• Чивинлар асал атрофига йигилтани каби, унинг  
ҳадиси сўзлантанда, адашиб бошқа ўйлга кирганн-  
ларни яна ром этиб, тўғри йўлга солди.  
• Унинг мўъжизадек қаломи шунчалар яхшики,  
арабнинг ёнг фасоҳатлиларига ҳам ҳикматли сўз ай-  
тишни ҳаром килди.

• Навоий унинг сўзи шарофати билан бутун  
оламда машҳур бўлди. Гўёки унинг тилидан Расу-  
лulloҳ алайҳиссалом ҳадис айтди.

## ШАРҲ ВА ИЗОҲДАР

“Се” ҳарфи туркуминни бошлаб берувчи ушбу фа-  
зал наът мавзусида бўлиб, унда ҳадис сўзи радиф  
вазифасини бажаради. Ҳадис сўзи араб тилида сўз,  
гап (умумий маънода); ҳикматли сўз (афоризм);  
оҳирзамон пайғамбарининг ҳёт тарзи ва сўзлари-  
ни ифода этувчи маҳсус истилоҳ маъноларини бил-  
диради. Навоий газалида бу маънолар ўз ўрнида  
ишлатилиб, туркий радифларда кўулланган тажнис  
санъатини хосил қилиш тажрибasi мазкур арабий  
сўзга ҳам татбиқ этилган. Жумладан, матльяда “ҳа-  
дис” умумий, яъни сўзлаш маъносида келтирил-  
ган. “Бути ширинкалом” ибораси васф этилаётган  
севикили оддий санамлардан ширинсўзлиги билан  
мумтоз эканлигини тарькидласа, иккинчи мисрада

күлланилган куръоний иқтибос ("нохйил-визом") бу сүзларнинг сарчашмаси илохий манбалардан эканнига ишора қиласди:

*Качонки ул бути ширинкалом қилди ҳадис,  
Хаёсси шарбати юхийл-изом қилди ҳадис.*

Кейинги байтдаги "уруж туни" да Мөрөж мўжизаси назарда тутилган. Имом ал-Бухорийнинг "Ал-Жомиъ ас-саҳиҳ"ининг "Мөрөж ҳакида"ги бोнида Молик ибн Сальсаа ривоят қилган ҳадисда келтирилишича, Мухаммад пайғамбар осмоннинг ҳар бир қаватида бир ё бир неча пайғамбар билан кўришадилар. Фалакнинг биринчи қаватида Одам Сафијаллоҳ, иккинчи қаватида Яҳё ва Исо Масих, учинчи қаватида Иброҳим Ҳалиуллаҳ, тўртинчи қаватида Идрис пайғамбар, бешинчи қаватида Ҳорун пайғамбар, олтинчи қаватида Мусо пайғамбар, еттинчи қиласидилар<sup>1</sup>. Ана шу мулокот билин мулокот баримизга бирор сўз қотиш имконига эга бўлмаганиклиариға сабаб қилиб, у зотнинг сафарлари бошқа пайғамбарларга насиб этмаган мақом – Аллоҳ таолоҳузурига бўлганликлари кўрсатилиди:

*Масих дам ура олмас анга уруж туни,  
Магар бизинг маҳи улвийхиром қилди ҳадис.*

Кейинги байтда эса, мөрөж мўжизаси содир бўлгандан кейин замон хукмдорлари ҳамда араб қабилалари сардорларига мактуб ёзиб, ҳак динга даъват этилиш ҳодисаси қадамга олинади. Бу мак-

<sup>1</sup> Абу Абдуллоҳ Мухаммад ибн Исломи ал-Бухорий. Ал-Жомиъ ас-саҳиҳ. 2-жилд. – Т.: Комуслар Бош таҳририяти, 1992.-Б.576.

тублар имон аҳлини ўзига ром этиб, бу муборак сўзлардаги нұкталар кўнгил қушининг донаси, жатлари эса тузокқа ўхшатилиди:

*Қаёни ҳади ҳадис, ўлди сайд эл ғёё  
Нуқатни дона, ҳутумтуни дом қилди ҳадис.*

Пайғамбаримизнинг сифатларидан бири – у қиши уммий, яъни хат-саводсиз бўлганлар. Оятлар ҳам, ҳадислар ҳам у киши томонидан айтилган, котиблар томонидан ёзиб олинган. Ана шундай "саводсиз" кишининг лабларидан тўкилган маънавий дурданалар байтда китобат пайтида мотам тутган кишидек қора кийгани табиий бир амрдек таърифланади:

*Лабидин айру тушиб сўг учин китобатдин,  
Не тоңг либосин агар мушикфом қилди ҳадис.*

Ҳадисларнинг ёркин жиҳатлардан бири – уларнинг бирортасида кўполлик нишонаси, бироннинг дилини ранжитадиган сўз йўқ. Пайғамбаримиз сўзлаганларида ёки у кишининг сўзлари риво-ят қилинганда одамлар асал атрофидаги чивин-лардек тўпланишиб, ҳидоят топганлари, маърифат сабоқлари бўлган ҳадислар туфайли жаҳолат ботқоғидан кутулганлари ҳақида ислом тарихида минглабдалиллар мавжуд. Қолаверса, ўз фитратига кўра мусулмон түфилиб, кейин ташки омиллар туфайли бошқа йўлга кириб кетган "рамида"ларнинг янга тўғри йўлга кириб, имон ҳаловатини топганлар ҳидоятида ҳадисларнинг аҳамияти жуда катта:

*Чибинни шаҳд нечукким ийғар, тақаллумдин  
Рамидаларни нафас ичра ром қилди ҳадис.*

Абдураҳмон Жомийнинг “Шавоҳид ун-нубувват” (“Пайғамбарлик далиллари”) асарида қайд килинишича, пайғамбаримиз (с.а.в.)нинг ҳадислари аслиятда неча марта ўқиб-эшитилса, айтувчига ҳам, эшитувчига ҳам чексиз ҳаловат бағишлади. Фасоҳатли ва етук бўлишига қарамасдан бошқа одамларнинг сўзлари кўп тақрорланган ҳолатларида сўзловчига ҳам, эшитувчига ҳам малол келади. Колаверса, Қурайш аҳли арабларнинг энг фасоҳатлиси ҳисобланган. Пайғамбаримиз сўзлаганда эса, арабларнинг энг фасоҳатли сўзловчи ва билағонлари ҳам хомуш тортгандар. Чунки ул зотнинг қаломи Аллоҳнинг амру нахижга мувоғиқ бўлиб, бошқа эгри маънога таъвили ва талиқин қилиб бўлмасди:

*Зиҳи токаллуми мұжжиз низомким, келгач,  
Араб фасиҳларига ҳаром қилди ҳадис.*

“Суннани Термизий”да Аббос ибн Абдулмуталлибдан ривоят қилинган ҳадисда келтирилишича, бир куни саҳобалар пайғамбарни кутиб ўтирадилар. У зот чиқиб, саҳобаларга яқинлашганларида, улар Иброҳим Халилуллоҳ, Мусо Нажиоллоҳ<sup>1</sup>, Исо Рухуллоҳ, Одам Сафияллоҳ каби пайғамбарларни элашиб, сифатлаётганларини эшитиб қоладилар. Салом бериб, сұхбатга кўшилган пайғамбар уларнинг сўзларини тасдиқлаб, илова қиладилар:

“Огоҳ бўлингким, мен Аллоҳнинг Ҳабибиман ва бунда ҳеч қандай (ортиқча) фахрланиш ўқ. Мен қиёмат куни ҳамд байроғини кўтарувчи ҳамда биринчи шафоат сўровчиман ва бунда ҳеч қандай

<sup>1</sup> Мұмтоз адабиётда Мусо (а.с.)ни одатда, Қалимуллоҳ сифати билан эслашади. Ушбу ҳадис матнида бу пайғамбарнинг Нажиоллоҳ – Аллоҳ томонидан юборилган ҳалоскор, деган сифатлари борлиги ойинлашади.

(ортиқча) фахрланиш ўқ. Мен қиёмат куни биринчи шафоат қилинувчиман ва бунда ҳеч қандай (ортиқча) фахрланиш ўқ. Мен жаннат ҳалқалари ни биринчи ҳаракатга соловчиман. Бас, Аллоҳ уни (айнан) мен учун очар ҳамда мени ва менинг умматимнинг факирларини унга киргизар. Мен аввалгилар ва охириларнинг энг мұкарримман ва бунда ҳеч қандай (ортиқча) фахрланиш ўқ.<sup>1</sup>

Бу ҳадис пайғамбаримиз шаънига айтилган сўзлар, юкорида келтирилган ҳадисларнинг хулосаси ва қаймогидир. Шундай улуг пайғамбарнинг уммати бўлган Навоийнинг:

*Улусни тутти Навоий сўзи аниң бирла  
Магар расули алайҳиссалом қилди ҳадис.<sup>2</sup>*

– деганида ҳам ҳеч қандай ортиқча фахрланиш ўқ, балки вожеликнинг айни ўзидир.



<sup>1</sup> Шайх Мұхаммад Содик Мұхаммад Юсуф. Нубуват ва рисолат китоби. –Т.: Моварооннахр, 2006. –Б.17.

<sup>2</sup> Навоий Алишер. Мұкаммал асарлар тўплами. 20 томлик. З-том. Фаройиб ус-сигар. – Т: Фан, 1988.-Б.92.



**“ХАР НЕЧУК ХУКМ ЭТСА, ТЕГМАС ЖОНФА  
ЖОНОН БИРЛА БАХС...”**

**«Гаройиб ус сугар», 90-ғазал**

Нуткى жон бермак килур ул латыли хандон бирла баҳс,  
Рост Исадекки күлгай оби хайвон бирла баҳс.  
Ёр дерким, баҳс қил эрним билаким, не учун  
Күнглүнг олиб қасди жон этги, қылай жон бирла баҳс.

Эй күнгүл, гар ақл этар манъи жунуним не жадал,  
Айб эрүрким, ахли дониш қылса нодон бирла баҳс.  
Жонни жонон гар тилар, биллахки, миннат  
Хар нечук хукм этса, тегмас жонфа жонон бирла баҳс.  
Носихо, қилма жадал, айрил кийиклардин дебон,  
Олими шаҳр этмагай гули биёбон бирла баҳс.  
Факр күйида мусаллам тут не килсанг истимөт,  
Ориф эрмас – ҳар кишиким қилса ирфон бирла баҳс.  
Эй Навоий, ҳар нечук зулм этса, чек, дам урмагил  
Ким, гадо ҳадди эмас ҳеч ишда султон бирла баҳс.

**ЛУФАТ**

Баҳс – изламоқ; талаб шиддати; эңтиroz билдири-  
моқ; тафтиш; сүзламоқ; мунозара; тортишуе; ка-  
лом илмининг асосий тушунчаларидан бири  
*Оби ҳайвон – ҳаёт суви*

Эрн – лаб

Жадал – баҳслашмоқ

Носих – насиҳатгүй

Гули биёбон – сахро жинни

Мусаллам тутмоқ – муҳокамасиз қабул этмоқ

Истимөт – эшилтмоқ

**ҒАЗАЛ ВАЗНИ**

Рамали мусаммани маҳзүф

-V-- -V-- -V-- -V-

-V-- -V-- -V-- -V-

Фоилотун фоилотун фоилотун

**НАСРИЙ БАЁН**

• Ёрнинг нутқи ҳандон лаби билан жон бағишлиш  
бўйича мусобакалашшлари Исо Масих билан Хизр  
чашмасининг баҳсига ўхшайди.

• Ёр айтади: Сенинг кўнглингни олиб, яна жонинг  
қасдига тушган лабим билан жанжаллашмайсан-  
ми? Ахир, қандай килиб, ўз жоним билан тортиша-  
ман?

• Эй кўнгил, агар ақл ишқ йўлида девона бўли-  
шимга қарши чиқса, у билан тортишма. Донолар-  
нинг нодон билан баҳлашмоғи айб саналади.

• Агар жонон жонимни тиласа, Ҳудо ҳаккни, бундан

жон миннатдор бўлади. Жонон нима хукм қиласа ҳам, жон билан жонон ўргасида тортишув ва эътироуз бўлмайди.

• Эй насиҳаттўй, кийиклардан айрил деб, мени қистовга олма. Шаҳар олими саҳро жини билан тиллашмайди.

• Факр йўлига кирсанг, бу йўлдаги барча буйруқ ва кўрсатмаларга сўзсиз амал қил. Ирфон бобида баҳслашувчи одамни ориф деб бўлmas.

• Эй Навоий, сенга ҳар қанча зулм етса ҳамки, чида, эътироуз билдирима. Султон билан баҳлашмоқ гадога ярашмайди.

### ШАРҲ ВА ИЗОҲЛАР:

Араб алифбосида “с” товуши учта ҳарф (“се-и мусаллас”, “син” ва “сад”) билан ифодаланади. “Се-и мусаллас” ҳарфи факат арабча сўзлар таркибида келтирилганни сабабли, ғазалчилик тарихида ушбу ҳарф билан тугалланган шебълар жуда кам. Жумладан, Навоийгача мумтоз лирик меросимизда мазкур туркумдаги ғазаллар учрамайди. Навоийнинг ушбу ҳарф билан тугалланган ғазаллар туркумини яратишнинг ўзини ўзбек ғазалчилигидаги ихтиrolаридан бири сифатида баҳолаш мумкин.

Зайнiddин Махмуд Восифийнинг “Бадоев ул-вақоевъ” асарида келтирилишича, Навоий бошчилик қиладиган нафис мажлисларда қатнашувчи ёш шоирларга Мавлоно Котибий Нишопурининг “Шутур-хужра” қасидасига жавоб ёзиш вазифаси юкланааркан. Котибининг ушбу қасидасининг ҳар бир байтида бир-бири билан мутлақо алоқадор бўлмаган шутур (тую) ҳамда хужра сўзлари кўлланилган бўлиб, шоир бадиий таҳйюл ва мантикий тафаккур ёрдамида янги-янги мазмун ва мъяънларни яраттган. Бундай мушкул вазифани улдалаш шоирларда ҳар қандай сўз, нарса ё ҳо-

дисани шеър муликига айлантириш қобилиятини ривожлантирган. Ҳар бир сўз, ҳар бир лаҳза ва ҳар бир нарсага шоирона кўз билан қараш ва уларни ижодий ниятларга бўйсундириш малакаси бошқа улуг шоирлар каби Навоийга ҳам янгидан-янги ижодий имкониятлар излаш ҳамда маҳоратини намоён этишида кўл келган. Жумладан, таҳлил қиласётганимиз ғазалда “баҳс” сўзини радиф сифатида танланиши ҳам шоирлик иктидорининг намойишидир. Арабча бу сўз ўзбекчада асосан тортишув ва мунозара мъяънларини билдира-да, аслида жуда кўп маъно товланишларига эта эканлигини луғатлар изоҳида келтириб ўтдик. Илмий мажлисларнинг асосий қуроли хисобланган баҳс сўзини радиф ўрнида қўллаш орқали кўнгил ва руҳигитнинг ранг-баранг оламини тасвир этиш ва тасаввур оламининг уфқларини кенгайтириш мутафаккир шоирнинг катга иктидор ва салоҳиятидан дарак беради.

Матлаъда талмиҳ, ташбих, таносуб ва тамсил шेърий санъатлари омухта келтирилган. Ёрнинг нутки Исо Масижхнинг дамига, лаблари – Хизр ҷашмасига ўҳшатилиб, уларнинг жонбахшилиги борасидаги баҳс-тортишувлари воситаси ташбих вазифасида келтирилган рост сўзи билан қувватлантирилган. Рост сўзи гўёки, ўхшаш мъяънини англатиш баробарида, асосий маъноси бу ўхшатиш ҳаққонийлиги, шунчаки ривоят ё муболага эмаслигини таъкидлаш учун ҳам кўл келган:

*Нутки жон бермак қилур ул лаъли ҳандон бирла баҳс,  
Рост исодекки қилғай оби ҳайон бирла баҳс.*

Ёрнинг “лаъли ҳандон”и – лаби Хизр ҷашмасидек мангу ҳаёт бағишлаш баробарида кўнтилини овлаш ва жон олиш курдатига ҳам эга. Жон олуви ҳам, жон берувчи ҳам ёр бўлгач, у билан баҳслашиш-тортишиш бефойда. Негаки, жонон аллақаҷон жонга айланниб ул-

гурган. Жон ва жонон фарқига бормай, ишқ жунуни галаён килгандан акнинг бундай холат учун кўнгилга эътиroz билдириши – нодон кишининг аҳли дониш билан баҳса киришишидек уятили иш ҳисобланади. Инсоннинг ҳагти-ҳаракатини акл ва калб бошқаради. Акнинг луғавий маъноси – тушов, оёқдаги кишан бўлиб, тушунча сифатида инсонни тийиксиз ҳаракатлардан саклагувчи ички туйғуга нисбатан кўпланилади. Лекин бу “тушов» – акл қални макон тутган мухаббат мантиғини англашга ожизлик қиласди ҳамда донишманд кишиларнинг ҳузурида алжираётган жохил кишиларга ўжшаб қолади. Унинг бу эътиroz ва баҳсларига кўнгилнинг сокитлиги – донишманднинг жохилга жавоби янлиғидир:

Эй кўнггул, гар акл этар манъи жунуним не жадал,  
Айб эрурким, аҳли дониш қиласа нодон бирла баҳс.

Кўнгилнинг акл эътиrozларини жавобисиз қолдигиши – факат ўз шаънни асрараш ёки жавоб беришида ожизлигидан эмас. Жонон жонни олмоқчи бўлиши – жон учун катта мукофот. Жалолиддин Румий шу маънода ажойиб бир ўхшатиш келтиради: она корнидаги чакалоқка фаришталар: “энди бу тангу тор жойдан чиқ, она корнидан анча кенг, гўзал ва меҳрибонларга тўла бир олам бор, тириклик оламига қадам кўй”, дейишса, чакалоқ бунга кўнмасдан, йиғларкан. Бинобарин, ўлим пайти “бу фоний дунёдан гўзалроқ, кентрок ва мангаликка дахлдор бошқа бир олам бор, энди бу дунёни тарқ этиш пайтинг келди”, деб айтилса, кўпчилик чакалоқ каби Яратганинг бу меҳрибонлигини англамасдан, бир лаҳза бўлса ҳам, умрни узайтиришга ҳаракат қилишади. Жонни берувчи ҳам, олувчи ҳам жонон экан, унинг барча ишлари айни хикмат бўлиб, баҳс ва эътиrozга сабаб бўлмаслиги керак:

Жонни жонон гар тилар, биллаҳки, миннат жонғадур,  
Хар нечук хукм этса, тегмас жононга жонон бирла баҳс.

Жонни жононга топширган ошиқ Фарҳод ва Мажнун каби саҳро кийиклари билан улфат тутинади. Ишқ гавхарини кўлга киритган одамнинг кўнгли боланинг қалбидай пок ва беғубор бўлади. Унда қаҳру ғазаб, шаҳват оловлари сўнгани, ҳамма жойда ёрнинг нишонини ахтаргани сабабли ваҳший ҳайвонлар билан ҳам унсият топади. Мехр ва шафқат булоғига айланган қалбларни шаҳардаги мавке ва обру учун курашиб яшайдиган кимсалар тушунмайди. Улар учун Мажнун – саҳро жинни, Фарҳод – ўз қадрини билмаган девона. Ажабланарлиси, ўзларини шаҳарнинг энг донишманд уламоси билган ҳолда мажнуншеваларни ўз ҳолига кўймай, насиҳат тўқиб, уларга озор етказишиади:

Носиҳо, қилма жадада, айрил кийиклардин дебон,  
Олими шаҳр эттмагай ғули биёбон бирла баҳс.

“Олими шаҳр” ва “ғули биёбон” тасаввuf тарихидаги бир хикоятни ёдга солади: “Насойим ул-мухаббат” да келтирилишич, Абу Абдуллоҳ Бобуний деган бир курд йигити саҳродан Шерозга келиб, мадрасадаги толиби илмларнинг бахсу мунозараларини кўриб, мафтун бўлиб, ўз она тилида улар билан сўзлашмокчи бўлибди. Мадраса толиблари уни арабчада маскара килиб, устидан кулишибди. Абу Абдуллоҳ улардан араб тилини ўрганиш сиррини сўрабди. Толиби илмлар айтишиби:

Агар оёғингдан осилиб, “усфура, казбура” деб ҳар кечга такрорласанг, албатта араб тилини ўрганасан. Абу Абдуллоҳ Бобуний бу сўзга чин кўнгилдан ишониб, уйта бориб амал қиласа, Ҳак таолонинг ино-

яти билан ҳам араб тилини мукаммал билиб, ҳам бар-  
ча илмлар эшиги унга очилиди. Ўзининг таъбири  
билан айтганда, курд бўлиб ухлаб, араб бўлиб уйно-  
ниди. Қайси фандан бўлмасин, бу донишманд барча  
баҳсларда ғолиб чиқиши валийлик нишонасидан ўзга  
эмас, деб хулосалайди Навоий.

Кейнинг байт Абу Абдуллоҳ, Бобунийнинг масла-  
ги накадар тўғрилиги, факр йўлидаги итоаткорлик  
саҳрои кишиларни ҳам шаҳар уламолари етмаган  
мақомларга етказиши мумкинлигига бир ишорадир:

Факр кўйида мусаллам тут не қилсанг истимоъ,  
Ориф эрмас ҳар кишиким қиласа ирфон бирла баҳс.

Кейнинги байтда ўзини гадо, ёрни султон деб билиб,  
канча зулм этса ҳам, чидаб, эътиroz билдирмасликини  
тарғиб қиларкан, бу салтанат ва дарвешлик тариқат  
йўлидаги мақомлардан эканлигини илғаш қийин  
эмас. Зоҳир олами подшоҳи – Султон Ҳусайн Бойка-  
ро хузурида ўн мартағача эътиroz билдириб, у билан  
истаган масалада баҳста кириш имтиёзига эга бўлган  
Навоий бу давлатни ҳақ таоло хузурида ҳамиша ризо  
ва таслимият макомида туриши, ҳакиқий шоҳ – Пар-  
вардигори олам эканини бир лаҳза ҳам эсдан чиқар-  
маслик баракатидан ҳосил этган:

Эй Навоий, ҳар нечук зулм этса, чек, дам урматил  
Ким гадо ҳадди эмас ҳеч ишда султон бирла баҳс.

## “ҲЛОКИМА ҚАД ИЛА ПАЙКАРИ ЭРУР БОИС...”

«Faroibib us sifar», 91-ғазал

Менинг жунунума гар ул пари эрур боис,  
Ҳлокима қад ила пайкари эрур боис.

Дема недин куясенким, анинг юзу лабидин  
Бу ишга шулья била ахгари эрур боис.

Қўнгур қуши туну кун мулки бохтар сори  
Ҳало қилурға маҳи ховарий эрур боис.

Мангаки, ғамзасидин ўлмишам, ҳаёти абад  
Ҳаблиға лаби жонпарвари эрур боис.

Чаманда булбул этар шавқ нұктасин тақрор  
Қи, гул варакларининг дафтари эрур боис.  
Ул ой фироқида ашким оқарға шому саҳар,  
Тулупы Зуҳра била Мұштарий эрур боис.

Қўнгулни чоку бағирни шикоф истарима  
Карашибасию фано соғари эрур боис.  
Хамиша дайр ичида бўлмоғимга муғбачалар  
Линг қиличи била ханжари эрур боис.

Нашойи ўлмасиға озими Йироку Ҳижоз  
Магар назоҳати мулки Ҳирий эрур боис.

## ЛУГАТ

- Пайкар – бадан, жисим  
Ахгар – лахча, чүр  
Бохтар – кунботар, тарб  
Мах – ой  
Ховтар – күнчиқар, шарк  
Шикоф – тешик  
Караашма – нозланыш  
Согар – қадаҳ  
Озим – азм этиувчи  
Назоҳат – тароват, покизалик

## ҒАЗАЛ ВАЗНИ

Мужтасси мусаммани маҳбуни маҳзуф  
V-V- VV-- V-V- VV-  
V-V- VV-- V-V- VV-  
Мафоилиун файлотун мағфоилун файтун

## НАСРИЙ БАЁН

- Агар ул пари менинг жунунимга боис бўлса, унинг қадди-қомати ҳалокатимга сабабчидир.
- Нега ёнмоқдасан дема, унинг юзи ва лаби ишқ оташининг шуъласи ва лахчасига боис бўмиш.
- Кўнтил куши кечак ю кундуз кунбогар томонга майл қилишига ўша шарқдан чиқкан ой сабабдир.
- Мен ғамзасидан ҳалок бўлдим, мангут хаёт тошпаш хаёлига тушишим лабининг жонпарварлиги-дандир.
- Булбул чаманда шавқдан такрор-такрор сайра-

шига гул япрокӯлари – варакларида бу шавқ қиссаси ёзилгани сабабдир.

- Шому саҳар ул ой фирокида кўз ёш им оқиши Зуҳра билан Муштарий осмонда пайдо бўлгани босидандир.
- Унинг қиличи билан ханжари сабабли, кўнглим чоқу бағрим илма-тешик бўлишини истарман.
- Дайр ичини доим манзил тутишимга муғбачаларнинг ноз-карашмаси ва фано соғари иштиёки боисдир.

- Навоий Ироқ ва Ҳижоз томонга йўл олмаслиги-га Ҳирот мулкининг покизза ва тароватли экани сабаб бўлса, ажаб эмас!

## ШАРҲ ВА ИЗОҲЛАР

Газал ўз табиатига юра икки турга – матбуъ ва маснуғга бўлинади. Матбуъ газалларда асосан туйғу ва тафаккур хосиласи бўлмиш янги фикр ва кечинмаларни табиий йўсина, очик, содда ва самимий етказишга эътибишга килинса, маснунъ газалларда сўз кўллаш, бадиийлик ва санъаткорлик масаласи биринчи ўринда бўлади. Ахлоқий-дидактик мавзудаги газалларда асосий эътибор моҳиятни англатиш бўлса, ишқий-романтик мавзудаги шеърларда шоҳдор учун асосий санъатларни кўллаш маҳорати “Боис” радифли ғазал – ўз табиатига кўра маснунъ разал ҳисобланади. Олдинги икки ғазал шарҳида қайд қилганимиздек, “сеи мусаллас” ҳарфи билан тугалланган ғазал ёзиш туркӣ ғазалнависликнинг Навоийгача даврида нодир ҳодиса ҳисобланган. Газалнинг радифи – боис сўзи ўз навбатида ташбех поситаси вазифасини ҳам бажарган. Газалда таш-

бихлар силсиласини кўллаш услуби бошқа ғазаллардаги ўхшатмалардан фарқ қиласди. Бунда икки мушаббих ва икки мушаббахун бихи (ўхшатма ва ўхшатиладиган нарса) ёнма-ён келтирилиб, ўз навлатида жамъу таксим ва лаффу нашр санъатлари имкониятларидан ҳам самарали фойдаланилади. Жумладан, матлаъда ёрнинг қадду қомати ошиқ ҳалокатига сабаб тариқасида кўрсатилган бўлса, иккинчи байтда ишқ оташининг шуъласи ҳамда чўғ-лаҳчасига ёрнинг порлок юзи ва латли лаби боис бўлгани қаламга олинади:

*Менинг жуунуума гар ул пари эрур боис,  
Ҳалокима қад ила пайкари эрур боис.*

*Дема недин күясенким, анинг юзу лабидин  
Бу ишга шуъла била ахгари эрур боис.*

Ишқ ўтигининг шуълаварлиги ва ҳарорати ёрдан экан, кўнгилнинг кечак-ю кундуз у томонга талпинишилари, ошиқнинг ёр ғамзасидан ўлиб, лабининг хаёлидан қайта тирилишлари ҳам ёр туфайлидир. Ҳар бир байтда икки нарсани ёнма-ён келтириб, бошка икки нарсага ўхшатиш ва сабабчи килиб кўрсатиш шоирдан жуда катта маҳорат талаб қиласди. Жамъутаксим ва лаффу нашр, ташбихи киноят каби муштарак санъатларнинг унсурлари қоришиқҳолда кўлланилгани янги бир номсиз бадий санъатни вужудга келтирган. Радиф ҳам икки сўздан (эрур боис) ташкил топгани, ҳар бир байтда икки тимсол ё тушунчани ёнма-ён келтирилишидан ташкари, байтларда макон ва миқёс ҳам ўзгариб туради. Учинчи байтда ўхшатмалар мұхаббат кўлами кайхоний эканлигини билдирса, тўртинчи байтда маҳбубанинг кудрати

ти инсон имкониятларидан хориж бўлган дарражада эканни тарькиланиб, карашмаси жон олувчи бўлса, лабларининг ҳаёли Хизр чашмаси шунчаки ривоят эмаслигига далил бўлиши тарькиданади:

*Кўнегул куши туну кун мулки бохтар сори  
Ҳаво қилурға маҳи ховарий эрур боис.*

*Мангаки, ғамзасидин ўлмишам, ҳаёти абад  
Ҳаёлига лаби жонтарвари эрур боис.*

Булбулнинг тароналари қайта-қайта такрорланниши гул варакларидағи ишқий битикларга боғлиқлиги, гул япроқларини дафттар варакларига ўхшатилиши Шайх Саъдийнинг бир байти тарихини эслга солади.

“Насойим ул-муҳаббат” да келтирилишича, Шерзодаги улугъ зотлардан бири Саъдий Шерозийнинг тарикатдаги мақомини инкор этиб, унга нисбатан кўнглида бир нописандлик бўлган экан. Ўша шайх бир кечак тушида осмон эшиклари очилиб, фаришталар табакларда нур кўтариб, ерга нузул этганларини яққол кўрибди. Сўради: Бу не нурдир? Фаришталар дедилар: Бу нур Саъдий Шерозий учундирки, бир байт айтибдур ва ул байт Ҳак субҳонаху ва таоло ҳазратида қабул тушибди ва ул байт будир:

*Барги дарахтони сабз дар назари хушёр,  
Ҳар варәке дафтар аст матърифати Кирдиғор.*

(Мазмуни: Яшнаган дарахтлар барги хушёр киши назаридаги яратувчи маърифати китобининг вараклариидир).

Ул азиз ўйқудан уйғонгач ўша заҳоти бу хушхабарни етказиш учун Шайх Саъдийнинг хонақохи

Эшигига борибди. Борса, ичкарида бир чирок мильлаб ёниб турибди ва хиргойи овози келиб турбиди. Яхшилаб кулок тутса, тушида эшиттан байтни Шайх Саъдий замзама қилаётган эмиш.

Навоий ҳам устози байтидан илхомланиб, ҳам Ҳаққа, ҳам ҳалққа хуш келадиган мана бундай байтни айтган:

*Чамандада булбул этар шавәк нуктасин тақрор  
Ки, ғул варақдарининг дафтари эрур боис.*

Кейинги байтда тасвир чаманзордан яна қайхонга – кечча ва кундузни алмаштирувчи фалакдаги Муштарий ва Зухал фалакларига кўчади. Нужум илмига кўра, Зухра сайёраси кундузи, айниқса, тонг пайтида, Муштарий эса кечкурун, яъни шом пайтида якқол намоён бўлади. Зухра ва Муштарий оймоён бўлиши билан ошикнинг кечча-ю кундуз кўз ёш тўкиши орасида ажаб таносуб ҳосил қилиб, шоир ёзади:


*Ул ой фироқида ашким оқарға шому сахар,  
Тулуғи Зухра била Муштарий эрур боис.*

Мазкур ғазалнинг мактаби ҳам алоҳида мулоҳазани талаб қиласи. Сабабаи, тахаллус байтида Ироқу Ҳижоз сўзларининг келиши шоирнинг бир умрлик орзуси – ҳаж сафари иштиёқи билан боғлик. Ҳажга бормасликка гўё Ҳиротнинг таровати ва хуш хавоси сабаб қилиб кўрсатиландек:

*Навоий ўлмасига озими Ироқу Ҳижоз  
Магар назоҳати мулки Ҳирий эрур боис.*

Бу билан шоир ўз она юрти тупроғини муқаддас маконлар ва қадамжолардан ҳам устун кўйган, деган мазмундаги хуласа билан фикримизни якунлашимиз мумкин эди. Лекин шоирнинг эътиқоди ва тарихий далиллар бу хуласага қарши гувоҳлик берib турганида, байти қайтадан ўқиб, чукуррок мулоҳаза қилишимиз керак.

Мумтоз бадиъ илмидайбҳом деган бадиий санъат бор. Унга кўра, шоир мисрани шундай тузадики, уни үқиганда бир-бирига зид икки хил маънно юзага келади. Алишер Навоий ҳаж сафарига чиққанида бир неча марта мамлакат нотинчлиги сабабли, бу муборак сафарни кейинироқда суришга мажбур бўлади. Бу нотинчликларнинг бош манбаи – пойтахтдаги сарой ахли бўлгани сир эмас. Ана шу нопокликлар, хиёнат ва соткинликларни билган Навоий киноя оҳангидга Ҳирот сабабли Ироқу Ҳижозга йўл ололмаслигини баён этган.



# Десантки

“Десантки, фард ўлай элдин күнгүлни  
Холий тут...”

## «Фаройиб ус сүгар», 92-тазал

Бузүф күнгүлга фано бўлса ком, чексун ранж  
Ки, ранж чекмаса ҳаргиз мусассар ўлмас ганж.

Агар кишига чекиб ранж, ганж бўлди насиб,  
Деса бу ганжни асрай, йўқ андин ортуқ ранж.

Кишики нақдини вазн айлабон килур мадфун,  
Бу ғуссасанждор, олған киши-фароғатсанж.

Йилон киби, не ажаб, ганж асраган кишининг  
Хамеша комида гар заҳр эрур, танида шиканж.

Замона жоҳи учун ҳар ғулулаи ташвиш  
Ки, келса күнглунг уйини анга қилурсен ханж.

Десантки, фард ўлай элдин күнгүлни холий тут  
Ки, ток дерлар агар ханж сари этсанг ланж.

Боши куйидурур озода савсан оллинда,  
Чу нарғис ўлди чаман маҳзанида нақд-ул-фанж.

Тарик киби сўюлур талхкомлиқ бирла,  
Тариф-тарифки, йиғиштурди олтунин норанж.

Итур күнгут ҳарамидин хавотир асномин,  
Навоий, ўлса мақоминг Мадина, гар Афранж.

## ЛУГАТ

Ком – истак

Ранж – машакқат, азоб

Ганж – хазина

Нақд – бойлик, пул

Вазн айлаш – отчирлигини ўлчаш

Мадфун – кўмилган

Ғуссасанж – қайғуни сотиб олган

Шиканж – исканжса, машакқат

Жоҳ – обрӯј, мартаба, улуғлик

Гулугла – ғулгугла

Ханж – ботил, зое

Ланж отмоқ – хиром айламоқ,

Нақд ул-фанж – тўйланган бойлик

Талхкомлиқ – умидсизлик, аччиқ кўз ёш тўкиши

Норанж – апельсин

Асном – санамлар, бутлар

Афранж – Фаранг, Европа

## ҒАЗАЛ ВАЗНИ

Мужтасси мусаммани маҳбуни мақсур  
V-V- VV-- V-V- VV~

V-V- VV-- V-V- VV~  
Мағоилун фаилотун мағоилун фаилон

## НАСРИЙ БАЁН

\* Кўнгли вайрон киши агар фано мақомига эри-  
шиши истаса, ранжу азоб чексин, киши ранж чек-  
масдан роҳат ва хазинага эришолмайди.

- Агар кимдир захмат чекиб, ганж-хазинани күлгә киритса, бу ганжни саклаб қолмокчы бўлса, бундан ортикроқ ранжу машаққат йўқ.
- Кимки олтинларини тарозида тортиб, ерга кўмиб кўйса, ўзига ғусса сотиб олибди. Топиб олган киши эса – роҳат ва фароғатда бўлади.
- Бойлик – хазина асраган одамнинг насибаси илондек заҳар бўлиб, ҳамиша бурилиб-эшилиб яшаганидан танаисида исканжга бўлса, ажаб эмас.
- Замонда обрў-эътибор топиш учун кўнгилдаги ташвишлар фулгуласи аслида беҳуда ва кеттан нарсалардир.
- Фард – ягона бўлмоқни истасанг, кўнглинг уйини бошқалардан холи тут. Агар беҳуда нарсаларга берилсанг, сени ягона эмас, балки бекас – бенаво деб атайдилар.
- Наргис чаман махзанида олтин тўпловчи бўлганидан савсан олдида боши кўйи туради.
- Норанж-апельсин олгинларини тарикдай заррама-зарра тўплайди, аммо охирида тарикдек багти ўйилади.
- Навоий, Мадинада ё Фарангда бўлсанг ҳам, Аллоҳ ёдидан ўзга хотирлар санамларини ҳамиша кўнглинг ҳарамидан йўқ қилиб яша.

### ШАРХ ВА ИЗОХЛАР

Ғазал орифона мавзуда, мавъиза оҳангидага ёзилган. Матлаъдан асосий мавзу – фано мақомига эришиш эканлигига ургу берилиб, “бузуз кўнгил” – Худонинг ёдида дили вайрон бўлган киши фано мақомига эришиши учун риёзат чекиши уқтирилган. “Алишер Навоий қомусий луғати” да берилишича, фано – инсон ўзлиги ва бандалиги мақомини Ҳақ таоло баробарида йўқдеб билмоқ, барча майл-истак

- на орзуларидан воз кечиб, бутун олам ва оламдаги-лар Худонинг олдида ҳеч нарса эмаслигини теран англомоқ, башарий сифатлардан кутулиб, илоҳий сифатлар билан ботин оламини безамоқ демакдир. Фано истилоҳ сифатида биринчи марта Зуннун Мисрийнинг муриди Абу Сайд Ҳарроҳ томонидан қўлланилган. У “Ал-Лумавъ” китобида фанога шундай тарьиф беради: “Фано – бандалик ишларидан буткул узилмоқ ва бақо – илоҳий мушоҳада бокий қолмоқ эрур... Баъзи кишилар мұхакқикарнинг фано тўғрисидаги сўзларидан иштибоҳга тушиб, башарият фаноси емак-ичмакни тарқ этмоқдан ҳосил бўлади, негаки жисм кучизланганда башарий сифатлар ундан кетади ва инсон илоҳий сифатлар билан сифатланади, деб ўйлайдилар. Бу гумроҳдар башарийлик ва башарий ахлоқ ўртасида тафовутини билмабдилар. Оқ рангдан оқлик ва қора рангдан қоралик сифати кетмаганидек, башарий табиат иңсодан кетмас. Ҳақиқат нурининг қурдати сабабидан табдил ва ўзгаришига дуч келадиган нарса – башарий ахлоқдир”.
- “Рисолаи Қушайрия” муаллифи инсон табиатида ёмон хислатларнинг йўқ бўлишини фано ва уларнинг ўрнига гўзал хулқларнинг қарор топшишини бақо, деб тарьифлайди. Иzzуддин Кошоний фанони сайр илаллоҳнинг ниҳояси, деб билган.

Башарий сифатлардан кутулиш деганда, ҳирс, жасад, риё, такаббурлик, очқўзлик, ёлғон, шаҳват.. каби ёмонлика ундовчи хислатлардан покланиб, ризо, шукроналик, қаноат, таваккул, факр, сабр, жаё.. каби гўзал ахлоқий сифатлар билан зийнатлашни тушуниш керак. Бунинг учун инсон энг аввало, мол-дунёга ҳарислик хислатидан воз кечиши үрганиши зарур. Бойликни баҳти яшаш учун вости-

та эмас, балки мақсад деб билүвчилар вайронада күмилтган хазина устида умргузаронлик киладиган илондан фарқи қолмайди. Илон ҳеч қандай фойда бермайдиган хазина учун захар сочиб, ўзига факат душман ортиргани каби, мол-дунё түплас, ўзи ҳам емай, бирөвга ҳам бермай, ерга кўмий юрагини ҳовчлаб юрадиганлар ҳам жамиятнинг илонлари ҳизбобланади. Энг ачинарлиси, ҳамиша ичи гўла заҳарзакум, азоб-исканжада яшайдиган бундай зотларга ҳавас қилиб бўлмайди:

*Кишики нақдини вазн айлабон қилур мадфун,  
Бу ғуссасанждор, олған киши – фароғатсанэж.*

*Йилон киби, не ажаб, ганж асраран кишининг  
Хамеша комида гар зарҳ эрур, танида шиканж.*

Бойлиқдан ташқари яна бир маънавий оғат, бу – шуҳратпарастлик ва амалга интилиш хислатидир. Инсон боласининг кўргина интилиш ва ташвишлири, азоб ва машаққатлари ана шу хислати туфайли содир бўлади. Бошқалардан устунигини билдириш, ўзининг истеъоди, билими ва куч-куввати, насл-насаби ва амали билан фахрланиш учун энг азиз неъмат – умрни сарфлаб, моҳият эътибори билан ҳеч нарсага арзимайдиган ташвишлар юкини тортиш кўпчиликнинг ҳаёт тарзига айланиб қолган. Фоний дунёда Ҳаққа ибодат қилган дамлардан ўзга барча ишлар пуштаймонлик келтиришини билса-да, одам боласи мангуда яшайдигандек, бехуда ишлар биладиганлардан фарқли уларок, фард – якка-ю ягона бўлиб, тўғри йўлда яшамоқни истаган инсон кўнгил уйини Аллоҳдан ўзгалар хәёлидан поклаши керак.

Лисс ҳолда, у қанчалик узлатда тоат-ибодат қилмасин, ажсал шарбатини бекасу бенаво ҳолида тоттан юшилар билан тенг бўлиб қолади:

*Замона эсоҳи учун ҳар ғулулави ташвиш,  
Ки, келса кўнглуге уйини анга қилурсен ҳанж.*

*Дессанги, фард ўлай, элдин кўнгулни холий тут  
Ки, тоқ дерлар агар ҳанж сари этсанг ланж.*

Кейинги икки байтда мазкур маънолар ташхис санъати ёрдамида бошқача ранга таъкидланади. Наргис гулнинг уруғлари сарик ранга бўлиб, гуллаган чоғида сарик уруғлари (олтинглари) оғирлигидан боши ҳамиша куйи бўлгани, савсан эса ҳамиша сарбаланд яшагани, норанж – апельсин дараҳти зарра-зарра “олтин” (мева) тўплагани билан охирни барчасидан мосуво қолиши – дунё ҳаётида юки оғирлар юки енгилларга қараганда яшаши қийинроқ бўлишига далил сифатида келтирилган. Бинонан, инсон қаерда яшашидан қатъи назар, хаёл ва хотирни чалғитувчи санамлар – шуҳратпарастлик, мол-дунёга очқўзлик, баҳиллик каби хислатлардан пок тутиши керак. Ушанда у хоҳ Мадина, хоҳ Фарангистонда бўлсин, Ҳакнинг йўлида фано бўлиш саодатига эришади:

*Иттур кўнгул ҳарамидин ҳавотир асномин,  
Навоий, улса мақоминг Мадина, гар Афранж.*



## ЛУФАТ

**“КИМ ГАДОЙИНГДУР, АНГА ЙҮК ТАХТ  
ИЛА ТОЖ ЭХТИЁЖ...”**

**«Faroibib uss cirap», 93-fazal**

Эй гадойингнинг гадойи барча ахли тахту тож,  
Ким гадойингдур, анга йүк тахт ила тож эхтиёж.

Кўзларинг оз журм учун қилса итоб эрмас ажаб,  
Бор муайянким, бўулур беморлар нозумизож.

Гар санавбар тузмамиш сарвинг хилофин кўнглида,  
Ел чинор илги била невчун урар юзига кож.

Эйки, кўнглумни бузуб, дерсен, хаёлимни чикар,  
Хеч ким вайронадин ганж истамас ҳаргиз хирож.

Сен жафо қилғач, кўнгут жон бирла тарким  
туттилар,  
Бўлса шах золим, эл ичра зулмга эрмиш ривож.

Хажрдин дод истадим, дединг, сабур ўл,вой ким  
Тоза доғимға ёнар ўт бирла айларсен илож.

Чун фано гарди ёпар, не суд тахти жоҳинга  
Кўкнинг анжуидин мукаллал атласин қилсанг  
дувож.

То гадойингдур Навоий тахт ила тож истамас,  
Эй гадойингнинг гадойи барча ахли тахту тож.

Журм – ғуноҳ, хато  
Илик – қўл  
Коёнж – шапалок  
Ганж – хазина  
Дод – адвалат  
Сабур – сабрли  
Сур – фойда  
Анжум – қолдузлар  
Мукаллал – зийнатланган  
Дувож – соябон

## РАЗАЛ ВАЗНИ

Рамали мусаммани маҳзуф  
-V-- -V-- -V-- -V-  
-V-- -V-- -V-- -V-  
Фоилотун фоилотун фоилотун

## НАСРИЙ БАЁН

- Эй, барча тахту тож ахли гадоларининг гадо-  
сига айланган зот! Кимки сенинг гадойинг бўлса,  
тахту токга эхтиёжи йўқ.
- Кўзларинг арзимас хатойим учун койиб, газаб-  
га минса, ажабланмайман. Негаки беморлар аслида  
мижози нозик бўлади.
- Агар санавбарнинг кўнглида сарвингта қарши  
чиқиши бўлмаса, нега шамол чинор кўли билан унинг  
бетига бир шапалок тушириди!
- Кўнглимни бузиб, яна мени хаёлингдан чиқар  
дайсан. Киши вайронага айланган ўлкага бир хази-  
на мисдорида хирож солмайди.

- Сен жафо қилгач, жону күнглил мени тарк этди. Зотан, шоҳ золим бўлса, эл-улус ичра зулм ривож топди.
- Ҳижрон дастидан адолат истадим, сабрли бўл, деб айтдинг. Эвоҳ, янги ярамни оташ билан давола-мокчи бўляпсан.

- Жоху жалолинг фано тахти ва ўткинчилик ғубо-ри остида қолиб кетаркан, унга осмоннинг юлдузлар билан зийнатланган атасидан соябон ясашдан нима фойда!
- Навоий токи Сенинг гадойингдир, тахту тож истамас. Эй, барча тахту тож аҳли гадоларингнинг гадосига айланган зот!

### ШАРХ ВА ИЗОҲДАР

Алишер Навоийнинг ижодий биографиясида мадҳ мавзуси салмоқли ўрин эгаллади. Султон Хусайн Бойқаро ҳокимият тепасига келгач, Ҳиротга қайтан Навоийнинг дастлабки асари – янги хукмдор мадҳидаги “Ҳилолия” қасидаси бўлди. Шунингдек, биографик тусдаги “Ҳамсат ул-мутахайирин”, “Ҳолоти Сайид Ҳасан Ардашер” ва “Ҳолоти Пахлавон Мухаммад” асарларини ҳисобга олмагандা, муттафаккир шоирнинг барча асарлари Султон Ҳусайн Бойқарога бағишланган бўлиб, уларда “Шоҳи Гозий” энг олий даражадаги таърифу тавсифлар билан эсланган.

Навоийнинг мадҳ охангida битилган сатрлари, асарларидағи мадҳ мавзуси – алоҳида тадқикот учун мавзу. Шуро замонида Навоийдек шоир замон ҳукмдорини мадҳ этиши хото ҳисобланган бўлса, янги даврда бу масалага даҳл қилиш ва Навоийнинг мадҳнома (мадҳия сўзи муносиброк бўлса-да, ҳозир-

ги тилимизда гимн маъносини билдиргани сабабли қўлламадик)лари замонамиз маддоҳларига “адабий дастак” бўлиши мумкинligининг хавотири билан ушбу мавзу “ёник” лигича колди.

Мумтоз адабийётда мадҳ мавзусида қалам тебрат-маган шоир саноқли. Жумладан, Алишер Навоий газалнависликда устоз деб билган шоирлар – Амир Ҳусрав Дехлавий, Ҳофиз Шерозий ва Абдураҳмон Жомийларнинг ижодида ҳам мадҳномалар салмоқ-ли ўрин эгаллади. Аммо буларнинг бағишловлари па. мадҳлари Фаррухий, Муиззий, Захир Форёбий-ларнинг қасидаларидан буткул фарқ қиласди. Биргина мисол келтирайлик: Фаррухий Систоний Султон Махмуд Ғазнавийга бағишлаган бир қасидасида шундай бир фикр баён этади: “Қаҳф” сурасида унинг жакида оятлар нозил бўлган Искандар Зулқарнайнинг Махмуд Ғазнавийдан тафовути – охиризмон пайғамбаридан аввал яшаб ўтганидир, холос. Агар, лейди Фаррухий, ислом пайғамбаридан кейин ваҳй эшиклари ёпилмаганда, Куръоннинг камида учдан бир қисми Махмуди Ғозийнинг қаҳрамонликлари жакида бўларди.

Алишер Навоий ва унинг саллафлари эса, мадҳни тарбиявий куролга айлантириб, сultonни тавсиф ва мақташ орқали тўғри йўлга хидоят қилишини асосий максад қилиб олганлар. Навоий мадҳларининг бошқаларникига ўхшамаган яна бир жиҳати бор: мадҳ йўсуннида ёзилган шеъларда талаб қисми мавжуд бўлиб, унда шоир мамдуж, яъни мадҳ қилинган одамдан ўзига керакли нарсани нозик шоирона ишоралар орқали тилаб олади. Навоий шеъларининг бирор жойида шундай тальма ва тилак оҳангидаги сатрларни учратмаймиз. Унинг мадҳлари самимий ва чин юракдан, бирор гараз ё таймасиз

ёэилган. Иккинчи жиҳати – унинг лирик жанрлардаги мадҳномаларида шундай услугуб кўлланилганини, унда мамдуҳ реал шахс ёки тимсол эканлигини аниқлаш қийин кечади. Жумладан, таҳдил қилинаётган ғазалдаги биринчий байтида айнан кимга – Сulton Xусайн Бойқаро, ёки севикли маҳбуба ёхуд Аллоҳ таолога мурожаат қилинганини англаш қийин:

Эй гадойингнинг гадойи барча аҳли таҳту тоҷж,  
Ким гадойингдур, анга йўқ таҳт ила тоҷж эҳтиёж.

Иккинчи байтида манзурнинг хумор кўзлари аризас гуноҳ, учун ҳам итобга олиниши, учинчи байтида эса чамандаги санавбар ва чинор дараҳтининг ёрқомати расолиги учун қилган муноқашалари тасвирга олингани бу ғазалга ошиқона руҳ бағишилган бўлса, тўртингчи ва бешинчи байтдаги мъянолар ошиқона бўлиш баробарида ижтимоийлик руҳи ҳамустувор. Айниқса, мазҳаби қаломий (ўз матлабининг исботи учун латофат билан далил келтириш) санъати оркали иккинчи мисрада айтилган фикрлар – вайронна бўлган мулкка хирож солиб бўлмаслиқ (тўртингчи байт) ҳамда подшоҳи золим бўлган ўлқада бошқалар ҳам хукмдордан ўрнак олиб зулм ва ситам қилишлари (бешинчи байт) шунчаки ишқий матлабни далилаштириш учун келтирилган оддий гаплар эмас. Навоий Султон Ҳусайн Бойкаронинг нозик табъи ҳамда шетъни англашдаги дақиқ зakovatini биларди (бу жакда у ғазалнинг иккинчи байтида ишора ҳам қилган). Шунинг учун, у очик-ойдин насиҳатгўйликка киришмасдан, муликнинг ободлиги хазина маъмурлигига сабаб бўлиши, бунинг учун эса одилона сиёсат юритилиши лозим эканлиги каби ҳақиқатларни шоирона лутф ва об-

разли сўзлар ёрдамида айтишига эришган:

Эйки, кўнглумни бузуб, дерсен, хаёлимни чиқар,  
Хеч ким вайронадин ганж исстамас ҳарғиз хирож.

Сен эсафо қилғач, кўнгул жсон бирла тарким  
тумттилар,  
Бўлса шаҳ золим, эл ичра зулмга эрмиши ривож.

Шоҳнинг энг содик маслаҳаттўйи ва беғараз дўстининг ҳижронда қолиши, яъни бевосита жараён-да фаол аралашмасдан, четда назарда қолиши сабаб бўлган. Шундай адолатизликларнинг олдини олиш ва зулм ривожига барҳам бериш учун Навоий шоҳнинг ёнида бўлишни истаб мурожаат қиласди. Подшоҳнинг ушбу масалага ижобий кўз билан қарамаслиги унинг дардини янада кучайтириб, токатини ток қиласди. Чунки, ҳаёт – ўткинчи, бутун оламнинг якка хукмдорлари ҳам вакт-соати келиб бу фоний дунёни тарқ этиши мұқаррарлигини билган мутафаккир берилган умр ва фурсатдан тўғри фойдаланиб, сulton кўмакчиси бўлиб адолатни барқарор этишда ўз хиссасини кўшмоқни истайди. Бир соатлиқ адолат иккى олам аҳлининг бир йиллик ибодатидан ағзаллигини англаган киши шоирнинг бу изтироби накадар улутвор эканини жуда яхши хис этади:

Ҳажрдин дод истадим, дедин, сабур ўл, вой ким  
Тоза догоимга ёнар ўт бирла айларсен илож.

Чун фано гарди ёпар, не суд тахти жоҳинга  
Кўкнинг анжумдин мухаллал атласин қиласанг  
дувож.

Навоийнинг бу ёниб-куйиншлари мансаб ва мар-

таба илинжида эмас. Султон Ҳусайн салтанатининг ишончли одами бўлиш – у учун барча тожу тахтдан афзал. Адолатли султоннинг хизматида бўлмоқлик олам подшоҳлигидан улуғроқ саодат эканини таъкидлаб, шоир тантанавор оҳангда ғазалга якун ясади. У бу чақириқ ва дарьватлар султон томони-ёти давомида кўплаб маротаба гувоҳ бўлганди. Шу билан бирга, Навоийнинг ушбу мурожаатини Ҳак таоло даргохига муножот ўлароқ талқин қилиш ҳам мумкин. Бу талқинлар бир-бирини рад этмасдан, балки моҳият эътибори ила бир-бирини тўлдиради. Чунки, ал-Адл сифатининг соҳиби бўлган Аллоҳ таоло одил подшоҳларнинг ёри ва мададкоридир:

*To гадойингдур Навоий таҳт ила тоҳисстамас,  
Эй гадойингнинг гадойи барча аҳли таҳту тоҷ.*



**“ЭЙ НАВОИЙ, МАЪРИФАТНИ ҚИЛМА  
ҲАР НЕ БОР ҲАРЖ...”**

**«Ғаройиб ус сугар», 94-ғазал**

Чарх изинг гардига қиљди кавқаби сайёр ҳарж,  
Ҳавҳар олмоқға ғаний қилған қиби динор ҳарж.


Сойиру событ нисоринг қилса тонг ўйқум, бўлур  
Кечкуун шоҳ ўлса меҳмон, кимсага бисёр ҳарж.  
Нақди раҳмат ҳаржинг этса Ҳак, не тонг, улким  
топар

Сен қиби маҳбуб васлин, айлагай ноҷор ҳарж.

Фош этиб нақди шафоат қилдинг умматни ҳалос,  
Айлагандек нақдини топқан қизик бозор ҳарж.  
Баҳри раҳматдинки, топтинг, ҳалқ уза бир қатра бас,  
Гарчи тенг авлодур этмак даҳл ила изҳор ҳарж.

Мағфират ганжи санга тамлик эрур, монит эмас,  
Айласанг исёни кўп умматка ҳар микдор ҳарж.

Сен кимунаътиндемак, тиласрафилқўпнуктадин,  
Эй Навоий, маърифатни қилма ҳар не бор ҳарж.



## ЛУГАТ

Каекбаб – юлдуз  
Жаевхар – гаевхар, дурдона  
Ганий – бой, бадавлат  
Сойиру событ – сайдералар ва турғун буржлар  
Нисор – сочиш  
Тонг ёйк – ажабмас  
Нақд – маблағ, олтин  
Дахл – бу ерда: кирим  
Ганж – хазина  
Тамлиқ – мулкка эгалик  
Нұкта – ҳикматли сүз

## ҒАЗАЛ ВАЗНИ

Рамали мусаммані максур  
–V-- -V-- -V-- -V~  
-V-- -V-- -V-- -V~  
Фоилотун фоилотун фоилотун фоилон

## НАСРИЙ БАЁН

- Бадавлат киши дурру гавхар сотиб олишга күп олтин динор сарфлагани каби, фалак изингнинг гардига күп юлдузларни харж этди, яъни нисор қилди.
- Фалак сенинг қадамнинг сабиту сайёralарни сочган бўлса ҳам ажабмас. Зотан, агар кимнингдир уйига кечикурун тўсатдан шоҳ меҳмон бўлиб қадам ранжида қиласа, кўп харажатта тушади.
- Ҳак сен учун раҳмат хазинасини харж этса, ажабмас, чунки сен каби ким маҳбубининг васлига этишса, ночор харжи кўпаяди.

- Бозори бароридан келган одам бор маблағини сарфлагани каби шафоат хазинасини ошкор этиб, умматни ҳалос этдинг.

• Сен топган раҳмат денигизи билан барча ҳалқни кечириш учун бир томчиси етарлидир. Бинобарин, киримга тенг чиким бўлиши афзалроқдир.

• Мағфират хазинаси сенга мулк қилиб берилгандир, шунинг учун исёни кўп умматга бу хазинадан қанча ҳарж қиласант, монелик қилинмайди.

• Эй Навоий, сен киму Расудуллоҳнинг наътини айтиш қайда. Нимаини майрифат эттан бўлсанг, ҳарж этавермасдан, кўп ҳикматли сўзларни айтишдан тийил.

## ШАРХ ВА ИЗОҲЛАР

Алишер Навоий башарият аҳли ичидага сарвари коинот Мухаммад Мустафо (с.а.в.) га алоҳида мухаббат кўйган бўлиб, бу муҳаббат ва эътиқодини ҳамиша ҳар нафасида изҳор этиб турган. Мумтоз ғазалчилик тариҳида Навоий наът мавзусида энг кўп ғазал ёзган шоирлардан ҳисобланади. Форс адабиётидаги соҳибдевон шоирларнинг ғазалларида пайғамбаримиз васфидаиги байт ва мисралар кўп бўлгани билан, наът мавзусида яхлит асар яратиш ва бутурдаги ғазалларни тизимли равишда деярли ҳар бир ҳарф туркумида жойлаштириш анъанаси айнан Навоийдан бошланган.

Буюк Навоий қайси мавзуда қалам тебратмасин, биринчи галда бадиийлик нуқтаи назаридан шоирона ёндошган. Барча мавзуларга мутафаккирона нигоҳ ва шоирона қалб билан ёндашган шоир наът мавзусида янги-янги поэтик воситалар ва услубий таъжрибаларни кўллади. Жумладан, мазкур газалда

“харж” радифини кўллаш баробарида соғи исломий  
ғояларни сингдиришига эришган.

Харж – савдо-сотиқка алоқадор бу сўзни радиф  
сифатида танланишига, бизнингча, учта омил сабаб  
бўлган; биринчидан, пайғамбаримизнинг касби сав-  
догарлик бўлгани сабабли, мазкур сўз орқали ушбу  
охиратни деб, дунёдан воз кечтганлар – умр савдо-  
сида фойда кўрганлар, мазмунидаги қатор ҳадислар  
мавжуд бўлиб, “харж” сўзи ўша ҳадислар мъяноси-  
га далолат қиласди; учинчидан, Куръони каримда  
ўргимчак, асалари каби назар илмас ҳашаротлар  
мисол келтирилиб, катта мъянолар ифодалангани  
хамда Аллоҳ учун аҳамиятсиз нарса ё сўзниң ўзи  
бўлмаслигини таъкидловчи оятлар хам шоирнинг  
ижодий услубига таъсир кўрсатган бўлиши мумкин.  
Матлаъ мазмунидан ғазал меъроҳ мўъжизаси  
га бағишлангани аёнлашади. Меъроҳ мўъжизаси  
факат инсоният учун эмас, балки Борликдаги бар-  
ча мавжудот учун энг улугҳодиса эди. Шунинг учун,  
фалак Ҳак таоло ҳузурига сафарга чиқкан пайғам-  
барнинг қадамидан чиқкан гардини табаррук деб  
бехисоб юлдузларни йўлига сочиши бадавлат одам  
олтин-кумушларидан воз кечиб, кичикина гавҳар-  
ни сотиб олишига ўхшатилган. Иккинчи байтда  
кўлланилган мазҳаби қаломий эса, талмиҳунсура-  
рини хам ўзида мужассам этган бўлиб, меъроҳ ҳо-  
дисаси кечаси содир бўлганини билдиради:

Чарх изинг гардига қилди қавқаби сайёр ҳарж,  
Жаввҳар олмокға ғаний қилған киби динор ҳарж.  
Сойиru субит нисоринг қиласа тонг йўқум, бўлур  
Кечурун шоҳ ўлса меҳмон, кимсага бисёр ҳарж.

Учинчи байтда қофния ўрнида келган “ночор” сў-  
зини тўғри маънода Ҳак таолога хам, унинг ҳаби-  
бига хам нисбат берib бўлмайди. Мазкур сўзниң  
вазифасини белгилашдан олдин “нақди раҳмат” ис-  
тиорасининг тарихи билан танишайлик.

Ислом тарихидан маълумки, меъроҳ кечасидан  
сўнг пайғамбаримиз (с.а.в.) бутун оламларга раҳ-  
мат қилиб юборилдилар. Оламларга раҳмат бўлган  
пайғамбарнинг шароғати билан у кишига зиён-заҳ-  
мат етказгандар хам, ўлдиришига қасд этгандар хам,  
мазах-масхара қилгандар хам илоҳий раҳматдан  
баҳраманд бўлдилар. Оддинги пайғамбарлар дав-  
ридаги мушриклар илоҳий ғазаб туфайли турли  
бало ва оғатларга ўйликкан бўлсаллар, охирзамон  
мушриклари пайғамбаримизнинг шарофатлари би-  
лан бундай бало ва оғатлардан омон қолдилар. Бу  
эса, Аллоҳ ва унинг ҳабиби ўртасидаги муҳаббат ту-  
файлидир:

*Нақди раҳмат ҳаржинг этса Ҳак, не тонг, улким  
топар*  
*Сен киби маҳбуб васлинч, айлагайnochор ҳарж.*

Пайғамбарларнинг мўъжизалари уларнинг ва-  
фотидан кейин тутайди. Илло, бизнинг пайғамба-  
римизга яна бир мўъжиза – шафоат мўъжизаси бе-  
рилганки, бу мўъжиза қиёмат куни содир бўлади.  
Меъроҳ мўъжизаси – куфр ва иймон аҳли ўртасида-  
ги чегарани қатъий белгилаб кўйган бўлса, шафоат  
мўъжизаси нажот аҳли бўлгандар хамда адашган  
тоифалар ўргасидаги тафовутни белгиловчи асо-  
сий белгидир. Улуғ муттафаккир аҳли суннат ва жа-  
моатнинг эътиқодига мувоғик, шафоат мўъжизаси-  
га бўлган эътиқодини чиройли образлар ёрдамида  
иғодалаган:

Фош этиб нақди шафоат құлдинг умматни халос,  
Айлагандек нақдени топқан қызик бозор харж.

Бешинчи ва олтинчи байттарда хотамуланбіе  
рахмат дегизи ва мағфират хазинабони дея таъ-  
рифланған. Навоий васфига күра, Ҳак таоло инояти  
билан сарвари коинотнинг раҳмати шу даражада  
кенгки, бутун умматнинг осийлигини көчириш –  
дегиздан бир томчидек гап. Мағфират хазинаси  
бу зотга мүлк қилиб берилгандың экан, тутганмас ха-  
зинадан қанча ҳарж этилса ҳамки, Ҳак таоло бунга  
мөнелік құлмайды. Бу ташbihхлар шунчаки шири-  
на лутф ва мубалағали тасвир эмас, балки ҳар бир  
үхшатма, ҳар бир таъбирнинг асосида муборак оят  
ва ҳадисларнинг мазмуни бор. Жумладан, “Анбиे”  
сурасининг 107-оятида марҳамат қилинадиким:  
“Эй Мухаммад алайхиссалом, дархакиқат, Биз Сиз-  
ни барча оламларга факат раҳмат (яňни, Аллохнинг  
рахмати-жаннатига етаклагувчи) қилиб юбордик”.  
Бундай оят ва ҳадислар, пайғамбаримиз сийрати  
хәқидаги мұльтабар манбаларни чукур ўрганған На-  
войй бу беназир шахсиятнинг серқирра сифат ва  
фазилаттарини турилі тимсол ва образлар ёрдамида  
васф эттеган бўлса-да, бу мактоворлар қанчалик олий  
даражада бўлишига қарамасдан, барибир камлик  
қилишини айттиб, ғазалга якун ясайди:

Сен киму наътын демак, тил астрағил күп нұктадин,  
Эй Навоий, матърифатни құлма ҳар не бор ҳарж.



“МАЙ ЛАЛЬИНГ ЭРУР ЖОН БИРЛА МАМЗУЖ..”

«Faroibib us sifar», 95-ғазал

Май лаълинг эрур жон бирла мамзуж,  
Йўқ әрса оби ҳайвон бирла мамзуж.

Жигаргундур сиришким, негаким бор  
Багир бу ашки ғалтон бирла мамзуж.

Қажонни бузди ашким оҳ иланким,  
Эрур сарсар бу түғон бирла мамзуж.

Күшуди күзларимнинг ашки, вахм эт  
Ки, Кулзум бўлди Уммон бирла мамзуж.

Күнгул қон бўлдию ишқинг ўтидин  
Бу қон маҳдул пайкон бирла мамзуж.

Юзига тушти зулф, айланг назора  
Ки, бўлди куфр иймон бирла мамзуж.

Манга ҳар майки, тутти соқийи давр,  
Бурун қилди ани қон бирла мамзуж.

Май васл истама кўп, эй кўнгулким,  
Эрур ул заҳри хижрон бирла мамзуж.

Навоий сури мотам бўлдиким, бор  
Суруди айши афғон бирла мамзуж.

## ЛУГАТ

Мамзуж – омужта, аралаш  
Оби ҳайвон – ҳаёт суви  
Жигаргун – жигарранг  
Сиршик – күз ёши  
Ашкы ғалтон – түкилүччи күз ёш  
Сарсар – союк шамол, изгириң  
Важын этмок – күркемок  
Махлул – захарли  
Пайкон – үк  
Сур – түй  
Сурурд – қүшик  
Ағғон – фитон, нола

## ҒАЗАЛ ВАЗНИ

Хазажи мусаддаси маҳзузф  
V —— V —— V —  
V —— V —— V —  
Мағоййлун мағоййлун файлун

## НАСРИЙ БАЁН

- Латлинг май – лабингдан чиқаётган шарбек масти қилувчи сүзларининг ё жон билан, ё тириклик суви билан омухта бўлган.
- Кўз ёшларим жигаррангдир, негаки бу кўзёшлигимга бағрим кони ҳам кўшилган.
- Кўз ёшим билан оҳларим оламни бузди. Булар тўфонга кўшилиб эсаётган изгириңга ўхшайди.
- Кўзларимнинг кўзёшлиари оқиб, бир-бирига кўшилди, эҳтиёт бўлгинки, Кулзум ва Уммон денгизларининг сувлари жам бўлди.

- Ишқинг ўтидан кўнгил қон бўлиб, эриб захарли ўқ билан кўшилиб кетди.

- Юзига зулфи тушди, куфр билан имон аралашганига каранглар.

- Даврон сокийси менга ҳар шарбеким берди, уни қонимга кўшиб чиқариб олди.

- Эй кўнгил, висол бодасини талаб қилма, зотан бу бодага хижрон захари кўшилган.

- Навоийнинг байрами мотамга айланди, унинг кўшикларига мотам ноласи омухта бўлди.

## ШАРХ ВА ИЗОХЛАР

“Жим” ҳарфи туркумидаги жами тўртга ғазалдан иккигитаси мураддаф – радибли газал. Олдинги ғазалдан фарқли тарзда бу ғазалда ўзбектилида фаол қўлланилмаган “мамзуж” сўзи “бирла” кўшимчаси билан биргаликда радиф вазифасини бажарган.

Амир Хусрав Дехлавий “Гуррат ул-камол” девонининг муқаддимасида тарькидлашича, сўзлар ҳам ўз табиатига кўра, тўрт унсурга монанд бўлади. Айрим сўзлар табиатида ҳаво унсури етакчилик қилса, баъзиларида олов, баъзисида тупрок, айримларида сув унсурининг моҳияти намоён бўлади. Шоир қайси мавзуда қалам тебратса, ўша мавзууга мос сўзларни танлаб олиши ва бунда сўзларнинг унсурий моҳиятини ҳам хисобга олиши керак.

Мазкур талаб таҳжил қилинаётган ғазалда тўлатукис намоён бўлган. Ғазалда қаламда олинганд май, оби ҳайвон, сиришк, ашқ, оҳ, тўфон, сарсар, Кулзум, Уммон, қон, маҳдул, сокий, заҳр каби тимсоллар унсур табиатига кўра сув унсури моҳиятига мостушади.

Радиф ғазалнинг мантиқий меҳвари бўлгани боис, мамзужнинг луғавий маъносига мутаносиб равишда байтларда икки ва ундан кўпроқ образ

ва тимсоллар кўлланилган. Жумладан, матлаъда майи лаълинг истиорасининг ўзидаёқ ёрнинг лаби лаъл каби қизил ва гўзал, май каби ақлдан оздирувчи сифатлари борлиги таъкидланса-да, жон билан ёхуд хаёт суви билан омухталигини айтиш оркали бу сифатлар янада бўрттирилади. Байтда “оби ҳайвон” талмиҳи оркали Хизр чашмаси, яъни мангуллик бағишловчи мухаббат манбаига ишора килинади:

*Майи лаълинг эрур жон бирла мамзуж,  
Йўқ эрса оби ҳайвон бирла мамзуж.*

Иккинчи байтда Хизр чашмасидан сув ичтанилиги сабабли кўз булоғидан ашк бағир кони билан кўшилиб, оқиши тасвиrlанган бўлса, учинчи байтда бу кўз ёшлар ошиқнинг оху фигонлари билан бирга оламга тўфон согланидан хабар беради. Манту ҳаёт бағишловчи оби ҳайвоннинг, яъни тириклик сувининг таъсиридан ошиқнинг кўз ёшидан оламда тўфон ҳосили қилиниши мухаббатнинг тадрижини кўрсатади:

*Жаҳонни бузди ашким оҳ иланким,  
Эрур сарсар бу тўфон бирла мамзуж.*

Бутун оламни бузган кўз ёшларнинг бир-бирига кўшилиши – Кулзум (Кизил) ва Уммон денигизларнинг кўшилиб кетиши каби даҳшатли оқибатлар келтирувчи ходисадир. Ўрта асрга хос жуғрофий тасаввурларга кўра, оламни етти дарё ё етти денигиз (Хинд, Уммон, Кулзум, Барбар, Уқёнус, Рум ва Қора) етти томондан ўраб олган. Мажмаъ ул-бахрайн – чурук ва шўр сувининг жам бўлган жойи эса Кулзум ва Уммон ўртасидадир. Бу икки денигизнинг ўртасида шундай бир жой борки, чурук ва шўр сувли денигизлар бир-бири билан кўшилмасдан туради. Бу ҳакда

“Каҳф” сурасининг 60-оятида ҳам хабар берилган. Тағсир китобларда берилишича, “мажмата ул-бахрайн” – икки денигиз – Кулзум ва Уммон кўшилмай жам бўлган жойда Мусо алайхиссалом ҳазрати Хизр билан учрашган. Бу денигизлар суви киёматга ча кўшилмайди. Қачонки, бу денигизлар суви кўшилиб кетса, киёмат соати бошланади.

Навоий ушбу далиллардан “адабий фатво” сини чиқариш йўлида маҳорат билан фойдаланиб, икки кўзидан оқаётган кўз ёшлари кўшилиб оқаётганини киёмат соати яқин қолганда Кулзум ва Уммон денигизлари сувининг араласиб кетишига ўжшатади. Кулзум ва Уммон сувининг бириники чурук, бириники шўр эканини ошиқнинг кўз ёшларига табиқ этсак, унинг ашклари ҳам бири чурук – умид ва баҳт кўзёшлари бўлса, иккинчиси шўр – хавф ва ҳасрат кўзёшлари эканига далолат қиласди. Кейинги байтда қон бўлган кўнгил ҳакида сўз юритилганини хисобга олсак, байтда “кўзларим” дейилгандан икки кўз эмас, балки икки хил кўз – зоҳир оламини кўрувчи бир жуфт кўз ҳамда басирагат кўзи, қалб кўзи назарга тутилганини англаш мумкин. Зоҳир кўзи дийдор умидида Кулзум денигизига айланган бўлса, қалб кўзидан оқаёттан кўз ёшлари Уммон денигизини хосил қиласган. Икки денигизнинг кўшилиши – кўз ва қалб кўзёшларининг кўшилиши ошиқнинг фано бўлгани хабарини беради:

*Кўшулди кўзларимнинг ашки, вахм эт  
Ки, Кулзум бўлди Уммон бирла мамзуж.*

Олтинчи байтда ташбиҳи музмар билан хусни таълил унсурлари мамзуж – қоришиқ шаклда кўлланилиб, гўзал поэтик тасвир ва чукур фалсафий ҳикмат бир-бирини тўлдирган. Ёрнинг юзи – иймон ну-



**“ЮЗИН ЗУЛФИЧРА ТО КҮРДУМ ЎЛУБ  
ВАСЛИФА ЕТМАСМЕН...”**

**«Гаройиб ус сиғар», 96-ғазал**

Күнгүллар ноласи зулфунг камандин ногаҳон  
ва бир маромда кечмайди. Ёрниг юзига соя солиб  
турган зулфи қанчалик күрк бағишлаган бўлса, ғам  
ва шодлик, роҳат ва ташвиш, ютуқ ва мағлубият,  
маърифат ва жаҳолатнинг омухта, қоришик бўли-  
ши имтиҳон майдони бўлган дунёдаги ҳаётга ҳам  
ранг ва мазмун, кўрк ва жило бағишлайди:

*Юзиға тушиби зулф, айланг назора  
Ки, бўлди куфр иймон бирла мамзуж.*

Кейинги уч байт май тимсоли билан боғлик. Наво-  
ий ижодида май кўп маъноларни ифода этадиган тим-  
соллардан хисобланади. Давр сокийси кўлидан ичил-  
ган май қон билан чиқиши – даврон шодлиги қисқа  
муддатли бўлиб, албатта қайғу ва ташвишларга айла-  
нишини англатса, васл майдон умид узиш – фоний  
ва бебако дунёда висолдан кўра айрилик, шодликдан  
кўра, қайғу, бахтили онлардан кўра мусибатли соат-  
лар кўпроқ эканлигини англатади. Дунёга келган ин-  
соннинг қисмати шундай – висол шарбатига ҳижрон  
захри коришилган, шодлик ва хурсандчилик қайғу ва  
ғам-тусса билан эгиз келишига кўниб, ғам ичра шод  
бўлиш ва шодлик ичра ҳасрат чекишга кўнишиб яшаш  
керак. Навоий ҳам бундан мустасно эмасди:

*Навоий суро мотам бўлдиким, бор  
Суруди айши ағғон бирла мамзуж.*

Күнгүл чокин кўзумда ашки рангин элга фош этти,  
Балиғ заҳмини фахмайларлар эл дарёда қон кўргач.

Кўзум қон ёш тўкар, нетиб кўнгупл заҳмин  
яшурайким,  
Топарлар ерда заҳмин сайд қонидин нишон кўргач.  
Бўёлган қон аро жон пардаси еткач ғами ҳажринг,  
Кўнгупл боғида баргедурки, ол ўлмиш, ҳазон кўргач.  
Хадангинг заҳми ичиндин балоларни юған ёшим,  
Эруртифлеки, олғай куш боласин ошён кўргач.

Кўнгүллар нақдини торож этарга ёпмоғинг бурқаъ  
Лингдекдурки, юз боғлар қарақчи корвон кўргач.  
Юзин зулф ичра то кўрдум ўлуб васлиға етмасмен,  
Ғалат эрмиш юз урмок, кеча ўтни ҳар қаён кўргач.

Эрур чун олам ичра жоҳ фоний, яхши от бокий,  
Бас эл комин раво айла ўзунгни комрон кўргач.



Навоий, хурдаи назмингни андоқ айладинг таҳрир, Ки сочкай хурда бошинг узра шохи хурдадон кўргач.

### ЛУҒАТ

Каманд – арқон

Йилон – илон

Ол – қизил

Хаданг – ўқ

Тифл – гўдак

Ошён – уз, ин

Бурқат – ётинчик, юзга тутган парда

Ком – ҳолсат, истак

Комрон – мақсадига эришган, бахтиёр

Хурда – ширинлик; дурру гавҳар; ҳикматли сўз

Хурдадон – нозиктабъ, ингичка фикрловчи

### ҒАЗАЛ ВАЗНИ

Ҳазажи мусаммани солим

V--- V--- V--- V---

V--- V--- V--- V---

Мағоййлун мағоййлун мағоййлун мағоййлун

### НАСРИЙ БАЁН

• Зулфинг ришталарини ногаҳон кўрган кўнгилларининг ноласи қушлар илонни кўргач қичқиришларига ўхшайди.

• Рангин ашким элга кўнглимдаги захмларни ошкор этди. Эл дарёда қон кўргач, балиқлар ярадор бўлганини тушунадилар.

• Кўзим қон ёш тўкар, кўнгил захмини қандай яширайким, ерда қонли нишонини кўргач, одамлар овланаётган жониворни топадилар.

• Ҳажкинг ғами ёткач, қонга бўялган жоним пар-диси хазон етганда қизил тусга кирган, кўнгил боғидаги бир япроқдир.

• Отган ўқинг заҳми ичидан балоларни ювған кўз биним күш уясини кўриб, ичидан полапонларини ол-ған ёш болага ўхшайди.

• Кўнгиллар хазинасини талон-торож этмоқ ниятида юзингни буркаъ – парда билан ёпишинг – қароқчи карвонни кўргач юзини боғлаб олишга менглайди.

• Зулфи орасида юзини кўрдим, ўлиб ҳам василига етмасман. Тунда, дуч келган томонда ўтни кўриб юзланмоқ ногўғри ишдир.

• Бу оламда жоҳ, амал ва мансаб ўткинчи, яхши от эса бокий экан, баҳту давлатга эришганингда эллининг ҳожатини ҳам раво айла.

• Эй Навоий, ширин назмингни маҳорат билан ёздингки, нозиктабъ сulton уни кўrsa, бошингдан дурру гавҳарлар сочади.

### ШАРҲ ВА ИЗОҲЛАР

Олдинги ғазаллар шарҳида ғазаллар шакл ва мазмунига қараб матбуъ ва маснуть турларига бўлинишини айтиб ўтгандик. “Чим” ҳарфи туркумини бошлиб берадиган ушбу ғазал ҳам матбуъ, ҳам маснуъ ғазаллар талабига тўлақонли жавоб беради. Газалда маънавий санъатлар ичida энг кўп кўлланиладиган поэтикофоданинг бири – тамсилсанъати етакчилик юзлади. Шоир ўз фикр ва хуласалари, ички кечинмаларини ҳаётий деталлар ва шоирона тасвиirlар асосида далиллаштириш жараёнида ташбиҳнинг турли унсуруларидан ҳам маҳорат билан фойдаланади. Жумладан, матгульда ёрнинг сайёд арқонига ўхшаган бурама зулфини кўрганда кўнгилларнинг нола

чекишини илон кўрган кушларнинг қичкиришига ўхшатилиши тасвирга олинаркан, тасвир жараёнида ташбихи музмар (пинхона ўхшатиш) ва ташбихи мусалсал билан тамсил санъати имкониятларини баравар қўллаб, поэтик мантиқ ёрдамида фикрини далиллайди:

Кўнгуллар ноласи зулфунга камандин ногаҳон кўргач,  
Эррур андоққи, кушлар қичкиришқайлар йилон кўргач.

Матлаъда табиатда учраб турадиган ходиса – илоннинг кушлар уясига хужум қилиши далиллаш асосини ташкиллаштирган бўлса, иккинчи байтда инсон иштироқидаги бошқа ходиса – балиқ ови жараёни тамсил қилинган. Ошикнинг кўзларидан қонли ёш дарёдек оқиши ҳамда ўқ ва бошқа ўткир нарсалар заҳмидан балиқларнинг қони сувнинг юзасига чиқиши мувозий – параллел тасвир қилиниб, табиий ва гўзал манзара яратган:

Кўнгул чокин кўзумда ашки рангин элга фош этти,  
Балиғ заҳмини фахум айларлар эл дарёда қон кўргач.

Кейинги байтларда ҳолат тасвiri тадрижийлик касб этиб, тамсил қилинадиган далиллар ҳам шунга мувофиқ бир-бирини тўлдириб боради. Учинчи байтда энди тўкилган қон ёшлари мажруҳ сайддан ерда нишон бўлиб қолган қон излари каби кўнгилдаги ишқни ошкор этиши ҳакида сўз юритилса, тўртинчи байтда кўнгил заҳмидан қонли бўлиб қолган жон пардаси ҳазон пайтидаги қизил япроққа ўхшатилади.

Ишқнинг ошкор бўлишидан изтироб чекилишига сабаб бор: тасаввuf ахлининг орасида машхур бўлган ҳадисга кўра (бъзи манбаларда, бу сўз Абу

Наср Сарроржга ҳам нисбат берилади), кимки ошиқ бўлса ва ишқини пинхон тутган ҳолда вафот этса, шахидлик мақомига эришади. Аммо “ким нимага мухаббат кўйса, ўша ҳакида кўп сўзлайди” (хадис) деганилариdek, ошикнинг мұхаббат ўқидан жароҳатланган кўнглининг нолалари ва дард зарбидан тўкилайётган кўз ёшлари уни шахидлик мақомидан мосуво қилиб, сиррини элга ошкор этган. Даилил сифатида келтирилган тамсил унсуслари ҳам мантиқий тарзда бир-бирини тўлдириб борган: байтда илонни қўриб, қичкирган кушлар; юзасига балиқ қони қалқиган дарё; элдан қочиб, замин узра қонли излари қолган мажруҳ сайд; кузак фасли бошида қизил тусга кирган ҳазон барги; куш уясидан полапонларини олмокчи бўлган ёш бола, – буларнинг барчаси кўнгилнинг ишқ кўйидаги ҳол ва мақомлари билан уйғун ҳолда келтирилган.

Кўнгил мулкини торож айлашга ҷоғланган маҳбуба юзини парда билан ёпиши – қароқчининг карвонни курганда юзини қора рўмол билан боғлаб олишига ўхшайди:

Кўнгуллар нақдини торогж этарга ётмоғинг бурқа  
Линингдекурки, юз боғлар қаракчи корвон кўргач.

Бу ўхшатиш – маҳбубанинг юзини куролмаслик на буддан иштиёқнинг ортиши Ҳофиз Шерозийнинг кўйидаги байтини эсга солади:

Маъшуқ аён меғузарад бар ту, валекин  
Агёр ҳамебинад, аз он баста никоб аст.

(Мазмуни: Маъшуқ сенга юзини очиб ўтади, аммо бегоналарнинг кўзи тушмасин деб никобга бурканниб олган).

Хофиз Шерозийда Аллоҳ таолонинг жамолини бу дунёда кўрмаслик сабаби шоирона бир ўхшатиш орқали тушунтирилган бўлса, Навоий байтида умр карвони йўловчилари учун ишқ сирри ва тавҳид асрори очилмай қолиши ва айни пайтда, мана шу сирлилик тавҳид маърифатига иштиёқнинг ортишига сабаб бўлишини ифода этиш учун қароқчи ва карвон тимсоллари тазодидан фойдалантан.

Еттинги байт олдинги байтнинг мантикий давоми бўлиб, юздаги имон нури ва зулфдаги куфр зулмати тазоди тамсил унсурлари билан биргаликда янги мушҳоҳада ва хуносага ундаиди. Тасвирга кўра, юзни ёпиб турган зулф ортидан ёрнинг жамоли қоронғу кечада ҳар томондан тириклик ва жётдан нишона берувчи гулханлар каби ошиқнинг хаёлини шундай ўғирлаганки, кимсасиз биёбонда адашиб, бирданига турли томонларда олов шульсини кўргач, каёқка боришини билмай ҳайрат аростатида қолган йўловчига ўхшаб қолган.


Мазкур ташбих Мусо алайхиссаломнинг киссанини ҳам ёдга солади: қоронғу кечада Айман водий-сида адашиб қолган Мусо бирданига олов нишона-сими кўради. Саноқсиз гулханлар нишони чидан У Аллоҳ таоло ҳидояти билан мўлжални аниқ олиб, Тур водийсидаги Сино тоғига чиқиб, ёниб турган дарахт ёнида Аллоҳ таоло билан сўзлашади. Инсон аслий максадга эришиш учун ҳар томонга оғишшадашмасдан муродига етади, дейди Навоий:

*Юзин зулф ичра то кўрдум ўлуб васлиға етмасмен,  
Галат эрмии юз урмоқ, кечак ўтни ҳар қаён кўргач.*

Ҳидоят топган киши бу оламнинг мансаб-мартибаси, шон-шавкати, бойлик ва шуҳрати ўткинчи

жаннини билади. Инсоннинг умрини ҳакли равиша киприк устидаги томчи ёшга ўхшатган донишмандлар ҳамиша яхши ном қолдириш, элга бетальма ва беминнат хизмат қилишини тарькидлаганлар. Оламда хотами Тойдан бойроқ, Анушервон Одилдан кудратлироқ, Пажлавон Махмуддан кучлироқ зотлар кўп ўтган. Аммо саҳоват, адолат ва жасорат боби-да номи келтирилган зотлар барчага ўрнак бўлиб, ўткинчи ҳю жавасларни эл манфаатлари йўлида курбон қилганликлари боис уларнинг номи бутунги кунгача тилларда достон бўлиб келмоқда. Буюк Навоий ҳам бу шиорга амал қилгани сабаб беш асрдан бўён донишманд вазир, беназир мутафаккир ва тенги йўқ шоир сифатида эллининг ардоғида, номи мангулукка даҳлдор бўлиб келаётир:

*Энур чун олам ичра жсоҳ фоний, яхши от боқий,  
Бас эл комин раво айла ўзунни комрон кўргач.*





**“БАС ЭХСОН ҚИЛ САНГА ГАРДУНДИН АДНО  
ЭТЬИБОР ЎЛГАЧ...”**

**«Faroib us surap», 97-ғазал**

Жамолин васф этармен ҳамдамим ул гулъузор ўлғач,  
Курук шох уйлаким зохир қилур гуллар, баҳор ўлғач.

Қошин күргач хасаддин истарам эл кўзи боғланғай,  
Нечукким кўз тутарлар эл янги ой ошкор ўлғач.

Жунун эрмас кийиклар сұхбати дермен манга шояд,  
Бир ўқ теккай ғалат, ул қоши ё гарми шикор ўлғач.

Хавас ишқ айлаган озода, кечкил бу хаёлингдин  
Ки, чиқмас бу тикан кўнглунгда ногах устувор ўлғач.

Дейолмас дард ила иттим, вале билгилки,  
Чекмишмен,  
Бир оҳе барча олам фусса дуди бирла тор ўлғач.

Килиб манъи жунунум ул парий кўйига юзланган  
Сўзи ҳашв эрканин фахм айлагай, беихтиёр ўлғач.

Қани Ҳотам, қани Қорун, қани Жамшиду Афридуң?  
Бас эхсон қил сангагардундин адно эътибор ўлғач.

Гуруру жаҳл жоми бирла маст ўлмаки, ўлмакдур,  
Маозаллаҳ, бу майға ҷарх давридин хумор ўлғач.

Навоий шамъдек йиғлаб, куюб ҳолимни шарҳ айлай,  
Ул ой базмизда бир тун рост ошиқларға бор ўлғач.

**ЛУГАТ**

Гулъузор – гул юзли

Қоши ё – қайрилмакош, қошикамон

Гарми шикор – овга берилиб кетмоқ

Озода – эркин, хур инсон

Итмоқ – ўйқ бўлиб кетмоқ

Тор – қоронгу, зимистон

Ҳашиб – ортиқча

Қорун – хасислиги учун бойликлари билан ер қабрига кириб кетган инсон

Жамшид – шавкатли подиоҳ номи

Афридуң – адолатли подиоҳ, Фариодун

Эҳсон – яхшилик

Гардуң – фалак, осмон; мажж.: Ҳудо

Адно – энг яқин

Жаҳл – нодонлик

Маозаллаҳ – Аллоҳ сакласин

**ҒАЗАЛ ВАЗНИ**

Ҳазажи мусаммани солим

V --- V --- V --- V ---

V --- V --- V --- V ---

Мафойилун мафойилун мафойилун мафойилун

**НАСРИЙ БАЁН**

- Бахор келганда куруқ шоҳлар гуллагани каби, гул юзли нигорим мен билан ҳамдам бўлғач, факат жамолини васф этарман.

- Қошини кўргач, ҳасаддан одамларнинг кўзи тушмаслигини истайман. Негаки янги ой чиккач ҳамма унга қарайди.

- Кийиклар сұхбатини истаганим жүнундан эмас. Шоядки ул қоши камоним оға бериліп кетгач ада-шиб мен томон ҳам бир ўқ отса, деган умиддаман.
- Эрки ўз күлида бүлгандың инсон, ишкни ҳавас ай-лабсан, бу хәлингдан кечгіл. Бутikan мабодо күнг-лингда жойлашса, қайтиб ҳеч қачон чиқмайди.
- Даңд билан йўқ бўлиб кетдим дейолмасман, аммо бутун олам бир гусса охи билан зулматга чўм-са, билки, бу охни мен чекканиман.

- Менга жүнунни манъ этган киши ул парий кў-йига юзланиб, ихтиёр кўлидан кетса, гапирган гап-лари ортиқча эканлигини билади.
- Хотам қани, Корун қани, Фариудун ва Жамшид қаёнга кетди? Такдир илтифоти билан мўттабар киши бўлдингми, кўлингдан келганча яхшилик килгил.
- Жаҳолат ва мағрурлик шароби билан маст бўл-ма. Бу май билан маст бўлсанг, Худо кўрсатмасину замона ўзгарса, ҳалок бўласан.
- Эй Навоий, агар ҳақиқий ошиқлар улой базмига қабул этилса, шамъдек йиғлаб, куйиб, ҳолимни унга шарҳ этарман.

## ШАРҲ ВА ИЗОХЛАР

Газалдаги тасвиirlардан баҳорий нафас уфуриб турибди. Қаҳратон қишдан чиққан дараҳтлар кўкламнинг файзбахш насими эсгандан ям-яшил япроқлар билан бурқаниб, гулафшон бўлгани каби, айрилиқ зимистонида куруқшаб қолган ишқ ва илҳом дараҳти хизршева нигорнинг баҳорий ташрифи туфайли гўзаллик ва жамол васфини куйлашга тушмиш. Дараҳтнинг мева туғиши учун куртак ёзиб, ғунча очиши қанчалик зарур бўлса, ошиқнинг

сўзи ва амалидаги файзу баракат учун ёр жамомилининг васфи шунчалик аҳамиятли:

*Жамолин васф этармен ҳамдамим ул ғулбузор ўлғач,  
Куруқ шоҳ уйлаким зоҳир қилур гуллар, баҳор ўлғач.*

Иккинчи байтда ҳалқимиз орасида ҳозир ҳам мавжуд удумга ишора қилинади. Одамлар янги ойни кўргач, бир-бирларига кўрсатиб, эсонлик ва омонликтайлайдилар, бир-бирларини табриклиядилар. Ҳайитларнинг белгиланиши ҳам янги ойнинг кўриниши билан боғлик. Ёрниг қайрилма қошини кўрган эл унга янги ойдек тикилишини ҳоҳламаган ошиқнинг рашк ва ғаорорлиги жўш уриб, истагини куийдагича баён этган:

*Кошин кўргач ҳасаддин истарам эл кўзи боғланғай,  
Нечукким кўз тумтарлар эл янги ой ошкор ўлғач.*

Ишқ изтиробидан одамлар орасига сифмаган Қайслар тоғу тошга юзланиб, кийиклар билан дўсту улфат бўлгани бois Мажнун (девона) лақабини ортирганлар. Газал қаҳрамони бўлган ошиқ ҳам Кайс каби кийиклар билан дўст тутинишдан максади мажнунликда ном чиқариш эмас, балки овга чиқкан ёрниг хато кетган ўқи туфайли унга жонини топширмоқ эканини баён этиб, бу "узр"и билан жунун водийсининг содик фуқароси эканини фош килиб кўяди. Ишқ жунунига гирифтор ошиқ бошқалардан фарқли равиша шунчалик беозор ва ҳалим бўладики, хотто кийиклар улардан кочмайди. Бошқалар кўзидаги нотавонлик ва ожизлик аслида кишини бошқалар эплолмайдиган ишларга қодир этиб кўяди. Бу учун ишқ йўлидаги хорлик ва забунликка

таслим бошини күймөк лозимдир. Ишк шунчаки хавас эмас, балки умрнинг охиригача ҳамроҳлик қиладиган дард, ботин оламининг зийнати, ихтиёrsиз келиб, ихтиёригни кўлингдан оладиган руҳий кувват эканини ўз нафсига кул кимсалар шунчаки орзу килиб ўтажаклар. Бу дардга мубтало ошиқ агар бир ох чекса, бутун олам зулмат ичра қолиши мумкин. Ишкай хайдоний миёс касб этган ошиқнинг оху нолалари кимларгайдир хуш келмай, насиҳат бозорини қизитиши табиий. Одамлар бошқача яшайдиганларни, ҳайтга ўзгача кўз билан қараганларни қабул килишлари қийин. Ишк “эл қатори яшаш” имтиёзидан маҳрум этган қишиларга панд-насиҳат кор қиласлигини факат бу туифу билан ошно бўлган кимсалар англайдилар:

*Килиб манъи жунунум ул парий кўйига юзланган  
Сўзи ҳашв эрканин фахум айлагай, беихтиёр ўлғач.*

Еттинчи байтда муҳаббат мавзуси мәърифат талкинига алмашади. Шоир тўртта тарихий шахснинг тақдирига талмих қилиб, умрнинг ўтқинчилиги, Ҳотам ва Коруннинг мол-давлатидан ҳам, Жамшид ва Фаридун мамлакатидан ҳам нишон колмагани, факат бу мол-дунёдан ким қандай фойдаланганлигига қараб, кимдир ибрат учун, кимдир сабок олиш учун тарихда қолгани, ҳар бир инсон бундан тўғри хулоса чиқариб, ё Ҳотам ва Фаридун каби саҳоват ва адолат билан, ё Жамшид ва Корундек зинқалик ва гумроҳлик билан келажак авлод ёдида қолиши мумкинлигини англаған ҳолда тўғри яшашга ҳаракат қилиш кераклигини уқтиради. Айникса, мол-давлат ва ўтқинчи мувафакият билан

“уурланиб, оёни ердан узилгандар ҳалокатга учраши мұқаррарлиги, фалак тегирмони бир маромда айланмаслигини ҳисобга олмаган кишининг бoshiga кўп мусибатлар тушиши мумкинлиги “ғуруру жаҳл жоми”дан сархуш бўлишини истаган қишиларга бир эслатмадир:

*Қани Хотам, қани Корун, қани Жамшиду Афридун?  
Бас эҳсон қилсанга гардундин адно эътибор ўлғач.*

Ғуруру жаҳл жоми бирла маст ўлмаки, ўлмакдур, Маозаллаҳ, бу майға ҷарҳ давридин хумор ўлғач.

Алишер Навоий ўз айтганларига амал қилувчи зотлардан бўлган. “Макорим ул-ахлоқ”да келтирилишича, қачонки сultonдан бирор марҳамат ёки ҳалқ томонидан бирор эътибор ва эҳтиром кўрса, кимсасиз бир бурчакка бориб, бошидан тупрок сочгудек бўлиб, Ҳактаолога тазарру қилиб, кўнглидан гурур ва манманлик зангини кетказишни сўрар экан. Синик қалб ва хоккор руҳ ҳосиласи бўлган ана шундай ўйтитлар ҳамон таъсирчан ва тақдирларни ўзгартирувчи бўлиқ қолмокда.





**“ҮЛТУРУР МАХРАМНИ СУЛТОН ГАНЖ  
ПИНХОН АЙЛАГАЧ”**

**«Гаройиб ус сүгар», 98-ғазал**

Хусни ортар юзда зулфин анбарафшон айлагач,  
Шамъ равшанрок бўлур торин паришон айлагач.  
Юзни гуллардин безабму бизни курбон айладинг,  
Ё юзунгга тегди қонлар бизни курбон айлагач?

Тийф ила пайконларинг етти кўнгул бўлғоч хароб,  
Сув куюб тухм эктинг, ул кишварни вайрон айлагач.

Кон эмаским ёпти гулгун хулла жаннат хозини,  
Ишқ мактупли шаҳид айларда урён айлагач.

Ошкор айлаб юзин кўзумни ҳайрон айлади,  
Ёшпурун оди кўнгул кўзумни ҳайрон айлагач.

Жонга кўйғач нақди ишқинг қилди кўнглумни  
жалок, ўлтурур маҳрамни султон ганж пинхон айлагач.

Эй Навоий, ишқ агар кўнглунгни мажруҳ этмади,  
Бас недурким, кон келур оғзингдин ағфон айлагач?

**ЛУФАТ**

Анбарафшон – ифор таратувчи  
Пайкон – ўқ

Гулгун – қизил ранг  
Хулла – ҳарир кўйлак  
Хозин – хазинабон

Мактупл – қатла этилган  
Нақд – гавҳар, олтин  
Махрам – энг ишончли киши; содик хизматкор

Ганж – хазина  
Ағфон – фифон, нола

**ҒАЗАЛ ВАЗНИ**

Рамали мусаммани маҳзуф  
-V-- -V-- -V--  
-V-- -V-- -V--  
Фоилотун фоилотун фоилотун

**НАСРИЙ БАЁН**

- Юзига анбардек ифорли зулфини ёйганда хусни янада ортади. Зотан, шам пилиги кўтарилигач, яна равшанроқ нур тарагади.

- Сен юзингни алвон гуллардан безаб бизни курбон этдингми, ёки бизни курбон қилганингдан кеънин юзингта қонимиз сарадими?

- Кўнгил хароб бўлгач, тиф билан ўқларинг етиб, гўё бу мамлакатни вайрон қилгандан сўнг сув кўйиб, экин эккандай бўлдинг.

- Бу кон эмас, балки жаннат хазинабони ишқ йўлида шаҳид кетганини кафанд үрнинга қизил рангдаги ҳарир кўйлак билан ўради.

- Гулдай юзини кўрсатиб, кўзимни ҳайрон этди. Кўзимни ҳайратда қолдириб, кўнглимни пинҳона ўғирлади.
- Жонимга ишқ гавҳарини кўйиб, кўнглимни ҳалок этдинг. Султон ҳазинасини пинҳон айлагач, маҳрамини ҳалок этади.
- Эй Навоий, агар ишқ кўнглингни мажрух этмаган бўлса, нега фигон тортанингда оғзингдан қон келади?

### ШАРХ ВА ИЗОҲЛАР

Мазкур ғазал асосида ҳалқимиз севиб тинглайдиган машҳур кўшик яратилган. Бутарона ХолхўжаТўхтасинов басталаган куй асосида Саодат Қобулова, Муножот Йўлчиева каби хонандаларимиз томонидан ажойиб тарзда ижро этилган. Ғазал соддалиги, осон тушуниши, Ҳазрат Навоийнинг ўз таъбири билан айтганда, туркона руҳи билан мафтун қиласди. Дийдор лаззатидан ҳосил бўлган сатрлар руҳиятга ажаб фараҳ ва хушнудлик бағишлаб, тасвирлар гўзаллик ва яхшилик мушоҳадасидан завқу шавқ баҳш этади.

Шамнинг пилиги кўтарилиб, ёйилганда яхшироқ нур таратгани каби, ёр ойдай юзи узра зулфини паришон айлаганда хусни янада ортади, дейилган матлаъда. Байта гўзал шоирона ташбих орқали чукур фалсафий-ирфоний ҳикмат ҳам мужассам. Зулф – дунёга, юз – илоҳий нур мазҳарига ўхшатиши ҳакида айтиб ўтгандик. Тасаввufий шеърият аҳли орасида куйидаги мазмундаги қудсий ҳадис ҳам жуда машҳур бўлган.

Аллоҳ буюради: Мен маҳфий бир ҳазина эдим, сўнгра ўзимни ошкор этиб танилишини истадим ва оламларни яратдим. Демак, юзда зулфи паришон

килиш – Аллоҳ ўз жамолини намоён этиш максади-да бу оламни яраттани ҳакидаиги ушбу ҳадис мазмунига ҳам ишора бўлиши мумкин. Бу дунёдаги барча гўзалликларнинг асл сарчашмаси – Мутлак Жамол па Мутлак Жалол соҳибининг ўзи ҳам гўзалликни муш кўради. Ҳадиси шарифдаги “Аллоҳ гўзалдири ва гўзалликни яхши кўради” ҳукмига биноан, мумтоз шеъриятмизнинг қасру равоқлари ҳам гўзалик ҳакидаиги гўзал сўзлардан бино бўлган:

*Хусни орттар юзда зулфин анбарафшон айлагач,  
Шамъ развешанроқ бўлур торин паришон айлагач.*

“Насойим ул-муҳаббат” да келтирилишича, Фатҳ бин Али Мавсилий деган бир авлиё курбон ҳайитидла кўрдиким, халойик курбонлик қиласди. Деди: –Илоҳий, билурсенки, Сенинг учун курбон килалиган бирор нарсам ўққидир. Жонимни сенга курбон қиласдин, – деб, бармоғини бўғзига тортиди ва йикилди. Бошига келсалар, жон берганди ва бўғзида яшил хат кўринарди.

Иккинчи байтда курбон сўзини икки марта келтириш орқали курбон ҳайитидаги ҳолатга ишора қилинган. Ҳайит куни минглаб жонликлар курбон келтирилади. Қассоб юзига саҳраган қонларга парво қилмасдан, навбатдаги жонликини сўйишга ҷоғлангани каби, қизил юзли нигор ҳам ошиқларини навбатма-навбат курбон айлашга тайёр. Ёрнинг дийдори ҳам курбон ҳайитидек катта байрам. Фарқи шундаки, ошиқлар бунда жонлиқ эмас, ўз жонни курбонлика келтиришади:

*Юзни гуллардин безабму бизни курбон айладинг,  
Ёзузнегга тегди қонлар бизни курбон айлагач?*

Учинчи байтда итоатсиз за исёнкор ўлкаларда фотихдар томонидан кўлланиладиган жазо – бузилган ўлкага сув кўйиб, ғалла экиш удуми тамсил сифатида келтирилади. Бу жазо энг бўйсунмас саркаш улусларга кўлланилганини хисобга олсақ, ёрнинг ошиқ бошига соглан бало аслида айни мубтало бўлган ошуфта кўнглини вайронага айлантириб, ўрнига меҳр-шафқат ва муҳаббат уруфини эккани ойдинлашади:

*Тийф или пайконларинг етти кўнгел бўлғоч хароб,  
Сув куюб тухм эктинг, ул кишварни вайрон айлагач.*

Ислом тальимотига кўра, шаҳидлар ювилмасдан, кафанданмасдан, ўз кийимлари билан дағн этилади. Ҳадислардан берилган башоратларга кўра, уларга жаннат фаришталари кизил рангдаги ҳарир кўйилак кийдириб кўшишиади. Ишқ ўйлида ҳалок бўлган, яъниким муҳаббат туфайли гўёки бутунлай янги одам бўлиб қайта туғилган кишининг кўнгли ҳам жаннат ичра сайд қилиб юрган шаҳидларнинг ҳаловатини тудиади:

*Кон эмаским ёпти гулгун ҳулла жсаннат хозяини,  
Ишқ мактуллин шаҳид айларда урён айлагач.*

Бешинчи байтда ошкор ва ёшурун сўзларининг тазодидан фойдаланган ҳолда муҳаббат бутун вубанинни қамраб олгани, зоҳир ҳам, ботин ҳам маҳбутининг мулкига айлантирган мухаббат ўтили нолалар, қонли кўз ёшларга сабаб бўлади. Ҳатто, Навоий келтирганидек, фифон чекканда оғиздан қон келиш ҳам шунчаки муболагали тасвир эмас, балки айни ҳақиқат бўлиб қолаверади. Буни ишқ дардидан боҳабар одамлар жуда яхши билишади. Шу сабабдан бўлса керак, мазкур ғазал билан айтиладиган кўшиқузоқ юнилардан бери ошиқлар кўнглига малҳам, севишганлар учун ёру ҳамдам бўлиб келмоқда:

*Эй Навоий, ишқ агар кўнглунгни мажруҳ этмади,  
Бас недурким, қон келур оғзингдин ағғон айлагач!?*

Гап бойликка нисбатан кўлланилади. Бу бойликдан кундалик эҳтиёж учун эмас, балки энг зарур пайтда фойдаланилади. Шунингдек, мазкур хазинанинг жойини факт бир киши – сultonнинг ўзи билган. Ҳазинани яширишга кўмаклашган сирдош маҳрам ҳам ўлдирилган.

Ишқ гавҳари ошиқ жонида яширингандан кейин кўнгилнинг ҳалок этилиши ана шу удумга ишора килинади. Мальум бўладики, муҳаббат гавҳари, яъни имон ва эътиқоднинг макони жонда экан, буни сultonнинг ўзи, яъни бу гавҳарнинг асл эгаси – Аллоҳ таоло бизга инъом этган экан:

*Жонга кўйғач нақди ишқинг қилди кўнглумни ҳалок,  
Үлтуурур маҳрамни султон занжэ пинҳон айлагач.*

Бу ганжни пинҳон тутиш, ёмон кўздан асраш ҳамиша ҳамманинг кўлидан ҳам келавермайди. Ишқ шундай дардки, пинҳон тутганинг сари ошкор этувчи нишоналари кўпаяверади. Айникса, кўнгилни ўз мулкига айлантирган мухаббат ўтили нолалар, қонли кўз ёшларга сабаб бўлади. Ҳатто, Навоий келтирганидек, фифон чекканда оғиздан қон келиш ҳам шунчаки муболагали тасвир эмас, балки айни ҳақиқат бўлиб қолаверади. Буни ишқ дардидан боҳабар одамлар жуда яхши билишади. Шу сабабдан бўлса керак, мазкур ғазал билан айтиладиган кўшиқузоқ юнилардан бери ошиқлар кўнглига малҳам, севишганлар учун ёру ҳамдам бўлиб келмоқда:



# Сүрәткүн

**“АГАР ДЕСАНГ, БЕРАЙ УЛ КҮЗГУГА ЖИЛО,  
ҚАДАХ ИЧ...”**

## «Гаройиб ус сугар», 99-ғазал

Етишса ишкә аро юз мөхнату бало, қадаҳ ич,  
Нафас-нафас күубон май түлө-түлө, қадаҳ ич.

Мукаддар ўлса замиринг замона мөхнатидин,  
Агар десанг, берай ул күзгуга жило, қадаҳ ич.

Нишот базмидә сокий мохваш сархуш  
Бош урса дөғи аёф тутса, күл сола қадаҳ ич.

Жаҳон ишида бокиб халқ ибтилолариға,  
Алардек истамасанг ўзни мұбтало, қадаҳ ич.

Десанг халоу малода бүлай нишот била,  
Агар мало, қадаҳ ичкіл, вагар хало, қадаҳ ич.

Риёчинда неким хосил эттинг, эй зохид,  
Десанг халос ўлай, эт рахну хосило, қадаҳ ич.

Санғаки дайр элининг шохисен, Навоий, агар  
Йулуқса дайрда махмур, уруб сало, қадаҳ ич.

## ЛУФАТ

Мөхнат – азоб, машаққат  
Мукаддар – күдуратли, ғубор қоплаган  
Замир – ботин, күнгил  
Нишот – шодлик

Мохваш – ой қаби, ғұзал  
Дөғи – яна, ҳамда  
Аёғ – жком, қадаҳ

Ибтило – бало, азиат  
Халоу мало – бүшаган ба түлгап; ҳамиша

Раҳн – гаров  
Хосило – қисқаси, алқасса  
Махмур – маст, хумор

Салоурмок – қақирмок, жасар солмок

## ҒАЗАЛ ВАЗНИ

Мужтасси мусаммани махбуни маҳзұф  
V-V- VV-- V-V- VV-  
V-V- VV-- V-V- VV-  
Мағолиун файлутун мағолиутун файлун

## НАСРИЙ БАЁН

- Ишкә аро юз бало ва мөхнат-машаққат етишиңа, шароб ич. Хар нафасда қадаҳни түлдириб-түлдириб шароб ич.
- Агар күнглингта замона машаққатларидан ғубор қүнса, бу күзтуга жило бермокчи бўлсанг, шароб ич.

- Ойдай чехрали сокий шодлик базмидә сархуш бўлиб келса ва сенга бошини этиб, жом тутса, кўл со- либон шароб ич.

- Халқыннан дүнё ташвишларига гирифтор бўлганларини кўриб турибсан. Агар улар каби мубтало бўлмокчи бўлмасанг, шароб ич.
- Ҳамиша шоду хурсанд бўйай дессанг, ғамга тўлган пайтингда ҳам, ғамдан кутулган пайтингда ҳам шароб ич.
- Эй зоҳид, риёкорликдан нима ҳосил этган бўлсанг, бирварақай кутулмоқчи бўлсанг, алҳосил, шароб ич.
- Сен – дайр элининг шоҳисан, агар Навоий дайрда май хумори тутган ҳолда учраб қолса, уни ҳам чақириб, бирга шароб ич.

## ШАРХ ВА ИЗОҲЛАР

Мумтоз адабиётшунослигимизда мажознинг ўн бешдан ортиқ унсурларини ажратишган. Ана шундай мажозий ифоданинг унсурларидан бири “зикри зарф – иродай мазруф” деб номланган. Унга кўра, ифодада “жом” ё “қадаҳ” кўлланилганни билан сўзловчининг асл мақсади қадаҳ эмас, балки қадаҳдаги шаробдир. Бинобарин, “қадаҳ ич” радифли ғазалда шоир шароб ичишига тарғиб қиласди.

Биламизки, Навоий шеъриятида май ё шароб иккала маъносида ҳам кўлланилган. Шароб маст қилувчи спиртли ичимлик маъносида келган пайтларда (бундай ҳолатларда кўпинча чоғир сўзи кўлланилади) шоир энг қалтис ўхшатмалар, энг кескин иборалар билан шаробхўрликни танқид қиласди, майпарастлика нафратини очик-ошкор баён этади. Бундай фикрлар, айниқса, қитъаларда ва “Ҳамса” достонларида кўп учрайди.

Лирик асарларда эса, девоннинг биринчи ғазалида баён этилганидек “ўзга жому май”дан сўз юритилади. “Қадаҳ ич” ғазали ана шу майнинг хосиятлари ҳакида битилган қадаҳ – бу ҳар бир нафас учун қилиниши лозим бўлган шукроналик шароби экан.

Матлаъда бу қадаҳдаги шароб ишқ йўлида юзла-надиган юз машакқат ва балоларга даво ва дармон фас билан тўло-тўло иборалари тақрир санъатининг талабларини вуҷудга келтириш баробарида яна бир мухим ирфоний масалани ҳам ифода этади. “Ҳайрат ул-аброр”да нафас ҳақида кўйидаги сатрлар мавжуд:

*Борчани қўйдук муни-ўқ айтму бас,  
Ким бу нафаским, сангадур ҳамнафас,*

*Кирмаги бир неъмат эрур муғтанаам,  
Ўйлаки кирмакаиги чиқмоги ҳам.*

*Бири эрур кути ҳаётинг сенинг,  
Яна бири қуввати зотинг сенинг.*

*Бу икки неъматки намудордур,  
Ҳар бирга шукр ери бордур.*

*Мумкин эмас жон агар этсанг фидо,  
Икки нафас шукрини қилмоқ адo.*

Ўқувчига тушушарли бўлиши учун байтларнинг насрый байёнини ҳам келтиришни лозим деб топдик: Барчани, кўй, шу сенинг ҳаётингга сабаб бўлувчи нафаснинг баданингта киришининг ўзи ғанимат. Олинган нафас ўз вактида чиққани ҳам яна бир ғанимат. Олган нафасинг – тириклигинг учун гизо бўлса, чиқарган нафасинг зотинг кувватига сабабдир. Бу икки неъматнинг ҳар бирига шукр қилмоқ лозим. Агар жонингни фидо этсанг ҳам ушбу икки неъмат – олинган ва чиқарган нафасларининг ҳақини адо этолмайсан.

Маълум бўладики, ишқ аро етишган балолар учун ичилган қадаҳ – бу ҳар бир нафас учун қилиниши лозим бўлган шукроналик шароби экан.

*Етишиса ишк аро юз меҳнату бало, қадаҳ ич,  
Нафас-нафас қулоңон май, түйлө-түйлө қадаҳ ич.*

Шоир васф этган қадаҳдаги шаробнинг сирли ва шифобахш хосиятлари шу қадар мүлки, у замона зайли билан қалбга инган гарду ғуборларни тозалаш, кўнгил кўзгусини сайкаллаб, пок тутиш учун ҳам энг зарур ва керакли воситадир. Бу шаробни ичган одам дунёнинг ташвишларидан буткул фориғ бўлиб, ништ-шодлик базмидан косагул – сокийнинг илтифотига сазовор бўлади. Дунё ишига шўнғиб кетган одамлар майда орзулар кетидан энг азиз нарса – умрни сарфлаб, ҳасрат ва надоматдан ўзга ҳеч нарсага эга бўлмайдилар. Матьрифат шаробидан ичмагани бois кўпчиликнинг умри бехуда утади. Басират, яъни қалб кўзини очиб, нарсалар ҳақиқатини кўра оладиган, мохиятга этиш малакасини шакллантирувчи бу шароб майнавий сўкирлик балосига мубтало булишдан асрайди:

*Жаҳон ишида бокиб ҳалқ ибтидолариңа,  
Алардек истамасанг ўзни мубтало, қадаҳ ич.*

Бешинчи байтда ҳалоу мало ибораси орқали нақш-бандийликнинг “хилват дар анжуман” ғояси талқин этилган. Навоий ихлос билан куйлаган бу тарикат-нинг ақидасига кўра, инсон ҳамиша бир хил ҳолатда бўлиши, ёлғиз қолганда ҳам, одамлар ичидан бўлганда ҳам кўнгли Ҳак зикрида бардавом бўлиши керак. Ўшанча унинг олган нафаслари ғафлат пардаларини очиб, огоҳлик ва мърифатнинг нурли мақомларига ёвук боради:

*Десанғ ҳалоу-малода бўлай нишот била,  
Агар мало, қадаҳ ичким, вагар ҳало, қадаҳ ич.*

Риёкорлик билан амалга оширилган иш дунёда ҳам, охирагда ҳам обрў келтирмайди. Бекорга риёни қичик ширк деб атамаганлар. Икки дунё саодатига эришишнинг асосий ва энг қийин шартларидан бири риёдан кутулмоқдир. Риёкорлик – зуҳд ва такво йўлидаги энг катта майнавий оғатлардан. Муҳаббат ва мърифатиз чекилган риёзат киши кўнглида Ҳак ризосини топиш ўрнига одамларнинг оддига эътибор ва шуҳрат топишдек иллинжаларни кувватлантиради. Бунинг ягона чораси – кўнгилни ихлос ва итоат, муҳаббат ва мърифат маконига айлантирувчи, холис эътиқод ва майнавий нажотга сабаб бўлувчи муҳаббат дардига ошно бўлмоқ керакдир. Бу муҳаббат мърифатиз ҳосил бўлмайди. Имом Газзолий айттанидек, киши мърифат боис ўзлаштирган нарсагагина муҳаббат кўя олади. Билмаган нарсаси уни доимо хавотир ва кўркувга солади. Шунинг учун, зоҳидлик ва такво ўйлига қадам кўйган киши ҳам бу шаробдан баҳраманд бўлиши шарт:

*Риё ичинда неким ҳосил эттинг, эй зоҳид,  
Десанғ ҳалос ўлай, эт раҳну ҳосило, қадаҳ ич.*

Ана шундай майнавий иршод ва раҳнамоликлар оҳангидаги байтлардан кейин Навоий мърифат дайрида бир махмур – май хумори туттган бечора эканини тарькидлаб, дайр элининг шоҳи – пири комилдан бу шаробдан уни ҳам баҳраманд килишини сўраб газалга якун ясади:

*Сангаки дайр элининг шоҳисен, Навоий агар  
Їўлукса дайрда маҳмур, уруб сало, қадаҳ ич.*

# ТӨНГРИ

## ЛУГАТ

“ТЕНГРИ ҚИЛМИШ МЕНИ САНГО МУХТОЖ..”

### «Faroib us sifar», 100-тазал

Факр аҳлига подшо мухтож,  
ўйлаким шохға гадо мухтож.

Ёрга билгач эхтиёжимни,  
Бўлмадим кимсага яно мухтож.

Иштиёқим кўп, эхтиёжим хам,  
Анга муштоқмен ва ё мухтож.

Йўқ гадолиғда ихтиёримким,  
Тенгри қилмиш мени санго мухтож.

Кўйига кирганимда тавсан эдим,  
Лек бўлдум туро-туро мухтож.

Тенгри раззок келди рўзий учун,  
Айлама ўзни халқ аро мухтож.

Бенаводур Навоий оллингда,  
Тонг эмас, бўлса бенаво мухтож.

Факр аҳли – дарвешлар  
Яно – яна  
Тавсан – саркаш  
Туро-туро – туриб-туриб  
Раззок – ризқ бергувчи  
Рўзий – ризқ-насиба  
Бенаво – 1. Бечора. 2. Хомуши  
Тонг эмас – ажабмас

## ҒАЗАЛ ВАЗНИ

Хафиғи маҳбуни мақтуни мусаббабъ  
-V- V-V- VV~  
-V- V-V- VV~  
Фоилотун мафоилун файлон

## НАСРИЙ БАЕН

- Гадо ва тиланчилар шоҳга қанчалик эхтиёж-манд бўлса, подшоҳ факр аҳли – дарвешларга худди шундай мухтождир.
- Ёрга эхтиёжимни англаганимдан кейин бошқа кимсага ҳеч муҳтож бўлмадим.
- Унга шавқим хам, эхтиёжим хам кўп. Ўзи унга муштоқманни ёки муҳтожманни?!

- Ўз ихтиёрим билан гадолик қилмаяпман. Мени сенга Тангрининг ўзи муҳтож қилиб кўйди.
- Унинг кўйига кирганимда саркаш эдим. Лекин кута-кута аста-секин, муҳтож бўлиб қолдим.
- Ризқ берувчи Аллоҳдор. Бир бурда нон учун бошқаларга эхтиёжингни айтиб овора бўлма.

- Навоий сенинг оддингда бенаво – факирдир. Агар муҳтоҷ киши хомуш бўлса, бундан ажаблан- маслик керак.

## ШАРҲ ВА ИЗОҲЛАР

Девон тузиш тартибига кўра, “муҳтоҷ” радифири ушбу ғазал 94-ракам остида қайд этилиши керак эди. Анъанага хилоф равища бу ғазал “жим” ва “чим” туркумидаги ғазалларнинг сўнгида жойлашганига сабаб – унинг мавъиза оҳангидга битилганидадир. “Чим” туркумидаги тўртта ғазалнинг бирортаси ҳамд, наът ва мавъиза бўлмагани сабабли, “муҳтоҷ” ғазали билан мазкур “кемтик”ликни тўлдириш эҳтиёжи сезилган.

Матлаъда уч тоифа – факр аҳли, подшоҳ ва гадонинг бир-бирига эҳтиёжи байён этилган. Аслини олгандга, инсон боласи ҳаётининг асосини эҳтиёж ташкил қиласи. Аллоҳ таоло қайси бандасига ҳайр ва яхшиликни ирода қиласа, одамларни унга ҳожатманд қилиб кўяди, дейилади ҳадиси шарифда. Мაълум бўладики, ҳайру савоб амалларнинг Энг афзали ҳам бирорвларнинг ҳожагитни чиқариш ҳисобланади. Инсоннинг жамияти шундай тузилганки, ҳамманинг бир-бирига эҳтиёжи тушиб туради. Колаверса, инсон ўзининг дунёга келиши, ҳаёт кечириши, емак-ичмак, кийим-кечак ва шунга ўхшаш нарсаларга бўлган эҳтиёжини ўз ихтиёри билан қондиромайди. Бутун оламда Ҳақ таоло жалла жалолаҳудан ўзга жамики жонзоротлар ўзгаларга эҳтиёж сезади. Вужуд оламида инсу жиндан тортиб, фаришталар, парий ва жинлар олами – барчанинг бокийлиги ва мавжудлиги Ҳақ таолога боғлиқдир ва барча мавжудот Ҳақ таолога муҳтоҷдирлар. Демак, ҳақиқат юзасидан барча мавжудот факирдирлар.

Мана шу сифатни касб этган ва ҳаётини шу асосда ташкил қилган кишиларни ирфон тилида факирлар, факр аҳли деб айтишган. Бунга Абу Зар Термизийнинг ҳаёти мисол бўла олади. “Насойим ул-муҳаббат”да келтирилишича, дарвешлар жамоса, Абу Зарр туреб намоз ўқиркан. Аллоҳ таоло ўша нарсани шу заҳоти етказарди.

Аллоҳ таоло истаганини ижобат қиласиган нафаси ўтиқир бундай дарвешлар ва факирларнинг дусига ҳукмдорлар ҳамиша эҳтиёж сезишган. Кўринишидан мазлум ва нотавонга ўхшаган бу тоифанинг Ҳақ таоло ҳузуридаги мақом ва мартабаси юксак эканлигини билган подшоҳлар уларни восита қилиб, давлатининг баркарор бўлишини сўраб туришган. Айникиса, сурати подшоҳ ва сийрати дарвеш Султон Ҳусайн Бойқародек ҳукмдорлар бу ҳақиқатни Навоий ўйтит ва тарғиботлари шарофати билан теран англаган:

*Факр аҳлиға подшоҳ мухтож,  
Ўйлаким шоҳга гадо мухтож.*

*Ёрга билгач эҳтиёжимни,  
Бўлмадим кимсага яно мухтож.*

Факр аҳлининг эҳтиёжини факат Ёри азал – Ҳақ таоло даргоҳидан сўраши – иложизлик ва нотавонлиқдан эмас. Бонка тоифадаги инсонлардан фарқли ўлароқ уларнинг арзи эҳтиёжиди иштиёқ кучли. Иштиёқ эса – мухаббатдан нишона.

Сулламийнинг “Табакот ус-сўзғия”сида айтилганидек, “муҳаббат иштиёқни вожиб қиласи, иштиёқ эса унсиятни. Кимдаки шавқ ва унсият бўлмаса,

билингким, у муҳаббат ахлидан эрмас” (Абдурраҳмон Сулламий, “Табақот ус-сүғия”, 303-бет).

Навоий васф этган муҳтожлик ҳам ана шундай муштоқлик билан эгиз туйғудир:

*Иштиёқим кўп, эҳтиёжим ҳам,  
Анга муштоқмен ва ё муҳтож.*

Иштиёқ туфайли факр кўйига қадам кўйган киши дастлабки босқичда факрнинг моҳиятини тўлиқ англаёлмайди. Факр – бандага бандалик мақомини эслатиб турувчи ҳолдир. “Асрор ут-тавҳид” да қайд этилишича, кўнглида беш дирам миқдордаги бойликка эга бўлиш хаёли бор одам ҳам ўзини факир деб айтольмас экан. Факир – бутун дунёда ҳакиқий фаний-бой деб факат Аллоҳ таолонинг ўзи эканини тан олиш ва жамийки хожагларини ундан сўраш ма-лакасини ҳосил қилган кишидир. Бунга эса, қаттиқ риёзат ва маҳрумликлар орқали эришилади:


*Кўйига кирганимда тавсан эдим,  
Лек бўлдум туро-туро муҳтож.*

Тавсанлик, яъни саркашлик шайтон амалларидандир. Колаверса, шайтон сўзининг ўзи ҳам тавсан сўзи билан мавнодош, яъни бўйсунмасдир. Мусулмон банда бўйсунмаслик ва осийликдан буткул воз кечиб, инон-ихтиёрини Ҳақ таоло иродасига мувоғиқлаштираса, ризқи ҳам, умри ҳам баракали бўлади. Ўзгаларга муҳтож бўлиб ранги сарғаймайди:

*Тенгри раззок келди рўзий учун,  
Айлама ўзни ҳалқ аро муҳтож.*

Навоий бенаволик – факирликнинг мазҳари ўларок ўз эҳтиёжини Ҳақ таолодан сўзиз сўрайди. Колаверса, муҳтож киши учун ўз эҳтиёжини изҳор қилишдан оғирроқ нарса йўқ. Негаки Ҳақ таоло бандасининг эҳтиёжларини унинг ўзидан яхшироқ билади ва сўрамаса ҳам беравери. Муҳтожларнинг хожатинираво қилювчи Зот ҳамиша ғолиб!

*Бенаводур Навоий оллингда,  
Тонг эмас, бўлса бенаво муҳтож.*





**“ҚАЮ ҲАДИСКИ, СЕНДИН БАЁНГА  
КЕЛДИ САХИХ...”**

**«Гаройиб ус сиғар», 101-тазал**

Зихи тилинг «ана афсаҳ» тақаллумида фасиҳ,  
Сен амлах, ўлдунг, агар дилраболар ўлди малих,

Тулуғи субҳи саодат юзунг сабоҳатидин,  
Зихи камоли сабоҳат, зихи жамоли сабиҳ,

Хамирмояйи жисмийдин ортқанни қазо  
Ики баданда қилиб рух атади Хизру Масиҳ.

Фалакни чок қилиб ўтганингда гар баъзи  
Таваҳхум айлади, шаққул-камарда бўлди сариҳ,

Қадам күёш уза кўйдунг уруж шоми не тонг,  
Кафингни гар яди байзога қилсалар таржих,

Эрур қаломеким, анда хуруфи иллат йўқ,  
Қаю ҳадиски, сендин баёнга келди сахиҳ,

Эмас Навоию мадҳинг демакка ҳад, басдур  
Анга бу қадрки, модиҳларингға бўлса мадиҳ,

**ЛУҒАТ**

“Ана афсаҳ” – “Қурайиш аҳли ичидаги мен энг фа-  
соҳатлисизман” мазмунидаги ҳадисдан иктибос

Тақаллум – сўзлаши

Фасиҳ – фасоҳатли, чиройли сўзлашуви

Амлаҳ – малоҳатлироқ

Малиҳ – малоҳатли, истараали

Тулуб – тонг отиши

Сабоҳат – поклик

Сабиҳ – пок, гўзал

Хамирмоя – хамиртурӯши

Қазо – тақдир

Таваҳхум – шубҳа, гумон

Шаққул-қамар – Ойнинг иккига бўлинши

Сариҳ – ойдин

Уруж шоми – меъројж кечаси

Яди байзо – Мусо (а.)нинг нур таратувчи мўъжизи-

жакор қўли

Таржих – афзал билмоқ, устун кўймоқ

Хуруфи иллат – араб алифбосида ўзгаришига дуч

Көлайдиган ҳарфлар

Модиҳ – мадҳ қўйиувишлар

**ҒАЗАЛ ВАЗНИ**

Мужтасси мусаммани маҳбуни маҳзумф  
V-V- VV-- VV- VV-

V-V- VV-- VV- VV-  
Мағоиулун файлотун мағоиулун файлун

## НАСРИЙ БАЕН

- Салламно, сен фасохат билан: "Мен Курайш ахли ичидээ энг фасохатлисман", деб айтдинг. Башка гүзэллар истарали, малохатли бүлсалар ҳамки, сен одамлар ичидээ энг малохатлиссан.
- Пок чөхрангдан бахту саодат тонги отди. Бу бахт тонги, бу покиза ва гүзэл чехра қандай яхши!
- Қисмат күли жисминг хамиртурушидан ортиб колганини икки баданга солиб, бирини Хизр, бирини Масих деб агади.
- Осмонни мөрөрж кечасида ёриб ўтганингда агар батызилар шубхаланган бүлсалар, Ойни иккига бүлиб, бу шубхани бартараф килдинг.
- Мөрөрж кечаси Күёш устига қадам күйдинг. Агар кафтингни Мусонинг нур таратувчи күли – яди байзодан афзал билсалар, ажабланарали эмас.
- Сендан сахих деб ривоят қилинган ҳадисслар шундай каломки, ултарда иллат харфлари мавжуд эмас.
- Сени мадх қилишга Навоййининг ҳадди йүк. Сени мақтаганларнинг мактоворчиси бүлса ҳам, шу давлат унга кифоя.

## ШАРХ ВА ИЗОХДАР

"Хойи хуттий" туркумини бошлаб берувчи ғазал наьт мавзуусида битилган. Матлальда ҳадис матнидан иктибос келтириб, арабча матндаги афсаҳ сүзи билан ўзакдош хисобланган фасих сүзини келтириш орқали байтнинг қофияси таъминланган. Иккinci мисрадаги амлаҳ ва малих сўзлари ҳам ўзакдош бўлганлигини хисобга олсак, мазкур байтда иктибос ҳамда иштиқоқ санъатлари коришик ҳолда келганига гувоҳ, бўламиз:

*Зиҳи тилинг «ана афсаҳ» тақаллумида фасих  
Сен амлаҳ ўлдунг, агар дилраболар ўлди малих.*

"Амлаҳ" сўзи орқали бошқа бир ҳадис маъносига ишора қилинади. "Қисаси Рабгузий" да келтирилишича, бир куни Ойиша онамиз (р.а.) Пайғамбаримизга Юсуф (а.с.) чиройли бўлганми. Сизми, деган маънода савол беради. Пайғамбаримиз айтадилар: Бирордарим Юсуф мендан гўзалроқ эди, аммо унинг хусни оламга фитна соларди. Мен ундан амлаҳ – малоҳатлироқ-ман. Бинобарин, матлальда икки ҳадиссининг маъноси сингдирилиб, сарвари коинотнинг икки муҳим жиҳати – гўзал нутки ҳамда кўнгилларга таскин берриб, Худони ёдга соладиган малоҳати тилга олинган.

Кейинги байдаги шоирона ўхшатма ҳам ислом тариихи ва ҳадиси шариф билан боғлиқ. Ислом дини келгунга қадар араблар жамияти башарият тарихидаги энг тубан, энг жоҳил жамият бўлган. Аллоҳ таоло томонидан охирзамон пайғамбари ана шу қавмдан танлангач, араблар энг олийнасаб қавм, ислом дини келиши асри башариятнинг энг саодатли асри сифатида тарихга кирди. Бу саодатли даврнинг бошланishiшини инсоният асрлар давомида интизорлик билан кутди. Саодат асри эса Расууллоҳ (с.а.в.) нинг туғилишлари замонидан бошланган:

*Тулуни субҳи саодат юзунг сабоҳатидин,  
Зиҳи камоли сабоҳат, зиҳи жамоли сабиҳ.*

Ўтган бир юз йигирма тўрт минг пайғамбарнинг иккитаси – Хизр ва Исо Масих алайҳимоссаломга хосияти муштарак мўъжиза насиб қилиган. Хизр тириклик қашмасидан сув ичиб, мангаликка дахлдор бўлган бўлса, Исо Масих дуоси билан ўликлар ти-

рилган. Аммо уларнинг мўъжизалари бошقا пайғамбарларники каби хотамулланбииёнинг нуубувват чироғидан бир қатим нур дарражасидаги баҳрамандлик туфайли, холос. Негаки, бу зот замон нуқтai назаридан бошқа пайғамбарлардан кейин туғилган бўлса-да, можият эътибори билан барчадан олдин яралган. Аллоҳтаоло илк яраттан нарса нури мухаммадий экан, демак, борлиқдаги барча гўзалликлар ва ажойиботлар, жумладан Хизр ва Масих мўъжизалари аслида ушбу нурнинг хосиласидир:

*Хамирмояйи жиссмингдин ортқанни қазо  
Ики баданда қилиб руҳ атади Хизру Масих.*

Пайғамбаримизнинг энг улут мўъжизаларидан бири – Меъроҷ кечасида осмонга кўтарилиб, Аллоҳ таоло билан бевосита дийдорлашганлариdir. Меъроҷ мўъжизаси содир бўлгандан кейин куфр ва имон чегараси аниқ бўлиб қолди. Бунга ишонмаган мушриклар у зотдан бошқа мўъжиза талаб қиласидилар.. „Шунда ул зот ойни иккига бўлиб кўрсатдилар, хотто одамлар Хиротъ тоғини ойнинг икки бўлаги орасида кўришиді”. Ушбу ҳодисани Навоий қитъаларидан бирида ўзига хос маҳорат билан тасвиrlаган. Навоий талқини бўйича, бу мўъжиза Аллоҳнинг инояти билан шунчалик осон амалга ошганки, ҳатто меҳмонсиз овқатланолмайдиган Иброҳим Халиуллоҳнинг дастурхонида ҳам нонни ушатиш бунчалик осонлик билан муяссар бўлган эмас:

*Муҳаммади арабий бармоғи шорат ила  
Ситеҳ ҳонида ой курси ул сифат осон.*

*Ики ойирдики, бир нонни ҳони ича Ҳалил  
Анингдек икки ушатмоқ эмас туур осон<sup>1</sup>.*

Бу мўъжизаларни баён этишида мутафаккир шоир юнда назокат билан иш тутган. Газалда пайғамбаримизнинг мўъжизалари ва муборак сийратларининг энг мухим кирраларини ёритилишида факат саҳиҳ ҳадисларга таянилган. Саҳиҳ ҳадисларнинг яна бир мўъжизавий хусусияти бор: араб тилида вов, ё, ҳамза каби иллатли – ўзгарувчан ҳарфлар негизида курилган сўзларни турли маънода талқин қилиш мумкин. Фасоҳатли пайғамбаримиз араб тилининг ушбу нозик жиҳатини англагандари учун ўз ҳикматларини баён этишида бирор марта ана шундай ихтилоф ва тушунмовчиликка сабаб бўладиган, негизида “хуруфи иллат” бўлган сўзларни кўлламаган эканлар. Бу ҳам сўз мўъжизасининг соҳиби томонидан намоён этилган яна бир мўъжизадир:

*Энур қаломеким, анда хуруфи иллат ўй,  
Қато ҳадиски, сендин баёнга келди саҳиҳ.*

Умуман олганда, бутун бошли ғазалга саҳиҳ ҳадисларнинг матъно-моҳиятини сингдиришга ҳаракат юнглан туркӣгўй шоир учун Расулуллоҳ (с.а.в.) башарияти ҳақиқат ва саодатга ҳидоят қилувчи энг улуг йўлбошли, инсониятнинг энг мукаррам фарзанди бўлиши баробарида, сўз мулкida ҳам биринчи ва энг аъло муаллим, маънавий раҳнамо ва идеал ҳисобланган. Фасоҳат бобида пайғамбаримизга эргашган ўзбекчага фасоҳат бобида мидлатимиз муаллими бўлиб колаётир.

<sup>1</sup> Абу Абдуллоҳ Муҳаммад ибн Исмоил ал-Бухорий. Ал-Жомий ас-саҳиҳ 2 жилд.-Т.: Қомуслар Бош таҳририяти, 1992.-Б.562.

<sup>1</sup> Наной Алишер. Муҳаммал асарлар тўплами. 20 томлик б-том.  
Фашойид ул-қибар.- Т: Фан, 1987.-Б.511



**“ФИГОНКИ, ТИЙРА КҮНГУЛ КУНЖИДА  
НИХОН РОЗИМ...”**

«*Faroib us sifar», 102-ғазал*

Баданға келмади то азми күйөнгө айлади рух  
Ки, рух шахсими ул ғамза айлади мажрух.  
Хаётбахш эса ул хур аксидин бода,  
Маҳалли ҳайрат әмас, хур аксидин дур рух.  
Кизарди лолаву саргарди субҳ хижлатдин,  
Булоларки, узорингда очти жоми сабух.

Вафоға вაльда қилиптур деб ўтма, эй қосид,  
Худой учун, мангагайфиятин дегил машрух.

Хаёт ёр висолидур, эй күнгүл, йүк эса,  
Сени фирокда фарз айлайнинки, бўлдунг Рух.

Буюрма тавба яна, носиҳоки, мұғбачалар  
Хавоси қилди мени тавба тавбасида Насух.

Фигонки, тийра күнгүл кунжидыни розим  
Пиёла шашшасидин эл ичра топти вузук.

Басо кишики, иши масжид ичра банд улди,  
Чу очти дайри фано эшигин, етишти футух.

Навоиё, недин ул ғамза тийғ тортибдур,  
Гар истамаски, күнгүл сайдин айлагай мазбух.

**ЛУҒАТ**

Гамза – ишва, ноз билан қиё бөкши.

Хижлат – хижолат.

Узор – қизил ёнок.

Жоми сабүх – тонг чоги ичиладиган шароб.

Қосид – элчи.

Машрух – баттағасил шархлаш.

Носиҳ – насиҳатгүй.

Ниҳон роз – яширин сир.

Шаъшата – порлаш.

Вузук – ошкор бўлмоқ, аёнлашмоқ.

Футух – күшойиш, очилиш.

Мазбух – сўйилган.

**ҒАЗАЛ ВАЗНИ**

Мужтасси мусаммани маҳбуни маҳзүф

V-V- VV-- V-V- VV-

V-V- VV-- V-V- VV-

Мағоилун фαιлотун мағоилун фαιлон  
**МАСРИЙ БАЁН**

- Руҳим сенинг күйининг томон йўл олгач, қайтиб ташамга келмади. Ғамзаларинг руҳимнинг ўзига жароҳат етказди.

- Ўша хурнинг акси туштани бोис шароб ҳаётбахш бўлганидан ҳайратга тушмаслик керак, чунки хур сўзи тескари ўқилса, рух ҳосил бўлади.

- Сабуҳий – тонг пайти ичилган бода ҳамда гулдек ял-ял очилган кизил ёноклариндан хижолат чекиб лолалар кизарип, тонглар сарғайди.

- Эй хабар көлтирувчи, ёр вафо килишга вайда берди, деб шундай ўтиб кетма. Худо хакки, бунинг кайфиятини менга багағасил шархлаб бер.
- Эй күнгил, фирсодда фариштага айлансанг ҳам, шунни билки, ҳакиқий ҳаёт – ёр висолидир.
- Эй насиҳаттўй, менга ортиқ тавба кил демагин.
- Мен тавбадан тавба килишда Насуҳ бўлганман.
- Фигонки, пиёланинг порраб туришидан кўнглим кунжидя яширин бўлган сиррим эл ичра аён бўлиб қолди.
- Жуда кўп кишиларнинг иши масжидда чипаллашганди, фано дайри эшигини очганда эса, уларга кушо-ниш етди.
- Эй Навоий, агар кўнгли сайд этганини катл этишини истамаса, унда нега ёрнинг ғамзаси тиф тортибди?!

### ШАРҲ ВА ИЗОҲЛАР

Ғазалда тараннум этилган мұхаббат жисм ва нафса тааллукли ҳодиса эмаслиги, бу мұхаббат шаҳват истакларидан ҳоли, ҳол ва рухият оламига даҳлдор туйғу экани матлаънинг ўзидаёқ аник-равшан байён этилган. Мұхаббатга гирифтор рух, яъни жон бадан мұлкини тарқ этиб, ёр кўйини манзил тутиши мазмунидаги байтлар мумтоз адабиётимизда кўп учрайди. Жумладан, Саъдий Шерозийнинг машҳур "Эй сорбон..." ғазалида айни шу мазмундаги байтни учратамиз:

*Дар рафтани ҷон аз бадан гўянд ҳар наеве сухан,  
Ман ҳуд ба ҷашми хештан дидам, ки ҷонам меравад.*

Таржимаси:

*Тарқ этса ногоҳ танини жон, бул ҳақда бор турға  
зўмон,  
Мен ўз кўзим бирлан аён кўрдимки жоним бораадур.*

- Матлаъда "руҳ шахси" ибораси алохида изоҳ та-лаб қиласи. Шахс сўзи бу ерда ружнинг ўзи ҳамда жисм-бадан маъноларини инфода этган. Демак, руҳнинг ўзи мұхаббат ўқидан жароҳат топган, ёхуд ёр гамзаси руҳ тааллукли бўлган жисмни ҳам мажруҳ этган, деб талқин килиш мумкин. Иккала ҳолатда ҳам мұхаббат ошиқнинг жисму жонини қамраб олгани маъносини инфодалайди ва бу маънолар бир-бирини тўлдиради:

*Баданга келмади то азми кўюнг айлади руҳ  
Ки руҳ шахсни улғамза айлади мажруҳ.*

Иккисинчи байтда тарди акс (тескари ўқиши) санъатини кўллаган ҳолда "руҳ" ва "хур" сўзларидан сўз ўйини яратилган. Бу сўз ўйини шунчаки шаклдош бўлмасдан, балки ҳур ва ружнинг ботиний боғлиқлиги асосига ҳам мустаҳкам курилган. Шоир васф этган бода ҳурлик – эркинлик туғусини кучайтирувчи хосиятга эга. Бандалик – ҳақиқий ҳожа, яъни Аллоҳ таолодан ўзага бўйинсунмаслик, култабиалик, лаганбардорлик, очқўзлик, манфаатпарастлик, иззатталаблик, манманик, риёкорлик... каби хислатлардан, ўзига ўхшаган ҳом сут эмган банданинг истак-ҳоҳишларига мос яшашни шараф билиш иллатидан кутулиш демакдир. Нодон ва жоҳил қиши ўзи хоҳдамаса ҳам, бирорвнинг етовида яшашта маҳкум. Маърифатсиз, билимсиз кишилар ҳамиша ўзгалар томонидан бошқарилади, уларнинг мустакил фикри, дунёқараши бўлмайди. Худони таниган одам эса, дунёнинг барча ишларига диёнат ва ҳалоллик кўзи билан қарайди ва табиийки, нафс кулига айланишдай ҳазар қиласи. Буларнинг барчаси хур акси туш-

ган бода, яньни илохий мăрифат баракотидан ҳосил  
бүлиши мумкин:

*Хаётбахш эса ул хур аксидин бода,  
Махалли ҳайрат эмас, хур аксидиндур рух.*

Учинчи байтда ташхис (табиат унсурларига ин-  
сонга хос бўлган хусусиятларни нисбат бериш усу-  
ли) ва ташбихи музмар (яширин ташбих) санъатла-  
рининг қоришик ҳолда кўлланилиши натижасида  
янги фикр ва тоза тасвир яратишга эришилган. Тонг  
пайтидаги асфар – сариқ шароб таъсиридан ёрният  
чекраси қизариб, очилишидан ҳаттоқи тонг ва ло-  
лалар ҳам хижолатда. Жоми сабух – тонг пайтида-  
ги шаробни эрталабки ибодат маъносида ҳам ту-  
шуниш мумкин. Зоро, “Бани Истроил” сурасининг  
78-оятида айтилгандек, “тонгдаги Куръон қироати  
фаришталар ҳозир бўладиган вактда содир бўлади”:

*Қизарди лолаву сарғарди субҳ хижжлатдин,  
Бу лолаларки, узорингда очти жоми сабух.*

Тўртинчи байтда Навоийнинг ҳаёт ҳақидаги  
қатъий хулосаларидан бири ўз ифодасини топган.  
Инсон ёрдан айротушган пайтида буткул покланиб,  
Рух – фариштага айлансан ҳамки, ҳали ҳаёт нимали-  
гини билмаган бўлади. Кўнгил тириклиги – ёр висо-  
ли тифайлидир. Ёрният ризолитига эришиш, унинг  
мухаббатига сазовор бўлиш, ҳузурида курбат ва  
яқинлик ҳосил қилиш – тирикликнинг асл муддоа-  
си шудир. Бунга ишқ гавҳаридан бенасиб фаришта-  
лар эришолмайди.

“Дуррат ул-воизин” асарида таъкидланишича,  
Одам Ато баданига энди жон ато қилинаётган пай-

тида акса уриб, ўрнидан туради ва ҳали кўзини оч-  
масдан “алхамдуллоҳ” деб айтади. Аллоҳ таоло  
фаришталарга нидо қиласдиким, кўринглар менинг  
суюкли бандамниким, ҳали мени кўрмасдан, менга  
ҳамд айтмоқда. Шу муҳаббати ва садоқати туфайли  
унинг мақоми менинг ҳузуримда улуғдир.

*Ҳаёт ёр висолидур, эй кўнгул, ўқ, эса,  
Сени фироқда фарз айланки, бўлдунг Рух.*

Куръони кариммнинг тафсирларида берилишича,  
Насуҳ исмли гўзал бир йигит аёллар қиёфасида шоҳ-  
нинг ҳарамига йўл топади. Узок ўйиллар унинг йигит  
эканидан кўпчилик бехабар бўлиб, Узига хуш кела-  
диган ишларни ҳарамда давом эттириб юраверади.  
Кунлардан бир куни маликанинг қимматбаҳо гавҳа-  
ри йўқолиб қолади. Ҳарамдаги аёлларни саф торт-  
тириб, уларни наవбат билан ечинтириб, гавҳарни  
қидиришга тушибганда, Насуҳ астойдил Аллоҳ, тао-  
лога надомат чекиб тавба қиласди. Аллоҳнинг кудра-  
ти билан сафда ундан оддин бўлган чўриларнинг  
биридан гавҳар топилиб, Насуҳ мұқаррар ўлимдан  
омон қолади. Насуҳ тавбасига содик қолиб, умри-  
нинг охиригача бўйлуга қайтиб қадам босмайди.  
Ўшандан бўён ҳақиқий тавба мақомини “Насуҳ тав-  
баси” деб ҳам юритишиди.

Ишқ тифайли фаришталардан ҳам устунроқ  
мақомга эришган инсон ҳаётининг мазмуни ёр ви-  
сли экан, бу йўлда сабит бўлиб, ҳеч қачон оғиши-  
маслик ва тўхтамасликини ният қўрган одам Насуҳ-  
га ўхшатилади:

*Бўйорма тавба яна, носиҳоқи, мұғбачалар  
Ҳавоси қилди мени тавба тавбасида Насуҳ.*

"Насойим ул-мухаббат" да айтилишича, Абдурахмон Жомийнинг порлок келажагини гўдаклигидан ёқ башорат қилиб, дуолар қилган авлиё Мавлоно Фаҳридин Луристоний дастлаб зоҳирӣ илмлар таҳсилига машғул эмиш. Доим хотирада ботин илми билан шуғулланиш ва тариқатга қадам қўйиш нияти бор эмиш. Бир куни китоб ўқишиндан чарчаб, бир-пас ёзилиш учун хужрасидан чиқиб сайд қиурур чоғда бу фикр кўнглига келибдики, сен барибири бир кунмас-бир кун бу илмни тарк этиб, тариқатга юз буришини кўнглингга тутиб қўйгансан, ўша кун буғун бўла қолсин, дея хужрасига қайтиб бормабди. Китоб ва бошқа анжомларини ўша ерда қолдириб, Мисрда толиблар иршодига машғул бўлган Шайхи Шайхуллоҳ хузурига бориб, мурид тушибди...

Мадраса ва масжид аҳли сұхбатидан тополмаганини хонақоҳ, ва аҳли ирфон хузуридан топган бундай валийсифат зотлар кўп бўлган. Ана шундай ибратли қисматларга ишора қилиб, Навоий ёзди:

Басо қишики, иши масжид ичра банд ўлди,  
Чу очти дайри фано эшигин, етишти футуух.

Мактабъда шоир ишқ ва ихлос, пок ният ва шунга муносиб амаллар одамни асиљ максадга етказиши мумкинлигини таъкидлаган ҳолда ғазалга якун ясайди. Бу фикр тасдиғини энг аввало муттафаккир шоир тимсолида кўришимиз мумкин.



"ҲАЛОЛ БЎЛДИ ХАРОБОТИ  
ИШҚ АҲЛИГА МАЙ..."

«Ғаройиб ус сифар», 103-ғазал

Кўнгулни муғбача олди, муғона тут ақдоҳ  
Ки, йўқ салоҳ ила бўлмоғлиқ эмди бизга салоҳ,

Бир ой фирокида бехудлуғ истарам, тўла тут,  
Агар қилиб эсанг афлок жирмидин ақдоҳ,

Ҳалол бўлди харобoti ишқ ахлиға май,  
Тутар биз аҳли вараъ, кимки они тутса мубоҳ,

Ҳаётбахш лабинг руҳ эмиштур, эй соқий,  
Магарки вовини иътолол этиб қилиб сен роҳ,

Йўқ эрса жисмда ул ҳосил айлаган қондин,  
Ҳаким не учун ажзосини деди арвоҳ?!

Сабоҳ майкада боғлиғидуру хуморим тунд,  
Таажжуబ этманг, агар зикрим ўлса "ё, Фаттоҳ!"

Не эрди майкада ғавғоси, раз қизин гүё  
Бу шом қилди Навоийфа пири дайр никоҳ.

## ЛУФАТ

Ақдоҳ – қадаҳлар  
Салоҳ – түртилиқ  
Афлок – фалаклар, осмонлар  
Жирм – осмондаги қолдуз ва сайёralар  
Варағ – тақво  
Мубоҳ – раво, яхши  
Иълол – араб тили сарғида унли ҳарфларни бир-бичига алмаштириши ўзли билан турли хил феъл шаклларини ясаш қоидаси  
Роҳ – шароб  
Ажзо – жузлар, таркибий қисмлар  
Сабоҳ – тонғ  
Раз қизи – ток қизи; май

## ҒАЗАЛ ВАЗНИ

Мұржатасси мұсаммани маҳбуни максур  
V-V- VV-- V-V- VV~  
V-V- VV-- V-V- VV~  
Мағоилун фаилотун мағоилун файлон

## НАСРИЙ БАЁН

- Мұғбача күнглимини олди, энди менга муғона қадаҳлардан күй. Энди биз түгри, рисоладаги одамдардек яшай олмаймиз.
- Бир ой юзлининг фироқида бехуд бўлиб, эсдан чиқаришини истайман. Осмон жисмларини агар қадаҳ қилигудек бўлсанг ҳам, менга тўлдириб тут.
- Ишқ ҳарроботининг ахлига май ҳалол бўлди, агар кимки бу хукмни тўғри деб билса, уни такволи инсон деб хисоблаймиз.

- Эй соқий, сенинг ҳаётбахш лабинг аслида рух, эмиш, факат вов ҳарфини этъол қилиб роҳ дебсан.
- Агар шундай бўлмаса, жисмда шароб ҳосил айлаган қондан бўлган қисмларни ҳаким нега арвоҳ – руҳлар деб айтди!?

- Майхона тонг пайти эшиги ёпиқлигидан хуморим кучайган. Бинобарин, зикрим тонг пайти “ё, Фаттоҳ” бўлса, ажабланманг.
- Кечака майхонада шоду хуррамлик бўлди, гўё пири дайр Навоийга раз қизи – шаробни никоҳлаб бермиш.

## ШАРХ ВА ИЗОХЛАР

- Бу ғазалда арабча сўзлар ва иборалар бошқа ғазалларга қараганда кўпроқ кўлланилган. Кофия тизими тўлиқ арабча сўзлардан таркиб томган. Сабаби – туркӣ ва форсий тилларда сўзлар ҳойи хуттий ҳарфи билан тугалланмайди. Араб тили туфайли эски ўзбек тили ва алифбосига кирган бу ҳарфдағазал айтиши учун арабча кофия тизимидан фойдаланишга зарурат бор.

Ғазалда шунингдек, ўзбек тилининг ўзига хослигини яққол намоён этувчи, туркона тафаккур ва яшаш тарзини ифодалайдиган, “Муҳокамат ул-луғатайн” да намуна тарикасида келтирган от ва фельлар, мақол ва идоиматик табиirlар кўлланилмаган. Балки бу ғазалда илм ва мадраса аҳли орасида кенгистельмодда бўлган арабий сўзларни шъирят тилига айлантириш ҳаракатини кўришимиз мумкин.

Ғазалнинг яна бир хусусияти – Ҳоғиз Шерозийнинг қуидаги ғазалининг ўзбекча таври ўлароқ битилганидадир:

*Агар ба мазҳаби ту хуни ошиқ аст мубоҳ,  
Салоҳи мо ҳама он аст, к-он турост салоҳ.*

(Манаси: Агар сенинг мазҳабинга ошиқ қони  
халол қилинган бўлса, сен тўғри деб билганинг биз  
учун ҳам буткул раводир).

Энди Навоийнинг матлаъини кўриб чиқайлик:

*Кўнгулни муғбача олди, муғона тут ақдоҳ,  
Ки ўйқ салоҳ ила бўлмоғлиқ эмди бизга салоҳ.*

Хофиз ғазалида ҳам арабий ибора ва сўзлар бош-  
ка ғазалларига қараганда кўпроқ кўлланилган. На-  
войи Ҳофизнинг ғазалидаги қофия дош сўзлардан  
факат матлаъдаги қофияларни икки жойда кўла-  
ган. Ҳофиз байтида ошиқ ёз иродасини ёрнинг иро-  
дасига мувофиқ тутиши мухабbat қоидаси ўларок  
талқин қилинган бўлса, Навоийнинг матлаъида би-  
доят ҳоли, яъни мухабbat дардига энди гирифтор  
бўлган ошиқ қайфияти қаламга олинган. “Муғбача”,  
“муғона ақдоҳ” каби таъбирилар Ҳофизнинг айни га-  
залида мавжуд бўлмаса-да, ҳофизона услубда кент  
кўлланилган.

Иккинчи байтда Навоий устозига издошлиқ кил-  
ган ҳолда раддул-қофия (шेърда бир қофияни икки  
марта келтириш) санъатини кўллаган ҳолда, мат-  
лаъдаги фикрни янада ривожлантиради. Ой тўлган  
кунларда девоналарнинг хасталиги кўзгайди. Аммо  
“бир ой” ишқига мубтало бўлган ошиқ фирокда  
шундай бир ҳолга келганки, агар тўнкарилган қа-  
даҳга ўхшаган фалакни тўлдириб май тутсанг ҳам,  
бу жунун оташини пасайтиrolмайди:

*Бир ой фирокида бехудлуғ истараам, тўла тум,  
Агар қилиб эсанг афлок жирмидин ақдоҳ.*

Май ислом ахли учун қатъий ҳаром қилингани-  
ни биламиз. Лекин Навоий байтида ишқ ҳароботи  
аҳлига май ҳалол қилингани ҳакида сўз боради.  
Мажоз тилида май – Илоҳни маърифат этиш мала-  
қаси, ишқ ҳароботи – кўнглини илоҳий мухабbat  
макон тутган зотлар ҳалқаси эканини биламиз. Ҳар  
қандай эътиқод, ҳар қандай билим асосида илоҳий  
муҳабbat бўлмаса, ундан илоҳий маърифат тимсоли бўл-  
ради. Шу сабабдан, илоҳий маърифат гумроҳликни кучайти-  
ради. Шу сабабдан, таассуб ва гумроҳликни кучайти-  
ради. Шу майдан ичишини мубоҳ – яхши амал деб билган  
ҳамда бунга амал қиласиданлар ишқ аҳли наздида  
ҳакиқий тақводорлардир. Зотан, тақво ҳамда мухаб-  
батнинг шартлари бир хил – Парвардигорнинг ро-  
зилигини кўлга киритиш, унинг буорганига муво-  
фикаш ва эътиқод килиш демакдир:

*Ҳалол бўлди ҳароботи ишқ аҳлига май,  
Гутар биз аҳли вараз, кимки они тутса мубоҳ.*

Кейинги байтда араб морфологиясининг бир  
қоидасини усталик билан шеърда кўллаб, янги по-  
этик маъно яратишга эришилган. Араб сарфида ил-  
лат ҳарфлари(вов, ё, алиф, ҳамза)га ўхшаш ҳарфлар  
ўрнини алмаштириб ўқиши қоидаси эъзлол деб айти-  
лади. Соқийнинг ҳаётбахш лаби аслида руҳ (жон)  
бўлиб, эъзлол қоидаси билан уни роҳ (май) дейиши  
– соқий, яъни илоҳий қаломни етказувчи табаррук  
инсоннинг лабидан чиқкан калом шароб каби сар-  
маст ва жонбахш экани тарьидланган:

Хаётбахи лабинг рух эмшиштур, эй сокий,  
Магарки вовини ичболл этиб қилиб сен рох.

Олтинчи байт Хўжа Ҳофизнинг кўйидаги байти  
тасирида битилган:

*Дари майхона бастаанд дигар,  
Ифратиҳ ё муфатиҳул-абвоб!*

Навоий Шероз ринди - Ҳофиздан ижодий ўз-  
лаштирган маънога қуюкроқ тасвир ҳамда онг  
остига таъсир қилувчи жиҳатларни кўпайтирган  
холда шундай бадиий либос кийдирадики, энди уни  
факат Навоийнинг маънавий мулки дейишимиизга  
тўла асос беради:

*Сабоҳ майкада боғлиғдуру хуморим түнӣ,  
Таажжуб этманг, агар зикрим ўлса ё, Фаттмоҳ!*

Нега кўргузди совуғ оху сариф ружсор субҳ,  
Гар ниҳоний меҳридин мендек эмас бемор субҳ!  
Гар ҳавойи бўлмаса мен телба янглиғ, бас недур,  
Кўнглакин чок айлабон тоғ узра мажнунвор субҳ!

Меҳридин мендек ниҳоний тоза доғи бўлмаса,  
Юзда невчун кавкаби ашкин қилюр изҳор субҳ!  
Дема шингарфий булат ҳар ён эрур қонлиғ момук,  
Тоза доғидин эрур мендек магар хунбор субҳ.


Ғам туни оҳим шароридин туташти кўкка ўт  
Ким, анинг отин кўюптур гунбади даввор субҳ,  
Кун шуойи хаттлариәрмаски тутмиш мотамим,  
Юзни анжум тирноғи бирла қилиб ағор субҳ.

Соқиё, тутқил сабуҳий бодаким, бу дайрдин,  
Биз кетиб бу навъ толиъ бўлғуси бисёр субҳ.  
Эй Навоий, истасанг баргу наво бу боғ аро,  
Гулдек ўл рокитъ кечা, булбул киби бедор субҳ.



**“ГУЛДЕК ЎЛ РОКИЙ КЕЧА,  
БУЛБУЛ КИБИ БЕДОР СУБҲ...”**

*«Гаройиб ус сиғар», 104-ғазал*



- Күёшнинг меҳридан мен каби яширин жароҳат доғлари кўпаймаган бўлса, нега субҳнинг юзида юлдузлардан кўз ёшлари зоҳир бўлибди!
- Осмоннинг ҳар томонида қизил булат дема, улар аслида субҳнинг жароҳатлари устидаги қонли моммиқ маҳмамлари дидер.

- Фам туни оҳим учқунлари уфққа ўт кўйди, фалак эса бунинг отини субҳ деб кўйибмис.
- Кўёш нурлари эмас, балки менинг мотамимда тонг юзининг тирнагани изларидир.
- 7. Эй сокий, тонгти бодани келтирким, бу дунёдан биз кетгач, ҳал кўп тонглар отади.
- Эй Навоий, бу боғдан агар ўзинингта керакли озиқ истасанг, кечаси гулдек бошинг саждага этилган, тонгда эса булбул каби бедор бўл.

### ШАРХ ВА ИЗОҲЛАР

Баргу наво – ўйл озиғи  
Рокиъ – намозда эзилиб сажда қилган киши

### ҒАЗАЛ ВАЗНИ

Рамали мусаммани маҳзум

-V-- -V-- -V-- -V-

Фоилотун фоилотун фоилотун фоилотун

### НАСРИЙ БАЁН

- Кўёш пинҳон бўлганидан мендек бемор бўлмаса, нега субҳ совуқ оҳ чекиб, ранги сарғайиб қолди!
- Агар мен телба янглиғ ишқ дардига йўлиқмаган бўлса, нега тоғ устидаги мажнунлардек кўйлагини чок этиб турибди?

### ЛУГАТ

*Нихоний* – яширин, пинҳона

*Мехр* – кўёш

*Мажнунвор* – телбаларча, девоналар каби  
Кавқаб – юлдуз

*Шингарфий* – қизил

*Момук* – пахта

*Шарор* – учқун

*Гунбади даввор* – айланга фалак  
Кун – кўёш

*Шуоий* – нурли

*Анжум* – юлдузлар

*Афгор* – мајжруҳ

*Сабуҳий* – тонги

*Толиб* – кўёшнинг уфқдан кўршиши, тонг отиши  
пайти

Ғазалда ошикнинг кайфияти, ташвишли талпинишлари ва азобу изтироблари ташхис санъати ёрдамида субҳ – тонг манзарасига ўҳшатилган ҳолда ифода этилган. Навоий буғазалда ҳам ўз маслагига содиққолиб, ошиқона ва орифона маъноларни мазмундор байтлар замирига маҳорат билан сингдирган.

Матлаъда тонг чоғи еладиган сарин шабада ҳамда куннинг ёришиб, ёруғликнинг заррин нурлари борлиқни музайян этгани билан ошикнинг оҳ чекиб, ранги сарғайиб қолгани ўртасида мутаносибликни кўриб, бунга сабаб қилиб, тонг Кўёшнинг, ошиқ күёш таъватли ёрининг хижронида шундай ҳолга келган, деган хуносани яратади. Кўёш оламга чиққач, осмондаги Ой ва беҳисоб юлдузлар кўринмай қолиши, тунда нур тарататгандан барча собиту сайёralарнинг

# Сүрәт

“ЧУН ФАНО ДАЙРИГА КИРДИМ БОДА ТУТ,  
ЭЙ ПИРИ ДАЙР...”

«Гаройиб үс сиғар», 105-тазал

Рўзаву гул етию ичмас ул ой гулгун қадаҳ,  
Не кўнгулхушлук била тортай мени маҳзун қадаҳ.

Ё мени маҳрумға хунобайи хижрон бериб,  
Үзга маҳрамлар била ул ой чекар гулгун қадаҳ.

Боре ҳар тақдир илаким, бор мени лабташинаға  
Тутмас эрмиш заҳри ғамдин ўзга даҳри дун қадаҳ.

Соқиё, бу ғусса дафъи масти бехудлуғдуурр,  
Тут шафакгун май тўла гар худ эрур гардун қадаҳ.

Рўза ойин кўрмай илгингдин қадаҳни солмағил,  
Лек ол байрам хилоли хам кўрунган тун қадаҳ.

Жом эрур мен телбага қонлиғ кўзумнинг косаси,  
Лолалар саҳрова бас, гар истаса Мажнун қадаҳ.

Чун фано дайрига кирдим бода тут, эй пири дайр,  
Зарф хоҳ эски сафол ўлсун, ва гар олтун қадаҳ.

Юз қадаҳ қилғил мурассавъким чекарсен жоми марг,  
Хеч ким худ топмади Жамишиддин ағзун қадаҳ.

Эй Навоий, бизни ёд эткайму барқандон куни  
Ичса жоми Жам тиляб сонийи Афридун қадаҳ.

## ЛУГАТ

Гулгун – қизил, атиргул ранги

Хуноба – қонли ёш

Лабташина – чанқоқ

Даҳри дун – нокас дун ёё

Шафакгун – шафак рангида, қизил  
Илик – қўл

Ҳилол – янги ой

Вагар – ва агарнинг қисқартмаси  
Мурассат – зийннатланган

Марг – ўлим

Афзун – ортиқ, кўп  
Барқандон куни – рўза ойиши кириши куни  
Сонийи Афридун – иккинчи Фариидун

Арғоз – ортиқ, кўп  
Барқандон куни – рўза ойиши кириши куни  
Сонийи Афридун – иккинчи Фариидун

## ҒАЗАЛ ВАЗНИ

Рамали мусаммани маҳзуз

-V-- -V-- -V-- -V-

-V-- -V-- -V-- -V-

Фоилотун фоилотун фоилотун фоилотун

## НАСРИЙ БАЁН

• Баҳор айёмида рамазон ойи келди, лекин ул ой гулранг қадаҳни ичмаяпти. Қандай қилиб мендай маҳзун хурсанд бўлиб, шароб ичайин!?

• Ё мени маҳрум қилиб, хижрон кўз ёшлари билан сийлаб, бошқа яқинлари билан майхўрлик қилмоқдами?

• Нима бўлмасин, шуниси аниқки, бу нокас дунё қўлимга ғусса заҳрига тўла бўлган қадаҳдан ўзгасини тутмас.

- Эй сөкүй, бу ғуссанни даф қилишнинг чораси – хушини йўқоттунча маст бўлишидир. Шунинг учун менга фалак косасини қадаҳ қилсанг ҳам, қизил шарбага тўлдириб бер.
- Рўза ойини кўрмай туриб, кўлингдаги қадаҳни кўйма, шунингдек, ҳайит кечаси янги ой кўринганда ҳам қадаҳни кўлингта ол.
- Мен телбага қонли кўзимнинг косаси жомдир. Зотан, Мажнун агар истаса, саҳрордаги лолалар унга қадаҳ бўлади.
- Эй пири дайр, мен фано дайрига кирсам, эски сафолдами ёки олтин қадаҳдами – фарқи йўқ, менга бода тут.
- Агар юзта қадаҳни олтин ва жавоҳир билан зийнатласанг ҳам, охир-окибат ўлим шарбатини тотгайсан. Бу дунёда ҳеч ким Жамшиидан ўтиб жом ясатмаган эди. Аммо шу жом ҳам Жамшиидни ўлимдан куткармади.
- Эй Навоий, барқандон кунида шавкатидан иккинчи Фариидун ҳисобланган сulton кўлига Жамшиид жоминни олганда бизни ҳам ёд этармикан?!

### ШАРХ ВА ИЗОХЛАР

Ғазал “сонийи Афридун” – Султон Ҳусайн Бойқаро мадҳида битилган. Дастрлабки уч байт мазмунидан шоир ўз сultonни билан анчадан бери мулокот қилмаётгани ва бундан маҳзун ва мушавваш эканлиги ойдинлашади. Кези келганда бир нуктага эътибор қарагишини лозим деб топдик: Султон Ҳусайн Бойқаро ва Алишер Навоий ўртасидаги муносабат ҳакида шўролар замонидаги нотўғри караш, яъни улар ўртасидаги гоҳи ошкор, гоҳи пинҳона зиддият ва ихтилоф борлиги ҳакицадаги афсонасимон гапларга барҳам берища ҳаддан ошиб, бошқа бир хатога йўл

кўймокдамиз. Охирги йиллардаги тадқикотларда бу икки зотнинг муносабатларини ҳаддан зиёд иде-аллаштириб, икки авлиё ўртасидаги бирдамлик ва яқдиллик дарражасига чиқариб кўйтганимиз. Ҳолбуки, қайси давр ва қайси тузумда бўлмасин, агар хукмдор кимнингдир раяига қараб иш тутадиган инсонга айланса, унинг хокимияти албагта таназзулга учрайга йўл кўймайди. Бу хулосалар қайси дидир назариётчи ва сиёsatшуноснинг китобларидан олинган эмас, балки донишманд вазир ва мутафаккир шоиримиз-нинг ўзи безавол “Ҳамса” ва бошқа шеърий, насрый асарларида бу ҳақда жуда кўп таъкидлаб ўтган. Масалан, “Бадоеъ ул-васат” даги қитъаларнинг бирида шоҳни кўёшга ўхшатилиш сабабларини бирма-бир санаб, охирги байтда подшоҳ ўз мулозимларини гоҳида яқин олиб, гоҳида ўзидан узоклаштиришини Ерга баъзида яқин келиб, бедариф нур сочса, батъизида олам аҳлини дийдорига зор қиласидиган күёшга ўхшатади:

Чун күёшқа будурур ҳолат, ажаб йўқ, шоҳ ҳам  
Бўлса ўз тобигъаридин гаҳ рамида, гоҳ ром.

Иккинчи мулоҳаза – мазкур ғазал-мадҳия “қадах” радифида битилган. Султон Ҳусайн Бойқаро кўп темурийзода мирзолар каби шаробга муккасидан кетгани, бу ҳолат эса Навоийни доимо ташвишга кўйгани, саройдаги шаробхўрликка имкони бори-ча қарши курашгани манбаларда қайд қилинган. Айниқса, “Муншаот” даги мактубларида бир неча марта турли шакл ва оҳангларда сultonни шаробхўрликдан қайтариш, жиллакурса, бу ноҳуш одатни камайтиришини илтимос қилганига шоҳид бўламиз.

Чоғирни барча ёмонликларнинг боши эканлигига амин бўлган ва ҳамиша майхўрликни ўтқирташибхлар билан танқид килган шоир ўзга айёми этганида ой каби бечораларнинг тунларини мунавар вар этувчи ёри май ичмаётганидан маҳзун ва малул. Ҳижронда қолганидан “ул ой” уни ҳамдамликдан маҳрум килган бўлса-да, бошқа маҳрамлари билан шароб ичайётгани мумкинлиги ҳакидаги гумон ҳам унинг ич-этини кемираётган бўлиши мумкин. Иккала ҳолатда ҳам лирик қаҳрамонга осон тутиб бўлмайди – подшоҳнинг дийдоридан бенасиблик бир фам бўлса, унинг сарой аҳли билан майхўрлик қилиши дард устига дарддир. Дўст дийдорининг обиҳётидан баҳраманд килиш ўрнига фалак унга ғусса тўла жом тутган:

*Боре ҳар тақдир илаким, бор мени лабташинаға  
Туммас эрмииш заҳри ғамдин ўзга даҳри дун қадаҳ.*

Бу ғуссадан кутулмоқлик, салтанат ва раиятнинг ташвишларидан халос бўлиш учун “масту бехудлуг керак”. Бу мастиликка ҷоғир ичиш билан эришиб бўлмайди, балки фалак жомига тўлдириб турган шаробдан ичиш, яъни олам тузилишининг ҳикматини англаш лозим. Илоҳий ҳикматни мантиқ таразиси билан ўлчаб бўлмайди. Шу сабабли, ўткинчи ишларнинг ташвишини тортиб, қайғута банди бўлиш ўрнига ҳикмат ва маърифат бодасидан сархуш бўлмоқлик авло:

*Соқиё, бу ғусса дафбы масту бехудлуг дурур,  
Тут шафакзун май тўла гар худ эрур гардун қадаҳ.*

Кейинги байтларда рамазоннинг кириши ҳамда хайит кунини албатта шароб билан нишонлаш, кўз

косасини шароб жомига айлантириш орзуси, фано дайрида дайр пирининг кўлидан қадаҳ олиш нијати – буларнинг барчаси шоир васф этган қадаҳда спиртли ичимлик эмаслигидан далолат беради. Маърифат ва фано бодаси – инсоннинг инсонийлик макомини эслатувчи, бошқа ғам-ташвишлардан фориғ этувчи, кўнгилни юмшатиб, дунё молига беъзтибор бўлиши ўргатувчи, муҳаббат оташини кучайтирувчи маънавий бода. Энг асосийси, бу қадаҳдаги шароб албатта ўлим шарбатини тотгувчи инсон умр деган бебаҳо неъматни Жамшиддек айшу ишратга сарф этмасдан, охират тадоригини кўриши кераклигини эслатади:

*Ноз қадаҳ қилғил мурассаким чекарсен жомси марг,  
Хеч ким худ топмади Жамшиддин ағзун қадаҳ.*

Матлаъда қайд қилинган “барқандон куни” алоҳида изоҳни талаб қиласди. “Тарихи Байҳакий”га кўра, ўрта асрлар Хурросонида рамазон ойи киришидан бир кун олдин, яъни шъабоннинг сўнгги кунида барқандон байрамини нишонлаш удуми бўлган. Мазкур байрамнинг асл негизи маълум эмас. Ушбу кунда мусулмонлар барча гуноҳлардан тавба қилган ҳолда рамазонни ноз-неъматга тўла дастурхон билан кутиб олишаркан. Мусулмон мамлакатларда яшайдиган гайридинлар эса, ушбу кунни шаробхўрлик билан ўтказиб, кейин бир ой давомида рамазон ойининг хурмати учун улар ҳам шароб ичмас экан. Кейинчалик бу одат саройга ҳам йўл толиб, кўп султон ва амирлар ўз даргоҳида барқандон куни шундай шаробхўрлик мажлислиларини ўтказишган. Алишер Навоий ана шундай хунук одатлар ва бидъатларнинг олдини олиш мақсадида шоирона лутф

билан мадх этилганд шоиртабиат дүстидан қабул ижозатини сүраган бўлса, ажабмас:

Эй Навоий, бизни ёд эткайму барқандон куни  
Ичса жомси Жам тилаб сонийи Афридиун қадаҳ.



**“ФАЙЗ ШАҲРИСТОНИ САЙРИҒА ТОПАР  
ДАРВОЗА РУҲ...”**

**«Гаройиб ус сифар», 106-ғазал**

Эй мангаг жонбахш гулбарги тарингдин тоза руҳ,  
Тоза-тоза ҳар бири шавқин солиб овоза руҳ.

Руҳи маҳз ул тозавутар сарви раънодек қадинг,  
Не ажаб бўлса равон бўлғандга элга тоза руҳ.

Кўйи гаридин ўлук жон топса тонг йўқ, негаким  
Туфроғ ўлди кўйида беҳадду беандоза руҳ.

Бўлғуси жонон киби бўлса мужассам суврати,  
Хулла кийса суртубон жаннат гулидин ғоза руҳ.

Чиқти жондин пайкар айлаб нозу хусн изҳор этиб,  
Зор ул пайкарга жон, волих бу хусну ноза руҳ.

Шавқтийғи бирғла солик айласа кўнглини чок,  
Файз шаҳристони сайриға топар дарвоза руҳ.

Эй Навоий, шукрким, йўл топти жонон кўйига  
Хажр шоми зулматида йўлни оза-оза руҳ.



## ЛУГАТ

Тоза-тоза – янги-янги, хилма-хил

Тонг йўқ – ажабмас

Хулла – ҳарир кўйлак

Фоза – козга суртадиган қизиллик

Пайкар – жисм

Волиҳ – шайдо, мафтун

Солик – тариқат ўйлоёччи

## ҒАЗАЛ ВАЗНИ

Рамали мусаммани маҳзуф

-V-- -V-- -V-- -V-

-V-- -V-- -V-- -V-

Фоилотун фоилотун фоилун

## НАСРИЙ БАЁН

• Янги очилган гул япроғидек гўзал ва жон бағишловчи лабларингдан руҳим тозаради. Лабларинг шавқидан жоним янги янги овозалар солмоқда.

• Сарви раънодек қаддинг тоза ва беғуборликда айни руҳнинг ўзиҳидир. Бу сарвнинг қадди равонлигидан элга янги жон кирса, не ажаб?!?

• Кўйининг гардидан ўлик жон топса ажабмас, негаки унинг кўйида ҳад-хисобсиз жонлар тупроқ бўлди.

• Агар руҳ жаннат гулидан юзига қизиллик суртиб, ҳарир кўйлак кийиб сурати жисм шаклига кирса, жононга ўхшаб қолади.

• Ёр жондан ўзига жисм – пайкар ясадб, ўз хусни ва нозини изҳор этиб чиққани боис бу пайкарга жоним

зор бўлиб, унинг бу хусн ва нозига шайдо бўлиди.

• Агар солик шавқ тиги билан кўнглини чок этса, руҳ файз шахристонига олиб борувчи дарвозани топди.

• Эй Навоий, шукрлар бўлсинки, руҳ хижрон шоми зулматигда адаша-адаша оқибат жонон кўйига йўл топди.

## ШАРҲ ВА ИЗОҲЛАР

Руҳият олами, жон, руҳ, қалб, сир... инсоннинг ботиний оламига тегиши бўлган бу тушунчалар ҳамиша акл соҳиблари дикқат-эътиборини ўзига жалб қилиб келган. Мана шу оддий кўз билан қўринмас ва ҳар бир қадамда борлигидан хабар берувчи бу синоат тўғрисидаги қарашлар ва ақидалар борасида дунёдаги жамийки таълимотлар, фоя ва қарашлар иختилоғга боргандар. Худосизлар руҳни инкор этиб, художўйлар руҳ борлигини эътироф этар экан, улар руҳ ҳакида турлича қарашларга эгадирлар.

Руҳ араб тилида жон, раҳмат ва мағфират, Куръони карим, Жибрил алайҳиссалом, гайб оламига тегиши манъоларни идрок этувчи ва раббоний имларни ўрганувчи инсонний руҳ мальноларини англатади. Истилоҳ сифатида айниқса, исломгача нозил бўлган динлар доирасида турлича талқин килинган руҳ ҳакида Куръони каримнинг “Истро” сурасидаги 85-оятида мусулмонларга аниқ кўрсатма нозил бўлди: (“Эй Мухаммад алайҳиссалом), Сиздан руҳ-жон ҳакида сўрайдилар. Айтинг: “Руҳ ёлғиз Парвардигорим биладиган ишларданdir. Сизларга жуда оз илм берилгандир.”

Ана шу хумкга амал қилган ҳолда бу масалада чукурлашмасдан, руҳнинг Навоий ғазалидаги шоирона талқинларига дикқат қаратамиз.

Матлаъда ёрнинг “тулбарги тари” – лабидан чиқаётган сўзлардан ошикнинг руҳи тозаруб, покланиб олиши ҳакида сўз боради. Бу сўзлар илоҳий калом, пайғамбаримиз ҳадислари, пир – комил инсон талкин килганд ҳикматлар, ёхуд ёрнинг сўзлари бўлиши мумкин. Мазкур калом ўзида жон бағишловчи, руҳни қайта тирилтирувчи хосиятга эга. Кимнинг лабидан тўкилганидан қатъи назар, бу калом асл манба – Парвардигорнинг “Бўл!” деган амрининг хосиятидан файзиёб бўлган. Шунинг учун, Илоҳий амр туфайли яралган руҳ ёрнинг жонбахшик хосиятини асраб қолган сўзларидан шавқи янада кучайди:

*Эй манга жонбахши гул барги тарингдин тоза руҳ,  
Тоза-тоза ҳар бири шавқин солиб овоза руҳ.*

Унсу улфат топиш ҳам – руҳга боғлик ҳодиса. Ҳадиси шарифда таъкидланганидек, руҳлар жисмлар олами яралишидан олдин айримлари ўзаро улфат ва яқин бўлишган. Жисм оламига нозил бўлган руҳлар азалда ошно тутинган руҳларни топгунга қадар эгасига тинчлик бермайди. Мажнуннинг ишики айнан Лайлига тушиши, Чин шаҳзодаси Фарҳод қалибини минглаб чакирим узоқликдаги армани малика – Ширин забт этиши ҳам шунчаки тасодиф ё тақдир ўйини эмас. Бу ишк, бу унсу улфат азалий ҳодиса бўлгани сабабли, руҳий яқинлик, ботиний висол пайдо бўлгандан дийдор чоғи руҳ яйрайди, поклануб, тозаради, яшнайди:

*Руҳи маҳзул тозазу тар сарви ратънодек қадинг,  
Не ажаб бўлса равон бўлғанда элга тоза руҳ.*

Жононнинг кўйида сон-саноқсиз жонлар туроқка айланганлиги сабабли, гарди ҳам мархумларга жон бағишиша хосиятига эга. Тарихга назар ташласак, энг катта хунрезликлар, энг беҳисоб курбонлар Худонинг номидан амалга оширилади. Ҳақ ҳам, ноҳақ ҳам ўзини Худонинг амрини бажараётган қилич деб ҳисоблайди ва энг ажабланарлиси, қайсиdir мъянода иккала томон ҳам тўғри фикр юритади. Худонинг изн-иҳтиёрисиз бир япроқ ҳам даражат шоҳидан узилмас экан, бу хунрезликлар унинг ихтиёридан ташқарида бўлармиди!.. Шунинг учун, Унинг иродасига мувоғиқ қўйидаги биргина гардидан яралган Исо алайхиссалом кўршапалакка жон бағишилай олади, Сомирий каби сехргарларнинг бузоги тирик жондек овоз чиқарди, бир томчи маанийга руҳ ато этилгач, энг мукаррам зот – ҳазрати Инсон бунёд бўлади:

*Кўйи гардидин ўлук жон топса тонг ўйк, негаким  
Туфроғ ўлди кўйида беҳадду беандоза руҳ.*

“Кашф ул-маҳкум”да келтирилишича, тасаввуп шайхларидан руҳ ҳакида энг кўп сўзлаган Абубакр Воситий бўлиғ, жумладан, шундай деган экан: “Руҳлар ўнта макомда қоимдурлар. Биринчиси, ихлос аҳлининг жонлари дирким, зулматда қолиб, нима қилишларини билолмайдилар; иккинчиси – тақводорлар руҳи дунё осмонларида ўз яхши аъмоллари ва тоатларининг куввати билан юксалтганлар; учинчиси, муридларнинг руҳи тўртинчи фалакда сидку садоқат лаззати ва ўз амалларининг соясида фаришталар билан биргадирлар; тўртинчиси, ҳадис ва суннат тобеларининг руҳи Арш қандилларининг нурларига чулғаниб, емаклари – илоҳий раҳмат ва ичмаклари – илоҳий лутф ва курбат (яқинлик)дир;

бешинчиси – вафо ахлининг руҳидирким, сафо пардаси ва истиғо (танданган) макомида тараб ва шодлиқдадирлар; олтинчи маком – шаҳидларнинг руҳидирким, жаннат боғларидаги күшларнинг каноти узра ҳар ён ки истасалар учба юксалишлар; етинчи маком – мунштокларнинг руҳидирким, сифатлар пардасида адаб бисоти узра юксалишлар; саккизинчи – орифлар руҳларириким, кудсийлик ҳазратида кечакундуз Аллоҳнинг сўзларини эшитгайлар ва жаннат-у дунёдаги маконларини кўриб тургайлар; тўқизинчиси – дўстларнинг жамол мушоҳадаси ва кашф макомида маству мустафрак бўлмишлар. Улар ундан бошқани билмаслар ва бошқа ҳеч нарса билан ором топмаслар. Ўнинчи маком – ул дарвешларнинг макомидирким, фано кўйида қарор топмишлар ва ёмон сифатлари яхшига табдил бўлиб, ҳоллари ҳамиша яхши томонга ўзгариб, тараққий топмиш. Машҳийхнинг кўпларига бу руҳлар турили сурат ва сиймода намоён бўлмиш" ("Қашф ул-мажхуб", 340-бет). Воситийнинг ушбу таснифини ғазалга татбиқ этадиган бўлсак, тўртингчи байтда жононнинг кўйи тупроғига айланган руҳлар, яъни ишқ шаҳиддининг дийдор жаннатидаги кайфияти образли тасвир этилган. Навоий талкинига кўра, ишқ кўйида шаҳид кетган ошиқнинг руҳи жононнинг сувратига ўхшаш бўлади. Бошқача айтганда, ёрнинг сифатлари ошиқнинг руҳиятини буткул ўзгартириб, ўзига мувоғиқ айлаганидан кейингина ишқ шаҳиди макомига эришиш мумкин:

*Бўлгуси жонон киби бўлса мужассам суврати,  
Хулла кийса суртубон жаннат гулидин гоза руҳ.*

Одатда руҳ ва жонни бир нарса деб тасаввур қилишга ўрганганимиз. Жумладан, "ҳикмат аҳли (фай-

ласуфлар) руҳ ва жоннинг ўртасида фарқ қўймайдилар ва иккаласини "нафси нотика" деб атайдилар ("Истилоҳот", 70-бет). Лекин кўйидаги байтда жон бошқа, руҳ бошқа нарса экани маълум бўлади:  
*Чиқти жондин пайкар айлаб нозу хусн изҳор этиб,  
Зор ул пайкарга жон, волих бу хусну ноза руҳ.*

Азизиддин Насафийнинг ақидасига кўра, "Агар ушбу руҳий мартабалар касбий – ўзлаштирма бўлганида эди, кимки кўпроқ ўзлаштираса, унинг макоми олийроқ бўларди. Ориф валийлар макомини эталарди, валий ўзлаштириш орқали набийлар макомини эталарди. Бошқа макомларни хам шундай деб хисобла. Аммо бу макомлар ўзлаштирадиган эмас, балки белгилаб берилган макомлардир". Шунинг учун хам, юқоридаги байтда руҳи олийроқ макомда бўлган кишининг мартабаси ва Ҳақ олдидаги макомми бошқа жонлар ва руҳларнинг зорлиги ва волиҳлигига сабаб эканлиги образли тилда баён этилган. Абдураҳмон Сулламий айтганидек, "муҳаббат шавқни вожиб этади, шавқ эса унсни, кимдаки шавқ ва унсият бўлмаса, билсинким, ул муҳаббат аҳидан эмас". Шавқ ўнгилнинг илоҳий файздан баҳраманд бўлишига, руҳоний сулукда жононга етишишга, адашмаслишка сабаб бўлади. Жонон кўйига етишиш эса, яшашдан асосий муроддир. Бу неъмат учун ҳар қанча шукронга айтсанг, арзиди:

*Шаев тийғи бирла солик айласакўнглини чок,  
Файз шаҳристони сайриға топар дарвоза руҳ.*

Эй Навоий, шукрким, ўзл топти жонон кўйига Ҳамр шоми зулматида ўйлни оза-оза руҳ.

# ХАР ИШНИ

“АДАБ ЭРМАСДУРУР ҚИЛМОҚ ҲАРИШНИ  
МУДДАО ГУСТОХ...”

«Гаройиб ус сугар», 107-тазал

Гадойи факр ила сўз айта олмас подшо густох,  
Шаҳоллинда нечуким, дам ура олмас гадо густох.

Не кувват бирла шаҳ густох сўзлашгай анинг бирла  
Ки, ваҳм этгай бошига соя солмоқтин хумо густох.

Уруж истар эсанг бу дайр ичиндафоний ўлғилким,  
Малак узра қадам босиб ўтар аҳли фано густох.

Бало ичра далер урма қадам то ошиқ ўлмайсен,  
Самандар бўлмағунча кирса бўлмас ўт аро густох.

Не муҳриқ водий эрмиш ишқ кўйи даштиким, улён  
Ўта олмас самум ўлмок ҳаросидин сабо густох.

Шужоат бирла кирмак кулбайи факр ичра  
бўлмаским,

Бу вайронни кила олмас ватан ҳар аждаҳо густох.

Чу топмас ҳар неким, тақдирдур, будайр аро тағири,  
Адаб эрмасдурур қилемок ҳар ишни муддао густох.

Не нозук хўйи бор ул дилрабонингким, ниёз аҳли,  
Шикоятка не еттайким, дейолмаслар дуо густох.

Навоий ишқ истиғносини то англади вахким,  
Кила олмас фифон фориғ, чека олмас наво густох.

## ЛУГАТ

Гадойи факр – дарвеш, тариқатдаги киши  
Густох – адабсиз, андишиасиз, бетакаллуф, кўрк-  
мас

Ваҳм этмок – кўркмоқ  
Хумо – афсонавий күши; давлат күши  
Уруж – юксалиш  
Малак – фарзиша  
Далер – кўркмас, ботир  
Самандар – ўтда ёнъмас афсонавий маҳлук  
Муҳриқ – аллангали  
Самум – иссиқ шамол, гармсөл  
Сабо – тонгги этикин  
Шужоат – ботирлик, жасорат  
Тағири – ўзгариш  
Ниёз – эҳтиёж  
Истиғно – ҳожатсизлик  
Фориғ – бемалол, эркин

## ҒАЗАЛ ВАЗНИ

Ҳазажки мусаммани солим  
V — V — V — V —  
V — V — V — V —  
Мағоийлун мағоийлун мағоийлун

## НАСРИЙ БАЁН

- Тиланчи гадо шоҳ олдида бемалол сўзлай ол-  
маслиги каби, подшоҳ ҳам факр йўлидаги дарвеш-  
нинг хузурида бетакаллуф гапиролмайди.
- Бошига давлат күши – хумо соя солишдан

күркіб турған одамнинг хузурида шоҳ қайси кувват билан бемалол гаплаша олади?!

• Бу дайр – дунё ичра юксалишни истар эсанг, фоний бўлгил. Фано ахли фаришталар устидан ҳам хотиржам ўтиб бораверадилар.

• Ошиқ бўлмагунча балолар гирдобига ботирлик билан қадам кўйма. Самандар бўлмагунча олов ичи-га бемалол кириб бўлмайди.

• Ишқ дашти қандайин алангали водий эмишки, тонгти сабо самум – гармсел бўлиб қолишидан кўркиб, у томонга ўтломайди.

• Факр кулбасига шижоат – ботирлик билан кириб бўлмас. Бу вайронани дуч келган ҳар аждаҳо ўйламасдан ватан қилолмайди..

• Бу дунёда нимаики тақдир қилинган бўлса, ўзгартириб бўлмайди, шунинг учун ҳамма нарсани ҳам дуо қилиб сўрайвериш одобдан эмас.

• Ул дилрабонинг феълхўйи шу қадар нозикки, муҳтоҷлар шикоят қилиш у ёқда турсин, такаллуғиз дуо ҳам қила олмайдилар.

• Навоий ишқ ундан эҳтиёжизлигини антлагач, бемалол фифон ҳам қиломас, густоҳлик билан нола ҳам чекмас.

## ШАРҲ ВА ИЗОҲДАР

Мазкур ғазалда ҳам дарвешона маънолар ширинона кайфият билан омухта ҳолатда берилиган. Девонинг юзинчи ракамиға ғазалида шоҳдарнинг дарвешларга муҳтоҷлиги (Факр аҳлиға подшо муҳтоҷ...) баён этилган бўлса, бунда шоҳдар дарвешлар хузурида бошқалар билан бўлгани каби мумомала ва муносабатда бўлолмаслиги очикланган. Тасаввуф намояндалари ҳаётидан хикоя қилувчи маноқиб ва тазкираларда бу фикрни кувватлантирувчи мисол-

лар талайгина. Жумладан, "Насойим ул-муҳаббат" тазкирасида Бобо Ҳасан Турк номли мажзуб (илоҳий ишқ жазбаси етганидан девонасифат бўлган) дарвеш хаётидан ажаб бир воеа келтирилган. Бобо Ҳасан Турк қишининг бир кечаси жазбза етган ҳолида ҳамомнинг гўлаҳида исиниши учун гўлаҳидан рухсат сўрайди. Гўлаҳчи кўнмай уни ҳайдаб солади. Бобо Ҳасан уни бир мушт уриб, ўлдирив кўяди. Ҳабар давр подшоҳи – Шоҳруҳ Мирзога етиб боради. "Шоҳруҳ Мирзо сўруббурки, Бобо, сени дейдурларки, бирауни ўлдурубсен? Андоқмудур? Дебурки, ҳов, андоқдур. Мирзо сўруббурки, не учун ўлдурунг? Дебурки, мунчани сен ўлдурунг, бирауни даги мен ўлдурудум".

Шоҳруҳ Мирзо бу гапдан кейин хомуш тортиб, даввогарларни дият (қон пули) олишга кўндириб, ўз хисобидан тўлаб юборади. Бобо Ҳасанни эса ўз ҳолига кўяди.

Манбаларга кўра, Шоҳруҳ Мирзо тасаввуф аҳлини унчалик хуш кўрмасди. Ҳатто Шайх Сойиниддин Турка деган бир тасаввуф назариётчиси ўзи ёзган китобдан тониб, бу китобни Шоҳруҳ Мирзо замонидан анча олдин ёзгани мазмунида раддия берган экан. Маълум бўлдики, будаврда тасаввуф мавзуси-да китоб ёзиш расман манъ этилган. Шундай қалтис пайтда ҳам кўрқмасдан гапирган Бобо Ҳасан султон-ни ҳақ гаплари билан навбатдаги ҳарбий юришдан қайтариб, ноҳак қон тўқилишининг олдини олган.

Султон Ҳусайн Бойкаро замонига келиб, вазият тубдан ўзгаради. Устозимиз Нажмиддин Комилов таъкидлаганларидек, "Хиротда тасаввуфнинг турли тоифадагитарикати амал килган, кишилар хоҳлаган, кўнгли чопган шайхга мурид тушган. Бундай эркин танлаш Ҳирот мальнавиятининг икки буюк пешвоси – Жомий ва Навоийда ҳам кўзга ташланади". Султон

Хусайнинг табиатан дарвешликка мойиллиги ҳам бундай эржин мухит яралишида мұхым омил үйнаганини алоҳида таъкидлаш керак. Шунинг учун, Навоийнинг куйидаги сатрларини шунчаки мұбалағали тавсиф әмас, балки вокеликнинг бадиий ифодаси ўлароқ қабул қилиш максадда мұвоғиқ:

Гадой фәдәр ила сүз айта олmas подио густох,  
Шах оллинда нечукким, дам ура олмас гадо густох.

Не күвват бирла шах густох сүэлашгай анинг бирла,  
Ки өахым этгай бошиға соя солмоктун ҳумо густох.

Учинчи байтда уруж – юксалиш жақида сүз боради. Уруж – мөрөж сүзи билан ўзакдош. Сүфийлар талқинига кўра, меъроҷда охирзамон пайғамбари ҳам жисман, ҳам руҳан Ҳақтаоло хузурига юксалған бўлса, чин ихлос билан адо этилган ҳар бир намоз ва ибодат мўминнинг руҳий мөъроҷидир ("Кашф ул-маҳжуబ", 339-бет). Инсонни фаришталардан ҳам юксакроқ макомга эриштирадиган нарса – Аллоҳ таолонинг ўзини кўрмасдан, кудрати ва нишоналарини мушоҳада этиб, Унга чин ихлос ва муҳабbat билан кўйган эътиқодидир:

Уруж истар эсанг бу дайр ичинда фоний ўтилким,  
Малак узра қадам босиб ўттар аҳли фано густох.

Бу мақом ва мартабага эришиш учун факат эътиқод ва билимнинг ўзи камлик қиласи. Муҳаббат ва иштиёқ оловида тобланган маърифат, синовлардан ўтган чин ихлос соҳиби бўлган кишигина намоз пайтидаги қалб хузурига эриша олади. Жомийнинг "Силсилат уз-захаб" достонида келтирилишича, та-

риқат йўлига энди кирган мурид намоз пайтидаги хушуъ ва хузъ (кўнгилда Ҳақтаолонинг кўркуви ва муҳаббатидан бошқа нарса йўл топмаслик ҳолати) ни тополмай, бир неча марта намозини бузиб, қайта ўқишига киришади. Пири буни сезиб, танбех беради ва айтадики, йўлнинг охирида ҳосил бўладиган нарасани аввалбошда талаб қилиш ақлсизликдир. Ишқ даштидаги ўз имконидан ортиқ бўлган балоларни талаб қилиш – самандарлик хислатини касб этмай туриб, оловга оёқ кўйиш билан баробар:

Бало ичра далер урмат қадам то ошиқ ўлмайсан,  
Самандар бўлмагуна кирса бўлмас ўт про густох.

Ишқ водийсининг оташи шунчалик шиддатлики, тонг ҷоғи эсадиган сабо ҳам у томонга ўтса, самум – гармсегла айланиши хавфи бор. Мажоз тилида сабо – хушхабар, ёрнинг лутфу марҳаматидан мужуда, самум эса ёрнинг итоблари ва ишқ балоларини англатади. Демак, сабодек ёқимли ва жонга ҳузур бағишловчи бир хушхабар ҳам ишқ ўтининг шиддатидан самумдек ҳалокатли бўлиши мумкинлигини андиша қилиб, ёр ўз ошиғига хабар жўнагатмаяпти экан. Ишқ даштида ёрдан бир мужда келмаслиги ҳам меҳрибонликнинг бир кўринини эмиш:

Не муҳриқ водий эрмииш ишқ қўйи даштиким, ул ён ўтга олмас самум ўлмоқ ҳаросидин сабо густох.

Ганж – хазинани одатда ҳеч ким яшамайдиган вайроналарда кўмилиши ҳакида олдинги шарҳларда айтиб ўтгандик. Олтиннинг янга бир хосияти – илонлар кўмилган хазиналарни тез топиб, уни кўриклиб ётишаркан. Хазинани кўлга киритмоқчи бўлган одам

жасорат күрсатиб, олдин бу күрикчи, яньни аждахо-  
га айланган илонни ўлдириси лозим бўлади. Аммо  
факр кулбасида яширингтан хазинани жасорат ва бо-  
тирилик билан эмас, балки қалби синникик, ризо, қа-  
ноат ва шукроналик, тавозе ва адаб билан қўлга кири-  
тиш мумкин. Бу кулбага густохлик билан қўйиб  
бўлмас. Машойих айттаниларидек, тасаввуф – жумла  
одобдир:

*Шу жоат бирла кирмак кулбайи факр ичра  
бўймаским,  
Бу вайронни қила олмас ватан ҳар аждаҳо густоҳ.*

Кейинги байтларда “гадойи факр”ларга хос бўл-  
ган хислатлар – ҳар неки келса, тақдирдан рози бў-  
лиш ҳамда инон-ихтиёрини буткул Ҳак таоло иро-  
дасига мувофиқ этиш ҳакида сўз боради.  
“Насойим ул мухаббат” да берилишича, бир куни  
Хожай жаҳон Абдулхолик Ғиждувоний ҳузурида  
бир дарвеш деди:

– Агар Худованд таоло менга жаннат ва дўзахдан  
қайси биринни танлаш имконини берса, мен дўзахни  
ихтиёр қиласман. Чунки мен ҳеч қачон нафсим муро-  
ди билан яшамагаймен. Бу ҳолда жаннат нафс муро-  
дидир ва дўзах – Ҳак муроди.

Хазрат Хожа дарвешнинг сўзини ради қилиб, деди-  
лар:

– Бандага ихтиёр билан нима иши бор ҳар қаён  
бор деса, борурмиз ва қаёнда бўл, деса, бўлурмиз.  
Бандаликнинг шарти ушбутир, сен айттанингча  
эмас.

Мазкур байтларни Абдулхолик Ғиждувоний ғоя-  
ларининг шоирона ифодаси десак, адашмаймиз. Зо-  
тан, орифона газалларда Алишер Навоий энг авва-

ло, накшбандийлик ғояларидан илхомланган ва ўз  
ирфоний қарашларини шу таълимот асосида курга-  
нига ушбу байтлар ҳам асос бўла олади:

*Чу тоопмас ҳар неким, тақдирдур, бу дайр аро тагийир,  
Адаб эрмасдурур қилмоқ ҳар ишни мурдао густоҳ.*

*Не нозуқ хўйи бор ул дилрабонингким, ниёз аҳли,  
Шикоятқа не етгайким, дей олмаслар дую густоҳ.*

*Навоий ишқ истигносини то англади вахқим,  
Қила олмас фифон фориф, чека олмас наво густоҳ.*





**“КҮНГҮЛ ФАНО КУЧИДИН ЗҮРИ БОЗУ  
ИСТАРКИМ...”**

**«Fароийб үс сүгар», 108-ғазал**

Баҳор сенсиз ўлуптур манга ажаб дүзак,  
Кизил гул анда ўту оқ шукуфалар дур ях.

Баҳор сенсиз агар дүзак ўлса тонг эрмас,  
Бихишт ичинда лиң бўлмаса, эрур дўзак.

Хаёли хайли кўзумга келургадур гўё,  
Юзумки йўл-йўл ўлуптур сироишдин раҳ-раҳ.

Фариб келмади ширин лабинга ачиф сўз,  
Эмас ғарид чучук мева бўлса хоста талх.

Кўнгул фано кучидин зўри боzu истарким,  
Вужуд панжасини англамиш бағоят шах.

Навоий эгни ялангдур демангки, бордур анга  
Фано ҳасири, бало хораси насиж или нах.

Магар шаҳашхаби олиннда пайк бўлди сипеҳр  
Ки, қилимиш ўн кечалик ойни этнида начах.

**ЛУФАТ**

Шукуфга – дарахт ғули  
Биҳишт – жаннат

Ликро – дийдор  
Хайл – кўшин

Сиришк – кўз ёши  
Рах-раҳ – тараам-тарам, ажинлар

Хоста – данак  
Зўри бозу – билак кучи

Шах – қотган  
Ҳасир – бўйра

Хора – харсанг тош  
Насиж – тўқуилган матоҳ

Нах – нозик мато  
Ашҳаб – от

Пайк – элчи  
Сипеҳр – фалак, осмон

Ночах – ойболта

**ҒАЗАЛ ВАЗНИ**

Мужктасси мусаммани маҳбуни маҳзуф  
V-V- VV-- V-V- VV-

Мағоилун фаилотун мағоилун фаилун  
V-V- VV-- V-V- VV-

**НАСРИЙ БАЁН**

- Сенсиз менга баҳор ажаб бир дўзахга айланиди – гуллари ўтдек ёндирида, оқ ғунчлари муздек совуқ забтига олдиради.

• Бахор сенсиз дүзахга ўхшаса, ажаб эмас, зотан жаңнатаға хам висолинг бўлмаса, дўзахнинг айни ўзидир.

• Кўз ёшларимнинг излари юзимда йўл-йўл бўлиб, гўё хәёлинг кўшини кўзимга келишига йўл очди.

• Ширин лабингдан аччик сўз чикиши ажабланли Эмас. Зотан, ширин меванинг данаги одатда аччик бўлади.

• Кўнгил вужуд панжасининг қотиб қолган, нотавонлигини билгач, фано кучидан мадад истамоқда.

• Навоийни этни яланг (кийимсиз) демант, унга фано бўйраси палос, бало харсанг тоши эса юмшок ёстикдек бўлган.

• Фалак бу кечага гўё шоҳнинг оти олдидан ўн кечалик ойни кўлида болтадек ушлаб пўшт-пўшт айтиб келувчи хабарчи бўлди.

## ШАРҲ ВА ИЗОХЛАР

Алишер Навоийнинг "Муншашот" асаридағи мактубларнинг асосий қисми Султон Ҳусайн Бойқарога юборилганини биламиз. Бу мактублар ўзбек мумтоз насрининг ёнг сара намуналари бўлиш баробарида, икки маслақдош дўст, икки давлат таянчи, икки ижодкорнинг муносаbatлари ҳақида тўғри тасаввур хосил қилиш учун ҳам алоҳида аҳамиятга эга.

"Муншашот"нинг дастрлабки тўрт мактуби тўрт фаслнинг тасвирига бағишланган. Жумладан, биринчи мактубда муаллиф Наврӯз айёмида бошига тоғ сайри ҳавоси тушиб, у ерда гўзал бир масканни топгани, аммо бу хушҳаво маскан дўст дийдорисиз дўзахнинг айни ўзи эканини қайд қилиб, дийдор умидида қуйидаги сатрлар билан шоҳни таклиф

қиласди: "Ва лекин ул баҳори ҳаёт сұхбатидин айрулла ахбоб жониға доғ ўртагали шулье ва ҳар катра асхоб ҳаёти шамъини ўчургали Дажлае эрди. Густохлик юзидин фалонни қуллуққа йиборилди, агар кўжнавард ашҳабни қулла азиматига сурулса ва аният хоро шикоф тувоғидин секриған ўт била барқ ламъасидек мунтазирлар кўзларин ёртулса, тоғдин күёш чиққондек бўлғай ва баҳордин гул очилғондек кўрунгай".

Таҳлил қилинаётган ғазал ҳам ҳудди шу муносабат билан ёзилгани сабабли, мазкур мактубнинг шеърий давомига ўхшайди. Чунки бунда ҳам баҳор фасли дўст дийдорисиз дўзахдан нишон беради, очилған атиргуллар бозиллаб турган чўйдек қалбини ўртаса, оппоқ гуллаган дарахтлар музтоғлардек кўнгилни бу манзара томошасидан советади. Кола-верса, қиёмат куни ҳам мўминларнинг умиди - Ҳактаоло жамолини кўриш. Агар илоҳий жамол жангнада ҳам кўриниш бермаса, жаннатнинг дўзахдан фарқи қолмайди. Соғинч ва муштоқлик, хиджрон ва айрилиқ азоби ҳар қандай жаҳаннам қийноқларидан ҳам аламли:

Баҳор сенсиз ўлуттур манга ажаб дўзах,  
Қизил гул анда ўту оқ шукуфалардур ях.  
  
Баҳор сенсиз агар дўзах ўлса тонг эрмас,  
Биҳишт ичинда лиқо бўлмаса, эрур дўзах.

Учинчи байтда гўзал шоирона тасвирига дуч келамиз: дийдорга муштоқ ва интизор бўлган лирик қаҳрамон дўстининг ҳаёлини кўз ўнгидага жонлантириш учун ҳаракат қилмоқда. Тинмай оқаётган кўз ёшлари эса тарам-тарам бўлган ажиннлардан оқиб тушиб, гўёки унинг ҳаёли келиши учун йўл очмоқда:

*Хаёли хайли күзумга келургадур гүё,  
Юзумки ўзл-шул ўлуттур сиришкдин рах-рах.*

Түргинчи байт ширин лаб ва аччик сүз тазоди асосида курилган. Бу тазод мумгоз адабиётда жуда күп кўлланилган. Жумладан, Хоғиз Шерозий машхур "Агар он турки шерозий..." ғазалида бу маънни куйидагича ифодалаган:

*Агар даишном фармой в-агар нафрин, дуо гўям,  
Чавоби талҳ мезебад лаби латъли шакархоро.*

(Таржимаси:

*Агар даишном берарсан ёки қарғарсан, дуо қилгум,  
Ширин лабларга аччик сўз берар пардозу орони.)*

Шерозлик риндан илҳомланган ҳиротлик туркайни шу маънога янги тасвир воситалари, янги маънавий санъатлар ёрдамида бутунлай бошқача ранг ва тус берган. Кўклам тасвирига мос ҳолат ва кайфияти вужудга келтириб, анъанавий тимсоллар замирида бадиъ – нодир бир манзарани чиза олган. Икки марта кўлланилган "ғарib" сўзи биз ўрганиб қолган мусоғир маъносидамас, балки янги, ажиг, нодир каби маъноларни ифодалаб, тажнис ҳодисасини вужудга келтирган. Аччик данакли мева ширин бўлиши ҳакидаги далил (хусни тальил санъати) орқали бу аччик сўзлар ёрнинг лабини янада ширинроқ қилишига нозик ишора қилинганки, бу ҳам шоирнинг маҳоратидан дарак беради:

*Фарид келмади ширин лабинга ачиф сўз,  
Эмас ғарib чучук мева бўлса хоста талх.*

Кейинги икки байтда шоир ўзи энг яхши кўрган мавзу – фано бўлиш ҳакида сўз юритади. Кўнгиллинг маънавий сулуки ва руҳоният оламидаги юксалишларида жисмоний кувват етарли эмас. Нафси поклаш йўлидаги риёзатларни чекиш учун жисмоний кувватдан кўра руҳий кувват кўпроқ асқотади. Бунинг учун инсон ўзидаги тақаббурлик, манманлик, ёлғон, риёкорлик, ҳасад, ширк, лаганбардорлик, ғофиллик... каби ёмон хислатлардан холи бўлиб, таъвозе, садоқат, муҳаббат, қаноат, маърифат, раҳмдиллик, бағрикенглик каби хислатларни тарбиялаши керак. Худони бир лаҳза ҳам ёддан чиқаришга йўл кўймайдиган ҳамда Аллоҳдан ўзга кишидан таъма умидини узган, ўзини тупроқдан ҳам паст ҳисоблаб, хокисорликдан олам босиб ўтадиган ерга айланган зотлар ўзгаларнинг мол-дунёси, куч-кувват, амал ва мансаб-маргабаси ҳам эплолмаган эътибор ва эҳтиромга сазовор бўлади. Колаверса, одил султонлар ҳам кўпроқ бечора ва мискинларга шафқат ва муруват кўрсатадилар. Бинобарин, Навоий ёрнинг дийдорига факат ўзининг фонийисфатлиги ва балоқашлиги туфайли ҳакли эканини таъкидлайди:

*Навоий эгни ялангдур демангки, бордур анга  
Фано ҳасири, бало ҳораси насимж ила нах.*

Тахаллусдан кейинги байтда баҳорни байрамга айлантирган, дийдорига муштоқ этган зот – Султон Ҳусайн дўстининг давватини ижобат қилиб, кечаси қадам ранжида қилгани тасвиранади. "Ночах" – ўзбек тилида ойболта дегани. Ўн кунлик ойни сultonning ўйлини бўшатиб бораётган тун ясовули қўлидаги ойболтага ўхшатиб, ҳам ташбихи музмар (яширин ташбих) ва ҳам ийҳом санъатининг гўзал намунасини яратган:

*Магар шаҳ ашҳаби оллинда пайк бўлди ситехр  
Ки, қилмиш ўн кечалик ойни эгнида ноҳаҳ.*

Умуман, Навоий қайси мавзуда қалам тебратмасин, бадиият масаласи ҳамиша бирламчи мезон бўлиб қолаверган. Мазмунига кўра ғазал-даъватнома бўлган ушбу асар ҳам шунчаки ёзилган эмас. Бундаги фалсафий-ирфоний матънолар, руҳий-психологик кечинмалар, автобиографик унсурлар шундай қоришик келтирилганки, истаган маънода таҳлил ва таъвил килиш мумкин. Энг муҳими, бу ғазал бадиий-эстетик завқни ошириб, дидни нозиклаштиради. Бадиий асар яратишдан ҳам асосий мақсад шу.

Тонг эмастур, бўлса ҳар сарви париухсор шўх,  
Лек эрур сарви париўюм менинг бисёр шўх.  
  
Гар менинг шўхи ситамкорим паризод ўлмаса,  
Мумкин эрмас одамий бўлмоғлиғ ул миқдор шўх.

Турмаса қон бу кечак ќуксум шикофидин, не тонг  
Ким, эрур кўнглумга кирган чобуки айёр шўх.  
  
Вах, не тонг ҳар лаҳза бетоқатлиғимким, дилбарим  
Бовуқуди хусн, ҳам ширин эрур, ҳам бор шўх.

То етишгай жонға еткурган кўнгулга юз бало,  
Шукр этарменким, насиб ўлмиш манга дилдор шўх.  
  
Шўхлардин туз қадам кўймок чу келмас, воказиф ўл  
Ким, ситамгар чобукеదур ҷархӣ қажрафтор шўх.

Гар дессангким, жонға етмай ҳар замон бир жаврдин,  
Эй Навоий, панд эшигт, ёр истама бисёр шўх.



**“ЭЙ НАВОИЙ, ПАНД ЭШИГТ,  
ЁР ИСТАМА БИСЁР ШЎХ...”**

**«Faroyib us sifar», 109-ғазал**



## ЛУГАТ

*Парирүхсөр – сохижамол, чөхраси париларники-  
дек гүзэл*

*Ул миқдор – унчалик*

*Шикоф – тешик*

*Не тонг – не ажасаб*

*Туз – түүгри*

*Вокиф – огох*

*Чобук – чаккон*

*Панд – ўгит, наасыат*

## ҒАЗАЛ ВАЗНИ

*Рамали мусаммани маҳзүф*

*-V-- -V-- -V-- -V-*

*-V-- -V-- -V-- -V-*

*Фоилотун фоилотун фоилотун фоилотун*

## НАСРИЙ БАЁН

• Сарвикомат паричхэралар шүх бўлишса, ажаб-  
мас, аммо менинг гўзалим жуда ҳам шўх.

• Менинг золим шўхим паризод экани шубҳасиз,  
чунки одам боласи бунчалик шўх бўлиши мумкин  
эмас.

• Бу кеча кўксим жарохатидан қон тўхтамай оқса  
ажабмас. Негаки кўнглимга кирган ул чобуки айёр  
жуда шўхдир.

• Ҳар лаҳзада бетоқат бўлишимга ажабланманг.  
Менинг ёрим ҳам гўзал, ҳам ширинсўз ва ҳам жуда  
шўх бир дилбар.

• Жону кўнглимни юз балога гирифтор этса ҳам  
менга шўх бир дилдор насиб этмиш деб шукр қила-  
ман.

• Шўхлар хеч қачон тўғри қадам кўймайдилар,  
эгриқадам фалакдан огох бўлким, аслида, золим ва  
ситамгар бир чобукдир.

• Эй Навоий, ҳар замон етажак жабру жафолар да-  
стидан жонингдан тўймокни истамасант, ўйтитимга  
кулоқ солиб, жуда шўх бўлган ёринг бўлишини орзу  
қилма.

## ШАРҲ ВА ИЗОХДАР

Ғазални мажозий мухаббат тараннуми сифати-  
да баҳолаш мумкин. Үнда маҳбуба сарви паририй,  
шўхи ситетамкор, чобуки айёр, ширин ва шўх дилбар,  
дилдор каби истиоралар билан сифатланади. Бу ис-  
тиоралар радиф вазифасини бажарган шўх сифати-  
нинг турли қирраларини очишга хизмат қилган.  
Алишер Навоий қундалик ҳаётда табъи ҳа-  
зил-мутойибага мойил шахс сифатида танилган.  
Замондошлари Хондамир, Зайниддин Маҳмуд Воси-  
фий, Мирзо Ҷаббор асарларида Навоийнинг муто-  
йибалирига алоҳида ўрин ажратишган. Колаверса,  
шоирнинг ўзи ҳам сухбатдошларидағи юмор ва  
кулугта мойил хислатларини қадрлаб, буни алоҳи-  
да тарькидлаган. Жумладан, энг яқин кишилари  
ҳакида ёзган учта хотира-биографик асарнинг ик-  
китасида ("Холоти Пахлавон Мұхаммад", "Хамсат  
ул-мутахайирин") мутойибаларга алоҳида ўрин  
берилган. "Мажолис ун-нафоис" да замондош шоир-  
лар зикрига бағишланган бобларда шўхтабъылар хи-  
слати алоҳида тарькидланган: "Мавлоно Ҳоварий –  
самарқандидур ва дарзигарликка (тикувчилик)

*Магар шаҳ ашҳаби оллинда пайк бўлди сипеҳр  
Ки, қилмиш ўн кечалик ойни эгнида ночаҳ.*

Умуман, Навоий қайси мавзуда қалам тебратмасин, бадиият масаласи хамиша бирламчи мезон бўлиб қолаверган. Мазмунига кўра ғазал-даъватнома бўлган ушбу асар ҳам шунчаки ёзилган эмас. Бундаги фалсафий-ирфоний маънолар, руҳий-психологик кечинмалар, автобиографик унсурлар шундай қоришиқ келтирилганки, истаган маънода таҳдил ва таввил қилиш мумкин. Энг мухими, бу ғазал бади-и-эстетик завқни ошириб, дидни нозиклаштиради. Бадиий асар яратишдан ҳам асосий мақсад шу.

**“ЭЙ НАВОИЙ, ПАНД ЭШИТ,  
ЕР ИСТАМА БИСЁР ШЎХ...”**

**«Ғаройиб ус сиғар», 109-ғазал**

Тонг эмастур, бўлса ҳар сарви париухсор шўх,  
Лек эрур сарви париўом менинг бисёр шўх.

Гар менинг шўхи ситамкорим паризод ўлмаса,  
Мумкин эрмас одамий бўлмоғлиф ул миқдор шўх.

Турмаса қон бу кечча кўксум шикофидин, не тонг  
Ким, эрур кўнглумга кирган чобуки айёр шўх.

Вах, не тонг ҳар лаҳза бетоқатлиғимким, дилбарим  
Бовужуди хусн, ҳам ширин эрур, ҳам бор шўх.

То етишгай жонға еткурган кўнгулга юз бало,  
Шукр этарменким, насиб ўлмиш мангаг дилдор шўх.

Шўхлардин туз қадам кўймок чу келмас, воқиф ўл  
Ким, ситамгар чобуқедур чархи кажрафтор шўх.  
  
Гар десангким, жонға етмай ҳар замон бир жаврдин,  
Эй Навоий, панд эшит, ёр истама бисёр шўх.



## ЛУГАТ

*Парцирхор – сохрежамол, чөхраси париларникин дек гүзәл*

*Ул миңдор – унчалик*

*Шикоф – тешик*

*Не тонг – не ажаб*

*Түз – түғри*

*Воқиф – огох*

*Чобук – чакъон*

*Панд – ўғит, насиҳат*

## ҒАЗАЛ ВАЗНИ

Рамали мусаммани маҳзумф

-V-- -V-- -V-- -V-

-V-- -V-- -V-- -V-

Фоилотун фоилотун фоилотун

## НАСРИЙ БАЁН

• Сарвикомат паричехралар шүх бўлишса, ажабмас, аммо менинг гўзалим жуда ҳам шўх.

• Менинг золим шўхим паризод экани шубҳасиз, чунки одам боласи бунчалик шүх бўлиши мумкин эмас.

• Бу кечага кўксим жароҳатидан кон тўхтамай оқса ажабмас. Негаки кўнглимга кирган ул чобуки айёр жуда шўхдир.

• Ҳар лаҳзада бетоқат бўлишимга ажабланмант. Менинг ёрим ҳам гўзал, ҳам ширинсўз ва ҳам жуда шўх бир дилбар.

- Жону кўнглимни юз балога гирифтор этса ҳам менга шўх бир дилдор насиб этмиш деб шукр киласан.

- Шўхлар ҳеч қачон тўғри қадам қўймайдилар, эгриқадам фалакдан огоҳ бўлким, аслида, золим ва ситамгар бир чобукдир.

- Эй Навоий, ҳар замон етажак жабру жафолар дастидан жонингдан тўймоқни истамасанг, ўйтимга кулок солиб, жуда шўх бўлган ёринг бўлишини орзу килма.

## ШАРХ ВА ИЗОХДАР

Ғазални мажозий муҳаббат тараннуни сифатида баҳолаш мумкин. Унда маҳбуба сарви парирўй, шўҳи ситамкор, чобуки айёр, ширин ва шўх дилбар, дилдор каби истиоралар билан сифатланади. Бу истиоралар радиф вазифасини бажарган шўх сифатининг турли кирраларини очишга хизмат килган.

Алишер Навоий кундалик ҳаётда табы ҳазил-мутоғибага мойил шахс сифатида танилган. Замондошлиари Хондамир, Зайниддин Маҳмуд Восифий, Мирзо Бобур асарларида Навоининг мутонибалирига алоҳида ўрин ажратишган. Қолаверса, шоирнинг ўзи ҳам сужбатдошлидаги юмор ва кулгуга мойил хислатларини қадрлаб, буни алоҳида тарькидлаган. Жумладан, энг яқин кишилари жакида ёзган учта хотира-биографик асарнинг иккитасида ("Холоти Пахлавон Муҳаммад", "Ҳамсат ул-мутахайирин") мутойибаларга алоҳида ўрин берилган. "Мажолис ун-нафоис" да замондош шоирлар зикрига бағишилнган бобларда шўхтабълик хислати алоҳида тарькидлаган: "Мавлоно Ҳоварий – самарқандлийдур ва дарзигарликка (тикувчилик)

Мансуб эрди. Бадиҳани равон айтур эрди ва табби хейли шүх эрди”.

Шу билан бирга Навоий ҳазил-мутойибада ҳаддан ошмаслик, мутойибалар ҳамиша одоб доирасида бўлиши тарафдори бўлган<sup>1</sup>. Аммо ғазалда шoir ўзининг ёрини вастф этаркан, уни “бисёр шўх” экани, бу даражадаги шўхлик одам боласи кўлидан келмаслигини мамнун ва мафтун ўлароқ алоҳида кайд этади:

*Тонг эмастур, бўлса ҳар сарви париужсор шўх,  
Лек эрур сарви паририум менинг бисёр шўх.*

*Гар менинг шўхи ситамкорим паризод улмаса,  
Мўмкин эрмас одамий бўлмоғлиф ул миқдор шўх.*

Маълум бўладики, бу “шўх”лик, аслида, паризод наслидан бўлган, ғайб оламига тегишли илоҳий бир хилқатнинг сифати экан. Ирфоний манбаларда шўхлик сифати одатда илоҳий жазба ғалабаси хамда ғайбий илтифотларга нисбатан кўлланилган. Хўш, жазбанинг ўзи нима? Устоизимиз Нажмиддин Комилов жазбани сўфилик истеъоди сифатида баҳолаб, жумладан, шундай деганлар: “Жазба – бу инсондаги алоҳида илоҳсеварлик майли, руҳий ва тафаккурий-шуурий бир таважжуҳидир.. Жазба – тортиш, Ҳақнинг бандаларига ва бандаларнинг Ҳаққа интилиши, иродани Илоҳга боғлайдиган дард. У кўнгилни бетоқат этиб, факру фано йўлига етаклайверади. Жазба қанча кучли бўлса, солик шунча тез тарикат одобини ўзлаштириб, қалб кўзи

<sup>1</sup> Ушбу масала бўйича батағсил маълумот олишни хоҳловчилар таники олим А.Абдуғафуровнинг “Навоий сатираси” (“Фан”, 1996) китобига мурожаат қилишлари мумкин.

очилади, ҳолга киради” (Н.Комилов, “Тасаввувф”, 33-бет).

Бу таърифдан маълум бўладики, ғазалда тарьиғланган маҳбубанинг шўхликлари илоҳий муҳаббат дардини кучайтириш ва кўнгилни поклаш учун бир восита. Бу шўхнинг кўнгилни макон тутиши ҳамда чок бўлган сийнадан қон оқишининг тўхтамаслиги ҳам шу дардининг ғалаёни, иштиёқнинг зўрайишидан нишона:

*Турмаса қон бу кеча қўксум шикоғидин не тонг  
Ким, эрур кўнглумга кирган чобуки айёр шўх.*

Кейинги икки байтда шўхтабъ ёрга дилбар ва дилдор истиоралари нисбат берилган. Бу сифатлар сиртдан бир-бирига яқин бўлса-да, ирфоний тили-да бошқа-бошқа матьноларни ифодалайди. Фахриддин Ироқий талкинига кўра, дилбарлик – кўнгилда муҳаббат дарди, андуҳ ва фуссани кўпайтирувчи, бепарволиги, истифноси билан соликни қабз ҳолига тушириш бўлса, дилдорлик – ошиқ кўнглида сурур, умид ва муҳаббат туйғуларини кучайтирувчи, меҳри-бонлиги ва ғамхўрлиги билан соликни баст ҳолига тушириш демакдир. Шунинг учун ошиқ ўз шўхининг дилбарлигидан бетоқатлиги ошиб кетса, дилдорлиги юз тутган ҷоғларда кўнгилга юз бало юзланса-да, бу балоларни шукроналик билан қабул қиласди:

*Ваҳ, не тонг ҳар лаҳза бетоқатлиғимким, дилбарим  
Боевужуди ҳусн, ҳам ширин эрур, ҳам бор шўх.*

*To етишгай эжонга еткурган кўнгулга юз бало,  
Шукр этарменким, насиб ўлмиш манга дилдор шўх.*

Мавъиза охангидаги олтинчи байтда шўх сифати салбий касб этади. Бу байтда шўх сўзи бетаинник, тутуриксизлик, алдоқчилик каби хусусиятларни ҳам ўзида жамлаши мумкинлиги билвосита кўрсатиб ўтилган. Шу орқали шоир бир сўзининг ҳам ижобий, ҳамирфоний-фалсафий, ҳам салбий маъноларини бир газалда ифодалаш маҳоратини намоён этган:

*Шўхлардин туз қадам кўймок чу келмас, воқиф ўл  
Ким, ситамгар чобукедур ҷархи қажрафтор шўх.*

Хулуса қилувчи мактაъда шоир ўзига “ёр истама бисёр шўх” деб ўйтит беради. Шўхни қайси маънода қабул қиласак ҳам бу ўтит айни ҳакиқат бўлиб чиқаверади: ахлоқ нуқтаи назаридан шўхтабълик хаддан ошса, эътибор ва эҳтиром, викор йўқолади; ирфон нуқтаи назаридан шўхлик – илоҳий жазба куҷайса, солик мажнунисифат бўлиб, жамият уни қабул қилмай қолади:

*Гар десангким жонга етмай ҳар замон бир жаеврдин,  
Эй Навоий, панд эшит, ёр истама бисёр шўх.*



**“ВАҲКИ, ҲИЖРОН ШАРБАТИДИН  
БИЗГА БЎЛДИ КОМ ТАЛХ...”**

**«Гаройиб ус сифар», 110-ғазал**

Вахки, ҳижрон шарбатидин бизга бўлди ком талх,  
Ҳар киши заҳр ичса бўлғай ком анга ноком талх.

Ҳажр етса май била дедим овунгаймен, валек  
Ёрсиз бор эрмиш ичмак бодайи гулфом талх.

Шоми ҳажримдин не оғаҳулки ҳижрон тунлари  
Тонгға тегру тўқмади шўробани бир шом талх.  
Шарбати сабр отини тутмангки, бир ой ҳажридин  
Оғзима хайвон зулолин айламиш айём талх.


Оғзидин аччиғ сўз айтиб зоҳир этса заҳри чашм,  
Айб эмастур писта шўру тонг эмас бодом талх.  
Жоми ҳижрон чеккали билдимки, жавринг сабб  
эмас,

Май неча талх ўлса, кўрмас они заҳр ошом талх.

Носабур ўлмас кўнгулга етса хуноби фироқ,  
Не учунким талх май ичкандин ўлмас жом талх.

Умр шаҳди бас чучукдур, лекин охир қилмаса  
Марг заҳри бирла они даҳри нофаржом талх.

Васл жомидин Навоий элга бўлди баҳра нўш,  
Вахки, ҳижрон шарбатидин бизга бўлди ком талх.



## ЛУРAT

*Кол – ҳалкум*

*Ноком – ношломс*

*Гулфом – қизил, гул рангыда*

*Тегру – -гача*

*Шүрбә – шүр сүв; маж.:йиғи*

*Хайвон зулоли – ҳаёт сүви*

*Саъб – қийин*

*Захрошом – заҳар ютуучи*

*Носабур – сабрсиз*

*Хуноб – қонли ёш*

*Шаҳд – асал, ширинлик*

*Даҳр – дүнё*

*Нофаржом – фоний*

*Баҳра – насиб*

*Нүш – ҳаёт сүви*

## ҒАЗАЛ ВАЗНИ

Рамали мусаммани маҳзұф

-V— -V— -V— -V—

-V— -V— -V— -V—

Фоильтун фоильтун фоильтун фоильтун

## НАСРИЙ БАЁН

- Эвоҳ, ҳижрон шарбатидан бизнинг оғзимиз аччик бўлди. Кимки заҳар ичса, унинг оғзи истаса-истамаса аччик бўлади.
- Ҳижрон пайти май билан овуңтайман дегандим. Аммо ёрсиз ичилган қизил шароб ҳам аччик бўларкан.

- Ҳижрон кечалари шомдан тонгтacha аччик кўз ёш тўкмаганлар менинг хижрон шомидаги ҳолим-дан қандай огох бўлсин?!
- Сабр шарбатини зинҳор тилга олмангки, бу фурсатда бир ой хижронида оғзимга жагто ҳаёт суви аччик таъм бермоқда.

- Оғзидан аччик сўз чикиб, заҳарли нигоҳ ташлашлари айб эмас. Ахир, кўпинча писта – шўр, бодом-аччик бўладику?!
- 6. Ҳижрон бодасини ичib, шуни билдимки, жавру жафоларингни чекиш унча қийин эмас экан. Захар ичib юрган кишига шарбнинг аччиқлиги билинмайди.

- Кўнгилга фирокда тўкилган қонли ёшлар етиб боргач, ортиқ тоқатсизланмайди. Чунки аччик май ичгангандан сўнг кейинги жомлар аччиқлиги билинмайди.

- Умр – асалдек ширин, лекин уни барибир бу фо-ний дунё ажал заҳри билан аччик қиласади.
- Эй Навоий, эл висол шаробидан баҳраманд бўлиб, гўё қайта тирилди. Эвоҳ, ҳижрон шарбатидан бизнинг оғзимиз аччик бўлди.

## МАРХ ВА ИЗОҲЛАР

- Мавлоно Жомийнинг "Фотихат уш-шабоб" дево-нидан куйидаги матлаъ билан бошланадиган "талх" радифили ғазал жой олган:

- Эй бе лаби туам ба даҳон қанди ноб талх,  
Дар коми чом бе лаби лаълат шароб талх.  
Таржимаси:  
Эй, қанд лабларингиз эрур комда тахир  
Ҳам лаъл лабларингиз у май жомода тахир.

Устозининг ушбу ғазалига жавоб ёзган Навоий ғазал вазни ва кофиясини ўзгартирди: Жомий-нинг ғазали музориъ мусаммани ахраби макфуфи маҳзуз фазнида бўлса, Навоининг жавобиаси расми мусаммани маҳзуфда битилган. Равий ҳарфи Жомий ғазалида “бे” ҳарфи бўлса, Навоий ғазалида “мим” ҳарфи равий ҳарфи вазифасини бажарган. Шунинг баробарида, Навоий томонидан ғазалнинг умумий руҳи ҳамда радифни сакланган ҳолда “талх” ғазалининг “туркона тавр” и яратилган:

Ваҳки, ҳижрон шарбатидин бизга бўлди ком талх,  
Ҳар киши заҳр ичса бўлғай ком анга ноком талх.

Жомийнинг ғазалида тазод санъати унсурлари етакчилик қиласи. Жумладан, унинг ғазали матлаъида қанд билан ёрнинг лаби қарама-карши кўйилиб, талх сифатига урғу берилган ҳолда ёр лабининг ширинлигига ишора қилинади. Навоий ғазалида эса, барча маъно ва мазмунлар, гасвир ва ўҳшатишлар радиф вазифасини бажараётган талх сўзининг маъно меҳвари атрофида айланади. Матлаъда хусни таълил ёрдамида ҳижрон “шарбат” и заҳардек қаттол эканлиги айтилган бўлса, кейинги байтда ёрнинг ҳижронида ичилган ширин шароб ҳам аччик туолиши таъкидланган:

Ҳажр етса май била дедим овунгаймен, өалек  
Ёрсиз бор эрмии ичмак бодайи гулфом талх.

Ҳижроннинг аччик азобларини ҳамма ҳам ҳис этавермайди. Ҳижрон – шунчаки айрилиқ, кимнидир бир муддат кўролмай қолиши, оддий соғинч эмас. Ҳолбуки, соғинч ва дийдор талабининг ҳам

ўзига яраша қийнок ва азоблари бор. Ҳаётдаги та-янч нуқтасини йўқотган, яшашга мазмун бағишилаб турган умидидан мосуво бўлган, бутун вужуди билан талпиниб турган жойида рад этилган инсонтига на ҳижрон азобини билади, айрилиқнинг ниҳоясиз шомлари кўнглидаги орзу ва умид чироқларини сўндиргач, аччик-аччик кўз ёш тўкишдан бошқа чораси қолмаган бечоралар бу дардни жондан ҳис қилишади:

Шоми ҳалсримдин не оғаҳулки ҳижрон тунлари  
Тонгта тегру тўқмади шўробани бир шом талх.

Ҳижрон шарбатини тотган кишига сабрнинг аччик шарбати ҳам фойда бермайди. Сабр, “Махбуб ул-кулуб” да зикр этилганидек, “ошиқларға мараздур қотил ва беморларга заҳредур ҳалоҳил... йўли бодиясида зулумоти оғат, Ҳизрдек ани қатъ қилғонға баҳра зулоли ҳаёт”. Ишқ ахли учун қаттолидардга ўхшаган сабр шарбатини тотган киши оқибат Ҳизр ҷашмасига етмоғи мумкин, аммо ойдай гўзгал ёрнинг ҳижронида ҳатто оби ҳаёт ҳам ошиқнинг оғзига ўлим шарбатидек аччик таъм бермокда. Қолаверса, ҳижронда ўтадиган абадий ҳаётдан не наф?! Бундай ҳаётдан ўлим афзал эмасми?

Шарбати сабр отини тутмангзи, бир ой ҳажридин  
Оғзима ҳайвон зулолин айламши айём талх.

Ёр висолисиз яшашдан кўра ўлимни афзал билган шоир бу foяни янада ривожлантириб, куйидаги байтда ҳаёт ва ўлим ҳакидаги фалсафий қарашларини баён этади:

*Умр шаҳди бас чуучкдур, лекин охир қилмаса  
Марг заҳри бирла они даҳри нофаржом талх.*

Бу маънолар Шайх Саъдийнинг ғазалида қуйидагича баён этилган:

*Бечора одамий, ки агар худ ҳазор сол  
Мухлат биёбад аз ажалау комрон шавад.*

*Ҳам оқибат чу наебати рафтан ба вай расад,  
Бо сад ҳазор ҳасрат аз ин жо равон шавад.*

(Мазмуни: Шўрлик одамий зот минг йил яшаб, ўз максадига эришган чоғда ҳам, бир куни кетиш наебати етганда, юз минг ҳасрат билан бу дунёни тарк этади).

Мактаъда Навоий раддул-матлаъ санъатини кўллаб, матлаъдаги биринчи мисрани ғазалнинг сўнгида айнан келтирган. Биринчи байтда хижрон шарбатидан тотган ошиқ ўлим талвасасига тушган кипшидек оғзи аччик бўлгани байн этилганлигини қайд этиб ўтдик. Мазкур ҳолат ва кайфият ғазалда байтма-байт тадрижий равишда кучайтирилиб, мактабда бу ҳолат ишқ аҳли ичра факат Навоийга хос эканлиги таъкидланади. Навоий ҳам эл қатоги висол жомидан баҳраманд бўлиши мумкин эди, аммо унга бошқа шарбат – хижрон шарбати насиб этган. “Риёз ус-солихин” да келтирилишича, фаришталар Ҳақ таолодан Одам болаларининг азиз ва мукаррам эканлигининг сабабини сўраганида Аллоҳ таоло “бу бандаларимнинг тотган хижрон шарбати уларни бу мақомга кўтарди”, деб жавоб берган экан. Шу сабабдан бўлса керак, Навоий элнинг ви-

сол шарбатидан кўра, оғзини аччик қилган хижрон шарбатини афзал билиб, фикрини қуидагича хуло-салайди:

*Васл жомидин Навоий элга бўлди баҳра нўш,  
Ваҳқи, хижрон шарбатидин бизга бўлди ком талх.*



## МУНДАРИЖА

05-ғазал. Хирмани руҳсорига солмиш майи гулнори ўт.....	188
06-ғазал. Лолзозор эрмаски, охимдин жаҳонга тушти ўт.....	193
07-ғазал. Войким, душмандек ўди аҳидин бегона дўст.....	198
08-ғазал. Бош кўярмен куп аёгинда май ичсан пайваст .....	205
09-ғазал. Қачонки ул бути ширин калом қилди хадис .....	213
90-ғазал. Нугузи жон бермак қилиур ул латъли хандон бўрия бахс.....	220
91-ғазал. Менинг жунунума гар ул пари эрур боис.....	227
92-ғазал. Бузуз кўнгулга фано бўлса ком, чексун ранж.....	234
93-ғазал. Эй гадойининг гадойи барча аҳди тақту тој.....	240
94-ғазал. Чарх изинг гардига қилди қавқаби сайёр харж.....	247
95-ғазал. Майи латълинг эрур жон бирла мамзуж .....	253
96-ғазал. Кўнгуллар ноласи зулфунг камандин ногаҳон кўргач.....	259
97-ғазал. Жамолин васф этармен ҳамдамим ул гульузор ўлғач.....	266
98-ғазал. Ҳусни ортар юзда зулфин анбарафшон айлагатч.....	272
99-ғазал. Етишса ишқ аро юз меҳнату бало, қадаҳич .....	278
100-ғазал. Фақр аҳлиға подишо муҳтоҷ .....	284
101-ғазал. Зиҳи тилинг ана афсаҳ тақалумида фасих .....	290
102-ғазал. Баданга келмади то азми кўюнг айлади руҳ .....	296
103-ғазал. Кўнгулни муғбача олди, муғона тут акдоҳ .....	303
104-ғазал. Нега кўргузди совуғ оху сариф руҳсор субҳ .....	309
105-ғазал. Рўзаву тул етию ичмас ул ой гулгун қадаҳ .....	316
106-ғазал. Эй манга жонбахаш гулбарги тарингдин тоза руҳ .....	323
107-ғазал. Гадойи факр ила сўз айтига олмас подишо густоҳ .....	330
108-ғазал. Баҳор сенсиз ўлуптур манга ажаб дўзах .....	338
109-ғазал. Тонг эмастур бўлса ҳар сарви париуҳсор шўх .....	345
110-ғазал. Важки, хижрон шарбатидин бизга бўлиди ком талк .....	351
<b>— 1920 —</b>	
<b>ОЛІВ ВА ОРТА МАКСАД ТАҲСИЛ АҲЗИЛОН ОЛИВ ВА ОРТА МАКСАД ТАҲСИЛ АҲЗИЛОН ТОШКЕНТ ВОЛГОЧИ СИРСИЧИО ДАЙЛАЙ ПЕДАГОГИКА ИНСТИТУТИ АҲБОРОТ РЕСУРС МАРКАЗИ</b>	
56-ғазал. Сўзи ҳажринг ичра ҳар дам затъфлиғ жисмим ёниб .....	3
57-ғазал. Хаста жоним затъфин англа, кўнглум афғонин кўруб .....	9
58-ғазал. Кўз ёшим бўлди равон бир наргиси жоду кўруб .....	16
59-ғазал. Ўлукни тиргузур лаълинг Масиҳосо қалом айлаб .....	23
60-ғазал. Кон ёшим йўлунгда томмайдур кўзум гирён бўлуб .....	30
61-ғазал. Кимса ёри бирла күштур ғам дейишиб мунтрашиб .....	36
62-ғазал. Кезармен кўйида йиллар назар ҳолимга солғай деб .....	43
63-ғазал. Дам-бадам жоми тараф гайр ила ул моҳ чекиб .....	48
64-ғазал. Не маҳласим бор анинг ишқидин канора қилиб .....	54
65-ғазал. Ул ой қасдима тийғи буррон чекиб .....	61
66-ғазал. Чобукум раҳуш уза хижрон йўлида пўя қилиб .....	67
67-ғазал. Мендин ул ҷобукнинг, эй пайки сабо, майдонин ўп .....	73
68-ғазал. Зулфу юздин сунбулунгни гул уза тарқатма кўп .....	79
69-ғазал. Касли жоҳининг сипехр авжида айвон бўлди тут .....	86
70-ғазал. Эй кўнгуд, ул аҳди ёлғон меҳр шартин қилди тут .....	94
71-ғазал. Кел-кел, эй курбон кўнгут, ул коши ё мөхрин унунт .....	99
72-ғазал. Оҳқим, ул ошно бегона бўлди оқибат .....	105
73-ғазал. Жаҳдим андоқдур етиштаменму деб валингга бот .....	112
74-ғазал. Тийра кулбамга кириб, жоно, ўлумдин бер нажот .....	119
75-ғазал. Кўзум учарки, хумоюн изузнти кўргай бот .....	125
76-ғазал. Эй кўнгут, ёр ўзгалар домига бўлди пойбаст .....	131
77-ғазал. Субҳ эрур соқию мен маҳмурмен, сен майпараст .....	138
78-ғазал. Жунун тоши уруб ҳар ён янги доғимни афтор эт .....	144
79-ғазал. Вуждум ўртадинг, эй ишқ, эмди тарким тут .....	150
80-ғазал. Кўнглум олди бир парипайкар малаксиймо йитит ..	157
81-ғазал. Масти чисти яна ул котили бебок йигит .....	164
82-ғазал. Ёна солди ҳажр ҳам тан, ҳам кўнгуд, ҳам жонга ўт .....	170
83-ғазал. Важки, ҳажринда жаҳон бўлди кўзумга зулумот .....	176
84-ғазал. Эй насими субҳ, аҳволим дилоромимға айт .....	182

**Илмий нашр**

**Олимжон Давлатов**

# **МАТЬНОЛАР ХАЗИНАСИ**

**Алишер Навоий ғазалларига шарҳлар**

Нашр учун мастьул: Раевсан Ҳайдаров

Муҳаррир: Одил Икром

Мусаххих: Шоҳрӯз Мўминзода

Техник муҳаррир: Диёра Абдужалолова

Дизайнер: Баҳриддин Бозоров

Саҳифаловчи: Ақмал Фармонов

“TAMADDUN” нашриёти. 100029, Тошкент шаҳри,  
Навоий кўчаси 30-үй.

Нашриёт лицензияси раками AI №247.  
02.10.2013 йилда берилган.

Босишига руҳсат этилди 01.02.2021 й. Бичими 84\*108<sup>1/32</sup>.  
Cambria гарнитуаси. Шартли босма табоби 18.9.  
Нашриёт табоби 18.5 Адади 10 000 нуска.

Бутортма № 203-21.

«Credo Print» МЧЖ  
китоб фабрикасида чоп этилди  
Тошкент ш., Боришамол к. 160.  
[www.credoprint.uz](http://www.credoprint.uz)